

萬 有 文 庫

第 二 集 七 百 種

王 雲 五 主 編

徐 孝 穆 集

徐 陵 撰

吳 兆 宜 箋 注

商 務 印 書 館 發 行





徐 孝 穆 集

徐 陵 撰

吳 北 宜 箋 注

國 學 基 本 叢 書

王雲五主編  
萬有文庫

徐孝穆集

中華民國二十六年六月初版

撰者 徐陵

箋注者 吳兆宜

發行人 王雲五  
上海河南路

印刷所 商務印書館  
上海河南路

發行所 商務印書館  
上海及各埠

中E五一五八

密

(本書校對者朱廣福)



# 四庫全書總目

集部  
別集類一

徐孝穆集箋註六卷。陳徐陵撰。國朝吳兆宜註。隋書經籍志載陵集本三十卷。久佚不傳。此本乃後人從藝文類聚、文苑英華諸書內採掇而成。陵文章綺麗。與庾信齊名。世號徐庾體。陳書本傳稱其緝裁巧密。多有新意。自有陳創業。文檄軍書及禪授詔策。皆陵所製。爲一代文宗。其集舊無註釋。兆宜旣箋庾信集。因并陵集箋之。未及卒業。其同里徐文炳續爲補緝。以成是編。其中可與史事相證者。如資治通鑑、梁武帝太清二年遣建康令謝挺、散騎常侍徐陵等聘於東魏。胡三省註謂建康令秩千石。散騎常侍秩二千石。謝挺不當在徐陵之上。蓋陵將命而使挺特輔行耳。今案集中。在北齊與楊僕射書。有云。謝常侍今年五十有一。吾今年四十有四。介已知命。賓又杖鄉云云。是謝挺實爲正使。蓋假散騎常侍以行。特通鑑但書其本官。並非舛錯。胡三省未考陵書。未免曲爲之說。參諸此集。可正其譌。而兆宜所箋。略不言及。蓋主於摭拾字句。不甚考訂史傳也。然箋釋詞藻。亦頗足備稽考。故至今與所箋庾信集並傳焉。

# 本傳

姚察暨子思廉撰

徐陵字孝穆。東海郟人也。祖超之。齊鬱林太守。梁員外散騎常侍。父攜。梁戎昭將軍。太子左衛率。贈侍中。太子詹事。諡貞子。母臧氏。嘗夢五色雲化而爲鳳。集左肩上。已而誕陵焉。時寶誌上人者。世稱其有道。陵年數歲。家人攜以候之。寶誌手摩其頂曰。天上石麒麟也。光宅惠雲法師。每嗟陵早成就。謂之顏回。八歲能屬文。十二通莊老義。旣長。博涉史籍。縱橫有口辨。梁普通二年。晉安王爲平西將軍。寧蠻校尉。父攜爲王諮議。王又引陵參寧蠻府軍事。大通二年。王立爲皇太子。東宮置學士。陵充其選。稍遷尙書度支郎。出爲上虞令。御史中丞劉孝儀與陵先有隙。風聞劾陵在縣贓汙。因坐免。久之。起爲南平王府行參軍。遷通直散騎侍郎。梁簡文在東宮。撰長春殿義記。使陵爲序。又令於少傅府述所製莊子義。尋遷鎮西湘東王中記室參軍。太清二年。兼通直散騎常侍。使魏。魏人授館宴賓。是日甚熱。其主客魏收嘲陵曰。今日之熱。當由徐常侍來。陵卽答曰。昔王肅至此。爲魏始制禮儀。今我來聘。使卿復知寒暑。收大慙。及侯景寇京師。陵父攜先在圍城之內。陵不奉家信。便蔬食布衣。若居憂恤。會齊受魏禪。梁元帝承制於江陵。復通使於齊。陵累求復命。終拘留不遣。陵乃致書於僕射楊遵彥。遵彥竟不報書。及江陵陷。齊送貞陽侯蕭淵明爲梁嗣。乃遣陵隨還。太尉王僧辯初拒境不納。淵明往復致書。皆陵辭也。及淵明之入。僧辯得陵大喜。接待



餽遺其禮甚優。以陵爲尙書吏部郎。掌詔誥。其年高祖率兵誅僧辯。仍進討韋載。時任約。徐嗣徽乘虛襲石頭。陵感僧辯舊恩。乃往赴約。及約等平。高祖釋陵不問。尋以爲貞威將軍。尙書左丞。紹泰二年。又使於齊。還除給事黃門侍郎。祕書監。高祖受禪。加散騎常侍。左丞如故。天嘉初。除太府卿。四年。遷五兵尙書。領大著作。六年。除散騎常侍。御史中丞。時安成王頊爲司空。以帝弟之尊。勢傾朝野。直兵鮑僧叡。假王威權。抑塞辭訟。大臣莫敢言者。陵聞之。乃爲奏彈。導從南臺官屬引奏案而入。世祖見陵服章嚴肅。若不可犯。爲斂容正坐。陵進讀奏版。時安成王殿上侍立。仰視世祖。流汗失色。陵遣殿中御史引王下殿。遂劾免侍中。中書監。自此朝廷肅然。天康元年。遷吏部尙書。領大著作。陵以梁末以來。選授多失其所。於是提舉綱維。綜覈名實。時有冒進求官。誼競不已者。陵乃爲書宣示。自是衆咸服焉。時論比之毛玠。廢帝卽位。高宗入輔。謀黜異志者。引陵預其議。高宗纂歷。封建昌縣侯。邑五百戶。大建元年。除尙書右僕射。二年。遷尙書左僕射。陵抗表推周弘正。王勣等。高宗召陵。入內殿。曰。卿何爲固辭此職而舉人乎。陵曰。周弘正。從陛下西還。舊藩長史。王勣。太平相府長史。張種。帝鄉賢戚。若選賢與舊。臣宜居後。固辭累日。高宗苦屬之。陵乃奉詔。及朝議北伐。高宗曰。朕意已決。卿可舉元帥。衆議咸以中權將軍淳于量位重。共署推之。陵獨曰。不然。吳明徹家在淮左。悉彼風俗。將略人才。當今亦無過者。於是爭論累日。不能決。都官尙書裴忌曰。臣同徐僕射。陵應聲曰。非但明徹良將。裴忌卽良副也。是日詔明徹爲大都督。令忌監軍事。遂克淮南數十州之地。高宗因置酒舉杯屬陵。曰。賞卿知人。陵避席對曰。定策出自聖衷。非臣之力也。其年加侍中。餘並如

故七年領國子祭酒南徐州大中正以公事免侍中僕射尋加侍中給扶又除領軍將軍八年加翊右將軍太子詹事置佐史俄遷右光祿大夫餘並如故十年重爲領軍將軍尋遷安右將軍丹陽尹十三年爲中書監領太子詹事給鼓吹一部侍中將軍右光祿中正如故陵以年老累表求致仕高宗亦優之乃詔將作爲造大齋令陵就第攝事後主卽位遷左光祿大夫太子少傅餘如故至德元年卒時年七十七詔曰慎終有典抑乃舊章令德可甄諒宜追遠侍中安右將軍左光祿大夫太子少傅南徐州大中正建昌縣開國侯陵弱齡學尙登朝秀穎業高名輩文曰詞宗朕近歲承華特相引狎雖多臥疾方期克壯奄然殞逝震悼於懷可贈鎮右將軍特進其侍中左光祿鼓吹侯如故并出舉哀喪事所須量加資給諡曰章陵器局深遠容止可觀性又清簡無所營樹祿俸與親族共之大建中食建昌邑邑戶送米至於水次陵親戚有貧匱者皆令取之數日便盡陵家尋致乏絕府僚怪而問其故陵云我有車牛衣裳可賣餘家有可賣不其周給如此少而崇信釋教經論多所精解後主在東宮令陵講大品經義學名僧自遠雲集每講筵商較四座莫能與抗目有青睛時人以爲聰慧之相也自有陳創業文檄軍書及禪授詔策皆陵所製而九錫尤美爲一代文宗亦不以此矜物未嘗詆訶作者其於後進之徒接引無倦世祖高宗之世國家有大手筆皆陵草之其文頗變舊體緝裁巧密多有新意每一文出手好事者已傳寫成誦遂被之華夷家藏其本後逢喪亂多散失存者三十卷有四子儉、南史儉一名報陳書云儉一名衆非份、儀、儉。



# 徐孝穆集目錄

## 卷一

鴛鴦賦

中婦織流黃

隴頭水

關山月二首

長安道

紫駟馬

烏棲曲二首

長相思二首

走筆戲書應令

奉和詠舞

山齋

侍宴

聽馬驅

出自薊北門行

折楊柳

洛陽道二首

梅花落

劉生

雜曲

同汪詹事登宮城南樓

春情

和簡文帝賽漢高帝廟

詠柑

奉和山池

山池應令

秋日別庾正員

和王舍人送客未還聞中有望

詠織婦

鬪雞

詠雪

奉和簡文帝山齋

讓五兵尙書表

讓左僕射初表

爲王儀同致仕表

爲護軍長史王質移文

檄周文

謝敕賫燭盤賞答齊國移文啓

謝兒報坐事付治中啓

謝東宮賫蛤蜊啓

別毛永嘉

新亭送別應令

爲羊兗州家人答餉鏡

內園逐涼

詠日華

春日

勸進梁元帝表

讓散騎常侍表

讓右僕射初表

爲始興王讓琅邪二郡太守表

移齊文

安成王讓錄尙書表後啓

謝敕賜祀三皇五帝餘饌啓

謝賚麇啓

謝賚蛤啓



卷二

爲貞陽侯與太尉王僧辯書

爲貞陽侯答王太尉書

爲貞陽侯重與王太尉書

爲貞陽侯答王太尉書

爲貞陽侯重答王太尉書

又爲貞陽侯答王太尉書

爲貞陽侯與陳司空書

爲貞陽侯重與裴之橫書

爲貞陽侯與荀昂兄弟書

在北齊與楊僕射書

在北齊與宗室書

卷三

在北齊與梁太尉王僧辯書

與王吳郡僧智書

答李顥之書

爲陳武帝作相時與北齊廣陵城主書

爲陳武帝作相時與嶺南酋豪書

爲陳武帝與周宰相書

爲陳主與周冢宰宇文護論邊境事書

爲陳主答周主論和親書

在吏部尙書答諸求官人書

同前

答周處士書

與章司空昭達書

重答朝臣書

薦陸瓊書

報尹義尙書

與李那書

與顧記室書

答族人梁東海太守長孺書

諫仁山深法師罷道書

與智顛書三首

五願上智者禪師書

卷四

玉臺新詠序

司空徐州刺史侯安都德政碑

廣州刺史歐陽頎德政碑

晉陵太守王勸德政碑

丹陽上庸路碑

孝義寺碑

齊國宋司徒寺碑

長干寺衆食碑

卷五

東陽雙林寺傅大士碑

天台山徐則法師碑

皇太子臨辟雍頌

太極殿銘

報德寺刹下銘

麀尾銘

陳文帝哀策文

司空章昭達墓志

河東康簡王墓志

襄使君墓志

卷六

陳武帝卽位詔

梁禪陳詔

陳公九錫詔

進陳武帝爲長城公詔

陳文帝登祚尊皇太后詔

封始興王詔

爲陳武帝卽位告天文

梁禪陳策文

陳公九錫文

陳武帝下州郡璽書

梁禪陳璽書

附備考

# 徐孝穆集卷之一

清 吳江吳兆宜顯令箋注

## 賦

### 鴛鴦賦

飛飛兮海濱。去去兮迎春。炎皇之季女。

〔漢張良傳注〕師古曰赤松子仙人號也。神農時爲雨師。服水土。教神農。能入火自燒。至昆山上。常止西王母石室。隨風雨上下。炎帝少女追之。亦得仙去。織素

之佳人。

〔古詩〕新人工織繅。故人工織素。織繅日一匹。織素五丈餘。將繅來比素。新人不如故。

未若宋王之小史。含情而死。

〔列異傳〕宋康王埋韓馮夫妻。宿夕文梓生。有鴛鴦雌雄各一。恆栖樹上。晨夕交頸。

憶少婦之生離。恨新婚之無子。

〔玉臺新詠〕漢建安中。焦仲卿妻劉氏。爲仲卿母所遣。其家逼嫁。沒水。仲卿亦縊。人哀之。爲詩云。中有雙飛鳥。自名爲鴛鴦。

既交頸於千年。亦相隨

於萬里。山雞映水那自得。

〔異苑〕山雞愛其毛羽。映水則舞。

孤鸞照鏡不成雙。

〔范泰鸞鳥詩序〕昔罽賓王。結罝峻卯之山。獲一鸞鳥。王甚愛之。三年不鳴。其夫人曰。嘗聞鳥見其類而後鳴。何不照

鏡以映之。鸞覩影悲鳴而絕。

天下眞成長合會。無勝比翼兩鴛鴦。觀其呀吭浮沈。

〔左思蜀都賦〕呀吭清渠。

輕軀淺澗。

〔張衡南都賦〕汰澗滯兮船容裔。拂

苻戲而波散。排荷翻而水落。特訝鴛鴦鳥。長情真可念。許處勝人多。何時肯相厭。聞道鴛鴦一鳥名。教人如有逐春情。不見臨邛卓家女。祇爲琴中作許聲。

〔玉臺新詠琴歌序〕相如遊臨邛。富人卓王孫。有女文君。新寡。竊於壁間窺之。相如鼓琴歌以挑之。其歌曰。同緣交頸爲鴛鴦。胡顏頰兮共

翊。鞠

### 樂府

#### 驄馬驅

白馬號龍駒。〔晉陸雲傳〕閩鴻見而奇之。曰。此兒若非龍駒。定是鳳雛。

雕鞍名鏤衢。

〔三輔決錄〕平陵公孫奮。富聞京師。梁冀知奮儉慤。以鏤衢鞍遺奮。從貸五千萬。

諸兄二千石。

徐樹穀曰。〔後漢循

吏傳〕秦彭字伯平。扶風茂陵人也。六世祖農。爲潁川太守。與羣從同時爲二千石者五人。故三輔號曰萬石秦氏。

小婦字羅敷。

〔古樂府〕秦氏有好女。自言名羅敷。

倚端輕掃史。

一作吏。未詳。〔漢高五王傳〕魏勃少時欲求

見齊相曹參。家貧。無以自通。乃常獨早掃齊相舍人門外。舍人怪之。以爲物而伺之。得勃。於是舍人見勃曹參。因以爲舍人。言之悼惠王。拜爲內史。

召募擊休屠。

〔漢霍去病傳〕上曰。票騎將軍收休屠王祭天金人。

塞外多風雪。

城中絕詔書。空憶長楸下。

〔曹植名都篇〕走馬長楸間。

連蹀復連蹀。

〔文君白頭吟〕今日斗酒會。明日澗水頭。蹀躞御溝上。澗水東西流。按蹀音鋪。馬蹀跡也。

#### 中婦織流黃

〔玉臺新詠古樂府相逢行〕曰大婦織羅綺。中婦織流黃。小婦無所作。挾瑟上高堂。

落花還一作飛。井上春機當戶前。帶衫行幃口。覓釧枕檀一作入壇。邊數鐻疑作。經無亂魏志：舊綾機五十綜者五十。六十綜者六十。躡扶風馬鈞忠

其喪功費日皆易以十二躡。新蠶緯易牽古今注：莎雞一名催織。一名絡緯。催織謂鳴聲如急織。絡緯謂其聲如紡績也。蜘蛛夜伴織張協雜詩：蜘蛛網四屋。百舌曉驚眠易緯通卦：百舌

者反舌鳥也。能反覆其舌。隨百鳥之音。封用黎陽土東觀漢記：鄧訓故吏知訓好青泥封書。從黎陽步推鹿車過易陽。載青泥一襆遺訓。書因計吏船揚雄答劉歆書：天子上計孝廉會者。雄當提三寸弱輪筆以問其異

語。欲知夫婿處古樂府：東方千餘騎。夫婿居上頭。今督水衡錢漢書：本始二年春。以水衡錢為平陵徙民起第宅。注：應劭曰：水衡與少府皆天子私藏。

出自薊北門行樂府遺聲：都邑三十四曲。有出自薊北門行。鮑昭出自薊北門行。注：薊故燕國。

薊北聊長望。黃昏心獨愁屈原離騷：黃昏以為期。燕山對古刹。代郡隱一作倚城樓。屢戰橋恆斷。長冰暫不流。天雲如地

陣。漢月帶胡秋。漬土泥函谷顧有孝曰：後漢隗囂傳：王元曰：元請以一丸泥為大王東封函谷關。按繩縛涼州朱鶴齡曰：漢西城傳：烏秣國其西則有縣度縣。度者石山也。谿谷不通。以繩索相引

而度。平生燕頰相。會自得封侯後漢班超傳：相者指曰：生燕頰虎頭。飛而食肉。此萬里侯相也。後以西域五十餘國悉皆納質。封定遠侯。

隴頭水崔豹古今注：橫吹胡樂也。張騫入西域傳其法。唯得摩訶兜勒一曲。李延年因造新聲二十八解。魏晉以來不存。見用黃鶴隴頭折楊柳等十曲。



別塗聳千仞。離川懸百丈。攢荆夏不通。積雪冬難上。枝交隴底暗。

〔漢地理志〕隴西郡。〔注〕應劭曰。有隴坻在其西也。

石礙波前響。回

首咸陽中。

三輔黃圖。秦孝公始都咸陽。咸陽在九峻山渭水北。山水俱在南。故名咸陽。

唯言夢時往。

折楊柳

嫋嫋河堤樹。

〔漢溝洫志〕哀平初。平當使領河堤。〔張衡西京賦〕周以金堤樹以柳杞。

依依魏主營。

徐爛曰。〔魏文帝集柳賦序云〕昔建安五年。上與袁紹戰於官度。時余始植斯柳。自彼迄今。十有五載矣。感物傷懷。乃作斯

賦。江陵有舊曲。洛下作新聲。

未詳。按〔晉書〕謝安石能爲洛下書生詠。

妾對長楊苑。

〔三輔黃圖〕長楊樹在長楊宮。秋冬較獵其下。天子登此以觀。

君登高柳城。

〔後漢

帝紀〕護烏桓校尉出高柳。

春還應共見。蕩子太無情。

〔枚乘雜詩〕昔爲倡家女。今爲蕩子婦。

關山月二首

〔樂府解題〕關山月。傷別離也。

關山三五月。

張尙瑗曰。〔禮記〕月三五而盈。三五而闕。

客子憶秦川。思婦高樓上。當窗應未眠。星旗映疎勒。

〔晉書〕左旗九星在河鼓兩旁。右旗亦如之。河鼓

居中。〔後漢耿恭傳〕恭以疏勒城旁有澗水可固。乃引兵據之。

雲陣上祁連。

〔漢書注〕師古曰。天山卽祁連山也。匈奴謂天爲祁連。

戰氣今如此。從軍復幾年。

月出柳城東。微雲掩復通。蒼茫縈白暈。〔漢書〕高帝七年。月暈圍參畢七重。是歲高皇帝爲冒頓所圍。七日乃解。蕭瑟帶長風。羌兵燒上郡。胡騎獵

雲中。〔漢五行志〕文帝後六年。匈奴大入上郡。雲中。燒火通長安。將軍擁節起。戰士夜鳴弓。

洛陽道二首 〔玉臺新詠〕梁簡文帝。元帝樂府題。皆有洛陽道。

綠柳三春暗。紅塵百戲多。〔後漢安帝紀〕延平元年。罷魚龍曼延百戲。東門向金馬。〔張瑩漢南記〕馬援奏曰。武帝時。善相馬者。鑄作銅馬法。獻之。有詔立馬於魯班門外。則更名曰金馬門。南陌

接銅駝。〔洛陽記〕兩銅駝在宮之南街。東西相向。高尺。洛陽人謂之銅駝街。華軒翼葆吹。〔江淹詩〕許史乘華軒。〔說文〕軒。曲轡。轡車也。〔蜀志〕先主少時。戲言。吾必當乘此羽葆蓋車。飛蓋響鳴珂。

〔通俗文〕馬勒飾曰珂。〔本草〕珂。貝類。皮黃黑而骨白。可爲馬飾。生南海。〔曹植公議詩〕清夜遊西園。飛蓋相追隨。潘郎車欲滿。無奈擲花何。〔晉書〕潘岳字安仁。爲河陽令。美姿儀。少常挾彈出洛陽道。婦人遇之者皆

連手繫纜。技之。以果滿車而歸。

洛陽馳道上。〔漢賈山傳〕秦爲馳道於天下。道廣五十步。三丈而樹。厚築其外。隱以金椎。樹以青松。〔三輔黃圖〕蔡邕曰。馳道。天子所行道也。春日起塵埃。濯龍望如霧。〔後漢馬皇后紀〕太后詔曰。

前過濯龍門上。見外家問起。居者車如流水。馬如游龍。河橋渡似雷。〔晉書〕杜預以孟津渡險。請建河橋於富平津。聞珂知馬蹀。見傍憶見薨開。〔儀制令〕諸車一品。青油。纒通轡。朱裏。朱絲絡網。

三品以上青通幃朱裏五品以上青偏幃碧裏六品以下皆不得用幃謝惠連雪賦注葢屋棟也 相看得語密意眼中來

長安道 〔玉臺新詠〕庚肩吾有賦得橫吹曲長安道

輦道乘雙闕 〔三輔黃圖〕武帝作建章宮宮在未央宮西長安城外帝於未央宮營造日廣以城中爲小乃於宮西跨城池作飛閣通建章宮構輦道以上下〔古歌云〕長安城西有雙闕 英雄被五都 〔尹文子〕魏王得玉召

玉工相之工曰此無價以當之五城之都僅可一觀 橫橋象天漢 〔三輔黃圖〕秦始皇兼天下都咸陽渭水貫都以象天漢橫橋南渡以法牽牛 法駕應坤圖 疑作輿〔三輔黃圖〕鹵簿天子出車駕次第謂之鹵簿有大駕有

法駕有小駕大駕則公卿奉引大將軍參乘太僕御屬車八十一乘作三行尚書御史乘之備千乘萬騎出長安郊祠天於甘泉備之百官有其儀注名曰甘泉鹵簿法駕京兆尹奉引侍中參乘奉車郎御屬車三十六乘北郊明堂則省副車小車祠宗廟用之〔繫辭〕坤

爲大 韓康賣良藥 〔後漢逸民傳〕韓康字伯休嘗采藥名山賣於長安市口不二價 董偃嚮明珠 〔漢東方朔傳〕董偃與母以寶珠爲事偃年十三隨母出入主家 誼誼擁車騎非但執

金吾 〔後漢百官志〕執金吾一人中二千石〔注〕胡廣曰衛尉巡行宮中則金吾徹於外相爲表裏以擒姦討猾

梅花落 〔鮑昭吳均江總樂府題〕皆有梅花落

對戶一株梅新花落故栽燕拾還蓮井 〔風俗通〕殿堂象東井形刻作荷菱荷菱水物也所以厭火 風吹上鏡臺 〔魏武雜物疏〕鏡臺出魏宮中有純銀參帶鏡臺一純銀七子貴人公

主鏡 倡家怨一作思妾樓上獨裴回。啼看竹葉錦。〔龍輔女紅餘志〕桓豁女字女幼製綠錦衣帶作竹葉樣遠視之無二故〔無瑕詩云〕帶葉新裁竹簪花巧製蘭女幼庚宜婦也〔又梁簡文

帝冬曉詩〕簪一作簪罷未能裁。〔義同〕

紫駟馬〔樂府鼓角橫吹十五曲〕有紫駟馬

玉鐙繡纒繫〔齊武帝諸子傳〕盧陵王子勰作銀鐙金薄裹箭脚按鐙音發馬鞍踏鐙繫音叢馬鬣也金鞍錦覆幪徐樹敏曰〔初學記〕宋劉義恭啓賜臣供御金梁橋鞍制作精巧按幪音蠟覆蓋也風驚塵

未起〔揚雄羽獵賦〕林叢爲之生塵草淺埒猶空〔晉書〕王濟常買地爲馬埒角弓連一作穿兩兔〔詩〕駉駉角弓珠彈落雙鴻〔呂氏春秋〕以隋侯之珠彈千仞之雀世必笑之

日斜馳逐罷連翩還上東

劉生

劉生殊倜儻〔漢禮樂志〕志似儻精權奇任俠徧京華〔漢游俠傳〕郭解父任俠解爲俠益甚戚里驚鳴筑〔漢書〕高祖召石奮婦爲美人徙其家長安中戚里〔又〕上擊筑自歌曰大風起兮雲飛

揚威加海內〔晉書〕令歸故鄉〔漢書〕平陽吹怨笳未詳按〔馬融長笛賦序〕融獨臥鄆縣平陽鄆中有洛客舍逆旅吹笛俗儒排左氏〔漢儒林傳〕劉歆白左氏春秋可立哀帝納之以問諸儒皆不對歆於是數見忝

相孔光爲言左氏以求助。光卒不肯。〔後漢賈逵傳〕侍中劉歆欲立左氏。不先暴論大義。而輕移太常。恃其義長。詆挫諸儒。諸儒內懷不服。相與排之。號當隨漢廢。以奉天命。

高才被擯。自古共憐嗟。

〔漢元后傳〕王諫欲詔莽。上書言。皇天廢去漢。而命立新室。太皇太后不宜稱尊。

烏棲曲二首

〔樂錄〕烏棲曲者。鳥獸二十一曲之一也。

卓女紅妝期此夜。

見鷓鴣春賦。

胡姬酩酒誰論價。

吳兆宮曰。〔辛延年羽林郎詩〕胡姬年十五。春日獨當壚。

風流荀令好兒郎。偏能傅粉復熏香。

〔世說〕劉季和嘗言。苟令君至人家。坐處營三日香。見〔襄陽記〕。

繡帳羅帷隱燈燭。一夜千年猶不足。惟憎無賴汝南雞。天河未落猶爭啼。

〔後漢百官志〕〔注〕〔蔡質漢儀〕衛士甲乙微相傳。甲夜畢。傳乙夜。相傳。

盡五更。衛士傳言五更未明。三刻後雞鳴。衛士踵丞卽趨殿上臺。不畜宮中。雞汝南出。雞鳴。衛士候朱雀門外。當傳雞鳴於宮中。

雜曲

徐樹聲曰。〔陳后妃傳〕後主自居臨春閣。張貴妃居結綺閣。龔孔二貴嬪居望仙閣。並複道。交相往來。以宮人有文學者。哀大捨等爲女學士。後主每引賓客對貴妃等游宴。則使諸貴人及女學士與狎客共賦新詩。采其尤豔麗者。以爲曲調。選

宮女有容色者。歌之。其曲有玉樹後庭花。臨春樂等。大抵所歸。皆美張貴妃孔貴嬪之容色。

傾城得意已無儔。洞房連閣未消愁。〔漢李延年歌〕傾城復傾國，佳人難再得。〔後漢梁冀傳〕堂寢皆有陰陽，奧室連房洞戶。宮中本造鴛鴦殿。〔飛燕外傳〕帝居鴛鴦殿便

房省帝薄。嬪上薄。嬪因進言飛燕有女弟。合德美容體，性純粹，可信不與飛燕比。為誰新起鳳皇樓。〔三輔黃圖〕楊震關輔，古語云。長安民俗謂鳳皇闕為貞女樓。綠黛紅顏兩相發，千嬌百念

情無歇。舞衫回袖勝春風。歌扇當窗似秋月。碧玉宮伎自翩妍。〔樂府〕有情人碧玉歌。一云劉碧玉。宋汝南王妾。絳樹新聲最可憐。〔魏文帝

集答繁欽書〕今之妙舞，莫巧於絳樹。張星舊在天河上。〔天官書注〕星經云〕柳星，張周之分野，三河也。從來張姓本連天。〔諸舉記〕天翁姓張，名堅，字刺渴，漁陽人。〔漢張放傳〕放取皇后弟平恩侯許

嘉女，上為放供張，賜甲第，充以乘輿服飾，號為天子取婦。皇后嫁女，大官私官，並供其第，兩宮使者，冠蓋不絕。二八年時不憂度。〔宋玉招魂〕二八齊容，起鄭舞些。旁邊得寵誰相妒，立春歷日

自當新。〔晉禮志〕大史，每歲上年歷，立春讀五時令，服各隨其方色，帝御座尚書已下就席讀訖，賜酒一卮。正月春幡底須故。〔續漢書〕立春之日，夜漏未盡五刻，京都百官皆衣青，立春幡，施土牛耕人於門外。流

蘇錦帳，挂香囊，織成羅幌，隱燈光。〔晉摯虞決疑要注〕天子帳，流蘇為飾。〔古詩〕紅羅複斗帳，四角垂香囊。只應私將琥珀枕。〔吳兆奎曰〕宋武帝紀〕寧州嘗獻琥珀枕，光色甚麗，價

金。冥冥來上珊瑚牀。〔本草〕珊瑚似玉，紅潤，生海底，盤石上，一歲黃，三歲赤，海人先作鐵網，沈水底，貫中而生，絞網出之，失時不取，則腐。

長相思二首 〔樂府〕怨思二十  
五曲其一曰長相思



長相思望歸難傳聞奉詔成皋蘭。〔漢霍去病傳〕擧皋〔漢書〕將軍衛龍城遠〔漢書〕將軍衛青出上谷至龍城。鴈門寒〔山海經〕鴈門山者鴈飛出於其間。愁來

瘦轉劇衣帶自然寬。〔枚乘雜詩〕相去日已遠衣帶日已緩。念君今不見誰為抱腰看。〔玉臺新詠〕惠帝時童謠曰鄴中女子莫千妖前至三月抱胡腰。

長相思好春節夢裏恆啼悲不洩帳中起窗前髻柳絮飛還聚。〔本草經〕遊絲斷復結。〔沈約詩〕欲見洛

陽花。〔董嬌嬈詩〕洛陽城東路桃李生路旁花花自相對葉葉自相當。如君隴頭雪。

詩

同汪詹事登宮城南樓

元良屬上德率士被中孚。〔書〕一人元良萬邦以貞〔老子〕上德不德。〔詩〕率士之濱莫非王臣中孚見〔周易〕漢幄朝無怠。〔東觀漢記〕時明周門夕復

趨。〔文王世子〕文王之為世子朝於王季日三雞初鳴而衣服至於寢門外問內豎之御者曰今日安否何如內豎曰安文王乃喜及日中又至亦如之及莫又至亦如之。桓經既受業。〔後漢書〕孝明皇帝光武第四子十九年立為皇太子。

師事博士桓賀拜且尊儒。〔晉書〕賀循世為儒宗除太子太傅命皇太子親往拜之。壯志諧風雅高文會斗樞。〔西京雜記〕揚子雲曰廊廟之下朝廷之中高文典冊用相如。鏗鏘

叶舞蹈，照爛等琨瑜。河水慙雄伯，漳川仰大巫。

〔吳書〕張縡見陳琳作武軍賦，歎之。琳答曰：僕在河北，少文人，易爲雄伯，故使僕有此談。今足下子布在彼，所謂小巫見大巫，神氣殫矣。

鮑

魚鱗入俎。〔賈誼書〕文王使太公望傳太子發，嗜鮑魚，公不與，曰：鮑魚不登俎，豈有非禮而可養太子哉。

釣鼈匪充廚。〔晉潘尼集鼈賦序〕皇太子遊於玄圃，遂命釣魚，有得鼈而獻之者，令侍臣賦之。

叔譽恆詞

屈。〔汲冢周書〕晉平公使叔譽聘於周，見晉太子，與之言，五稱而三窮。

防年。疑作

豈濫誅。

〔後漢馬援傳〕援謂司馬呂种曰：國家諸子並壯，而舊防未立，則多通賓客，則大獄起矣。後帝收捕諸王賓客，更相牽引，死者以千數，种亦豫其禍。

### 志筆戲書應令

此日乍殷勤。〔繁欽定情詩〕何以致殷勤。

相嫌不如春，今宵花燭淚，非是夜迎人。

〔何遜看新婚詩〕何如花燭夜，輕扇掩紅妝。

舞席秋來卷，歌筵無

數塵，曾經新代故，那惡故迎新，片月窺花簾。

〔南史王攜傳〕尚書令王儉，嘗集才學之士，攜校虛實，類物隸之，謂之隸事。唯廬江何憲爲勝，乃賞以五花簾，白團扇。

輕寒入錦巾。

吳任臣曰：〔魏武帝紀注〕傅子曰：漢末王公多委王服，以幅巾爲雅，是以袁紹、崔豹之徒，雖爲將帥，皆著縑巾。魏太祖以天下凶荒，實財匱乏，擬古皮弁，裁縑帛以爲帽，合於易簡隨時之義，以色列其貴賤，於今施行，可謂軍容非國容也。

秋來應瘦盡。

偏自著腰身。

### 春情

風光今日動，雪色故年殘，薄夜迎新節，當墟卻晚寒，奇

一作故

香分細霧，

一作葉

石炭擣輕紈，竹葉裁衣帶。

見樂府

梅花奠酒盤。未詳。按《四時寶鏡》立春日春餅生菜號春盤。

年芳袖裏出，春色黛中安。欲知迷下蔡。

宋玉登徒子好色賦。嫣然一笑，惑陽城，迷下蔡。

先將過上

蘭。《三輔黃圖》上林苑有上蘭宮。

奉和詠舞

《玉臺新詠》梁簡文帝詠舞詩。威里多妖麗，重聘滅秦余。逐節工新舞，嬌態似凌虛。納花承福概，垂翠逐瓊舒。扇開衫影亂，巾度履行疎。徒勞交甫憶，自有專城居。

十五屬平陽。因來入建章。主家能教舞。

《漢衛皇后傳》后字子夫。子夫為平陽主。謳者既飲，謳者進，帝獨說子夫。主因奏子夫送入宮。

城中巧畫妝。

《後漢馬廖傳》長安語曰：城中好

高髻，四方高一尺，城中好廣眉，四方且半額，城中好大袖，四方全匹帛。

低鬟向綺席。

《漢郊祀志》師古曰：《漢舊儀》云：祭天用六綵綺席六重。用玉几玉飾器凡七十。女樂卽《禮樂志》所云使童男童女俱歌也。

舉袖拂花

黃燭送空回。

一作窗邊。

影衫傳篋裏，香當繇好留客。故作舞衣長。

《景差大招》長袖拂面，善留客只。

和簡文帝賽漢高帝廟

《原注》聲偶作徐攄，詩聲作庚屑，吾並誤。尚瑗曰：《梁簡文帝集》漢高帝賽神詩。玉軼朝行，動闔闔且應開。白雲蒼梧上，丹鳳咸陽來。日正江無影，城斜漢屢回。瞻流知地脈，望領匹天台。欲祛

九愁恨，聊舉十千杯。

山宮類牛首。

《三輔黃圖》牛首池在上林苑中西頭。

漢寢若龍川。

《漢地理志》南海郡龍川縣。《注》魏氏廣州記。本博羅縣之東鄉也。有龍穿地而出，卽穴流泉，因以爲號。

玉盃無秋耐。

《張載酒賦》

中山夏啓

醉耐秋發

金燈滅夜煙。〔後漢〕李尤。有金羊燈銘。

丹帷迫靈嶽。〔未詳〕紺席下羣仙。

徐樹屏曰〔漢舊儀〕皇帝自行羣臣從齊皆百。日紫壇帳幄高皇帝配天居堂下西南紺幄紺席。

堂虛

沛筑響。釵低戚舞妍。

陳銳曰〔西京雜記〕高帝戚夫人善鼓瑟擊筑帝常擁夫人倚瑟而絃歌。舉每泣下流漣夫人善爲翹袖折腰之舞歌出塞入塞望歸之曲聲入雲霄。

何殊后廟裏子建作華

篇。〔魏曹植集漢高帝贊〕屯雲斬蛇。靈母告祥。朱旗既抗。九野披攘。禽嬰克羽。掃滅英雄。承機帝世。著功武湯。

### 山齋

桃源驚往客。

〔晉陶潛集〕有桃花源記。詳與宗室書。

鶴嶠斷來賓。

〔會稽記〕射的山南有白鶴山。此鶴爲仙人取箭。漢太尉鄭弘嘗采薪得一箭。頃有神人至。問何所欲。弘曰嘗患若邪溪載薪爲難。願且南風暮北風後果然。

復有風雲處。蕭條無俗人。山寒微有雪。石路本無塵。竹徑蒙籠巧。茅齋結構新。燒香披道記。

〔後漢襄楷傳注〕南陽張津。

爲交州刺史。常著絳柏頭鼓琴。焚香讀邪俗道書云以助化。

懸鏡厭山神。

〔抱朴子〕道士以明鏡九寸懸於背。老魅不敢近。

砌水何年溜。簷桐幾度春。雲霞一已絕。寧辨漢

### 將秦

詠柑

〔藝文初學〕並作徐陵。乃劉孝綽舊集載此。或誤收也。

徐孝種集 卷一

朱實挺江南。包品擅珍淑。

（張衡西京賦。）朱實離離。  
（萬貢）揚州厥包橘柚錫貢。

上林雜嘉樹。

（西京雜記。）初修上林苑。  
羣臣遠方各獻名果異樹。

江潭間修竹。

（東方朔  
七諫。）便

媚之修竹。寄

生於江潭。

萬室擬封侯。千株挺荆國。

（漢貨殖傳。）蜀漢江陵千樹橘。涓川千畝竹。此其人與千戶侯等。  
（吳志。）李衡遣客於武陵龍陽沅州上作宅種柑橘千株。敕兒曰。有木奴千頭。不責汝衣食。歲上一匹絹。

綠葉萎以布。

（左思吳都賦。）  
布藿皋澤。

素榮芬且郁。得陳終宴歡。良垂雲雨育。

侍宴

園林才有熱。夏淺更勝春。嫩竹猶含粉。初荷未聚塵。承恩預下席。應阮獨何人。

（魏王粲傳。）文帝為五官將。及平原侯植皆好文學。粲與北海徐

幹字偉長。廣陵陳琳字孔璋。陳留阮瑀字元瑜。  
汝南應瑒字德璉。東平劉楨字公幹。並見友善。

奉和山池

（梁簡文帝有山池詩。）日暮芙蓉水。聊登鳴鶴舟。飛鱸飾羽萼。長幔覆緹油。  
停輿依柳息。住蓋影空留。古樹橫臨沼。新藤上挂樓。游魚向暗集。戲鳥逗棹流。

羅浮無定所。

（後漢郡國志。）（南海郡博羅縣。）（注。）  
有羅浮山。自會稽浮往博羅山。故置博羅縣。

鬱島屢遷移。

未詳。按（魏志。）邳原將  
家屬入海。住鬱林洲山中。

不覺因風雨。何時入

後池。樓臺非一勢。臨翫自多奇。

（楚辭。）層臺  
累樹臨高山。

雲生對戶石。猿挂入欄枝。

山池應令

畫舸圖仙獸

陳啓源曰：晉書：王濬畫鶴首怪獸於船首以懼江神。

飛艫挂采旂

左傳：楚大敗吳師，獲其乘舟餘皇。頡延之詩：祥麟被綵旂。注：綵旂，旗名。

榜人事金漿

曹植朔風詩：誰

忘汎舟，魂無榜人。

釣女飾銀鈎，細萍時帶楫。低荷乍入舟，猿啼知谷晚。蟬咽覺山秋。

注：刺船之人也。

別毛永嘉

英華：作別毛尚書。鏡曰：南史：毛喜字伯武，滎陽陽武人也。魏平江陵，喜與宣帝俱遷長安。及宣帝即位，歷丹陽尹、吏部尚書，委政於喜，益見親重。喜言無回避，時皇太子好酒德，喜常言之。宣帝太子遂衡之，即位後，稍見

疎遠，至德元年

授永嘉內史。

願子厲風規，歸來振羽儀。嗟余今老病，此別空長離。白馬君來哭。

後漢范式傳：張劭喪至，壞將窆，而柩不肯進。見有素車白馬號哭而來，其母曰：是必范巨卿也。

黃泉我詎知。

纏纓挽歌：朝發高堂上，莫宿黃泉下。陸機挽歌：呼子子不聞，泣子子不知。

徒勞脫寶劍，空挂隴頭枝。

列士傳：延陵季子解寶劍挂徐君墓柏樹。

秋日別庾正員

藝文：作張正見。

征途愁轉旆，連騎慘停鑣。朔氣凌疎木，江風送上潮。青雀離帆遠。

古詩：青雀白鷁舫。

朱鷺別路遙。

後漢郡國志：交趾郡十二城，一名朱

惟見樂府有當秋月夜夜上河橋。

新亭送別應令

晉祖遜傳晉時南渡過江人士新亭飲宴

風吹臨伊水時駕出河梁野燎村田黑江秋岸荻黃隔城聞上鼓迴舟隱去檣神襟愛一作遠別流睇極

清漳地志漳水二一出上黨沾縣大阻谷名清漳一出上黨長子縣鹿谷山名濁漳

和王舍人送客未還閨中有望

倡人歌吹罷對鏡覽紅顏拭粉留花稱疑作勝北堂書鈔釋名花勝言著之則勝御覽金勝一名金稱除釵作小鬟釋名釵枝也因形名之也綺燈停不

滅高扉掩未關良人在何處光惟見月還

爲羊兗州家人答餉鏡

兆鸞曰南史羊侃傳侃字祖忻泰山梁父人也魏正光中爲征東大將軍東道行臺領泰山太守初其父社恆使侃南歸侃至是將舉濟河以成先志魏帝聞之使授侃驍騎大將軍司徒泰山郡

公長爲兗州刺史侃斬其使大同三年至建鄴授徐州刺史累遷侍中都官尚書侃性奢侈姬妾列侍窮極奢靡有彈爭人陸大喜著鹿角爪長七寸舞人張靜婉腰圍一尺六寸時人咸推能掌上舞又有孫荆玉能反腰帖地銜得席上玉簪敕賫歌人



王娥兒東宮亦賽歌者屈偶  
之並妙盡奇曲一時無對

見黛  
鴛賦

信來贈寶鏡。亭亭似團月。鏡久自逾明。人久情逾歇。取鏡挂空臺。于今莫復開。不見孤鸞鳥。香魂何處來。

### 詠織婦

織織運玉指。脈脈正蛾眉。振蹻開交縷。見樂府停梭續斷絲。光宮曰。異苑。陶侃嘗漁雷澤得一織梭。簷前初月照。洞戶朱帷垂。一作未垂

帷。  
弄機行掩淚。彌令織素遲。見黛鴛賦

### 內園逐涼

昔有北山北。樹穀曰。後漢逸民傳。法真字高卿。扶風人也。太守請見。欲任以功曹。真曰。以明府見待。有禮。故敢自同。竇未若欲吏之。真將在北山之北。南山之南矣。今余一作來東海東。見本傳納涼高樹

下。直坐落花中。狹徑長無迹。茅齋本自空。提琴就竹篠。酌酒勸梧桐。

### 鬪雞

季子聊爲戲。〔左傳〕季郢之雞鬪。季氏介其雞。郢氏爲之金距。平子怒。陳王欲聘才。〔藝文類聚〕魏陳思王植有鬪雞詩。花冠已衝力。〔南越志〕雞冠四開如蓮花。鳴聲清徹。芥爪復

驚媒。鬪鳳羞衣錦。兆憲曰〔鄭中記〕錦署有鳳皇錦。雙鸞恥鏡臺。見鷓鴣賦。陳倉若有信。爲覓寶雞來。〔晉太康地志〕秦文公時。陳倉人獲得獸。如鷓。不知名。奉以獻之。逢二

童子。童子曰。此名爲媚。媚亦語曰。二童名陳寶。得雄者王。得雌者霸。陳倉人乃逐之。化爲雌雉。上陳倉北阪。爲石秦祀之。

詠日華

朝暉爛曲池。夕照滿西陂。復有當晝景。江上鏢光儀。時從高浪歇。乍逐細波移。一在雕梁上。〔梁武帝碧玉歌〕杏梁日始

照。詎比扶桑枝。〔淮南子〕日拂於扶桑。

詠雪

瓊林玄圃葉。〔淮南子〕崑崙山中有會城九重。有珠樹玉樹。桂樹日南華。〔廣志〕桂出合浦。冬夏常青。其類自爲林。間無雜樹。交趾置桂園。豈若天庭瑞。〔楊雄劇秦美新〕上天庭。輕雲

帶風斜。三農喜盈尺。〔謝惠連雪賦〕盈尺則呈瑞於豐年。六出儂崇花。〔韓詩外傳〕凡草木之花多五出。雪花獨六出。明朝闕門外。應見海神車。〔金匱〕樹屏曰。

武王伐紂都洛邑。雨雪十餘日。深丈餘。甲子平旦。有五丈夫。乘五車。從兩騎。止門外。尙父告武王曰。五車兩騎。四海之神。與河伯雨師耳。

春日

岸煙起暮色。岸水帶斜暉。徑狹橫枝度。簾搖驚燕飛。落花承步履。吳兆寬曰。釋名。履禮也。飾足以爲禮。流澗寫行衣。何殊九枝

蓋薄暮洞庭歸。未詳。

春和簡文帝山齋〔梁簡文帝集山齋詩。〕玲瓏繞竹澗。間關通槿藩。缺岸新成浦。危石久爲門。北榮下飛桂。南柯吟夜猿。暮流澄錦磧。晨冰照彩鸞。

架嶺承金闕。飛橋對石梁。竹密山齋冷。荷開水殿香。山花臨舞席。水影照歌牀。闕。

表

勸進梁元帝表〔梁書。〕大寶二年五月。湘東王繹。命王僧辯等東擊侯景。十月。太宗崩。侯景僭位。其明年二月。王僧辯平侯景。奉表勸進。答曰。淮海長鯨。雖云授首。襄陽短狐。未全革面。太平玉燭。爾乃議之。五月。司空南平王恪等復勸

進。湘東王猶不受。八月。兼散騎常侍聘魏使徐陵。於鄴奉表勸進。九月。四方征鎮王公卿士復勸稱尊號。猶謙讓未許。表三上。乃從之。十一月丙子。卽皇帝位。於江陵。詔改太清六年爲承聖元年。

臣聞封唐有聖，還承帝學之家。（帝王世紀）帝嚳崩，擊於兄弟最長，得登帝位，封異母弟放勳為唐侯，後政微弱，而唐侯德盛，乃造唐而致禪。居代維賢，終纂高皇之祚。（漢書）

諸呂既誅，諸大臣謀曰：代王高帝子最長，仁孝寬厚，乃迎立之。無為稱於革鳥。（漢書）東方朔曰：孝文皇帝身衣七緇之衣履革鳥。至治表於垂衣。（繫辭）黃帝堯舜垂衣裳而天下治。而撥亂反

正，非間前古。（漢高帝紀）羣臣曰：帝撥亂世反之正。至如金行重作。（晉五行志）董養曰：白者金色，國之行也。（中興書）有晉金行奄君四海。源出東莞。（晉書）元帝父琅邪恭王觀祖琅邪武王佃

武帝踐祚，封炎運猶興。（漢高帝贊）漢承堯運，協于火德。枝分南頓。（後漢光武紀）南頓令欽，生光武。豈得掩顯姓於軒轅。（帝王世紀）黃帝二十四子，得姓者十四人。（皇甫謐曰）

黃帝居軒轅之邱，故因以為名，又以為號。非才子於顯項。（左傳）顯項氏有不才子，天下之人謂之禱杌。莫不因時多難。（左傳）司馬侯曰：或多難以固其國。俱繼神宗者也。（書

受命于神宗。伏惟陛下，出震等於助華，鳴謙同於旦奭，握圖一作秉鉞。（春秋合誠圖）黃帝遊玄扈洛水上，鳳皇銜圖，置帝前，帝再拜受圖。（書）王左杖黃鉞，右

秉白旄以麾。胡渭生曰：（孝經）授神契，舜龍顏重瞳，大口手握，（宋均注）手中有契字。將在御天。（易）時乘六龍以御天。玉勝珠衡。（春秋命曆序）神農戴玉理，宋均曰：玉理，玉英玉勝也。（孝經）授神契，伏犧大目，山

準日角，而連珠衡，注衡中有骨表，如連珠，象玉衡星。（漢書音義）眉上曰衡。徐樹本曰：（海錄碎事）顏淵山庭日角，曾子珠衡犀角。先彰元后。（書）元后作民父母。神祇所命，非惟大室之祥。（左傳）

無冢適，曰當璧而拜者，神所立也，乃與巴姬密埋璧於大室之庭，使五人齋而長八拜，平王弱抱而入，再拜，皆壓紐。圖牒斯歸，何止堯門之瑞。（班固典引）應圖合牒，窮祥極瑞。（漢書）李傥仔居鈞弋宮，生昭帝，任身十四月乃生。

上曰昔開堯十四月而生。今鉤弋亦然。乃命其所生門曰堯母門。〔南史〕元帝諱繹。武帝第七子也。帝夢眇目僧執香爐稱託生王宮。及生帝舉室中非常香。有紫胞之異。封湘東王。鎮江陵。任臣曰。〔梁書〕元帝背生黑子。巫媼見曰。此大貴兆。當不可言。若夫

大孝聖人之心。中庸君子之德。〔見中〕固以作訓生民。貽風多士。一日二日。研覽萬幾。允文允武。包羅羣

藝。〔見〕擬茲三大。〔老子〕故道大天大地大王亦。賓是四門。〔舜典〕歷試諸難。〔書序〕虞舜側微。堯聞之。聽

見斯無間而稱也。〔論語〕禹吾無間然矣。〔南史〕累遷鎮西將軍。都督荊州刺史。機務煩多。軍書羽檄。文章詔誥。點毫便就。殆不游手。自无妄為象。〔繫辭〕鍾禍上京。梟獍虔

劉。〔晉書〕崔懿之謂斬準曰。汝心如梟獍。必為國患。〔左傳〕呂相絕秦曰。虔劉我邊垂。宗社蕩墜。銅頭鐵額。與暴皇年。〔魚龍河圖〕黃帝攝政。有蚩尤兄弟八

豨修地。行災中國。〔左傳〕申包胥曰。吳為靈星所宅。〔漢郊祀志〕三星為秦乙鐘旗。命曰靈旗。為兵禱。大史奉以指所伐國。下武其興。〔詩〕下望紫極

而行號。〔爾雅〕北極謂之北辰。春秋合誠圖。北辰其星五。在紫微中。渭生曰。〔漢書〕李尋曰。紫宮極樞。通位帝紀。〔劉琨勸進表〕莫不叩心絕氣。行號巷哭。瞻丹陵而殞慟。〔帝王世紀〕堯母慶都

〔南史〕東魏高歡卒。侯景與高澄不協。奉表家冤將報。天賜黃鳥之旗。〔墨子〕天錫國害宜誅。神奉玄狐之籙。〔黃

軍決〕帝伐蚩尤。乃睡。夢西王母遣道人被玄狐之委。以符授之。〔南史〕王僧剋李軼於河津。〔後漢書〕馮異為孟津將軍。軍

武首結謀約。及更始立。反共陷伯升。欲降不自安。乃與吳通書。光武故宜露之。銷怒殺軼。征陶謙於海岱。

〔魏志〕曹操父嵩。避難在琅邪。操迎之。嵩輜重百餘兩。陶謙別將守陰平。掩襲嵩於華費間。殺之。操引兵擊謙。攻拔十餘城。皆屠之。〔南史〕

武帝為景所制。憂憤成疾。口苦案蜜不得。再曰荷荷。遂崩。〔又〕立簡文帝。尋使彭儵進土囊而弑之。

滕公擁樹。雄氣方嚴。

〔漢書〕夏侯嬰為滕令。奉車。故號滕公。項羽大破漢軍。漢王不利。馳去。見孝惠魯元。載之。漢王急馬罷。虜在後。常

墮兩兒寒之。嬰常收載。行面雍樹馳。卒得脫。

張繡交兵。風神彌勇。

〔魏志〕張繡與曹操戰。殺操長子昂。操中流矢。敗走。〔南史〕世子方等討河東王。豐軍敗死之。

忠誠貫於日月。

渭生曰。戰國策。唐唯曰。專諸之

刺王僚也。彗星襲月。聶政之刺韓傀也。白虹貫日。此皆有志之士。懷怒未發。休殺見於天。

孝義感於冰霜。冰霜用王祥。鄒衍事。

如雷如霆。見詩。

非貔非虎。〔牧誓〕尙桓桓如虎如貔。

前驅效命。

〔詩〕為王前驅。

元惡斯殲。〔胤征〕殲厥渠魁。

既挂膽於西州。

〔世說〕姜維死時。見剖膽大如斗。

方燃臍於東市。

〔後漢書〕董卓築塢於郿。號萬歲塢。及誅。暴屍於市。守吏為大炷置臍中。燃之光

明達。蚩尤三塚。寧謂嚴誅。

〔雲笈七籤〕軒轅本紀。所殺蚩尤。身首異處。帝閔之。令葬其首家於壽張。其肩胛冢在山陽。其髀冢在鉅鹿。

王莽千刺。非云明罰。

〔漢王莽傳〕莽在漸臺。商人杜吳殺莽。

校尉公實就斬首。單人分裂莽身。支節肌骨鬻分之。傳首詣宛。陳沂震曰。〔禮記〕公族有罪則殲制。

青羌赤狄。

〔英雄記〕董卓說校尉買龍擊劉焉。焉出青羌與戰。〔通鑑注〕青羌羌之一種。〔漢書〕晉文公攘戎狄。居西河圖洛之間。號曰赤翟白翟。

同昇豺狼。〔詩〕投界豺虎。

胡服夷言。

〔趙世家〕武靈王胡服騎射。〔左傳〕衛侯輒歸效夷言。

咸為京觀。

〔左傳〕楚子曰。古者明王伐不敬。取其鯨鯢而封之。於是乎有京觀。〔南史〕王僧辯入據建康。侯景

奔吳。羊侃子鷗殺景。送屍建康。傳首江陵。暴屍於市。民爭食之。并骨皆盡。

邦畿濟濟。還見隆平。宗祀悃悃。方承多福。

〔詩〕邦畿下里。〔又〕濟濟多士。〔班固東都賦〕卽土之中。有周成隆平之治焉。〔孝

經。宗祀文王於明堂。以配上帝。東晉補亡詩。惜惜我王。紹文之緒。善曰。左傳。祈詔之惜。杜預曰。惜。安和貌。詩。綏以多福。自氤氳混沌之世。驪連栗陸之君。（繫辭。）天地絪縕萬物化生。三皇本

紀。自人皇已後。有五龍氏。燧人氏。大庭氏。柏皇氏。中央氏。卷須氏。栗陸氏。驪連氏。赫胥氏。尊盧氏。混沌氏。吳英氏。有巢氏。朱襄氏。葛天氏。陰康氏。無懷氏。蓋三皇已來。有天下者之號。卦起龍圖。（三皇本紀。）必讎氏有龍瑞。以龍紀官。號曰龍師。始畫八卦。

文因鳥迹。（晉衛恆書勢。）黃帝之史沮誦蒼頡。眺彼鳥迹。始作書契。雲師火帝。非無戰陣之風。（三皇本紀。）炎帝神農氏。以火德王。故曰炎帝。以火名官。（五帝本紀。）黃帝軒轅氏。脩德振兵。以與炎帝戰於

阪泉之野。三戰然後得其志。官名皆以雲命。為雲師。堯誓湯征。咸用干戈之道。（大禹謨。）禹乃會羣后。誓于師曰。濟濟有衆。咸聽朕命。（仲虺之誥。）東征。西夷怨。南征。北狄怨。星躔東井。時破峭

潼。（漢書。）漢元年冬十月。五星聚於東井。東井。秦之分野。沛公至霸上。秦王子嬰。素車白馬。係頸以組。奉皇帝璽。降於軹道傍。雷震南陽。初平尋邑。（後漢光武紀。）世祖奔二公陣。二公兵

出會大風雷雨。未有拔三靈之已墜。（文選注。）三救四海之羣飛。（揚雄劇秦美新。）海水（注。）喻大亂也。赫赫明明。龔行天罰。（見書。）癡天地人也。

如當今之盛者也。於是卿雲似蓋。晨暎姚鄉。（呂氏春秋。）虞舜卿雲歌曰。卿雲爛兮。糺糺縵兮。日光華。且復且兮。孔安國曰。譬叟妻握登。見大虹感而生舜於姚墟。故姓姚。甘露如

珠。朝垂原寢。（後漢書。）明帝永平中。甘露降於原陵。按光武葬於原陵。芝房感德。咸出銅池。（漢書。）武帝作芝房之歌。（又）宣奠莢伺晨。無勞

銀箭。（帝王世紀。）堯時。有草夾階而生。隨月生。死。以占日月之數。名曰莢莢。（尸子。）使雞伺晨。陸倕新漏刻銘云。每旦晨興。屬傳漏之音。聽雞人之響。又金徒抱箭。（南史。）大寶二年十月辛丑朔。紫雲如蓋。臨江陵城。重以東漸玄菟。



〔漢武帝紀〕朝鮮斬其王右渠降。以其地爲樂浪、臨屯、玄菟、眞番郡。  
西踰白狼。〔晉地理志〕高雲。高柳生風。〔後漢郡國志〕代郡十一城一名高柳。扶桑銜日。〔十州記〕扶桑在碧海中國樹

長數千里一千餘圍。張尙玠曰。〔淮南子〕日拂於扶桑。莫不編名屬國。歸貢鴻臚。〔後漢百官志〕承秦有典屬國。別主四方夷狄朝貢侍子。成帝省并於大鴻臚。荒服來賓。〔國語〕蠻夷要服。戎狄荒服。

遐邇同慶。〔南史〕大寶二年九月己亥。盤盤國獻馴象。其文昭武穆。〔左傳〕富辰曰。管蔡鄙霍。魯衛毛聃。邾雍曹。跖萼也如彼。〔詩〕常棣之華。鄂不韡韡。〔箋〕

承華者曰鄂。拊鄂足也。天平地成。〔書〕地平天成。功業也如此。久應旁求掌故。〔漢舊儀〕大常博士弟子。試射策中乙科。補掌故。〔司馬相如封禪文〕宜命掌固。悉奏其儀而覽焉。咨詢

天官。〔周禮〕天官冢宰。斟酌繁昌。〔魏志〕文帝受禪。爲壇於繁陽。黃初元年。改潁陰之繁陽亭爲繁昌縣。經營高邑。〔後漢光武紀〕命有司設壇場於鄗。南千秋亭。卽皇帝位。因改鄗曰高邑。宗王啓霸。

非勞武德之侯。〔魏志明帝紀〕帝諱叡。年十五。封武德侯。黃初七年。立爲皇太子。丁巳。卽皇帝位。清蹕無虞。何事長安之邸。〔中華古今注〕秦制出警入蹕。〔後漢安帝紀〕帝父清河孝王慶。廢帝崩。

太后與兄車騎將軍鄧騭。定策拜帝爲長安侯。卽皇帝位。揚龍旂以饗帝。〔魯頌〕御鳳屐以承天。〔周禮〕掌次職王。大旅上帝。則張氈案。設皇邸。〔鄭司農曰〕皇羽覆上邸後板也。玄謂後板屏風。與葉羽

象鳳皇羽色以爲之。疏言後板者。謂爲大方板。於坐後畫爲斧文。言屏風者。據漢法混之。歷數在躬。〔大禹謨〕帝曰。天。之歷數在汝躬。疇咨爲讓。〔堯典〕帝曰。去月二十日。兼散騎常

侍柳暉等至鄴。〔齊神武帝紀〕神武以孝武既西。恐逼嶠陝。洛陽復在河外。接近梁境。如向晉陽。形勢不能相接。乃議遷鄴。伏承聖旨。謙沖爲而不幸。〔老子〕生而不有。爲而不宰。是謂玄德。或

云洛陽未復。〔杜氏通典〕魏文帝受禪後，脩洛陽宮室，權都許昌，宮殿狹小。元日於城南立氈殿，青帷以爲門，設樂饗食，後還洛陽，依漢舊事。函谷無泥。〔見樂〕旋駕金陵。〔初學記〕江寧縣楚之金陵邑也。吳晉

宋齊梁陳六代都之。〔南史〕十一月丙子，帝即位於江陵。下詔將還建康，胡僧佑等諫止之。愚謂大庭少昊，非有定居。〔左傳注〕杜預曰：大庭氏，古國名，在魯城內。帝王世紀：少昊帝名摯，降居江水，邑

於窮桑，以登帝位。〔漢高帝紀〕帝西都洛陽，戍卒婁敬說上都關中，張良勸上，是日車駕西都長安。〔殷都曲阜，號金天氏。〕漢祖殷宗，皆無恆宅。〔漢高帝紀〕盤庚之時，殷已都河北，盤庚渡河南，居西亳，復居成湯之故居，迺五遷無定處。

登封岱嶽，且署明堂。〔漢武帝紀〕上登封泰山，降坐明堂。陳鑿曰：〔孝經〕授神契，明堂者，天子布政之宮，上員下方，八窗四闔，在國之陽。兆寬曰：〔大戴禮〕明堂凡有九室，一室而有四戶八牖，總三十六戶七十二牖，以茅蓋屋。

巡狩荊州，時行司隸。〔後漢竇武傳〕桓帝巡狩南陽，以武府掾胡騰爲護駕從事，騰上言：臣請以荊州刺史比司隸校尉，臣自同都官從事，帝從之，自是肅然，莫敢妄有干欲。

宮。〔蜀志〕諸葛亮曰：鍾山龍盤，石城虎踞。南望牛頭，方稱天闕。〔一統志〕牛頭山，在應天府，一名牛首山，有二峯東西相對。晉元帝初作宮殿，王導指雙峯曰：此天闕也，故又名天闕山。抑又聞之，玄圭

既錫。〔禹貢〕蒼玉無陳。〔周禮〕大宗伯之職：蒼玉禮天，黃琮禮地。乃棫樸之愆期。〔詩〕芄芇樸，非芇茅之不貢。〔左傳〕管仲對楚曰：爾雲

和之瑟，久廢甘泉。孫竹之管，無聞方澤。〔周禮大司樂〕孤竹之管，雲和之琴瑟，雲門之舞。冬日至於地上之圓丘，奏之則天神皆降，孫竹之管，空桑之琴瑟，咸池之舞。夏日至於澤中之方丘，奏之則地示皆

出。〔漢郊祀志〕武帝作甘泉宮，中爲臺室，畫天地泰乙諸鬼神，置祭具，以致天神。豈不懼歟，伏願陛下，因百姓之心，振萬邦之命。〔賈逵國語〕注：振救也。豈可逡巡固讓。

徐孝穆集 卷一

〔公羊傳〕齊侯遼巡而謝。樹敏曰。〔漢外戚傳〕耿育疏。太伯見歷知適。透循固讓。方求石戶之農。魏錄高士傳。石戶之農。與舜為友。舜以天下讓之。石戶夫貢妻攜子入海。高謝為君。左思魏都賦。高謝萬邦。徒引

箕山之客。〔高士傳〕許由字武仲。聞堯致天下。而讓焉。乃遜於潁水之陽。箕山之下。未和上德之不德。惟見聖人之不仁。〔老子〕上德不德。是以有德。又聖人不仁。以百姓為芻狗。率

士翹瞻。〔詩〕率士之濱。蒼生何望。〔書益稷〕帝光天下。至於海隅。蒼生。昔蘇季張儀。違鄉負俗。尚復招三方以事趙。請六國以

尊秦。〔史記蘇秦傳〕秦字季子。東周洛陽人。為從約長。并相六國。北報趙王。行過雒陽。車騎輻重。擬於王者。秦喟然歎曰。使吾有雒陽。賈郭田二頃。豈能佩六國相印乎。〔張儀傳〕儀魏人也。入秦。惠王以為客卿。與謀伐諸侯。漢書武帝詔。士或有負俗之累。〔會

稽典錄〕范蠡字少伯。越之上將軍也。本是楚宛三戶人。佯狂。偶儻負俗。〔李斯上秦王書〕惠王用張儀之計。散六國之從。使之西面事秦。況臣等。顯奉皇華。〔詩〕皇皇者華。遺使臣之詩也。親承朝命。珪璋特

達。〔聘義〕以珪璋。聘重禮也。通聘河陽。〔曹植送應氏詩〕置酒此河陽。〔晉地理志〕河內郡領河陽縣。貂珥雍容。漢官云。秦置散騎。又置中常侍。漢因之。皆銀珥。附蟬為文。貂尾為飾。謂之貂璫。尋盟漳水。

〔左傳〕會於葵邱。尋盟且脩。加牢貶館。〔左傳〕士鞅來聘。隨世汗隆。〔禮記〕道隆則從而隆。道汙則從而汙。瞻望鄉關。誠均休戚。〔盧堪好也。〔魏都賦〕北臨漳溢。加四牢焉。為十一牢。而隆。道汙則從而汙。詩〕義

等休戚。但輕生不造。〔謝朓詩〕輕生諒昭。命與時乖。忝一介之行人。同三危之遠擯。〔左傳〕晉行人子員對鄭曰。不使一介行李。告於寡君。〔禹貢〕

三危既宅。〔注〕三危在雍州之西南境。即舜竄三苗之地。山有三峯高崑。甚危。承間內殿。事絕耿弇之恩。〔後漢書〕蕭王幸故名三危。〔本傳〕太清三年。兼通直散騎常侍。使魏。陵累求復命。終拘留不遣。溫明殿。耿弇請問曰。

王郎雖破天下兵革乃始耳。聖公敗必不久。王曰：卿勿妄言。我告斬卿。奔曰：大王哀厚，奔如父子，故敢披赤心耳。

封奏邊城私等劉琨之哭。

（晉書）劉琨、段匹碑相與歃血同盟，冀不戴晉室。道右司馬溫嶠奉表詣建康勸進。

勝區區之至，謹拜表以聞。

讓五兵尚書表

（本傳）天嘉四年，讓五兵尚書，領大著作。

臣聞仲尼大聖，猶云書不盡言。

（見《繫辭》）

士衡高才，常稱文不逮意。

（語見《文賦》）

臣比衰疴自積，思緒茫然，頓託朋

遊，爲裁章表，雖復陳琳健筆，未盡愚懷。

（魏文帝書）孔璋章表殊健。

孫惠詞人，頗加繁飾。

（晉書）孫惠好學，有才識，以書于東海王越，爲記室參軍。

所以高

天緬邈。

（陸機擬古詩）緬邈若飛沉。

弗降昭回。

（詩）俾彼雲漢，昭回于天。

瞻拜絲綸，更增憂憊。臣雖不敏，弱冠登朝。伊昔承華

（初學記）太子之門曰

承華，豫遊多十，晚逢興運，爰濫寵私。爾時四郊多壘。

（見禮記）

七雄分爭。

（正義）王赧卒後，天下無主，三十五年，七雄並爭，至秦始皇立，天下一統。

國家制度

日不暇給。

（班固兩都賦序）大漢初定，日不暇給。

趙宮論受命之宜，隨邑奏升壇之禮。

（未詳）

而參聞祕計，弗解單于之兵。

（漢陳平傳）高帝至平城

爲匈奴所圍，七日不得食，用平奇計，使單于闕氏解圍，以得開，其計祕世莫得聞。

飛箭馳書，未動聊城之將。

（魯仲連傳）田單攻聊城，歲餘不下，魯連乃爲書約之，箭以射城中，燕將自殺。

不期枚乘老

叟忽降時恩。

〔漢枚乘傳〕武帝以安車蒲輪徵乘。

馮唐暮年見申明主。

〔漢書〕武帝求賢良舉馮唐時年九十餘不能為官。

擢宰京邑朝坐棘林。

〔周禮朝士〕掌建邦外朝之

法左九棘孤卿大夫位焉右九棘公侯伯子男位焉面三槐三公位焉。

遂致洛陽無雨。

〔東觀漢記〕永初二年三月京師旱至五月和熹鄧太后幸洛陽省獄舉寬未還宮對雨大降。

非比長安多盜。

〔漢張敞傳〕

以敞守京兆時長安市偷盜尤多百賈苦之上問敞敞以為可禁。

其宜屏錮用實嚴科猶處名僚久為叨竊但著書天祿雖如劉向。

〔漢劉向傳〕向嘗校書天祿

閣夜有老人以青藜火照之曰太乙之精聞卯金之子好學故下觀。

朔望登朝轉同王隱。

未詳案〔漢張禹傳〕禹領尚書代王商為丞相封安昌侯罷就第以列侯朝朔望位特進。

其於朽劣尚可從容。

司會文昌邈然非據。

〔周禮天官司會之職〕鄭玄曰會大計也司會主天下之大計計言之長若今之尚書矣。樹聲曰〔荀綽晉百官表注〕尚書為文昌天府。

讓散騎常侍表

〔本傳〕天嘉六年除散騎常侍。

臣聞五十知命宗師之格言。

見〔論語〕

六百辭滿通賢之高槩。

姜宸英曰〔漢兩龔傳〕邴漢兄子曼容為官不肯過六百石輒自免去其名過出於漢。

昔墨子諸

生裹裳救楚。

〔淮南子〕楚將攻宋墨子聞之自魯趨而往一日一夜足重繭而不休息製裳裹之至郢見楚王。

魯連隱士高論卻秦。

〔魯仲連傳〕仲連雖新垣衍以秦為帝秦軍為卻。

況乎謬蒙

知己。

〔戰國策〕士為知己死女為悅已容。

寧無感激洪私過誤真以通班司憲文昌。

見上。

遂諧常伯。

〔晉職官志〕侍中於周為常伯之任。

今者昆吾小

器諦視不見玄黃。未詳。鈞天並奏靜聽能聞鐘鼓。趙世家。簡子病二日而寤曰。我之帝所甚樂。與百神遊於鈞天。廣樂九奏萬舞。雖神農分藥。補三皇本紀。神農以楮鞭鞭

草木始嘗百草。始有百藥。岐伯提鍼。司馬相如賦。詔岐伯使尙方張楫。曰。岐伯者黃帝太醫。屬使主方藥也。

冥衆因緣難可匡救。陛下嗣臨寶曆光闡大猷。屬意

銓衡留情樞極。詩。芘芘棫。樸薪之樞。燕臺裝玉儻不精真。闕子。宋愚人得燕石。以爲大寶。藏以華篋。十重緹巾。十襲。客見掩口虛胡而笑。齊客吹竽諒宜澄簡。韓子。

齊宣王使人吹竽必三百人。南郭處士請爲王吹竽。宣王悅之。廩食以數百人。南郊奉乘當求鄭默之才。晉鄭默傳。默爲散騎常侍。武帝出祀南郊。詔使默參乘。

西省文辭應用羅含之

學。晉羅含傳。含累遷散騎常侍。中少嘗畫。臥夢鳥入口。藻思日新。謝尙稱爲湘中之瓊玕。

讓左僕射初表。本傳。大建元年。除尙書右僕射。二年。遷左僕射。陵抗表推周弘正王勳等固辭累日。陵乃奉詔。

臣聞七十之歲揚雄擬經。漢書。揚雄以經莫大於易。故作太玄。六十之年平津對策。漢書。公孫弘對策。金馬門。後爲丞相。封平津侯。若斯強壯無歎耆老。

臣勵當作勸。詳碑。則胄華軒冕才允卿相出納流譽。舜典。帝曰。龍。命汝作納言。夙夜出納朕命。惟允。朝野共瞻臣弘正。南史。周弘正字思行。至江陵。王僧辯飛騎迎之。

相見歡甚。即日啓元帝授黃門侍郎直中書省。俄遷左戶尙書加散騎常侍。太平元年授侍中領國子祭酒。遷太常卿都官尙書。陳宣帝即位。遷特進領國子祭酒。國老儒宗。左傳。季孫謂仲尼曰。子爲國老。樹本曰。後漢書。樓望教授不倦。世稱儒宗。

情尙虛簡。玄風勝業。獨王當年。臣鍾當作種。南史。張種字士苗。永從孫也。種少恬靜。居處雅正。傍無造請。景平初。司徒王僧辯以狀奏。請爲中從事。陳武帝受禪。爲太常卿。歷位左戶尙書。侍中。中書令。金紫光祿

夫。氣懷沈密。文史優裕。漢書。東方朔曰。臣朔年十二。學書三冬。文史足用。東南貴秀。朝廷親賢。並見壯猷。詩。方叔元老。克壯其猷。皆宜左執。若漢

武好少。則微臣已老。漢書。顏驕龐眉皓髮。爲郎。武帝問之。對曰。陛下好少。臣已老。若周文愛老。則有此羣才。齊世家。呂尙年老。以漁釣干西伯。伏願天明。更謀

梓匠。求其妙選。稱是能官。

讓右僕射初表。本傳。大建元。年。除尙書右僕射。

加以言尋盟好。仍屬亂離。先零盜其牛馬。漢蘇武傳。武字子卿。單于幽武。置大窖中。絕不與飲食。武臥齧雪。與氈毛并咽之。至海上。杖漢節牧羊。後丁零盜武牛羊。武復窮厄。烏孫竊其

印綬。漢常惠傳。惠從吏卒十餘人。隨昆彌還。未至烏孫。烏孫人盜惠印綬節。子卿茹雪。叔向爲凶。未詳。雖復東歸。備罹此厄。昔李廣遺恨。不值漢初。

漢李廣傳。文帝曰。惜廣不逢時。令當高祖世。萬戶侯。豈足道哉。寧戚自悲。不逢堯禪。呂氏春秋。寧戚飯牛歌。南山矸白石爛。生不逢堯與舜禪。臣隨望聖。運實在權輿。爾雅。權輿始也。

時參決勝之籌。漢書。高帝曰。運籌帷幄之中。決勝千里之外。吾不如子房。頗奏發兵之識。後漢光武紀。同舍生彊華。奉赤伏符至曰。劉秀發兵捕不道。當塗錫命。非無董昭

之誠。〔魏志董昭傳〕昭與列侯諸將議以丞相宜進爵國公九錫備物以彰殊勳。典午禪文。〔蜀志〕謙周常書版示文王曰典午忽兮典午者謂司馬也。〔魏書〕云陳留王咸熙二年二月詔羣公卿士具儀設壇於南郊使使者奉皇帝璽綬

册禪位於晉嗣。王如漢魏故事。不降張華之實。

### 爲王儀同致仕表

尺波歸海恆歎不居。〔陸機長歌行〕尺波豈徒旋。〔注〕喻年命流行曾無止息也。燭火爲薪猶悲假續。〔高士傳〕堯舜致天下而讓許由曰十日並出而燭火不息其光不亦難乎。況復星

回日薄通人有乞告之言。〔劉勰新論〕天回日轉其謝如矢。顧湄曰〔古樂府〕白日薄西山。鐘鳴漏盡前史有夜行之誠。〔魏志〕田豫答司馬宣王曰年過七十而居位譬猶鐘

鳴漏盡而夜行不休也。五陵鼎族家傳軒冕。〔班固西都賦注〕高惠景武昭帝五陵在北士人多宅於此。四姓卿侯榮由恩澤。〔後漢明帝紀〕四姓小子侯。〔注〕尙書以上爲甲姓九卿方伯爲乙姓

散騎常侍大中大夫爲丙。虛名靡實世官非才。〔書〕官人以世。年力方強不能辭退今三元肇慶。〔玉燭寶典〕正月一日爲元日亦云三元。六

呂司春得奉萬壽之杯。〔漢兒寬傳〕武帝東封泰山還登明堂。倪寬上壽曰臣寬奉觴再拜上千萬歲壽。預參百辟之禮便釋朝衣謹遵初服同孔光之

杖載遊戶庭。〔漢孔光傳〕光稱疾辭位太后詔曰太師光聖人之後賜太師靈壽杖入省中用杖。廣德之車方懸私館。〔漢書〕薛廣德爲御史大夫免賜安車駟馬歸沛沛以爲榮縣其安車示子孫。



為始興王讓琅邪二郡太守表

〔隋書〕南海郡曲江縣。〔注〕舊置始興郡。東海郡胸山縣。〔注〕舊曰胸。置琅邪郡。炯曰。〔南史文帝諸子傳〕始興王伯茂。字鬱之。文帝第二子也。初武帝兄始興昭烈

王道談。仕梁。為東宮直閣將軍。侯景之亂。援臺中流矢卒。紹泰二年。贈南兗州刺史。封義興郡公。謚曰昭烈。武帝受禪。重贈太傅。改封始興郡王。道談生文帝及宣帝。宣帝以梁承聖末。遷於長安。至是武帝適以宣帝襲封始興嗣王。以奉昭烈王祀。武帝

崩。文帝入篡帝位。時宣帝在周未還。文帝以本宗乏嗣。徙封宣帝為安成王。封伯茂為始興王。以奉昭烈王祀。

甫離懷袖

〔班婕妤怨歌行〕出入君懷袖。

裁脫綺紈

〔漢書〕班伯在綺襦紈袴之間。注。貴戚子弟服。

適荷隆私。使膺珪組。執玉不趨。摠衣未勝。

〔曲禮〕執玉不趨。

〔又〕兩手摠衣去齊尺。〔論語〕執圭。鞠躬如也。如不勝。

自甘泉通火

〔漢書〕文帝時。匈奴使騎兵入燒回中宮。烽火及甘泉宮。

細柳屯兵

〔漢書〕周亞夫軍細柳。〔注〕長安有細柳聚。

旁帶戎臣。頗

同疆場

〔左傳〕疆場無主。則啓戎心。

言瞻漢草。迺曰中州

未詳。按〔漢書〕胡中草。白昭君冢草獨青。

遙望胡桑。已成邊郡

〔曹植豔歌〕出自薊北門。遙望胡地桑。

誠復居

藩體國。應思馬駿之功

〔晉書〕扶風王駿。鎮關中。善撫御。有威恩。

論地惟親。宜慕曹彰之勇

〔魏志〕任城王彰。少善射御。膂力過人。手格猛獸。太祖持彰鬚曰。黃鬚兒竟大奇也。

移檄

為護軍長史王質移文

〔南史王質傳〕質字子貞。梁世。以武帝甥。封甲口亭侯。陳宣帝輔政。為司徒左長史。〔北史附庸傳〕後梁蕭歸嗣位之五年。陳湘州刺史華皎。巴州刺史戴僧朔。並來附。皎送其子玄嚮。為質於歸。

仍請兵伐陳。歸上言其狀。武帝詔衛公直督荊州總管權景宣大將軍元定等赴之。歸亦遣其柱國王謀率水軍二萬會皎於巴陵。既而與陳將吳明徹等戰於沌口。直軍不利。元定遂沒。歸大將軍李廣等亦爲陳人所虜。長沙巴陵並陷於陳。初華皎戴僧朔從衛公直與陳人戰。率其麾下數百人歸於歸。歸以皎爲司空。封江夏郡公。

比金風已勁。玉露方圓。宜及窮秋。幸踰高塞。當使孤旌不反。隻騎無還。（公羊傳）秦伯將襲鄭。晉人與姜戎要之。殺而擊之。匹馬隻輪無反者。非止

湯羅。（帝王世紀）湯出見羅者。命解其三面。而置其一。而漢南諸侯聞之。咸曰。湯澤及禽獸。歸者三十六國。豈知堯德。（堯典）克明峻德。其承比年民墊。（書）下民昏墊。仍歲蘊隆。（詩）旱既太

甚。蘊隆。粒粟貴於隨珠。（說苑）墨子謂滑釐曰。今凶年。有欲與子隨侯之珠者。又欲與子一鍾粟者。子將何擇。滑釐曰。粟可取也。分糜乏於齊鼎。（封氏見聞錄）青州南城佛寺有二大鏡。大者容四石。小

者容三十石。舊傳寺即孟嘗君宅。錢卽用以待食客者。後毀爲兵器。且氏羌旅拒。（後漢馬援傳）援曰。黠羌欲旅拒。已跨伊瀨。（漢書三川注）河洛伊也。《隋書》豫州河南郡河南縣。《注》有瀨水。胡羯憑陵。

（後漢吳漢傳）居上黨武鄉羯室。方踰汾潞。（隋書）冀州文城郡。《注》東魏置南汾州。後周改爲汾州。上黨郡。《注》後周置潞州。刺虎之勢。時期卞生。（陳軫傳）卞莊子欲

刺虎。館豎子曰。此兩虎方且食牛。食甘必爭。爭則鬪。鬪則大者傷。小者死。從而刺之。莊子果有雙虎之功。拾蟀之機。彌驗蘇子。（戰國策）趙且伐燕。蘇代謂惠王曰。今者來過。川蟀方出。曝而趨啄之。兩不相舍。漁者得而并食之。但

國家體茲明信。（左傳）苟有明信。不信有如皎日。豈惟風雨之旦。猶救匹夫。宵夢之言。無欺幽壤。未詳。按《列士傳》羊角

哀與左伯桃爲友。俱往仕楚。至梁山。逢雪糧盡。度不兩全。遂并糧與哀。至楚。楚用爲上卿。後收葬伯桃。伯桃墓逼荊將軍陵。而伯桃告云。吾日夜被荊將軍伐之。哀乃加兵未勝。云我向地地下看之。遂自刎死。琴操。其思葦子對楚王曰。臣友三人。石文子。叔愆子。竊墓大王。高義。欲俱來謁。至於嶽巖之間。逢颯風暴雨。衣寒糧乏。度不能俱活。二子不以臣爲不肖。推糧與臣。二子遂凍飢而死。賊華皎。近以臨蕃有譴。作牧無童。疑作。既懼檻車之徵。魏

傳。詔書。便憂齊斧之戮。魏文帝紀注。令。遂乃治兵楚夢。漢司馬相如傳。楚有七。檣車徵艾。日方將整以齊斧。漢其小者爲雲夢。方九百里。竊載干戈。倒載干戈。傍引西

戎。禹貢。其謀東夏。左傳。聞。偽周遣其衛國公宇文直等。總統獯獫。爲其羽翼。漢張良傳。上曰。醜徒濟

岸。來攻郢城。逆豎浮舟。同趣夏浦。本傳。周武帝遣柱國長湖公元定。攻圍郢州。梁明帝授任蠻奴。巴陵內史。潘智陵。岳陽

用。王師艤櫂。素在中流。羣帥爭驅。應時殲蕩。左傳。門官殲焉。注。杜預曰。殲盡也。本傳。盧皎先發。乃前遣明徹。率衆三萬。乘金翅直趣郢州。又遣撫軍大將軍淳于量。率衆五萬。乘大艦繼之。

羌胡寶馬。史記。李斯上書曰。縱橫七澤之中。見。荆楚樓船。彌滿三江之上。漢武帝紀。路博德等皆將罪人。江淮

水皆會巴陵洞。庭。號三江口。俘禽所獲。水陸無遺。華皎擢自芻微。本傳。皎。起自下吏。叨居藩翰。情慙犬馬。罔顧恩靈。翻執干戈。自圖

家國。聞諸間謀。左傳。晉人獲秦諜。注。具彼鄰謀。乃授冬官。周禮。冬官。大司空。即爲鄉導。魏志。太祖北征烏丸。諜間也。今謂之細作。

令田疇將其衆爲鄉導。

雖傷仁義之俗，非敢有私期，和與國之情，猶冀無失。

移齊文

〔南史〕潘子暈傳。華皎構逆，以暈為征南大將軍，西討大都督，暈率大艦自鄂州樊浦拒之，皎平，并降。周將長湖公元定等詳前移。

獲去月二十日移，承羯寇平殄，同懷慶悅，眷言鄰睦，淡副情佇，夫天網之大，

〔老子〕天罔恢恢，疎而不漏。

固無微而不禽。

神武之師

〔魏王粲詩〕所從神且武，安得久勞師。

本無征而不克，至如戎王傾其部落，

〔漢匈奴傳〕秦昭王時，宣太后詐而殺義渠戎王於甘泉，遂起兵伐滅義渠。

逆豎道其

鄉關，非厥英圖，殆難戡戮，況復洞庭遐曠，兵食殷阜，西窮版屋，北罄氈廬，

〔詩〕在其版屋。〔漢書〕匈奴法，漢使不去節，不以墨黥其面，不得入穹廬。

聲冠苻姚，勢兼聰勒，

苻秦姚後秦聰漢勒後趙俱東晉晉國見〔晉書〕

庸蜀寶馬，彌山不窮，巴漢樓船，陵波無際，

〔曹植洛神賦〕凌波微步。〔木華海賦〕萬里無際，詳

前移，我之元戎上將，協力同心，承稟朝謨，致行明罰，為風為火，殪彼蒙衝，

〔吳志周瑜傳〕與曹公遇於赤壁，黃蓋取戰艦數十艘，實以薪草，漢膏油其中，同時發

火時風甚猛，悉延燒岸上營落，軍遂敗退。

如霆如雷，

語見詩。

擊其舟艦，羌兵楚賊，赴水沈沙，棄甲則兩岸同奔，橫尸則千里相枕，江川

盡滿，譬睢水之無流，

〔漢高帝紀〕羽敗漢兵，睢水上水為之不流。

原隰窮胡，等陰山之長哭，

〔漢匈奴傳〕郅中侯應曰，冒頓單于依陰山，治兵器，後武帝奪其地，匈奴過者未嘗不哭。

於

是黑山叛邑。見與王僧辯書。諸城洞開。陸機漢高祖功臣頌。胡馬洞開。白虜連羣。未詳。後漢段熲傳。雜種羌屯聚白石。注。白石山今蘭州東。銳曰。北史。鄧至者。白水羌也。世為羌豪。因地名號。自稱

鄧至投戈請命。揚雄解嘲。解甲投戈。長沙鵬鳥靡復為妖。漢書。賈誼為長沙王傳。三年有鵬鳥飛入誼舍。止於坐隅。鵬不祥鳥也。湘川石燕自然還儻。湘中記。零陵有石燕。

遇雨則飛。止還為石。克翦無算。縲禽不貲。欲計軍俘。終難巧歷。莊子。巧歷不能得。所獲龍駒驥子。百千其羣。更開苜蓿之園。

述異記。張騫苜蓿園。今在洛中。苜蓿本胡中菜也。饗於西戎得之。方廣駟駘之廢。漢百官公廡表注。漢舊儀云。天子六廢。未央。承華。駟駘。騎馬。輅。大廢也。馬皆萬匹。於是衛霍甘陳。虬髭瞋目。

衛衛霍霍。霍去病。陳。陳湯。甘。甘延壽。見漢書。晉桓溫傳。劉琨稱溫曰。溫鬚如蝟毛。張飛據水斷橋。驍目橫矛曰。身是張益德也。可來共決死敵。心馳隴路。志飲河源。乘勝長驅。未知所

限。豈如桓溫不武。棄彼關中。晉書。桓溫入關。王猛被褐詣之。捫鼻而談。當世之務。旁若無人。且曰。公不遠數千里。深入敵境。今長安咫尺。而不度。灑水百姓。未知公心。所以不至。初溫指秦麥以為糧。既而秦人悉芟麥。清野以

待之。溫軍乏食。徙關中三千餘戶而歸。殷浩無能。長茲羌賊。晉書。殷浩連年北伐。師徒屢敗。糧械都盡。桓溫因朝野之怨。上疏請廢之。朝廷不得已。免浩為庶人。徙之信安。浩既廢黜。雖愁怨不形。辭色常書空作咄咄怪事四字。

方且西踰酒郡。抵我境而置邊亭。東略鹽池。為齊朝而反侵地。史記大宛傳。燉煌置酒泉都尉。西至鹽水。往往有亭。漢地理志。酒泉郡。注。武帝太初元年開。應

劭曰。其水若酒。故曰酒泉也。又。河東郡安邑縣。注。鹽池在西南。此政亦翦妖氛。未窮巢窟。便聞慶捷。媿佩良深。

檄周文

〔南史吳明徹傳〕太建九年詔明徹北征軍至呂梁周徐州總管梁士彥率衆拒戰

主上恭膺寶歷嗣奉瑤圖既稟聖人之材兼富神武之略又安兆庶共靖戎華用戡干戈

〔詩〕戢干戈

永銷鋒

鏞〔後漢陳龜年傳〕疏曰守恭候望懸命鋒鏞

况復追惟在楚無忘玉帛之言軫念過曹猶感盤殮之惠

〔左傳〕晉公子重耳及曹僖負羈乃饋盤殮置璧焉公子受殮反璧

及楚楚子嬰之曰公子若反晉國則何以報不穀對曰子女玉帛則君有之其何以報君〔陳宣帝諸子傳〕始興王叔陵魏克江陵宣帝遷關右宣帝之還以後主及叔陵爲質天嘉三年隨後主還朝梁承聖中生於江陵

年馳玉節之使〔周禮掌

節〕守邦國用玉節炯曰〔公羊傳〕陳乞謂陽生曰吾不立子者所以生子者也走矣與之玉節而走之

歲降銀車之恩未詳庶使懷音微悟知感而反其藏匿招我叛臣

〔後漢張奐傳〕寬望

謂華皎等翊從瀟湘空竭關隴荆梁左右漢沔東西

〔隋書〕荊州沔陽郡沔陽縣〔注〕梁置沔陽營陽州城三郡

顛地呼天

〔後漢張奐傳〕寬則呼天竊則叩心

望

佇哀救夫一人掩泣猶愴滿堂

〔說苑〕聖人於天下也譬猶滿堂飲酒有一人向隅而泣則一堂之人皆不樂

百姓爲心彌切宸辰

〔老子〕聖人無常心以百姓爲心

大都

督吳明徹台司上將德茂勳高威著荆湘

〔本傳〕宣帝詔授明徹都督湘州刺史仍與征南大將軍淳于量等討平華皎

化開庸蜀

〔本傳〕文帝詔以明徹爲江州刺史〔隋唐〕梁州

隆山郡隆山縣〔注〕

舊曰犍爲置江州

叱咤而平宿豫吹噓而定壽陽

〔漢韓信傳〕項王喑啞叱咤千人皆廢

〔隋書〕徐州下邳郡宿豫縣〔注〕舊置宿豫郡〔後漢鄭泰傳〕孔公緒噓枯吹生〔隋書〕揚州

淮南郡領壽春縣。按壽陽晉郡名。治壽春縣。樹屏曰。後漢皇甫嵩傳。闔忠曰。指搗足以振風雲。叱咤可以興雷電。陳宣帝紀。大建五年三月。以開府儀同三司吳明徹都督征討諸軍事。略地北邊。冬十月。吳明徹克壽陽城。斬王琳。傳首建業。本傳。齊道王琳拒守也。七年。進攻彭城。軍至呂。梁又大破齊軍。八年。進位司空。席卷江淮。無淹弦望。李陵與蘇武詩。安知非日月。弦望自有時。

啓

安成王讓錄尚書表後啓

〔梁宗室傳〕安成康王秀。字彥達。文帝第七子也。仕齊。爲太子舍人。天監元年。封安成郡王。六年。爲江州刺史。尋遷荊州刺史。加都督。魏縣瓠城人。反。殺豫州刺史司馬懷悅。引司州刺史

馬仙琕。仙琕。荊州求應援。衆咸謂宜待臺報。秀卽遣兵赴之。十三年。爲郢州刺史。加都督。郢州夏口。嘗爲戰地。多暴露骸骨。秀於黃鶴樓下祭而埋之。時司州叛蠻田魯生。魯賢。超秀據籬籠來降。武帝以魯生爲北司州刺史。魯賢北豫州刺史。超秀定州刺史。爲北境扞蔽。而魯生超秀互相讒毀。有去就心。秀撫喻懷納。各得其用。當時賴之。遷雍州刺史。在路薨。喪至都。贈司空。諡曰康。隋書。揚州廬陵郡安復縣。〔注〕舊置安成郡。

臣聞間平就國。乃盛漢之常儀。

〔後漢光武十王傳〕東平王蒼。建武十七年。進爵。蒼自以至親輔政。意不自安。上疏歸職。永平五年。乃許還國。〔章帝八王傳〕河間孝王開。以永元三年。封。延平元年。就國。奉遵法度。吏

人敬之。邨霍無官。實宗周之明典。

〔左傳〕五叔無官。豈尙年哉。

何則。皇季之重。非待歷階。王爵之隆。自高羣辟。況臣戢翼要荒。

〔吳越春秋〕扶同曰。鷺鳥將搏。必卑飛戢翼。詳勸進表。

亟離寒暑。見進慙趙勝。能定楚從。

〔趙平原君傳〕毛遂謂楚王之左右曰。取雞狗馬之血來。毛遂奉銅盤而跪進之。楚王曰。王當歃血而定從。次者吾君。次者

遂定從於殿上。毛遂左手持盤血，而右手招十九人曰：「公相與歃此血於堂下，公等錄錄，所謂因人成事者也。」

退匪齊文，馳免秦厄。

（史記）齊田文自秦逃歸，王悔追之，關法雞鳴，乃出客。時尙早，追者將至，客有善爲雞鳴者，野雞皆應。

之乃脫。

固以內切皇心，外貽家恥，甘輸重餌，降禮單于。

（漢賈誼傳）試以臣爲屬國之官，以主匈奴，請必係單于之頸而制其命，真德秀曰：（新書）以主匈奴下陳三表五餌，而史削之。

列城十五，如請和壁。

（趙蔣相如傳）秦王欲以十五城易趙王和氏璧，蔣相如奉璧見秦王，秦王無意償趙城，相如因給璧，卻立倚柱曰：臣觀大王無意償趙城，故臣復取璧，大王必欲急臣，臣願與璧俱碎於柱矣。因持璧睨柱，秦王恐破壁，乃謝。

乃謝相如，市鄉三十，聊同寶劍。

（越絕書）越王句踐有寶劍五，其一曰純鉤，客有直之者，有市之鄉二，駿馬千匹，千戶之都二。

武夫力而獲諸原，微臣還而反諸敵，瞻言

馬駿，著隴右之功。

見讓表。

追念曹彰，克烏桓之虜。

（魏志）代郡烏丸反，彰乘勝逐北，至於桑乾。

前王子弟，若此勳庸，偏其反而。

見論語。

豈

可勝媿。

謝敕賚燭盤賞答齊國移文啓

昔班彪草移。

（後漢班彪傳）寶融曰：所上章奏，皆從事班彪所爲。

阮瑀裁書。

（魏文帝書）元瑜書記，翫致足樂也。按瑀字元瑜。

馳譽當年，遂無加賞，非常大賚，始自

今恩雖賈逵之頌神雀。

（東觀漢記）永安中，神爵集京師，帝敕蘭臺給筆札，令賈逵作神爵頌，拜爲郎。

竇攸之對鼯鼠。

（竇氏家傳）世祖與百寮大會靈臺，得鼠，身如豹文，焚之，光澤，世祖問，羣臣莫知。



惟攸對曰名顯見〔漢書〕上嘗使諸數家漢臣射覆之言〔爾雅〕賜帛百匹射覆東方朔連中輒賜帛〔魏略〕邯鄲淳作投壺賦千餘言文帝賜帛千匹魏士投壺之賦〔魏略〕邯鄲淳作投壺賦千餘言文帝賜帛千匹方其寵錫獨有

光前官燭斯燃更慙良吏〔謝承後漢書〕巴祗爲揚州刺史與客坐閣中不燃官燭宵光可學乃會耆年〔說苑〕師曠曰老者學如秉燭之光臣職居南史〔左傳〕

南史氏聞太史〔後漢和帝紀〕永元十三年春帝幸東觀身典東觀〔後漢和帝紀〕永元十三年春帝幸東觀覽書林閱篇籍博選術藝之士以充其官謹述私榮傳之方策

謝敕賜祀三皇五帝餘饌啓

竊以甘泉之殿舊禮義軒〔漢郊祀志〕武帝作甘泉宮畫天地泰一諸鬼神而置祭具甘泉更置前殿宣帝卽位立黃帝天神帝原水凡四祠於膚施成帝時匡衡奏罷之〔又〕公孫卿言黃帝接萬靈明庭明庭者甘泉也長

樂之宮本圖堯舜〔漢官儀〕帝祖母稱長信宮帝母稱長樂宮皇后稱長秋宮樹屏曰〔藝文類聚陳思王畫贊序〕自東京昔明德馬皇后帝嘗從觀畫前見陶唐之像后指帝曰嗟乎羣臣百僚恨不得爲君如是帝順而笑

晚世曠代無聞西漢盛儀復睹今日金壺流十旬之氣〔韻書〕九玉案備千品之差〔楚漢春秋〕淮陰侯曰漢王賜臣玉案之食昔

絳羅爲薦既延王母〔漢武故事〕帝齋於尋真臺設紫羅薦夜二更後西王母至紫蓋爲壇允招太乙〔漢郊祀志〕武帝時有人纓冠奏祀泰一方曰天神貴者泰一泰一視宰則衣紫及纁成帝時丞相

衡言甘泉秦時紫壇八觚宣通象八方〔又〕同斯爽號理致衆星臣以餘年豫聞清祀如陪瑤席〔沈約集〕奏蔣山廟文〕揚玉桴布瑤席

遂飲瓊漿。〔真語〕明星玉女者居華山服玉漿。

### 謝兒報坐事付治中啓

夫拾金樵路高士所羞。〔吳越春秋〕延陵季子出遊於齊見道傍遺金有披裘采薪者季子呼薪者取彼地金薪者曰吾當夏五月而薪豈取金者哉。整冠李下君子斯慎。〔古詩〕君子防未然不

處嫌疑間瓜田不納履李下不整冠。兒報不能謹潔敢觸嚴網右趾鐵繫事允法科。〔漢食貨志〕敢私鑄鐵器鬻鹽者鈇左趾韋昭曰鈇以鐵爲之著左趾以代劓也。左校論輸。

實繇恩宥。〔後漢皇甫規傳〕規以餘寇不絕論輸左校〔漢官儀〕左校署屬將作大匠。老臣過庭之訓。見〔論語〕多謝古賢折筭之杖。〔國語〕范文子曰有

之能對也吾三知焉武子擊之以杖折其委筭。有媿前達。

### 謝賚廬啓

臣昨既陪羽獵仍宴上林固謝長卿之文彌慙子雲之賦。〔漢書〕司馬相如字長卿有上林賦揚雄字子雲有羽獵賦。預割鮮禽已同鹽浦。

〔司馬相如子虛賦〕驚於鹽浦割鮮染翰。頻蒙大櫛更異梁王。〔晉書〕梁孝王形謂王銓曰我從兄爲尙書令不能啖大櫛銓曰大櫛爲誰曰盧播。詰旦歸來猶爲飽飫虞衡所獻。

復降今恩。〔周禮冬官〕山虞、林衡、川衡、澤虞、掌山林、川澤之政令。賜細君以爲歡。〔漢東方朔傳〕朔曰：拔劍割肉，一何壯也。割之不多，又何廉也。歸遺細君，抑何仁也。非屠門而大嚼。〔桓譚新論〕

關東鄙語曰：知肉味美，則過屠門而嚼。

### 謝東宮賚蛤蜊啓

船俗嚴戈。

〔漢南粵傳注〕粵人於水中負人船，又有蛟龍之害，故置戈於船下。

漁人資設。

〔詩〕魚網之設。

于彼海童。

〔左思吳都賦〕海童於宴語注：海童，海神也。

冒茲水豹，望樓

闕之氣，得波潮之下。

〔漢書〕海傍，蜃氣象樓臺。

### 謝賚蛤啓

鴻化□□，雀入猶新。

〔月令〕季秋之月，爵入大水爲蛤。

纔變秋成，已聞冬獻。

徐孝穆集卷之二 書上

書

為貞陽侯與太尉王僧辯書

〔梁宗室傳〕蕭明字靖通長沙王懿之子也封貞陽侯王僧辯納之改承聖四年為天成元年及陳霸先殺僧辯復奉晉安王以明為太傅明年齊人徵明霸先遣使送明疽發背死後

齊文宣遣兵納永嘉王莊主梁祀追諡明曰閔皇帝〔南史〕王僧辯字君才承聖三年二月詔以僧辯為太尉車騎大將軍

昔自天狼炳曜非無戰陣之風參虎揚芒便有干戈之務

〔天官書〕參為白虎三星直者是為衡石下有三星兌曰罰為斬艾事其東有大星曰狼狼角變色多盜賊 至

於夏鍾夷羿〔左傳〕魏莊子曰昔有夏之衰也后羿自鉅遷於窮石因夏人而代夏政

周厄犬戎〔周本紀〕申侯與緡西夷犬戎攻幽王殺之驪山下索隱曰在新豐縣南故驪戎國也 漢委珠囊〔初學記〕鄭玄

注日月遺其珠囊云珠謂五星遺其珠囊者日月失度也

秦亡寶鏡〔尚書考靈耀〕秦失金鏡〔鄭玄注〕金鏡喻明道也

彰於史籍可得而聞未有國家殲危遂若當今

者也我大梁膺龍圖而受命

〔帝王世紀〕神農本起烈山故曰烈山氏一曰厲山氏黃帝代之於時河出龍圖 御鳳邸以承天〔見勳〕 軒頊比於諸侯〔五帝本紀〕黃帝

居軒轅之邱而娶於西陵之女是為嫫祖嫫祖為黃帝正妃生二子其後皆有天下其一曰玄囂是為青陽降居江水其二曰昌意降居若水注索隱曰降下也言帝子為諸侯

湯武方於兒戲〔漢書〕文帝曰向者竊上棘門如兒戲耳 三

光有父。見勸四海無波。韓詩外傳。成王時有越裳氏重三譯而朝曰天之不迅風靈貺咸臻。後漢光武贊表裏禔福。靈貺自甄

顏延年詩序。上非日非月蒼生仰其照臨。詩。日居月如雲如雨天下蒙其恩蔭。易。雲行雨而屯亨有

數。易。屯剛柔剝極為災。後漢董卓傳梟獍豺狼。晉崔懿之傳。懿之謂新準曰汝心如梟獍必為國患。後漢書。張

翼兄弟罪惡。肆逞兇逆後主誕資上聖光啓中興大剪仇讎。左傳。今令方平宗社。謂元帝雖復瀟湘舉斧

梁元帝集。敕王僧辯曰黑秦違盟忽便舉斧。樹穀曰南史。王琳為湘州自疑及庸蜀彎弓。漢匈奴傳。士能彎弓。炯曰南

寶二年僧號於蜀率衆東下。凡厥兇徒誰不殲撲豈圖天未悔禍喪亂薦臻羗虜無厭乘此多難虔劉我南國

蕩覆我西京。謂于謹奉聞驚號肝膽崩潰雖復金行版蕩火政淪亡。見勸綠林青犢之羣。後漢書。王莽末新

王常成丹等起兵藏於綠林山中。又。鄧禹說黑山白馬之卒。魏志。張燕標悍捷速過人軍中號為飛燕衆至百萬號曰黑

十白馬為騎射之士號曰白馬義從。八王故事曾未混殺。八王故事。書名也。紀載晉事。按晉書。司馬氏骨肉相殘。政亂朝危。如汝南王亮。楚王瑋。趙王倫。齊王冏。長沙王乂。成都王穎。河間王顒。東

胡人甚畏之相告曰避白馬長史。

海王 九州春秋。誰云禍亂。司馬彪作九州春秋。紀漢末事。昔隆周徒播。皆憑晉鄭之功。左傳。周之東遷。晉鄭焉依。疆漢阡危。終假虛牟之

力。漢高五王傳。朱虛侯章。東牟侯興居。欲從中與大臣為內應。誅諸呂。今者。武皇之子。無復一人。藐是孤孫。北史于謹傳。初。梁元帝於江陵嗣位。其兄子岳陽王譽。時為雍州刺史。以梁元帝殺其兄

譽。遂結隲。據襄陽。來附。乃命謹出討。還同三叛。周本紀。周公當國。管叔。蔡叔。羣弟疑周公。與武庚作亂。畔周。等子頹而為暴。左傳。衛師燕師伐周。立子頹。鄭伯遂以王歸。處於櫟。鄭伯將王自圍門入。執叔自北門入。殺王子頹。

遂納。同劉芳而入關。漢紀。劉芳。安定三川人。本姓盧。王莽末。天下咸思漢。芳由是詐自稱武帝後。變姓名為劉文伯。後與三川屬國羌胡起兵北邊。乞命諸戎。勢何支久。孤宗室之長。

爰自布衣。南史。宣武王懿。東昏賜藥。與弟融俱殞。又。宣武之難。業與二弟俱逃。匿免。皇運之初。彌承天德。何則。據鞍輟哭。雖紹霸圖。吳書。孫策為許貢客所害。權悲

號。未見事。張昭曰。孝廉。此寧哭時邪。乃易幘服。扶上馬。使出巡軍。按策追諡長沙桓王。獨居掩涕。終討家怨。後漢書。光武長兄縝。字伯升。為更始所害。光武自縊死。每獨居。輒不御酒肉。枕席有涕泣處。孤二三昆

季。按南史。懿長子業。字靜曠。業弟藻。字靖。一藻弟猷。猷弟朗。字靖徹。朗弟明也。方矢戴天。禮記。父之讎。弗與共戴天。彼此恩慈。如何酬答。所以徐彭之役。不允輕軀。

梁蕭淵明傳。武帝既納侯景。大舉北侵。詔督諸軍趣彭城。淵明師次呂梁。十八里。作寒山堰。以灌彭城。水及於堞。不沒者三版。哀荷之誠。久聞朝聽。南史。魏人求和親。以貞陽侯換侯景。況復邦家不造。

見勸。至此橫流。孟子。當堯之時。天下猶未平。洪水橫流。詳卷四。宗社無依。何所逃責。班固。諸侯王表。有逃責之臺。被竊鉄之言。然天下謂之共主。强大弗之敢傾。因以提戈負劍。

徐 孝 穆 集 卷二

四五

〔晉中興書〕桓溫父被害溫枕戈泣血經年乃提刀直進手刃仇人〔刺客傳〕王貞劍

臥泣行號〔說文〕泣無聲出涕也〔左傳〕號而出之注號哭也

言念荆巫〔張載詩〕西瞻岷山嶺嵯峨似荆巫

志雪讎

恥〔史記自序〕為弱燕報強齊之讎雪其先君之恥

大齊觀書有洛輯瑞榮河〔尚書中候〕成王觀於洛河沈璧禮畢王退俟至於日昧榮光並出休氣塞河青雲浮洛青龍臨壇銜圓甲之圖吐之而出

功格蒼

晏德滿天地慈孝之道通於百靈

〔抱朴子〕黃帝役使百靈

仁信之風覃於萬國〔易〕萬國咸寧

是以日月所照舟車所通

見中庸

候海水以來賓注見上

瞻蒼雲以奉貢

〔十洲記〕天漢三年月氏獻神香使者曰國有常占東風入律百旬不休青雲于呂連月不散意中國有好道君故搜奇異而獻神香

自昔軒農炎吳

曾無官國之規虞夏商周非有伐戎之略豈知華夷仰德遠近同心穀價無堯湯之憂

〔漢禮記論貴粟〕堯禹有九年之水湯有七年

年之早

糧儲同水火之賤

〔孟子〕聖人治天下使有菽粟如水火

精兵利器勢勇雷霆

〔漢英布傳〕布兵精甚樹敏曰〔後漢虞翻傳〕不遇盤根錯節無以別利器〔詩〕如霆如雷

天馬

龍媒量比山谷

〔漢禮樂志〕天馬徠龍之媒烏氏求奇繒物間獻戎王戎王子畜畜至用谷量牛馬

樹聲曰〔貨殖傳〕

斯固開闢以來未之有也至於親鄰之道夙契

逾深無改曩懷增感彌篤以為興亡繼絕

見論語

事炳前經推擇庸虛命守宗禋方欲仰憑神武清我寇讎

旨喻難違諸懷更惡明公誕膺時運光贊本朝勒瑞姜瓖

〔尚書中候〕王至礪溪之水呂尚釣于崖王下拜尚答曰得玉瓊刻曰姬受命呂佐檢德來昌來提撰爾雒鈐報在齊

及佐周克（梁虞嘉鼎銘）蕭何爲丞相鑄殷封于齊。書名何鼎一鼎自表其功其文曰紀功鼎。故以通期管樂（蜀志）諸葛亮琅邪人躬耕南陽自比管仲樂毅好爲梁父吟先主凡三顧乃見先主曰孤之有孔明猶魚之有水

冥契風雲（世說）支道林喪法慶之後謂人曰冥契既逝。戮不世之渠兇殲滔天之巨寇（堯典）共工象恭滔天。重以三湘放

命（賈字記）湘潭湘鄉湘源是爲三湘（書）鯀方命圯族。七國連從見勸進表。征旅東西必翦妖逆。雖復棧道木閣田單之奉舊齊（戰國策）紹勃謂齊王曰棧

道木閣而迎王與后於城陽今國已定民已安矣。王乃曰單單且嬰兒之計不爲此。結纒將兵周勃之扶隆漢（漢書）薄太后謂文帝曰絳侯始誅諸呂綰皇帝璽將北軍。中宗佐命俱畫丹青

（漢書）宣帝以戎狄賓服思股肱之美乃圖畫其人於麒麟閣霍光至蘇武凡十一人。光武功臣皆懸星象（後漢書）明帝思中興功臣乃圖二十八將於南宮雲臺（范曄論）前世以爲上應二十八宿。非貌非虎

之封（書）尙桓桓如虎如貌如熊如羆于商郊。同心同德之勞（書）予有臣三千同心同德。校彼功庸曾何髣髴。但與存與亡期於體國（書）仲虺之誥（推

亡固存邦乃其昌。喪君有君寧庸無主（左傳）呂甥曰征繕以輔孺子諸侯聞之喪君有君。夙承所立猶則孱蒙。天步方難（詩）天步艱難。寧可弘濟自

淹留大國志荷恩私朝夕宮闈預奉顏色。黃河白日亟亶誠言（左傳）晉公子曰所不與舅氏同心者有如白水投其璧於河（又）蒯綽顧曰爲私誓州綽曰有如日

分災卹患事非虛旨（左傳）凡諸侯救患分災討罪禮也。但善相小國終資大賢（左傳）君子謂合左師善守先代子產善相小國。定我邦家緊公是賴。淮



流不竭。豈獨琅邪。〔晉書〕淮發源屈曲不類人工。王導使郭璞筮之曰。淮水絕。王氏滅。望能喻此衷懷。思之無忽。近陸居士有啓。陳其禍亂。〔北史陸法和

傳〕法和稱臣。其啓文朱印。名上自稱居士。初仕梁元帝。江陵陷。入齊。朝旨卽命河東。疑作清河。按〔齊書〕清河王岳。字洪略。高祖從父弟也。太昌初封清河郡公。天保初。進封清河郡王。王岳等勒率熊羆。使

相抵赴。道阻且長。見詩。雖無之及。所聞西浮夏首。〔楚辭哀郢〕過夏首而西浮。便當險隘之衝。南扞巴陵。方拒窺窬之寇。〔魏書〕

公孫淵上書曰。方今二敵窺窬。上黨王。皇齊寵弟。是號宗英。〔漢書序傳〕禮樂是脩。爲漢宗英。親御戎軒。遠於將送。〔詩〕遠于將之。〔北史齊文宣帝紀〕天寶六年春。清河王岳度江。克

夏首。梁司徒郢州刺史陸法和。請降。詔以貞陽侯蕭明爲梁主。遣尙書右僕射上黨王渙。送之江南。尙玠曰。〔齊神武諸子傳〕上黨剛肅王渙。字敬壽。神武第七子也。力能扛鼎。材武絕倫。讀書頗知梗概。而不甚耽習。〔隋書〕冀州上黨郡上黨縣。〔注〕舊置上黨郡。

裴侍中英起。淮南貴族。兼事戎行。躍冀馬者千羣。〔後漢劉表傳〕冀馬雲屯。披燕犀者萬隊。來自河陽。曾不旬日。持節

徐武。潼三州諸軍事。散騎常侍。明遠將軍。東徐州刺史。始興郡開國侯。湛海珍等。〔梁書武帝紀〕太清三年。東徐州刺史湛海珍。舉州附

於魏。〔隋書〕徐州彭城郡。〔注〕舊置徐州下邳郡。夏邱縣。〔注〕後齊置。并置夏邱郡。尋立潼州下邳郡下邳縣。〔注〕舊曰歸政。置武州下邳郡。梁改縣爲下邳。置郡不改。改州曰東徐。

海邊。〔漢馮唐傳〕上古王者遣將也。跪而推轂。屬是喪亂。〔詩〕天雖復投身有道。志雪朝怨。咸預戎行。共指鄉國。江淮舊隸。悉已

招攜。(左傳)管仲曰招攜以禮。

方稟英謨，共翦讎難。去月將晦，便屆壽春。(隋書)揚州淮南郡領壽春縣。

已具舟師，將臨江浦，使人入境。

行陳所懷，撥日覘光。未詳。

遲在還牘，當使宗祊有主。余同小白之勳。

(左傳)宋司馬子魚曰：齊桓公存三亡國，以屬諸侯。

家國無虞，公保

阿衡之貴。

(詩商頌)實維阿衡，實左右商王。

何其美也，豈不休哉！言念此私，但以號咽。

### 爲貞陽侯答王太尉書

姜常侍鬻至，復枉去月三十日告，具公所懷，良以慨息。孤雖庸薄，不及通賢，猶曰生民，寧無心識。自皇家

禍亂，亟積寒暄，九州萬國之人，蟠木流沙之地。

(史記顯瑣紀)西至於流沙，東至於蟠木。動靜之物，大小之神，日月所照，莫不砥厲。

莫不行號臥泣，想望休

平，何況乎孤，預在宗室，家荷報雪之恩，身蒙鞠養之愛者，先皇之慈也。

(南史)武帝兄長沙宣武王懿，爲東昏所殺，信至武帝，便舉義兵。(史臣曰)梁武帝

時逢昏虐，家遭冤禍，既地居勢勝，乘機而作。

烝嘗不絕於私廟。(詩)顯子烝嘗。

子弟得嗣於南藩者，後主之惠也。

(南史蕭韶傳)韶字德茂，懿之孫也。初封上甲某都鄉侯，湘東王

改韶繼宣武王封長沙王，遂至鄧州刺史。

朱方之地。

(漢地理志)會稽郡丹徒縣。(注)師古曰：卽春秋云朱方也。

建業之都。

(宋州郡志)晉武帝太康二年，丹陽移治建業。

誰家丘陵，誰家宮廟，豈

有爲人臣子。荷此恩靈。親執干戈。自殉家國。

〔檀弓〕戰于郟。公孫禹人與其鄰童汪錡往。皆死焉。魯人欲勿殤童汪錡。仲尼曰。能執干戈以衛社稷。雖欲勿殤也。不亦可乎。

公之忠孝。

信感人神。公之盟誓。事同懸象。

〔繫辭〕懸象著明。莫大乎日月。

雖復宗盟不造。

〔左傳〕周之宗盟。異姓爲後。

骨肉爲讎。安可相期。盡如蕭誓。

邪。

〔梁元帝紀〕雍州刺史岳陽王詵。自稱梁王。藩於魏。二年九月。魏使柱國萬紐于謹來攻。十月。魏軍至襄陽。梁王詵率衆會之。城陷。帝被執。如晉營。甚見詰辱。十二月辛未。魏人戕帝。

古者天子六軍。是爲萬乘。今日

凶荒致闕。斯禮偏裨。將校尙握精兵。州郡官曹各有交吏。未有居稱辰座。

〔明堂位〕天子負辰。依南向而立。

行曰乘輿。

〔後漢〕

服志〕殷瑞山車。金根之色。漢乘秦制。御爲乘輿。所謂孔子乘殷之輅者也。

遂無五尺之童。

〔孟子〕雖使五尺之童適市。

高謝千夫之長。

〔書〕千夫長。

於公明允。

〔舜典〕意惟明克允。

復云何。國家凋荒。旣乏屯衛。皇齊與睦。幸惠優矜。何乃自起。趨趨。

〔易〕其行次且。

苟違鄰德。克戡禍亂。欲立功名。

咸自軍師。豈在芻隸。湛海珍等。前朝舊將。差匪齊人。分給羸兵。卽是梁甲。非云背信。

〔左傳〕慶鄭曰。棄信背鄰。患孰恤之。

豈

曰渝盟。

〔左傳〕公及鄭伯盟曰。渝盟無享國。

朝野羣雄。何所攜貳。且公天資命世。再造皇家。梁代之桓文。蕭宗之伊管。誰其遠

近。不稟英謨。如有姦回。正速齊斧。

見移文。

尙何憂于共工。

疑作驩兜。

何畏于有苗哉。

見舉陶謨。

所覽來書。旣爲疑難。上黨

王恭承朝旨不敢相同方篤鄰和不容全異如須減損更遲行人張廷尉種等所具見讓表此無多及

為貞陽侯重與王太尉書

席威卿等還枉此月十四日告披覽未周良深慨息昔長平建策猶聞蝕昂之徵漢鄒陽傳注蘇林曰白起為秦伐趙破長平軍遂欲

滅趙遺衛先生說昭王益兵糧為應侯所害事用不成其精誠上達於天故太白為之蝕昂後漢耿恭傳恭以疏勒城傍有澗水可固五月乃引兵據之於城中穿井十五丈不得泉乃整衣冠再拜

為吏士禱有頃水泉奔出左傳史歸曰說多涼德豈在余涼德見繫書不盡言見繫遂使吾賢猶迷所執斯故銜哀掩淚仍復披陳者也孤

以庸薄寧有霸圖侯服于周見詩常懼盈滿易人道惡盈而好謙豈望身居黃屋班固典引子嬰度次得嗣冠玉冠佩華紱車黃屋蔡邕曰黃屋

者天子車翠羽蓋以黃纒為裏是為黃屋後漢輿服志百石青紺綸一采宛轉纒織長丈二尺揖讓而對三靈見勸進表端委而朝百辟左傳子貢曰詢知

圍牧莫不皆知左傳芋尹無字辭曰王臣公公臣大夫大夫臣士士臣阜阜臣與臣隸隸臣僚僚臣僕僕臣臺馬有圍牛有牧以待百事爰誓神明固自無爽左傳公孫舍之曰昭大神要言焉若可改

也大圖亦可叛也但大齊仁信之道關於至誠睦鄰之懷由於孝德遂蒙殊獎歸嗣本朝拜首陳辭敦誘彌廣既而

仇讎未殄。見前書。

方憑大國之威，宗祏阼危。

（左傳）原繁對曰：命我先人典司宗祏。

尤仰親仁之德。

（左傳）五父諫曰：親仁善鄰，國之寶也。

僊俛恩寄，號覲

惟深，而敕諭分明，信誓殊重。

（詩）信誓旦旦。

乃云邦家有乂，社稷無虞，凡廣陵歷陽

（隋書）揚州江都郡江陽縣（注）舊曰廣陵，後齊置廣陵、江陽二郡，歷陽

郡歷陽縣（注）舊置歷陽郡。

皆許見還，白水黃河，屢奉然諾。

（漢書）廷尉以貫高辭問泄公曰：此固趙國立名義，不侵為然諾者也。詳與王僧辯書。

至於夏藩衝要，控遏上流。

且命強兵，為我臨據。若其自有精甲，能扞醜徒，竝用還梁，皆如前旨，以孤頻經，悉竊屢守，淮淝門生故吏。

徧於江右。

（後漢袁紹傳）袁氏樹恩四世門生，故吏徧於天下。

凡諸部曲，竝使招攜。

（漢書音義）大將行有五部，部有曲也。

投赴戎行。

（陸機辯亡論）拔呂蒙於戎行。

前後雲集。

霜戈雪戟。

（左思吳都賦）霜刃染

無非武庫之兵。

（洛陽記）建始殿東有太倉，倉東有武庫，藏兵之所。

龍印犀渠。

（古詩）解佩襲犀渠。

皆是雲臺之仗。

（晉書）武帝太元八年

豐城克靈臺成，收萬餘人甲仗。

文物以紀之，聲名以發之。

見左傳。

斯實不世之隆恩，寧曰循常之恆禮。則公固天所授，弘濟本

朝，曲阜同功，營邱等烈。

（史記）成王封師尚父於齊，營邱，封周公旦於魯，曲阜。

若夫伊尹庖廚賤宰。

（殷本紀）伊尹負鼎俎，以滋味說湯，致於王道。

霍光階闕小臣。

（漢霍光傳贊）霍光以結髮內侍，起於階闕之間。

諸葛亮無應變之才。

（蜀諸葛亮傳）陳壽評曰：應變將略，非其所長。

管夷吾非王者之佐。

（論語）管仲之器小哉。

論其世業。

較彼勤勞書契以來罕有明德且程嬰之義自古爲難

〔史記〕晉程嬰抱趙氏孤雁山中十五年韓厥言於晉景復立趙氏後是爲趙武武既冠嬰曰下宮之難我非不能死欲存趙後

也今宜下報宣

孟梓曰遂自殺 荀息之忠良以喜慰

〔左傳〕晉獻公使荀息傅奚齊公疾召之稽首而對曰臣竭其股肱之力加之以忠貞其濟君之靈也不濟則以死繼之

但先朝乘玉鏡之符

〔尚書帝命期〕桀失玉鏡用其噬獸〔注〕玉鏡喻清明之道

御金輪之寶

〔法華經〕優曇華鉢名瑞應三千年一現現則金輪王出

菩薩之化行於十方

〔樓炭經〕有十品菩薩

仁壽之功

霑於萬國

〔漢王吉傳〕殿一世之民濟之仁壽之城

兇人侯景遂殄邦家何況於今亦有吳會江東如掌差匪虛言

〔後漢岑彭傳〕辛臣陳田戎曰

洛陽地如掌耳不  
如按甲以觀其變

淮陽在面方此非局

〔漢賈誼傳〕淮陽之比大諸侯屬如黑子之著面

不稼不穡

見詩

多歷歲時大東小東全無機杼

〔詩〕小東大

東杼柚  
其空

關中醜虜寧非冒頓之鋒

〔漢書〕匈奴單于有太子名冒頓作鳴鏑習勒其射騎而令之曰鳴鏑所射而不悉射者斬

齊國強兵便是軒轅之陣

〔史記五帝本紀〕軒轅

氏教熊羆貔貅虎以與炎帝  
戰於阪泉之野三戰然後得志

西南當扼喉之勢東北承撫背之機

〔漢書婁敬傳〕敬說曰夫秦地披山帶河所謂扼天下之亢而撫其背也

首尾交侵華

夷俱騁而中人數歲復子方除

〔書洛誥〕周公拜手稽首曰朕復子明辟

德未感於黎烝威不加於將帥斯等鞅鞅非少主臣

〔漢書〕

景帝目送周亞夫曰  
此缺缺非少主臣也

安有碌碌因人成事

見表後略

公之才具

〔晉書〕高崧時謝萬方臥在室崧爲敍刑政之要萬起呼崧小字曰阿鄴有才具

雖復明允勢何如於

天監時何若於大同。俱梁武帝年號乘與國之隆恩。（孟子）我能為君約與國當滔天之猛寇。見前匡救之德，翻有未從。忠許之

謀，誰其相曉。臥薪待火，方此弗危。（賈誼傳）警猶厝火置之積薪而寢其上繫草從風，儔之非切。（書君陳）爾惟風，下民惟草若能思其上策，審

此英圖，見引輪獵之車。（漢霍光傳）太僕以輪獵車迎曾孫就齊宗正府，入未央宮，見皇太后，封為陽武侯。已而光奉上皇帝璽綬，謁於高廟，是為孝宣皇帝還向長安之邸。見勳進表一則二

則，惟在大賢。（吳張昭傳）策笑曰：昔管子相齊，一則仲父，二則仲父，而桓公為霸者宗外相內相。未詳終當相屈，正當攜諸舊隸，率我賓游，朝服簪纓，

直拜園寢，梁人望國，俱登赤馬之舟。（漢劉熙釋名）輕疾者曰赤馬舟，其體正直赤如馬也齊帥臨江，仍轉蒼龍之旆。（考工記）龍旂九旒，以象鶩

火，大火蒼龍宿之心。鷄火朱鳥宿之柳分袂南浦。（江淹別賦）送君南浦，傷如之何揚鞭北風，民不疲勞，軍無怨讟。見左傳如其執事，尚秉前言，將恐戎

旄使濟江表，何則？西浮夏首。（水經）夏水在江夏，西冬竭夏流，故名夏水。詳與王僧辯書已據咽喉，東進彭波。（禹貢）東匯澤為彭蠡次指心腹，廣陵京口，

烽煙相望，魯柝聞邾，方之尚遠。（左傳）魯伐邾，及范門，猶聞鐘聲。大夫諫不聽，孝成子請告於吳，不許，曰：魯擊柝聞於邾，吳二千里，不三月不至，何及於我胡桑對薊，匹此為遙。（曹植

歌）出自薊北門，遙望胡地水陸爭前，龍虎交至，則楊都蕩定。（晉文苑傳）庾闡作楊都賦功自齊師，江左臣民，非關梁國，豈不

桑枝枝自相值，葉葉自相當。

追慙後主崇寄之恩，還負齊朝親鄰之意。東門黃犬，固以長悲。〔史記〕李斯顧謂中子曰：我欲與若復牽黃犬，出上蔡東門，遂發兔豈可得乎。南陽白

衣何可復得。〔諸葛亮出師表〕臣本布衣，躬耕南陽，苟全性命於亂世，不求聞達於諸侯。立茲幼弱，非曰大勳。滅我宗祊，何所逃覺。今復遣前吉州刺

史馬嵩仁至彼，更具往懷，想不遠而復無貽祇悔也。〔易〕若英謨有在，方興祀夏之功。〔左傳〕伍員諫吳子曰：少康復禹之績，祀夏配天。

不失明監如違，便等過殷之歎。〔尚書大傳〕微子朝周，過殷故墟，見麥秀之蘼蘼，今禾黍之蠅蠅也。曰：此故父母之國，乃為麥秀之歌。存亡社稷，一在於公。臨紙崩號，不

復多及。

### 為貞陽侯答王太尉書

妾嵩至，枉示具公忠義之懷。家國喪亂，於今積年。三后蒙塵。〔左傳〕臧文仲對曰：天子蒙塵於外，敢不奔問官守。四海騰沸。〔詩〕百川沸騰。天

命元輔，匡救本朝。弘濟艱難，建我宗祊。至於邱園版築。〔易〕黃于丘園。〔孟子〕傳說舉於版築之間。尙想來儀，公室皇枝，豈不虛遲。

聞孤還國，理會高懷。但近再命行人，或不宣具。公既詢謀卿士，訪逮藩維，浚沂往來，理淹旬月，使乎屈止。殊副所期，便是再立我蕭宗，重興我梁國。億兆黎庶，咸蒙此恩。社稷宗祊，曾不相媿。近軍次東關，頻遣信



妻之橫處。示其可否。答對驕凶。殊駭聞矚。上黨王陳兵見衛。欲斂安危。無識之徒。忽然逆戰。前旌未舉。卽自披猖。驚悼之情。彌以傷側。上黨王深自矜嗟。不傳首級。更蒙封樹。飾棺厚殯。務從優禮。見裴使君墓志齊朝大

德。信感神明。方仰藉皇威。敬憑元宰。討逆賊於咸陽。謂北周誅叛子於雲夢。謂後梁同心協力。克定邦家。覽所示

權景宣書。〔北史周權景宣傳〕孝閔帝踐祚。除基都硤平四州五防諸軍事。江陵防主。上流諸將。本有忠略。棄親向讎。庶當不爾。防好定亂。終在於公。

今且頓東關。更待來信。未知水陸何處見迎。夫建國立君。布在方策。八盟出質。〔左傳〕宣公十三年。楚子圍鄆。潘尫入盟。子良出質。有

自來矣。若公之忠節。上感蒼旻。羣帥同謀。必匪攜貳。則齊師返旆。義不陵江。如致爽言。誓以無克。韜旗側

席。〔漢陳湯傳〕谷永疏曰。臣聞楚有子玉得臣。文公爲之仄席而坐。遲復行人。曹冲奉表齊都。卽押送也。渭橋之下。惟遲敘言。〔漢文帝紀〕使宋昌先之長安觀變。昌至渭

橋。丞相以下皆迎。昌還報代王。乃進至渭橋。羣臣拜謁稱臣。〔漢高帝紀〕二月甲午。上尊號。漢王卽皇帝。位於汜水之陽。

爲貞陽侯重答王太尉書

王尚書通至。〔南史〕王通字公達。仕梁。爲黃門侍郎。敬帝承制。以爲尚書右僕射。復枉示。知欲遣賢弟子世珍。以表誠質。〔南史王僧辯傳〕遣第七子顯。顯所生劉并。弟子珍。往充質。

具悉憂國之懷。復以庭中玉樹。〔晉書〕謝玄與從兄期爲叔父安所器。玄曰：如芝蘭玉樹，欲使生於階庭爾。掌內明珠。〔江淹傷愛子賦〕痛掌珠之愛子。無累胸懷。志在匡

救。豈非劬勞我社稷。弘濟我邦家。慙歎之懷。用忘興寢。晉安王。〔南史〕晉安王諱方智。字慧相。小字法真。元帝第九子也。承聖元年封晉安郡王。〔隋書〕揚州建安郡閩

縣。〔注〕舊曰東東京貽厥之重。〔詩〕詒厥孫謀。西都繼體之賢。〔史記外戚世家序〕自古繼體守成之君。嗣守皇家。寧非民望。〔左傳〕繼十曰民之望也。會

之得。但世道喪亂。宜立長君。以其蒙孽。難可成業。〔漢賈誼疏〕雖有愚幼不肖之嗣。猶得蒙業而安至明也。成昭之德。自古希儔。〔周本紀〕成王少周公

當國。成王長。周公反政成王。〔漢昭帝紀〕上官桀安父子與大將軍光爭權。欲害之。詐使人爲燕王旦書言光罪。上年十四。覺其詐。沖質之危。何代無此。〔後漢書〕孝沖皇帝諱炳。順帝之子也。卽皇帝位。年二歲。崩年三歲。孝質皇

帝諱攢。肅宗玄孫。沖帝崩。卽皇帝位。年八歲。大將軍梁冀煇弑崩。年九歲。孤身當否運。志不圖生。忽荷不世之恩。仍致非常之舉。自惟虛薄。〔後漢明帝紀〕制曰：朕

以虛薄何。兢懼已深。若建承華。〔初學記〕太子之門曰承華。本歸皇胄。心口相誓。惟擬晉安。〔南史王僧辯傳〕遣吏部尙書送啓。因求以敬帝爲皇太子。明報書許之。

如或虛言。神明所殛。〔左傳〕襄公十一年。載書曰：明神殛之。俾失其民。隊命亡氏。賂其國家。覽今所示。深遂本懷。戢慰之情。無寄言象。但公憂勞之

重。既稟齊恩。忠義之懷。復及梁貳。華夷兆庶。豈不懷風。宗廟明靈。豈不相感。正爾回旆。仍向歷陽。所期實

累便望來彼衆軍不渡已著盟書斯則大齊聖主之恩規上黨英王之然諾漢張敖傳上賢貴高能自立然諾得原失信終

不爲也。〔左傳〕僖公二十五年冬晉侯圍原命三日之糧原不降命去之譏出曰原將降矣軍吏曰請待之公曰信國之寶也民之所庇也得原失信何以庇之所亡滋多退一舍而原降惟遲相見使在不賒鄉國

非遙觸目號咽

又爲貞陽侯答王太尉書

周尙書弘正張廷尉種姜常侍嵩等至。〔南史王僧辯傳〕遣左戶尙書周弘正至歷陽迎明詳讓表枉此月二十六日告并遣賢弟子世珍賢

子顯等。見前具忠款之至公養孤之恩愛甚鄧攸。〔晉書〕石勒過泗水鄧攸曰吾弟早亡理不可絕止應自棄我兒繫之於樹而去時人語曰天道無知使鄧伯道無兒攸死弟子綬服喪三年

少子之懷情深張禹。〔漢書〕張禹數視其小子上即禹牀下拜爲黃門郎給事中豈非憂勞社稷用忍肌膚。〔班彪王命論〕高祖高四倍之節割肌膚之愛天下含靈誰

無悲媿余遭家不造敬累吾賢言念忠誠益以號咽但皇齊大德過見優矜微借輕兵以垂將送意謂江

東凋弊累積寒暄供膳資解理當多闕輒白上黨王止請三千人二百匹而已。〔南史王僧辯傳〕凱衆人殊貞陽求度衛士三千

尙有疑難將恐諸士未喻雅懷今復命周尙書及姜常侍還彼具陳一二夫以受爲寇非有晉邦。〔左傳〕趙宣子曰

我若受秦，秦則賓也不受寇也。不送爲譏，終無楚國。〔左傳〕晉公子及楚，楚子鑿之，乃送諸秦。五千步卒，旣謝李陵。〔漢書〕陵對，願以步兵五千涉單于庭。三千羸兵，亦

等無忌。〔平原君傳〕李同送與三千人赴秦軍，秦軍爲之卻三十里。公之明義，理不爲嫌，行人失辭。〔左傳〕箕子以爲詔，使趙括從而更之曰：行人失辭。尙停然諾。見前書。臨

江總轡，企望音郵，惟遲來書，此不多具。

爲貞陽侯與陳司空書。〔陳武帝紀〕諱霸先，字興國，小字法生，吳興長城下若里人，承聖三年三月進帝位司空。

軒轅旣作，遇蚩尤之兵。見勸進表。顓頊爲君，阻共工之亂。〔列子〕共工氏與顓頊爭爲帝，怒而觸不周之山，折天柱，絕地維。雖復搖山蕩谷，驅電乘雷，

殲厥兇渠，曾靡遺孽，未有時當至治，世在欽明，元惡滔天，遂陷邦家者也。我大梁開金繩之寶牒。〔初學記〕封禪注儀

曰：特凡三十人，上發壇上石礪蓋，尙書令北向跪，藏玉牒畢，持禮覆石礪，尙書令封上，十石檢亦纏以金繩，泥以金泥，四方各依其色。紐玉鏡之珍符。見與王太尉書。功烈與造化相侔，德施與風

雲俱遠，戴日之族，何向不賓，太平之基，無遠弗屆。〔爾雅〕岨，齊州以南，戴日爲丹穴，東至日所出爲太平，西至日所入爲太蒙。〔注〕岨，去也，齊中也，大蒙卽蒙汜。逆賊侯景，殲

亂本朝，疊重聰彌。見移齊文及與王僧辯書。凶逾羿浞。〔帝王世紀〕寒浞殺羿於桃梧而烹之，以食其子。後主天經地緯。〔左傳〕晉成鱗曰：經緯天地曰文。義冠人靈，驅馭

熊羆。〔書〕如熊如羆。遂翦勅盜。少康祀夏。何可對揚。見與王太尉書。太戊與殷。彌無等級。〔殷本紀〕亳有祥桑谷。其生於朝。一暮大拱。太戊脩德三日。祥桑枯死。商道復興。

號稱中宗。不圖天未悔禍。喪亂薦臻。羞賊憑陵。侵蕩荆漢。乘輿幽辱。既陷兇徒。〔梁元帝紀〕帝被執。管使尙書傳準監行刑。進士囊而殞之。詳前書。黎

獻崩騰。莫不淪沒。〔書益稷〕萬邦黎獻。共惟帝臣。兆寬曰。〔梁元帝紀〕于謹盡俘僕射王褒以下。故以哀窮兆庶。痛極蒼旻者也。夫諸侯釋位。寧非禍

亂之朝。〔左傳〕諸侯釋位。以間王室。服虔曰。言諸侯釋其私政。以佐王室。宗子維城。本濟殷憂之日。〔詩〕宗子維城。王室維寧。武皇遺胄。皆陷虜庭。乞命偷生。

何能支久。〔梁元帝紀〕于謹盡俘汝南王大封以下。孤宗室之長。爰自布衣。見與王僧辯書。辛癸之朝。容身靡託。〔史記〕夏帝履癸爲桀。殷帝辛謂紂。指東昏。追惟

先業。大庇生民。既雪伯升之怨。仍紹桓王之霸。見與王僧辯書。孤二三昆季。情禮獲申。等預藩枝。偏承皇德。近歲

彭都之役。得備戎昭。〔左傳〕戎昭果毅。以聽之謂禮。詳與王僧辯書。鞍甲之勞。庶訓天寵。〔易〕在師中。吉承天寵也。況復邦家不造。至此橫流。凶

狡猶存。何所逃責。固以提戈負劍。臥泣行號。言念荆巫。志雪讎恥。見與王僧辯書。大齊德竝天地。明符日月。隆禮

詔俗。張樂被民。義感華夷。仁侔造化。玉羊銀甕。嘉瑞必彰。〔瑞應圖〕師曠鼓琴。玉羊白鵲翔投墜。孝經援神契。神靈滋液。有銀甕。不汲自滿。澤馬山車。禎

符總集。〔拾遺記〕軒轅泛河沉壁有澤馬羣鳴山車滿野。若夫中原猛士本自無窮。見樂府。沙塞精兵斯何有量。見與王僧辯書。是以家國之富文

景所未儔。〔漢景帝紀贊〕周云成康漢言文景美矣。兵馬之強秦漢所未敵。但親鄰之道既篤夙私明發之懷。〔詩〕明發不寐有懷二人。彌敦

先好以爲興亡繼絕。見論語。聖典通規爰命無庸嗣守社稷既方憑大國庶討仇讎。恩喻難違諸懷慙哽公

體茲懋德毗奉中興歸自番禺。〔隋書〕揚州南海郡南海縣〔注〕舊分置番禺縣。志在討亂至於雲行電邁。〔班固西都賦〕雷奔電邁。谷靜山空

〔後漢段熲傳〕張奐又言羌一氣所生不可誅盡山谷廣大不可空靜。扼鵠尾而定王畿登牛頭而埽天闕。漸臺僞帥將傳首於帝京。郿塢元兇皆

橫尸於軍市。見勸進表。高庸茂烈振古希儔承此欣然漢所嘉歎。今者殷憂未已。〔陸機歎逝賦〕在殷憂而弗遠。禍難相尋宗社

無依。奧主宜立。〔左〕叔向曰國有奧主。夙承所眷尙在冲年。〔書金縢〕惟予冲人弗及知。王室猶難何以康濟。〔書蔡仲之命〕康濟小民。董侯幼弱終

覆漢朝。〔魏紀春秋佐助期曰〕漢以蒙孫亡說者以蒙孫漢二十四帝童蒙愚昏以弱亡或以雜文爲蒙其孫當失天下以爲漢帝非正嗣少時爲董侯名不正蒙亂之荒惑其子孫以弱亡獻帝諱協協母王美人爲何后所鳩殺董太后自養協號曰董侯。

馬業童蒙仍傾晉室。〔晉書〕太子德宗幼而不慧口不能言至於寒暑飢飽亦不能辯武帝遇弒卽位是爲安帝。所謂前事之不忘後事之龜兆也。孤過荷恩靈

預奉帷幄。見讓表。黃河白日，亟降誠言，分災卹患，事非虛旨。見與王僧辯書。但當小國之禮，無失敬恭。（左傳）子驪曰：敬其幣帛，以待來者小

圖之道也。閩境人民，俱勞寤寐，方窮人爵之重。（孟子）公卿大夫，此人爵也。以報非常之功。（漢武帝紀）詔曰：蓋有非常之功，必待非常之人。惠覽今書，希能

留意也。上黨王、文高、劉德。（漢書）德字路叔。武帝謂之千里駒。武冠曹彰。見為始興王表。爰降宗英，遠於將送。見與王僧辯書。裴侍中英起，贊奉

師德，俱事戎間。月壘連營。（吳孫綝傳）朱異遣將軍任度等築偃月壘。樹屏曰：（宋臧質傳）云：質舉兵反，孝武遣柳元景等屯梁山洲兩岸，築偃月壘，水陸待之。雲旗蔽野。（司馬相如上林賦）靡雲旗。

同集江淮，翼我歸旆。湛海珍等。（南史貞陽侯明傳）魏平江陵，齊文宣使送明至梁，并前所獲梁將湛海珍等，皆聽從明歸，令上黨王渙率衆送之。詳與王僧辯書。竝前朝舊將，夙著勳

庸。江左氛妖，投身齊國。今者皆蒙恩獎，竝在戎行。歸附明公，共翦讎難。去月將晦，便留壽春。已具舟艫，將

臨漢浦。（後漢獻帝紀注）壽春縣屬九江郡。（隋書）荊州九江郡淦城縣。（注）有巢湖。若公為內主，方同國子之勳。（左傳）叔向曰：齊桓有國高以為內主。余以定家，得免

臧孫之歎。（左傳）臧昭伯見平子，平子曰：苟使意如得改事君，所謂生死而肉骨也。昭子從公於齊，與公言，平子有異志，冬十月辛酉，昭子齊於其寢，使祝宗祈死，戊辰卒。豈不功名富貴，共保無疆。前望

鄉關，惟增號哭。

爲貞陽侯重與裴之橫書

〔南史〕魏克江陵齊遣上黨王高渙挾貞陽侯明攻東關晉安王承制以之橫爲徐州刺史都督衆軍出守壽城〔本傳〕之橫遼之兄子也

張佛奴昨還得去月二十六日書覽以增慨昔桓公始反管仲親射其車

〔齊世家〕魯使管仲別將軍遮莒道射中小白帶鈎

重耳初還

呂卻終焚其室

〔左傳〕秦伯納公子重耳於晉呂卻畏僭將焚公宮而弑晉侯

頃家國多患頻遘閔凶前事不忘便爲龜兆所以皇齊大德禮

秩兼常威武紛紜洪恩汪濊

〔司馬相如文〕威武紛紜洪恩汪濊

况復旌旗照日鼓吹從風文物俱華羽衛相鬱書契以來斯

未有也卿天監之始門宦有成

〔南史〕裴邈河東聞喜人祖壽孫寓居壽陽會刺史張叔業以壽陽降魏邈遂隨北徙梁天監初自拔南還以功封夷陵縣子歷官豫州刺史督鎮合肥大敗魏軍卒贈侍中左衛將軍進

爵爲侯子之禮嗣爲西豫州刺史之禮卒於少府卿之高邈兄中散大夫邈之子也除梁郡大守封都成縣男之高第五弟之平以軍功封費縣侯之橫之高第十二弟也

承聖之初身名俱泰

見志

正應勳王效

命酬二后之恩愛國如家報三靈之寵

見勳進表

何有方規異志苟樹童蒙

見與陳司空書

阻地險於長川

〔易〕地險山川邱陵也

忘

天討之應及

〔書〕天討有罪五刑五用哉

孤昔忝藩維非無游士平原之館乃乏如錐

〔史記〕趙平原君謂毛遂曰賢士之處世也譬如錐處囊中其末立見

田文

之家差有彈鋏

〔史記〕馮驩在孟嘗君門下爲客每給疏飯驪乃倚柱彈鋏而歌

雖李廣麾下莫不封侯

〔漢李廣傳〕廣與望氣王朔語曰自漢擊匈奴廣未嘗不在其中而諸部校尉以下材能不及中



以軍功取侯者數十人。廣不爲後人。然終無尺寸功。以得封邑者何也。

〔漢霍去病傳〕青日衰而去病日益貴。青故人門下多去事去病。輒得官爵。惟獨任安不肯去。

豈可文辭簡略。

禮等平交。披封伸紙。益多歎異。相鼠無儀。表詩人之作。

〔詩〕相鼠有皮。人而無儀。人而無儀。不死何爲。

茅鷗刺傲。彰魯史之文。

〔左傳〕叔孫穆

子食慶封。慶封汜祭。穆子不悅。使工爲之。蒲茅鷗亦不知。

宿昔相期。不應如此。衆軍即使頓江關。相見在近。不復多及。

爲貞陽侯與北齊

北齊二字疑漢文。

荀昂兄弟書

〔南史〕荀朗字澆明。潁川潁陰人也。侯景之亂。據巢湖。無所屬。盡城陷沒後。梁簡文帝密詔授期豫州刺史。令與外蕃討景。魏克荊州。陳武帝入輔。齊遣蕭

軌。東方老等來寇。據石頭。朗自宣城來赴。與侯安都等大破之。武帝受禪。賜爵興寧縣侯。以期兄弟爲左衛將軍。弟譽爲太子右衛率。

張佛奴至。未枉還告。但以勞悒。夫興亡繼絕。往帝之通規。分災恤患。聖王之恆典。

見與王僧辯書。

自敦龐既散。〔國語〕

魏文公曰。敦龐純別於是乎成。

詐僞萌生。時託親鄰。信有澆隱。大齊道冠三皇。風高九代。仁信之本。關於至誠。言與之恩。由

於孝德。孤謬蒙殊獎。還嗣本朝。敕諭分明。言誓殊重。若使邦家克定。境內無虞。凡廣陵歷陽。皆許見還。白

水黃河。

見與王僧辯書。

屢奉然諾。

見答王太尉書。

彝章禮數。莫不優華。斯乃不世之殊恩。寧是悠長之恆事。王太尉勳踰呂

望德冠伊衡。凡厥英謀。算靡遺策。豈容當滔天之巨寇。違大國之隆恩。計彼賢明。必當不爾。卿維兄及弟。

莫非雄才。江左風塵。不染兇寇。賈氏三虎。豈獨貴於前脩。

〔後漢賈彪傳〕彪字偉節。時號賈氏三虎。偉節最怒。

荀家八龍。信服在於今。

日。〔後漢荀淑傳〕淑有子八人。儉緹堵。蕭汪爽肅瞻。並有名稱。時人謂之八龍。

近者州司不道。或致流言。朝聽矜明。已如前及。想謀元宰。善保良圖。南

道主人以相付也。

〔後漢書〕耿弇聞光武在盧奴。乃馳北上謁。光武留署門下吏。弇因求歸上谷發兵。以定邯鄲。光武指弇曰。是我北道主人也。

見所荅東海徐湛書。粗具來意。昔桓

憑莒衆。文用秦攻。是假鄰國之威。以備非常之變。

〔左傳〕莊公九年。桓公自莒先入。僖公二十四年。秦伯送衛於晉。實紀綱之僕。

若使江東宰匠。具領

齊恩。時命封疆。遠相迎接。故當攜諸舊隸。率我賓游。朝服簪纓。直拜園寢。梁人望國。自合水而浮舟。齊帥

言歸。指滄江而回旆。如其彼相。

〔論語〕則將焉用彼相矣。

未悟良機。將恐戎麾。遂踐京邑。若其求成取敗。豈謂和風。龍

馬雲旗。

見爲貞陽侯書。

差不相涉。一一復令張佛奴口具。相見在近。此不多及。

在北齊與楊僕射書

〔北史〕楊愔字遵彥。弘農華陰人。楊津子也。小名秦王。兒童時。口若不能言。而風度深敏。天保初。詔監太史。遷尚書右僕射。

陵、叩頭叩頭。夫一言所感，凝暉照於魯陽。

〔淮南子〕魯陽公與韓厥戰，日暮，援戈揮之，日反三舍。

一志冥通，飛泉涌於疏勒。

見與王太尉書。

況復

元首康哉，股肱良哉。

見書。

鄰國相聞，風教相期者也。天道窮剝，鍾亂本朝。情計馳惶，公私哽懼。而駭骨之請，

〔漢疏廣傳〕即日乞骸骨。

徒淹歲寒，顛沛之祈。

〔論語〕顛沛必於是。

空盈卷軸，是所不圖也。非所仰望也。執事不聞之乎。昔分鼈

命屬之世。

〔三皇本紀〕女媧氏鍊五色石以補天，斷鼈足以立四極，聚蘆灰以止滔水。〔左傳〕九扈爲九農政。〔注〕扈有九種也。春扈如鷗，夏扈竊玄，秋扈竊藍，冬扈竊黃，棘扈竊丹，行扈嗜嗜，脊扈噴噴，桑扈竊脂，老扈鷄鷄，以九扈爲九農政之號。樹

敏曰〔爾雅〕扈字作鷹。

觀河拜洛之年。〔帝王世紀〕後年二月，堯率羣臣，刻璧爲書，東沈洛水。〔竹書紀年〕舜設壇於河，依堯故事。至於下戾，榮光休至，黃龍負圖出於壇畔。

則有日烏流災，風禽騁暴。

〔淮南子〕堯時十日並出，又有大風。爲民害，堯使羿繳風射日，萬民大悅。

天傾西北，地缺東南。

〔列子〕地不滿東南，百川歸焉。

盛旱圻三川。

〔說苑〕湯之時大旱，雝圻以竭。

長波含五岳。

〔書〕湯湯洪水，方割蕩蕩，懷山襄陵。

我大梁，應金圖而有亢。

〔帝王世紀〕少昊卽圖讖，所謂白帝，朱宣者也。故稱少昊號金天氏。

纂玉鏡而猶屯。

見與王太尉書。

何則，聖人不能

爲時，斯固窮通之恆理也。至如荊州刺史湘東王，幾神之本，無寄名言，陶鑄之餘，猶爲堯舜。

見〔莊子〕。

雖復

六代之舞，陳於總章。

〔周禮〕天子祭祀用六代之樂。〔周書〕明堂西方曰總章。

九州之歌，登於司樂。

未詳。按〔周禮大司樂〕大合樂以致鬼神，示以和邦國，以諧萬民，以安賓客，以說遠人，以作動物。

虞夔拊石。〔彙典〕夔曰於予擊石拊石百獸率舞。晉曠調鐘。〔淮南子〕師曠之欲調鐘以爲後有知音也。未足頌此英聲。〔封禪文〕無以宣其盛德者也。〔詩序〕

頌者美盛德之形容。若使郊禋楚翼寧非祀夏之君。〔郊特性注〕郊者祭天之名。〔國語〕精意以享曰禋。〔天官書注星經云〕翼軫楚之分野也。詳與王太尉書。戡定艱難便是匡周

之霸。豈徒爾王徙雍。其月爲都。〔吳越春秋〕古公去邠處岐周居三月成城郭。一年成邑。二年成都而民五倍其初。姚帝遷河周年成邑。〔史記五帝本紀〕虞舜一年而所居成聚。二

年成邑。三年成都。方今越裳藐藐。馴雉北飛。〔韓詩外傳〕周公居攝二年制禮作樂。天下和平。越裳氏以三象重譯而獻白雉。肅慎茫茫。風牛南偃。〔家語〕武王滅紂。肅慎來獻石磬楛矢。

〔左傳〕齊侯伐楚。楚子使與師言曰。君處北海。寡人處南海。唯是風馬牛不相及也。吾君之子。見孟子。含識知歸而蒼旨云。何所投身。斯其未喻一也。又晉熙

等郡。〔隋書地理志〕揚州同安郡懷寧縣。〔注〕舊置晉熙郡。皆入貴朝。去我潯陽。經途何幾。〔任昉哭范僕射詩〕與子別幾辰。經途不盈旬。至於鑿鑿曉漏。〔司馬彪續漢

書云〕孔壺爲漏。浮箭爲刻。下漏數刻以考中星。昏明生焉。的的宵烽。〔漢書音義〕多積薪。寇至即燔之。望其煙曰燧。晝則燔燧。夜則舉烽。隔激浦而相聞。〔楚辭〕出激浦而還迴。臨高臺而可望。

〔渚宮故事〕宋臨川王義慶鎮江陵。於羅公洲立觀。其大而唯一柱。泉流寶盞。遙憶溢城。〔藝林伐山〕寶盞泉在江州。吳秩臣曰。〔潯陽記〕盆水出清盆山。因以爲名。滯山雙流而右。灌潯陽東北。流入江。峰號香

爐。依然廬岳。〔釋慧遠廬山記〕東南有香爐山。其上氤氳若香煙。日者鄱陽嗣王。〔南史梁鄱陽王世子範傳〕太清元年。大舉北侵。初謀元帥。貞陽侯明請行。而以範爲征北大將軍。總督漢北。征討諸軍事。侯景敗於渦陽。退

保壽春。乃改範爲合州刺史鎮合肥。治兵匯派。屯戍淪波。〔爾雅〕大波爲淪。小波爲淪。朝夕牋書。春秋方物。〔周書旅獒〕無有遠邇。畢獻方物。吾無從以躡屣。〔戰國策〕蘇

秦去秦而歸。羸騰履躡。樹本曰。〔史記虞卿傳〕虞卿躡屣擔簞。說趙孝成王。賜黃金百鎰。白璧一雙。再見爲趙上卿。故號虞卿。彼何路而齊鑣。〔魏應璩集遺句云〕駑驥不齊鑣。豈其然乎。斯不然矣。又

近者邵陵王通和此國。〔周楊忠傳〕梁元帝逼其兄邵陵王綸北度。與其前西陵郡守羊思達。要隨陸士豪。段珍寶。夏侯珍洽。合謀。送質於齊。欲來寇掠。汝南城主李素綸故吏也。開門納焉。郢中上客。〔楚世家〕文

王始雲聚魏都。鄴下名卿。見勸進表。風馳江浦。豈盧龍之徑。於彼新開。〔魏志〕曹公北征烏桓。軍次無終。濱海洿下。虜亦遮守。深要軍不得進。問田疇。疇曰。此道秋夏有水。淺不通

車馬。深不載舟船。可回軍從盧龍口。越白檀之險。出空虛之地。路近而便。軍還論功行封。疇以爲豈可賣盧龍之塞。以易爵賞。遂不受。銅駝之街。於我長閉。見樂府。何彼途甚易。非勞於五丁。

〔史記〕天爲蜀王生五丁力士。能徙山。秦王獻美女與蜀王。遣五丁迎女。見一大蛇入山穴中。五丁共引蛇。山崩。厭殺五丁。秦女皆上山。化爲石。我路爲難。如登於九折。〔漢書〕王陽爲益州刺史。行都至邛郫九折阪。歎曰。奉先人

遺體。奈何數乘此險。及王尊爲刺史。至其阪。問吏曰。此非王陽所畏道邪。吏對曰。是尊叱其馭曰。速驅之。王陽爲孝子。王尊爲忠臣。地不私載。何其爽歟。而蒼旨云。還路無從。斯所未喻。二

也。晉熙廬江。義陽安陸。〔隋書地理志〕揚州廬江郡廬江縣。〔注〕舊置廬江郡。荊州潛陽郡安陸縣。注。舊置義陽郡。安陸郡。安陸縣。〔注〕舊置安陸郡。皆云款附。非復危邦。計彼中

途。便當靜晏。自斯以北。桴鼓不鳴。〔漢酷吏傳〕長安剗劫。行者死傷橫道。桴鼓不絕。自此以南。封疆未壹。如其境外。脫殞輕軀。幸非邊

吏之差。何在匹夫之命。又此段賓遊。通無貨殖。〔論語〕賜不受命而貨殖焉。忝非韓起聘鄭。私買玉環。〔左傳〕宣子有環。其一在鄭商。宣子謂諸鄭

伯。子產弗與。曰。非官府之守器也。寡君不知。韓子買諸商人。既成價矣。商人曰。必告君大夫。韓子請諸子產。對曰。僑若獻玉。不知所成。敢私布之。韓子辭玉。〔史記〕延陵季子將聘晉。帶劍以過徐君。徐君欲之。季子為

有上國之事未獻也。然心許之矣。反則徐君已死。於是以劍挂其墓樹而去。

由來宴錫。凡厥囊裝。行役淹留。皆已虛罄。散有限之微財。供無期之久客。

斯可知矣。且據圖刎首。愚者不為。〔後漢馬融傳〕融常飢困。謂友人曰。古人有言。左手據天。下之圖。右手劍其喉。愚夫不為。所以然者。生貴於天下也。〕運斧全身。庸流所鑒。〔莊子〕

郢人墜境。其鼻端若蠅翼。使匠石斲之。匠石運斤成風。聽而斲之。盡聖而鼻不傷。郢人立不失容。何則。生輕一髮。自重千鈞。不以賈盜明矣。骨肉不任充鼎俎。〔漢項籍傳〕

今人方為刀俎。吾為魚肉。皮毛不足入貨財。盜有道焉。〔莊子〕盜亦有道。〕吾無憂矣。又公家遣使。脫有資須。本朝非隆平之時。遊客

豈皇華之勢。〔詩序〕皇皇者華。君遣使臣也。〕輕裝獨宿。非勞聚攬之儀。〔周禮挈壺氏〕凡軍事。縣壺以序聚攬。〔注〕軍中遇夜則擊攬以備守。有更漏則擊攬者可更迭矣。〕微騎間行。

寧望輜軒之禮。〔漢陳平傳〕平身間行。杖劍亡降漢。〔文選注〕輜車。朱軒。使者之車也。〕歸人將從。私具驢騾。緣道亭郵。唯希蔬粟。若曰。留之無煩

於執事。遣之有費於官司。〔左傳〕臧僖伯曰。官司之守。非君所及也。〕或以顛沛為言。或云資裝可懼。固非通論。皆是外篇。〔漢淮南王安傳〕

招致賓客方術之士數千人。作爲內書二十一篇。外書甚衆。又有中篇八卷。言神仙黃白之術。亦二十餘萬言。斯所未喻三也。又若以吾徒應還侯景。侯景凶逆。殲我國家。天

下含靈。人懷憤厲。既不能投身社稷。衛難乘輿。三家磔蚩尤。千刀刺王莽。見勸進表。安所謂俛首頓膝。歸奉寇

讎。佩引腰鞭。爲其阜隸。左傳。晉公子對楚子曰。其左執鞭弭。右屬囊鞬。以與君周旋。又叔向曰。樂卻胥原。狐續慶伯。降在阜隸。日者通和。方敦曩睦。凶人駟詐。漢諸侯王表。秦

騁盟詐之兵。遂駭狠心。左傳。叔向妻生伯石。姑曰。狠子野心。非是莫喪羊舌氏矣。頗疑宋萬之誅。左傳。宋人請猛獲於衛。亦請南宮萬於陳。以賂陳人。使婦人飲之酒。而以犀革裹之。比及宋。手足皆見。皆醢之。彌

懼苟營之請。左傳。晉人歸楚公子穀臣。與連尹襄老之尸於楚。以求知轡。於是荀首佐中軍矣。故楚人許之。詳爲貞陽侯書。所以奔蹄勁角。漢書。武帝詔曰。馬或奔蹏。而致千里。專恣憑陵。凡我

行人。偏膺讎憾。政復菹筋醢骨。史記。淳齒擯潛王。筋懸之廟屋。宿昔而死。抽舌接肝。張璠漢記。董卓於衆坐。生斬人手足。又鑿目截舌。沈忠柱曰。韓詩外傳。狄人殺衛懿公。盡食其肉。獨舍

其肝。弘演使還。哭畢呼天。於彼凶情。猶當未雪。海內之所知也。君侯之所具焉。又聞本朝王公。陳書作公主。都人士女。

風行雨散。王粲詩。風流雲散。一別如雨。東播西流。京邑邱墟。葦蓬蕭瑟。偃師南望。漢官典職。德陽殿周遊容萬人。自偃師去宮三十五里。望朱雀闕。其上鬱與天連。咸

爲草萊。霸陵回首。王粲七哀詩。南登霸陵岸。回首望長安。俱霑霜露。漢書。伍被曰。臣亦將見宮中生荆棘。露霑衣也。此又君之所知也。彼以何義。爭免寇

讎。我以何親。爭歸委質。〔左傳〕狐突對曰策名委質。昔鉅平貴將。懸重於陸公。〔晉羊祜傳〕及五等建。祜封鉅平子。邑六百戶。帝有滅吳之志。以祜爲都督荊州諸軍事。祜與陸抗相對。使

命交通。抗嘗病。祜饋之藥。抗服之無疑。心人多諫。抗抗曰。羊祜豈醜人者。〔左傳〕晉叔向適鄭。驪蔑惡。欲觀叔向。從使之收器者而往。立於堂下一言而善。叔向將飲酒。聞之曰。必驪明也。下執其手以上。吾

雖不敏。常慕前脩。不圖明庶有懷。翻期陳書作其。以此量物。昔魏氏將亡。羣凶挺爭。諸賢戮力。想得其明。爲葛

榮之黨邪。爲邢杲之徒邪。〔北史〕魏葛榮引兵圍鄴。爾朱榮以侯景爲前驅。擒葛榮斬之。五州皆平。〔北周宇文貴傳〕貴從爾朱榮擒葛榮於滏口。加別將。又從元天穆平邢杲。轉都督。如曰不然。斯所

未喻四也。假使吾徒。還爲凶黨。侯景生於趙代。家自幽恆。居則台司。行爲連率。〔後漢馬援傳注〕莽法。典郡者公爲牧。侯稱卒正。伯稱連率。其無

封爵者。山川形勝。軍國彝章。不勞請箸爲籌。〔漢書〕酈食其謀撓楚權。勸漢王立六國。後張良曰。陛下事去矣。臣請借前箸以籌之。〔漢陳湯傳〕

能久攻。故事不過數日。因對曰。已解矣。屈指計其日。曰。不出五日。當有吉語聞。居四日。陳書軍書到言已解。〔侯景傳〕景字萬景。魏之懷朔鎮人也。歡使擁兵十萬。專制河南。重作景。以逋逃小醜。〔書〕紂爲天下逋逃主。羊豕同

羣。身寓江臯。家留河朔。〔侯景傳〕高澄遣其將慕容紹宗。追景。乃與腹心數騎自硤石濟淮。春春井井。如鬼如神。其不然乎。抑又君之所知也。且

夫宮闈祕事。竝若雲霄。英俊訐謨。寧非帷幄。見讓表。或陽驚以定策。〔漢張安世傳〕每定大政。已決。輒移病出。聞有詔令。乃驚。使吏之丞相府問焉。自朝廷大臣。莫知其與



議也。或焚橐而奏書。〔漢書〕孔光典樞機十餘年時有所言輒削草囊。〔晉書〕羊祜歷事二世職典樞要凡謀議皆焚其草世莫得聞。朝廷之士猶難參預。羈旅之人。〔左傳〕陳敬仲曰羈旅

臣。何階耳目。至於禮樂沿革。刑政寬猛。〔左傳〕子產謂子太叔曰惟有德者能以寬服民其次莫如猛。則謳歌已遠。萬舞成風。不知手之舞之。

足之蹈之也。安在搖其牙齒。為間諜者哉。〔莊子〕搖唇鼓舌。〔樂毅傳〕田單縱反間於燕。〔左傳〕晉人獲秦謀。若謂復命西朝。終奔東虜。雖齊

梁有隔。尉候奚殊。〔揚雄解嘲〕大漢東南一尉西北一候。豈以河曲之難浮。而曰江關之可濟。河橋馬渡。寧非宋典之姦。〔晉書〕

睿從帝在鄴。恐及禍。將逃歸。成都王穎先敕關津無得出貴人。睿出河陽。為津吏所止。從者宋典自後來。以鞭拂睿而笑曰。舍長官。禁貴人。汝亦被拘邪。吏乃聽過。關路雞鳴。皆曰田文之客。見表後啓。何其通蔽。

乃爾相妨。斯所未喻。五也。又兵交使在。雖著前經。〔左傳〕欒書伐鄭。鄭人使伯錫行成。晉人殺之。非禮也。兵交使在其間可也。儻同徇僕之尤。〔司馬穰苴傳〕穰

苴曰。君之使。不可殺之。乃斬其僕之左駙馬之左驢。以徇三軍。追肆寒山之怒。〔北史〕齊慕容紹宗。字紹宗。侯景反。命紹宗為東南道行臺。加開府。改封燕郡公。與大都督高岳。禽梁貞陽侯蕭明於寒山。回軍討侯景於渦陽。大捷。詳與王僧辯書。

則凡諸元帥。並繹縲囚。爰及褊裨。同無翦馘。乃至鍾儀見赦。朋笑遵途。〔左傳〕晉侯觀於軍府。見鍾儀問曰。南冠而縶者誰也。曰。鄭人所獻楚囚也。使稅之重

為之禮。使襄老蒙歸。虞歌引路。〔左傳〕公會吳子伐齊。將戰。公孫夏命其徒歌虞殯。吾等張廬拭玉。〔儀禮〕使者及境。張廬誓乃謁關人。〔又〕賓歸求成。

脩好尋盟涉泗之與浮河。〔禹貢〕浮于淮泗達于河。 郊勞至於贈賄。〔左傳〕齊國莊子來聘自郊勞至於贈賄禮成而加之以敏。公樹本曰〔左傳〕蓬啓疆曰入有郊勞出有贈賄禮之至也。

恩既被賓敬無違今者何倦翻蒙貶責若以此爲言斯所未喻六也若曰妖氛永久喪亂悠然哀我奔波

〔鮑昭詩〕客行惜日月奔波不可留。 存其形魄固已銘茲厚德戴此洪恩譬渤海而俱淡。〔博物志〕東海稱渤海又謂之滄海。 方嵩華而猶重但

山梁飲啄非有意於樊籠。〔莊子〕澤雉十步一啄百步一飲不齋音乎樊中〔論語〕山梁雌雉。 江海飛浮本無情於鐘鼓。〔莊子〕昔者海鳥止於魯郊魯侯御而觴之於廟奏九韶以

爲樂具太牢以爲膳鳥乃眩視憂悲三日而死〔江淹詩〕咸池享爰居鐘鼓或愁辛。 況吾等營魂已謝。〔屈原九章〕魂識路之營營。 餘息空留悲默爲生何能支久是則雖

蒙養護更天天年。〔漢雨襲傳〕父老哭曰薰以香自燒膏以明自銷冀生竟天天年。 若以此爲言斯所未喻七也若云逆豎殲夷當聽反命高軒

繼路飛蓋相隨。〔曹植詩〕飛蓋相追隨。 未解其言何能善謔。〔詩〕善戲謔兮。 夫屯亨治亂。見爲貞陽侯書。 豈有意於前期謝常侍今年

五十有一。〔齊書魏收傳〕魏帝敕兼主客郎接梁使謝琨徐陵。 吾今年四十有四介已知命。〔魯論〕子曰五十而知天命。 賓久陳書作又杖鄉。〔禮記〕六十杖於鄉。 計彼

侯生肩隨而已。〔史記〕侯嬴年七十家貧爲大梁夷門監者。樹屏曰〔曲禮〕五年以長則肩隨之。 豈銀臺之要彼未從師。〔郭璞遊仙詩〕神山排雲出但見金銀臺。 金竈之方吾

知其訣。〔漢武帝紀〕李少君曰。祀竈則致物。而丹砂可化為黃金。政恐南陽菊水。竟不延齡。〔荊州記〕縣北八里有菊水。其源旁悉芳菊。水極甘馨。又有三十家。不復穿井。即飲此水。上壽百二十。中壽百餘。七十者猶

以爲天。東海桑田。無由佇。陳書。〔神仙傳〕麻姑謂王方平曰。接待以來。見東海三變爲桑田。向到蓬萊。水淺若以此爲言。

斯所未喻八也。足下清襟勝託。〔袁粲答王儉詩〕老夫亦何寄之子。照清襟。書園文林。〔范曄應詔詩〕文園降照臨。凡自洪荒。終乎幽厲。如吾今日。

寧有其人。爰至春秋。微宜商略。夫宗姬殄墮。霸道昏凶。或執政之多門。〔左傳〕晉政多門。或陪臣之涼德。〔論語〕陪臣執國命。〔左

傳〕魏多涼德。故藏孫有禮。翻囚與國之賓。〔列女傳〕臧文仲爲魯使齊。齊拘之。而與兵欲襲魯。文仲陰使人遺公書。爲隱語。人不能解。其母解之曰。吾子拘有木治矣。於是軍於境上。齊還文仲而不伐魯。周伯無

憊。空怒天王之使。〔左傳〕隱公七年冬。王使凡伯來聘。還我伐之於楚邱。以歸。遷箕卿於兩館。〔左傳〕晉人爲邾人之慝。故執我行。人叔孫婣館諸箕。舍于服昭伯於他邑。執驥子於三年。

〔左傳〕唐成公如楚。有兩肅爽馬。子常欲之。弗與。亦三年止之。斯非貪亂之風邪。寧當今之高例也。至於雙嶠且帝。四海爭雄。〔魯仲連傳〕新垣衍曰。秦前與齊潁王

爭彊爲帝。已而復歸帝。今齊潁王已益弱。方今惟秦雄天下。其賞欲復求爲帝。或構趙而侵燕。或連韓而謀魏。〔史記〕犀首者。魏之陰晉人也。名衍。姓公孫氏。與張儀不善。張儀爲秦之魏。魏王相張儀。犀首弗利。故令人

謂韓公叔曰。子何不少委焉。以衍爲功。則秦魏之交可錯矣。然則魏必圖秦而棄儀。收韓而相衍。身求盟於楚殿。躬奪璧於秦庭。〔戰國策〕秦求九鼎。顏率謂

齊王救周齊求九  
鼎率又東解之  
馳安車而誘梁客。〔范曄傳〕曄更名姓曰張祿時秦昭王使謁者王稽於魏  
鄭安平夜與張祿見王稽稽載范曄入秦應侯  
其外膏脣拭〔陳書〕舌〔後漢〕

者傳〔羣邪項〕分路揚鑣無罪無辜如兄如弟〔見〕逮乎中陽受命〔漢高祖紀〕高祖  
沛豐邑中陽里人  
天下同規〔中庸〕今  
天下車同軌  
巡省

諸華無聞幽辱及三方之霸也孫甘言以斌媚〔樹屏曰〕〔三國志〕鍾繇與魏  
文帝書吾見孫權了更斌媚  
曹屈詐以羈縻旒軫歲到於句

吳〔曲禮〕僕展軫效駕〔光宮曰〕〔吳〕  
冠蓋年馳於庸蜀〔魏世家〕魏使人求救於秦冠蓋相望  
則客嘲殊險賓戲已

深〔漢書〕揚雄作  
解嘲班固答賓戲  
共盡游談誰云猜忤若使搜求故事〔陳書〕脫有前蹤恐是叔世之姦謀  
書曰三辟之興皆叔世

也  
而非爲邦之勝略也抑又聞之雲師火帝澆淳乃異其風〔見勸〕龍躍麟驚王霸雖殊其道  
〔易〕或躍在淵  
〔晉書〕王濬表曰

猛獸當途  
麒麟恐懼  
莫不崇君親以詔〔陳書〕物敦敬養以治民預有邦司會無隆替吾奉違溫清〔曲禮〕凡爲人子  
之禮冬溫而夏清  
仍屬

亂離寇虜猖狂公私播越蕭軒靡御〔漢蕭育傳〕南郡江中多盜賊拜育爲太守上以育耆舊名臣  
乃以三公使車載育入殿中受策〔注〕使車三公奉使之車  
王舫誰持〔張雲章〕曰〔南

史〕王筠爲臨海太守在郡侵刻還資有  
芒屨兩舫他物稱是爲有司奏不調累年  
瞻望鄉關何心天地自非生憑廩竹〔後漢南蠻傳〕夜郎者初有女子浣於澗水  
有三節大竹流入足間聞其中有號聲剖竹視

之得一男兒。歸而養之。及長有才武。自立為夜郎侯。以竹為姓。漢武帝封其三子為侯。死配食其父。今夜郎縣有竹王三郎神是也。

源出空桑。

〔呂氏春秋〕有侏氏采桑。得嬰孩於空桑之中。獻之其君。察其所以然。曰其母伊水之上。嘗夢神告之曰。白出水

而東走。毋明日視白果出水。告其鄰。母乃走十里。而故邑盡為水。身因化為空桑。故命之曰伊尹。

行路含情。猶其相愍。常謂擇官而仕。非曰孝家。擇事而趨。非云忠

國。況乎欽承有道。驂駕前王。郎吏明經。鷓鴣知禮。

〔封禪書〕鷓鴣數至。而欲封禪。毋乃不可。

巡方省化。咸問高年。

〔漢萬石君傳〕上曰。巡方州禮嵩岳通

八神以合宣房。濟江淮。歷山濱海。問百年民所疾苦。

西序東膠。皆尊者蓋。

〔王制〕夏后氏養庶老於西序。周人養國老於東膠。

吾以圭璋玉帛。通聘來朝。屬世道之屯期。

鍾生民之否運。兼年累載。無申元直之祈。

〔諸葛亮傳〕徐庶字元直。庶母為操所獲。庶辭備指其心曰。本欲與將軍共圖王霸之業者。以此方寸地也。今已失老母。方寸亂矣。無益於事。請從此辭。庶遂詣

操。

銜泣吞聲。長對公閭之怒。

〔未詳〕

情禮之訴。將同逆鱗。

〔韓子〕夫龍之為蟲。可狎而騎也。然喉下有逆鱗。徑尺。若嬰之則殺人。人主亦有之。說能無嬰人主之逆鱗則幾矣。

忠孝之

言皆應辭舌。

〔英雄記〕曹操自詐其舌流血。以失言戒後世。

是所不圖也。非所仰望也。且天倫之愛。何得忘懷。

〔穀梁傳〕兄弟天倫也。

妻子之情。

誰能無累。夫以清河公主之貴。

〔晉賈后傳〕臨海公主先封清河。洛陽之亂。為人所略。傳賈吳興張溫。溫以送女。女遇主甚酷。元帝鎮建康。主詣縣自言。帝誅溫及女。改封臨海。

餘姚書佐之家。

〔後漢酷吏傳〕對郡太守黃昌。會稽餘姚人。妻遇賊被獲。流八蜀。為人妻。其子犯事。詣昌自訟。昌疑母不類蜀人。因問所由。對曰。妾本會稽餘姚。載次公女。州書佐黃昌妻也。妾嘗歸家。為賊所略。遂至於此。因相持悲泣。還為夫婦。

莫限高卑。皆被

驅略自東南醜虜抄販飢民臺署郎官俱餒牆壁。（後漢獻帝紀）帝還洛陽州郡委輸不至。尙書郎以下自出采稻或飢死於牆壁間。况吾生離死別。（風原九

歌）悲莫悲兮生別離。多歷寒暄孀室嬰兒。（淮南子）寡婦不孀詳爲貞陽侯書。何可言念如得身還鄉土躬自推求猶冀提攜。（曲禮）長者與之提攜。

俱免凶虐夫四聰不達。（舜典）明四目達四聰。華陽君所謂亂臣。（范曄傳）雖因間說秦昭王曰穰侯出使不報華陽溼陽等擊斷無諱高陵進退不請四貴備而國不危者未之有也。百姓

無冤孫叔敖稱爲良相。（史記循吏傳）孫叔敖爲楚相民皆樂其生。足下高才重譽參贊經綸非虎非貔。（見勳進表）聞詩聞禮。（見論語）而中朝

大議曾未矜論清禁嘉謀安能相及謬謬非周舍。（韓詩外傳）趙簡子有臣曰周舍立於門下三日三夜簡子問其故答曰臣爲君謬謬之臣。容容類胡廣。（後漢胡

廣傳）京師諺曰萬事不理問伯始天下中庸有胡公（范曄贊曰）胡公庸庸飾情恭貌（左雄傳）公卿相戒曰白璧不可爲容容多厚福。何其無諍臣哉。（孝經）天子有諍臣七人雖亡道不失天下。歲月如流平生

何幾晨看旅雁心赴江淮。（山海經）雁門山雁出其間在高柳北（月令）季秋之月鴻雁來賓。昏望牽牛情馳揚越。（天官書注星經云）南斗牽牛吳越之分野揚州也。朝千悲

而掩泣夜萬緒而回腸不自知其爲生不自知其爲死也足下素挺詞鋒兼長理窟。（北堂書鈔郭子云）張憑詣劉眞長同謁撫軍撫

軍吞嗟稱善曰。憲毅稱爲理窟。匡丞相解頤之說。（漢書）匡衡少字稚圭諸儒語曰無說詩匡則來匡說詩解人頤建昭三年代章玄成爲丞相封樂安侯。樂令君清耳之談。（晉書）樂廣清夷冲曠

善談名理。衛瑾奇之曰：自何平叔諸人沒，常謂清言盡矣。今復聞之，樂令

向所諮疑，誰能曉諭。若鄙言爲戮，來旨必通。分請灰釘。

〔魏略〕王凌自知非處，試索棺釘以觀太傅意。太

傳給之。遂自殺。

甘從斧鑊，何但規規默默，齧舌低頭而已哉。

〔漢灌夫傳〕韓安國曰：魏其必媿杜門齧舌自殺。

若一理存焉，猶希矜眷，何必期令

吾等必死齊都，足趙魏之黃塵，加幽并之片骨，遂使東平拱樹，常懷向闕。

陳書

之悲。

〔皇覽〕後漢東平思王宇歸思京師，後葬東平，其家上

松柏皆西廡。

西洛孤墳，恆表思鄉之夢。

〔後漢書〕溫序遇賊死，節光武憐之，賜葬洛陽城傍。序長子嵩，爲鄒平侯相。夢序告之曰：客久思鄉里，壽上書乞骸骨歸葬，乃反蒼瑩。

干祈以屢，哽慟增

深。徐陵叩頭再拜。

### 在北齊與宗室書

陵白：臨淮負海，是謂徐州。

〔禹貢〕海岱及淮惟徐州。

顯頊高陽，世有明德。

〔帝王世紀〕帝顯頊高陽氏，世有才子八人，謂之八凱。按顯頊之裔，羸姓伯益之後，封於徐，爲楚所滅。子孫因氏。

自興王啓霸，無勞委劍之鋒。

〔括地志〕徐君廟在泗州徐城縣西南一里。即延陵季子挂劍之徐君也。詳與楊僕射書。

開國承家。

見

寶饗彤弓之賜。

〔博物志〕徐偃王得朱弓矢。

以已得天瑞，因名爲弓，自稱徐偃王。

其後金柯玉葉。

〔崔豹古今注〕黃帝與蚩尤戰於涿鹿之野，常有五色雲氣，金枝玉葉，止於帝上，有花葩之象，因作華蓋也。

霞振雲從，者舊通人，茂才多士。

或以天下之貴負石自沈。〔漢鄒陽傳〕徐衍負石入海。〔注〕服虔曰衍周之末世人也。王命之尊拂衣高蹈。〔後漢徐稭傳〕稭字孺子豫章南昌人也。舉有道家拜太原太守皆不就桓帝以安車

玄纁備禮徵之並不至。或熊衣雉製青組朱旗。未詳〔後漢〕徐璆傳璆字孟玉廣陵海西人獻帝遷許得袁術所盜國璽上之并送前所假汝南東海二郡印綬司徒趙溫謂璆曰君遭大難猶存此邪璆曰昔

蘇武不墜七尺之節況此方寸印乎。

炯曰〔董巴志〕二千石青綬。儒盛江東文高河北。〔後漢徐防傳〕防沛國鉅人祖父宣爲講學大夫以易教授王莽父憲亦傳宣業防少習祖父學永元十六年拜司徒遷太尉錄尚書事安帝卽

位以定策封龍鄉侯〔魏〕文帝與吳質書偉長可謂彬彬君子者矣著中論二十篇成一家

之言辭義典雅足傳於後〔本傳〕徐幹字偉長北海人爲司空軍謀祭酒掾屬五官將文學。或復分齊處魯移魏居燕。〔漢書〕徐樂燕

無終人也。上瓜颺雖遙。〔詩〕絲絲瓜颺。芳枝無遠昔有王敦王如。一本作莽〔晉書〕雍州流民多在南陽詔書遣還鄉里京兆王如衆至四五萬自號大將軍稱藩於漢劉聰詳後歐陽頎碑

土崩瓦解書。無關控鶴之宗。〔孫綽天台山賦〕王喬控鶴以冲天。劉曜劉淵。〔晉書〕劉淵匈奴左賢王豹之子也晉仕爲左部督後因晉亂稱帝國號漢子聰嗣立聰死國亂劉曜自立爲帝彌非偃龍之族。

〔夏本紀〕陶唐既衰其後有劉累學擾龍於豢龍以事孔甲孔甲賜之姓曰御龍氏。又有朱家別錄邾子之苗。〔凌以棟曰〕周封曹挾於邾後爲楚滅子孫避難去邑爲朱何氏殊源韓侯之

情。〔朱子考異〕何氏出周成王母弟唐叔虞後十一代孫食邑於韓韓爲秦所滅子孫散居江淮間以韓爲何遂爲何氏三鳥五鹿時事無恆東郭西門遷訛非一。〔潛夫論〕東門西門南宮北郭所

謂居也三鳥五鹿青牛白馬所謂志也。吾宗雖廣未有駢枝。〔莊子〕駢拇枝指出乎性哉而侈於德咸自駒王。〔檀弓〕邾婁考公之喪徐君使容居來弔含曰昔者先君駒王西討濟於河無所不用斯言也同

徐孝穆集 卷二

七九



分才子。正以金衡委御。玉斗宵亡。（後漢王逸集九思云）將喪兮玉斗。

胡賊憑陵。中原傾覆。我則供犧牲於東國。

（書）今殷民乃攜精神。祇之

犧牲載主祔於南都。（左傳）鄭火作于產使祝史徒主祔於周廟。

三百年來。家於揚越。

（晉徐邈傳）邈、東莞姑幕人。祖澄之。為州治中屬。永嘉之亂。遂與鄉人臧琨。率子弟并閩里士庶千餘家。南渡江。家於

京口。遡轉祠部郎。上南北郊宗廟。送毀禮。皆有證據。此則盧諶不去。

（晉盧諶傳）諶、范陽涿人。州舉秀才。辟太尉掾。隨父志。北依劉琨。與志俱為劉粲所虜。梁據晉陽。留諶為參軍。琨攻粲。粲敗走。諶得赴琨。段匹磾害琨時。段末波在遂西。諶往投

之。石季龍破遂西。復為季龍所得。屬冉閔誅石氏。遇害。

裴寧仍留。未詳。

高宦燕秦。遲回鄉壤。山河有隔。鼓觀無緣。望驥馬而增勞。瞻賓鴻而

永歎。見與楊僕射書。昔竇公累世。光武稱其外家。

後漢（竇融傳）融封安豐侯。帝賜以外屬圖。及太史公五宗外戚世家。魏其侯列傳。詔曰。孝景皇帝出自竇氏。定王景帝之子。朕之所祖。

許都遙遠。

靈王思其舊宅。（左傳）楚靈王曰。昔我皇祖伯父昆吾。舊許是宅。

其言雖大。可以喻小。況在宗親。寧無停眷。比月應雩龍。

（論衡）二月之時。龍星始出。故傳

曰。龍見而雩。龍星見時。歲已啓蟄而雩。

星移般鳥。（魏典）日中星鳥。以殷仲春。

天明和煦。體中何如。願百年之老。

（王制）天子巡守。同百年者就見之。

與居多福。萬石

之君。（漢石奮傳）景帝曰。石君及四子皆二千石。人臣尊寵。乃舉集其門。凡號奮曰萬石君。

寒暑清豫。其外族忠孝。比居連薨。信義勇於干戈。詩書甘於酒醴。

或有漁獵三史。

（易略綱序）漁獵墳典。

紛綸五經。

（後漢逸民傳）井丹字大春。京師語曰。紛綸五經井大春。

都講開爨。

（後漢丁鴻傳）鴻從桓榮。受歐陽尚書三年。而明章句善論難。為都講。

詩生

負帙未詳邦君佇德寧無挂榻之思〔後漢徐穉傳〕穉字孺子陳蕃爲豫章太守在郡不接賓客惟穉來特設一榻去則懸之州將欽風應有題車之命〔後漢書張奐傳〕

小人不明得過州將〔又〕周景爲豫章刺史辟陳蕃爲別駕蕃不就景題別駕輿曰陳仲舉座南陽坐嘯寄以共治〔後漢書〕汝南太守宗資以范滂爲功曹南陽太守成瑨以岑暉爲功曹皆委心聽任二郡爲之謠曰汝南太守范滂

博南陽宗資主畫諾南陽太守岑公孝弘農成瑨但坐嘯東海行歌資其主病〔古逸詩〕甯威飯牛車下擊牛角而疾商歌桓公授之以政梁棟不好徒爲大言〔後漢梁竦傳〕竦字叔敬嘗登高望遠

歎息官曰大丈夫處世生當封侯死當廟食如其不然聞居可以養志詩書足以自娛州郡之職徒勞人耳鄧禹生平惟望如此〔後漢鄧禹傳〕禹字仲華南陽新野人也光武謂曰我得專封拜生遠來寧欲仕乎禹曰不願也光武曰即

如是欲何爲禹曰但願明公威德加於四海禹得效其尺寸垂功名於竹帛耳若棲遲偃仰〔詩〕邱中有麻桃果三名西京雜記漢武初脩上林苑羣臣各獻果有湘核桃紫文桃金城桃栗

園千樹〔史記〕燕秦千樹栗此其人與千戶侯等持竿而釣徵聘不來〔鄭元曰〕磻石中有泉謂之茲泉積水爲潭即太公釣處水次磻石釣處即太公垂釣之所負耒而耕公侯靡屈

〔孟子〕伊尹耕於有莘之野而樂堯舜之道焉何其高也蓋復休哉如脫推延或溷並問吾階緣人乏叨筮皂華見與楊僕射書王事無淹公

禮將畢旣而揚都蕩覆方離獫狁之災〔詩〕獫狁孔熾詳與王太尉書越界風塵復蹈輜軒之禮見與楊僕射書屏居空館見與王僧辯書多

歷歲時覲犯靈祇〔揚雄河東賦〕靈祇既覲招延禍罰號慕無窮肝膽屠殞煩冤胸臆〔屈原九章〕靈寢之煩冤令樹屏曰〔莊子〕引聲歌天地之道近在胸臆

不自堪居。無心奈何。無狀奈何。自裴回河朔。亟積寒暄。風患彌留。〔書顧命〕病曰臻。既彌留。半體枯廢。折臂爲公。雖非

羊祜。〔晉羊祜傳〕祜。泰山南城人也。封南城侯。有善相墓者。言祜祖墓所有帝王氣。若鑿之。則無後。祜遂鑿之。相者見曰。猶出折臂三公。而祜竟墮馬折臂。位至公而無子。跛足而使。無慙郤克。〔左傳〕晉侯使郤克徵會於齊。

頃公帷婦人使觀之。郤子登婦人固以形如槁木。心若死灰。〔莊子〕形固可使如槁木。心固可使如死灰。匍匐苦廬。纔有魂氣。〔詩〕凡民有喪。匍匐救之。

大記。父母之喪。居倚廬不塗。寢苦枕由。〔南史〕簡文被閉。擗不獲朝謁。因感氣疾而卒。年七十八。贈侍中太子詹事。諡貞子。夫迷山之客。遲遙響於巖崖。窮海之賓。望孤煙於島嶼。

魏管寧傳。〔注〕傳子曰。寧在遼東。積三十七年。乃歸。寧之歸也。海中遇大風。船皆沒。惟寧乘船自若。時夜風晦冥。船人盡惑。莫知所泊。望見有火光。輒趨之。得島。島無居人。又無火。燼行人咸異焉。以爲神光之佑也。況乃宗均魯衛。地匪

燕吳。車騎相望。舟艫朝夕。三條不遠。〔班固西都賦〕披三條之廣路。五達非難。〔爾雅〕五達謂之康。信乃闔然。遂不蒙問。昔桃花之

峽。長避羸秦。〔晉陶潛桃花源記〕晉太康中。武陵人捕魚。從溪而行。忽遇桃花林。夾兩岸數百步。無雜木。芳華芬曖。落英繽紛。漁人異之前行。窮林盡見。山有小口。髣髴有光。便舍船步入。初極狹。行四五十步。豁然開朗。邑室連接。雞犬相聞。男女被

髮。怡然並足。見漁人大驚。問所從來。要還爲設酒食。云先世避秦難。率妻子來此。遂與外隔絕。不知有漢。無論晉魏也。既出。白太守。太守遣人隨而尋之。迷不復得路。芝草之山。遙然滄海。未詳。猶復漁船可入。

此下疑脫一句。何況平途。不兼旬月。勞懷既積。輒命行人。弦望之間。見檄周文。遲枉歸翰。儻二三兄弟。能敦昭穆之詩。求

我漳濱。幸問劉楨之疾。〔魏劉楨詩〕余嬰〔沈痼疾。羸身清漳濱。〕陽春改節。並念將宜。扶力爲書。多不詮次。陵白。

補、〔晉桓沖傳〕自以德望不逮謝安。故委之內相重。與王太尉書。

〔離騷〕蹇吾法乎前修。劉向封事。游談者助之說。與楊僕射書。



# 徐孝穆集卷之三

在北齊與梁太尉王僧辯書

太清六年六月五日。孤子徐陵頓首。昔者雲師火帝。非無戰陣之風。堯誓湯征。咸用干戈之道。至於搖山蕩海。驅電乘雷。殲厥兇渠。無虧皇極。若夏鍾夷羿。周厄犬戎。漢委珠囊。秦亡寶鏡。然則皆聞之矣。未有膺龍圖以建國。御鳳邸以承家。二后欽明。三靈交泰。而天崩地圻。妖寇橫行者也。自古銅頭鐵額。興暴皇年。

見勸進表及爲貞陽侯書。

檣杵窮奇。流災中國。

（左傳）顛瑣氏有不才子。天下之人謂之檣杵。少昊氏有不才子。天下之人謂之窮奇。

王彌石勒。吞噬關河。

（晉書）東萊王彌。家世二千石。彌有勇略。善

騎射。青州人。謂之飛豹。後爲羣盜。降劉聰。爲石勒所殺。又劉淵以石勒爲護漢將軍。平晉。王衆至十餘萬。集衣冠人物。別爲君子營。後據襄國。爲後趙。

綠林青犢之羣。黑山白馬之衆。較彼兵荒。

無聞前史。八王故事。曾未混淆。九州春秋。非云禍亂。

見爲貞陽侯書。

我皇受命中興。光宅天下。泰寧瑣瑣。安敢執

鞭。史記晏子傳贊。余雖爲之執鞭。所忻慕焉。按泰寧。晉明帝年號。

建武棲棲。何期扶轂。

揚雄羽獵賦。桓文曾不足使扶轂。按建武。晉元帝年號。

抑又聞之。陶唐既作。天歸鳥

喙之臣。〔春秋元命苞曰。〕堯為天子。季秋下旬。夢白帝子。遺以鳥喙子。其母曰扶始。升高邱。上有雲如虎。感已而生。皋陶。〔淮南子云。〕皋陶鳥喙。豐畢將興。特挺鷹揚之佐。〔詩。〕維師尚父。時維鷹揚。涼彼武

王肆伐大商。〔易。〕鼎。明公量苞金鉉。〔易。〕鼎。神表玉璜。〔見為真。〕儷竟。〔當作。〕欽才。〔詩。〕衮職有關。惟仲山甫補之。平階佇德。〔揚雄長楊賦。〕是以玉衡正而泰

會朝清明。〔見為真。〕固已留連管樂。〔見為真。〕惆悵風雲。濡足維時。〔新序。〕今為濡足之故。不救人溺。可乎。投竿斯在。〔見與宗室書。〕去歲兇徒不逞。言次巴

階平也。邱鼓聲聞一柱之臺。〔博物志南荊賦。〕江陵有臺。甚大而惟一柱。衆木皆拱之。烽火照三休之殿。〔藝文類聚。〕賈子曰。翟王使使者之楚。楚王欲誇之。享客章華之臺。三休乃至其上。公則

懸麾羽扇。〔語林。〕亮與司馬懿克日交戰。懿使偵之。孔明葛巾羽扇。指麾三軍。從容自若。懿歎曰。諸葛君可謂名士矣。猶對投壺。〔後漢書。〕祭遵為將軍。取士皆用儒術。對酒設樂。必雅歌投壺。戎羯咸奔。鯨

鯢俱翦。〔見勸進表。〕樓船萬軸。還繫昆明。〔三輔黃圖。〕武帝作昆明池。學水戰法。胡馬千羣。皆輸長樂。〔漢百官志。〕於是乎夏首西浮。〔見為真陽。〕

侯雲行電邁。彭波東匯。〔禹貢。〕東。谷靜山空。〔見與陳司空書。〕扼鵠尾而據王畿。〔綱目實實。〕池州府銅陵縣有鵠頭山。今廬江西岸有鵠尾渚。登牛頭而

掃天闕。漸臺僞帥。仍傳首於帝京。郿塢元兇。咸列腸於軍市。青羌赤狄。同界豺狼。胡服夷言。咸為京觀。〔見勸進表。〕

表。公園陵盡拜。忠貫長沙。〔吳志。〕孫堅為長沙太守。舉兵討董卓。乃前入至洛陽。脩諸陵。平蹇卓所發掘。神主咸安。勳踰高密。〔後漢書。〕鄧禹南至長安。率諸將齊戒。擇吉日脩禮謁祠。高廟收

進。乃前入至洛陽。脩諸陵。平蹇卓所發掘。神主咸安。勳踰高密。〔後漢書。〕鄧禹南至長安。率諸將齊戒。擇吉日脩禮謁祠。高廟收

進。乃前入至洛陽。脩諸陵。平蹇卓所發掘。神主咸安。勳踰高密。〔後漢書。〕鄧禹南至長安。率諸將齊戒。擇吉日脩禮謁祠。高廟收

進。乃前入至洛陽。脩諸陵。平蹇卓所發掘。神主咸安。勳踰高密。〔後漢書。〕鄧禹南至長安。率諸將齊戒。擇吉日脩禮謁祠。高廟收

十一帝神主遣使奉詣洛陽因循行園陵爲置吏士奉守焉〔漢張良傳〕沛公入秦宮殿帷帳狗馬重寶婦女以千數欲留居之重以秦宮既獲〔晉王延壽魯靈光殿賦序〕靈光巋然獨存關綠草

於應門〔沈約詩〕應門照綠苔開青槐於武庫〔未詳〕長安五陵之族鄠杜七遷之民〔班固西都賦〕南望杜鵑北眺五陵注宣帝杜陵文帝霸陵高惠景武昭帝五陵在北士人

多宅於此〔又〕三遷七遷充奉陵邑〔注〕七遷爲編徙居七陵充供奉也〔又〕鄠杜濱其足〔注〕扶風有鄠縣杜陽縣穢負而歸〔論語〕則四方之民穢負其子而至矣都廩斯滿〔見與楊僕射書〕嚮脂藏脯

遊騎擊鐘〔貨殖傳〕翁伯以販脂而傾縣邑濁氏以胃脯而連騎張里以馬醫而擊鐘故市新城飛甍華屋〔漢地理志〕河南郡有故市縣〔曹參傳〕東取咸陽更名曰新城顧非礪曰〔戰國策〕蘇秦說趙王

於華屋之下吳祥曰〔何晏景福殿賦〕高臺崔嵬〔注〕苑屋欄也東莞舊宅人識桑榆南頓荒田家分禾黍〔見勸進表〕豈以鄉名穀熟〔括地志〕宋州穀熟縣西南三十

五里南毫故城〔吳志〕孫權立子和爲太子大赦改禾輿爲嘉興邑號禾輿而已哉〔見勸進表〕若夫卦起龍文書因鳥跡〔見勸進表〕劬勞王室大拯生民〔見勸進表〕自

開闢以來未之有也雖十六才子明允篤誠〔左傳〕高陽氏有才子八人齊聖廣淵明允篤誠天下之民謂之八愷高辛氏有才子八人忠肅共懿宣慈惠和天下之民謂之八元此十六族也世濟其

美不阻〔書〕武王伐紂不期而會孟津八百諸侯〔又〕予有亂臣十人同心同德八百諸侯專心同德〔書〕武王伐紂不期而會孟津八百諸侯〔又〕予有亂臣十人同心同德中宗佐命俱畫丹青光武功臣皆懸星象棧道

木闌田單之奉霸齊綰繆將兵周勃之扶強漢〔見爲貞陽侯書〕壤蟲之比黃鵠〔淮南子〕盧敖視若士曰吾比夫子猶黃鵠與壤蟲也轍鮒之仰河



宗。〔莊子外物篇〕莊子貸粟於監河侯。侯曰：以金貸汝。周曰：昔見轍中涸鮒，曰：無升斗之水以活我乎？周曰：待我決西江水以活汝。鮒曰：如君言，不如早索我於枯魚之肆也。

未足云也。孤子階緣多幸，叨筮皇

華鄉國屯危，公私憔悴，邳彤之切，長亂心胸。

〔後漢書〕王郎所置信都王，捕繫彤父弟及妻子，使爲手書呼彤，曰：降者封爵，不降族滅。彤涕泣報曰：事君者不得顧家，會更始所遣將攻拔信都，郎兵敗

走形家，屬得免。

徐庶之祈，終無開允。

見與楊僕射書。

既而屏居空館。

〔潘岳寡婦賦〕歸空館而自憐。

多歷歲時，覺犯幽祇，躬當勦滅，何圖覺咎。

災極蒼旻，號慕煩冤，肝腸屠殞，酸痛奈何，無狀奈何，維桑與梓，翻若天涯。

〔古詩〕各在天一涯。

杖柏栽松，悠然長絕。

明明日月，號叫無聞。

〔詩〕或不知叫號。

茫茫宇宙，容身何所。

〔漢鄒陽傳〕申徒狄，徐衍不容身於世。

窮劇奈何，自忝膺嘉聘，仍屬亂離，上

下年尊，偏嬰此酷，昔人迎門請盜，恆懷廢寢之憂。

〔後漢書〕趙咨少孤，有孝行，躬率子孫耕農爲養，盜嘗夜往劫之，咨恐母驚懼，乃先至門迎盜，因請爲設食，謝曰：老母八十，疾病須養，居貧

朝夕無儲，乞少置衣糧，妻子物一無所請，盜皆慙歎奔出。

當輓輿榘，猶有危途之懼。

〔後漢廉范傳〕范，京兆杜陵人，父遭喪亂，客死於蜀漢，范遂流寓西州，西州平，歸鄉里，西迎父喪，載船觸石破沒，范抱持棺柩，遂俱沈溺，衆傷其

義鉤求，得之。

況乎逆寇崩騰，京師播越，與居動止，長隔山河，朝夕饘飩，誰經心眼。

〔內則〕婦事舅姑，如事父母，饘飩酒醴，芻蕘菽麥，實稻黍稷，唯所欲。程

糜不繼。〔師覺授孝子傳〕程曾年七歲，喪母，哀號哭泣，不異成人，祖母憐之，嚼肉食之，覺有味便吐去。

原粟何資。

〔論語〕原思爲之宰，與之粟九百。

瞻望風雲，朝夕嗚咽，固乃游魂已



見輿揚。誠爲過誤。珪璋特達。通聘河陽。貂珥雍容。尋盟漳水。見勳進表。差有黃門啓封。非無青紙詔書。〔晉山簡表。〕臣父濤奉先

帝手澤。郡將州司。〔後漢皇甫規傳。〕坐觀郡將。已數十年矣。〔注。〕郡將郡守也。

郊迎負弩。

〔漢書。〕霍去病爲票騎將軍。擊匈奴。道出河東。河東太守郊迎。負弩先驅。

鄉亭里候。

〔西京賦注。〕秦法十里一

亭。周禮。夏官有候人。飾館陳兵。〔左傳。〕鄭穆公使視客館。則束敝厲兵秣馬矣。

豈是復介而奔齊。

〔左傳。〕公孫歸父欲去三桓。以張公室。與公謀而聘於齊。欲以晉人去之。冬。公薨。季文子使臧宣叔逐東門氏。子

家還及笄。壇帷復命於介。既復命。袒括髮卽位哭。三踊而出。遂奔齊。寧當竊妻而逃晉。

〔左傳。〕共王卽位。將爲陽橋之役。使屈巫聘於齊。且告師期。巫臣盡室以行。申叔跪從其父。將適郢。遇之曰。異哉。夫子有三軍之懼。而又有桑中之喜。

宜將竊妻以逃者也。及鄭使介反擊。而以夏姬行。將奔齊。齊師新敗。曰。吾不慮不勝之國。遂奔晉。

已焉哉。羌難得而言也。漢之谷吉。捐軀者幾人。

〔漢書。〕谷吉。永之父也。元帝時爲衛司馬使

送郅支單于侍子。爲郅支所殺。楚之申胥。埋魂者何地。

〔左傳。〕申包胥如秦乞師。立依於庭牆而哭。七日。秦哀公爲之賦無衣。九頓首而坐。秦師乃出。

孤子何所歎焉。但頓伏苦廬。見與

宗室。徒延光晷。謂光陰曰晷。

夫以啁噍燕雀。躑躅鳴號。

〔禮記三年間。〕今是大鳥獸。則失喪其羣。匹。越月踰時焉。則必反巡。過其故鄉。翔回焉。鳴號焉。躑躅焉。跼踟焉。然後乃能去之。小者至於燕雀。猶

有啁噍之頃焉。然後乃能去之。

含識懷靈。未有其痛。且夫曾耕雨雪。猶尙悲歌。

〔琴操。〕曾子耕泰山下。雨雪不得歸。思父母。作梁山操。

蘇使幽囚。無馳哽噎。

〔見讓右僕射。〕初表。趙紹嘉曰。〔本傳。〕陵不奉家信。便布衣疏食。曾耕。言己之思親。蘇使。言己之奉使。

公履忠弘孝。冠冕指紳。化感煙雲。量標海岳。行糜仲月。王政

無寒。（月令）仲秋之月養衰老。授几杖。行糜粥飲食。

分穀高年。仁風斯遠。（漢文帝紀）有司請八十已上月賜米肉酒。九十已上加帛絮。長吏閱視。丞若尉致。

固以衣纓仰訓。黎庶投

懷。今日懔懔。彌布洪澤。雖復孤骸不返。方爲漠北之塵。營魄知歸。終結江南之草。

（左傳）魏武子有嬖妾。武子卒。顯嫁之。及輔氏之役。顯

見老人結草以亢杜。回。回。而顯。故獲之。夜夢之曰。余而所嫁婦人之父也。爾用先人之治命。余是以報。詳與楊僕射書。

孤子徐陵頓首。

與王吳郡僧智書

（南史王僧辯傳）僧辯既亡。弟僧智得就任約。約敗。走僧智。肥不能行。又遇害。

孤子徐陵頓首。昔林宗道主。時人多慕德之賓。

（後漢書）郭泰字林宗。遊於洛陽。始見河南尹李膺。膺大奇之。由是名震京師。後歸鄉里。衣冠諸儒送。至河上。車數千兩。林宗惟與李膺同舟而濟。衆

賈望之以爲神仙。

無忌雄豪。天下盡希風之客。

（信陵君傳）魏公子無忌。爲人仁而下士。士無賢不肖。皆謙而禮交之。士以此方數千里爭往歸之。致食客三千人。

況復王家沈默。

（晉書）王昶爲

人謹厚。名其兒子曰默。曰沈。戒之曰。欲爾曹顧名思義。不敢違也。

謝氏混玄。

（晉書）謝混字叔源。少有才名。玄字幼度。少穎悟。與從兄期俱爲叔父安所器重。

名貴公門。譽華卿子。

（漢項籍傳）楚懷王召宋義爲上

將軍。號卿子冠軍。

而秦峯阻竄。浙水悠長。諮訴無因。但用窮結。比青萋已戒。

（淮南子注）青女。青腰玉女。主霜雪也。

白露方溥。

（詩）零露漙漙。王昭

體

中何如。願聞康勝。鄧仲華服袞之年。

（後漢書）鄧禹字仲華。光武拜爲前將軍。持節。中分麾下精兵二萬人。遣西入關。及即位於鄴。使使者持節拜禹爲大司徒。封鄧侯。食邑萬戶。禹時年二十四。後定封高密

侯。

荀令則擁旄之日。〔晉荀羨傳〕羨字令則除北中郎將徐州刺史監徐兗二州楊州之晉陵諸軍事假節時年二十八中興方伯未有如羨之少者也。

徒云早達未可同功今日相方。

豈不高視。〔魏曹植與楊德祖書〕足下高視於上京。竊承富春頃歲多難薦臻邑閉皆空黔黎將盡御史舊楊零落不存。〔郡國志〕

夫山祠山北湖陰又有消御史太傅齋室荒茫無處。〔後漢循吏傳〕桓帝好黃老道悉毀諸房祠惟特詔密縣存故太傅卓茂廟。自神靡所屆極負斯歸新屋

方華故田斯墾府吏閒坐長使誦經。〔謝承後漢書〕張霸為會稽太守甚有名稱其餘有素行者皆見擢用郡中爭勵志節誦習者以千數道路但聞誦書聲。督郵無事惟慮吹

笛。〔馬融長笛賦序〕融性好音樂能鼓琴吹笛為督郵無留事獨臥鄆縣平陽陽中有洛客舍逆旅吹笛融去京師踰年暫聞甚悲而樂之作長笛賦。東包海水俱承幕府之威。〔班固集〕奏記東平王蒼曰幕府新開

廣延羣後西泊江沱同仰惟良之化。〔漢書〕宣帝曰與我共理者其惟良二千石乎。政差邊疑作趙張何其神也。〔漢趙廣漢等傳贊〕自孝武置左馮翊右扶風京兆尹而吏民為之語

曰前有趙張後有三王。孤子無心覲冒苟郗光陰風疾彌留。見與宗室書示有餘息恩將公聘窮擯虜庭博望侯極迹於黃

河。〔漢張翥傳〕漢使窮河源其山多玉石采來天子按古圖書名河所出山為昆侖云按翥封博望侯。移中監流滯於滄海。〔漢昭帝紀〕移廢中監蘇武前使匈奴留單于庭十九歲乃還奉使全節以武為典屬國蘇林曰移音

移殿名也自斯以後惟有庸賤本應埋魂趙魏析骨幽并。〔鮑照無城賦〕莫不埋魂幽石委骨窮塵。豈意餘年復反鄉國仰屬伊公在

毫。渭老師周旌賁邱園。見采拾衡巷。遂以哀駘不棄。（莊子）哀公問仲尼曰。甕盎無遺。（莊子）甕盎大瘳。還顧庸虛。未

應借此竊承君侯。過被以光輝。屢有吹噓之言。見檄周文。頻蒙薦延之澤。故得周行紫閣。（陸雲喜舞賦）升降丹

墀。（左思魏都賦）丹墀臨森（注）天子庭以丹塗地故曰丹墀。點污清朝。豈不荒媿。雖復華陰砥柱。帶地窮深。（禹貢）導河積石至于龍門。南至華陰。東至于砥柱。嵩高

維岳。極天爲重。（詩）嵩高維岳峻極于天。未可以方斯盛典。譬此洪恩。年迫桑榆。（淮南子）日西垂景在於樹端謂之桑榆。豈期酬報。政以川

波非遠。對奉無因。夜夢子長之遊。（漢書）司馬遷字子長。二十而南遊江淮。上會稽。探禹穴。闕九疑。浮於沅湘。北涉汶泗。講業齊魯之都。觀孔子之遺風。鄉射鄒嶧。扈困鄆薛。彭城過梁。楚以歸。朝覽希

道之疏。未詳按（南史）謝莊字希逸。製木方丈。圖山川土地。各有分理。離之則州郡殊別。合之則宇內爲一道。逸字畫相近。或致誤耳。浮雲西北。徒懷魏帝之文。（魏文帝雜詩）西北有浮雲。亭亭如車蓋。行

雨東南。思假飛山之便。（吳越春秋）范蠡作城訖。怪山自至。怪山者。環邪東武海中。也。一夕自來。百姓怪之。故曰怪山。窮誠已結。荒係逾深。方事祁寒。（君牙）冬祁寒。小民亦

惟曰願加珍納。謹扶力白書。迷乏不次。孤子徐陵頓首。

答李顥之書

近謬枉清音。無申窮脊。忽辱來告。文製兼美。君山西盛族。素挺風流。河北辭林。本所嗟賞。子桓虛座。寧不

敬期。〔吳志〕魏文帝諱丕。字子桓。嘗為虞翻設虛座。

伯喈倒屣。固以相屬。

〔後漢書〕蔡邕才學顯著。貴重朝廷。常車騎填巷。賓客盈坐。聞王粲在門。倒屣迎之。曰。此王公孫也。有異才。吾不如也。吾家書籍文章。盡當與之。

日復其草土。思斃衣裾。

〔後漢趙岐傳注〕岐與友書曰。馬季長雖有名當世。而不持士節。三輔高士。未嘗以衣裾斃其門也。

披素清顏。但覺形穢。

〔世說〕衛玠俊爽。有風姿。王濟輒歎曰。珠玉在前。

覺我形穢。

公輔之量。不負高名。〔晉石苞傳〕市長趙元儒。歎苞當至公輔。

王佐之才。信表天骨。

〔後漢王允傳〕郭林宗奇之。曰。王生一日千里。王佐才也。

孺子之榻。雖其

可懸。〔後漢徐穉傳〕穉字孺子。陳蕃為豫章太守。在郡不接賓客。惟穉來。特設一榻。去則懸之。

仲舉之車。彌軫恆眷。

見與宗室書。

孤子昔緣素乏。叨筮皇華。今日形容。

無關天壤。殘光炯炯。慮在昏明。餘息緜緜。待盡鐘漏。見為王儀同表。

安可以樹揚名士。游處盛賓。

〔吳志〕裴欽與太子登游處。

來喻

泰高。如為善謔。文豔質寡。何似上林。

〔漢書序傳〕文豔用寡。子虛烏有。寓言深麗。比風終始。

華而不實。將同桂樹。

〔漢五行志〕成帝時。歌謠云。桂樹華不實。黃雀巢其顛。故為人所羨。今

人所羨。今為人所憐。

但忘年之款。昔有張裴。

未詳。〔後漢書〕彌衡始弱冠。孔融年四十。與為忘年交。

鄰國之交。非無嬰札。

〔左傳〕吳公子札聘於齊。悅晏平仲。

儻哀駘可悅。

甕盎非疑。見與王僧智書。

方願投衿。庶比傾蓋。〔家語〕孔子之鄰。遇程子於途。傾蓋而語。終日甚相親。

頃陳湯之疾。歲月增深。羊祜之疴。秋冬彌劇。

見與宗室書。且年光逾盡。觸目崩心。扶力含毫。諸不申具。孤子徐陵頓首。

爲陳武帝作相時與北齊廣陵城主書

〔齊書〕辛術字惻哲。武定八年。除東南道行臺尚書。遷東徐州刺史。爲淮南經略。及王僧辯破侯景。術招攜安撫。城鎮相繼款附。前後二十餘州。於是移鎮

廣陵。

籍甚英風。

〔漢陸賈傳〕賈遊漢廷。公卿間名聲籍甚。

常懷眷屬。封疆有限。寤寐增勞。辱此月九日告。深慰情佇。方秋尙熱。體中何

如。戎帳艱辛。無乃爲弊。吾以庸薄。謬膺台鉉。旣荷先帝拔擢之恩。兼蒙今主責成之寄。政以皇齊大德。世

紹和風。方藉威靈。庶平讎恥。提攜小國。願預藩臣。

〔南史梁貞陽侯明傳〕陳霸先襲殺僧辯。復奉晉安王。仍請稱臣於齊。永爲藩國。

還詔哀矜。許垂容納。

奉敕須質。便遣入朝。部下諸將。哀吾誠節。一兒一弟。無所遺悵。

〔南史〕南康愍王曇朗。武帝母弟。忠壯。王休先之子也。紹泰二年。齊兵攻逼建業。因請和。求武帝子姪

爲質。乃遣曇朗質於齊。齊背約。遣蕭軌等隨徐嗣徽度江。武帝大破之。虜蕭軌。東方老等。誅之。齊人亦害曇朗於晉陽。

立志立義。無負上天。但故丞相諸子及馮海珍等。並依敕

旨。馳遣渡江。主上又遣吏部尚書王通。鴻臚卿謝岐等

〔南史本傳〕岐。會稽山陰人。陳武帝引參機密。爲兼尚書右丞。

至和州。與司馬行臺。共



爲盟誓。〔南史貞陽侯明傳〕齊遣行臺司馬恭及梁人盟於歷陽。而蕭軌等決信敗亡。〔陳武帝紀〕齊兵至秣陵故城。帝率宗室王侯及朝臣於大司馬門外白虎闕下。刑牲告天。以齊人背約。發言慷慨。涕泗交流。士卒觀

者益奮。〔齊文宣帝紀〕天寶六年十一月。梁秦州刺史徐嗣徽。南豫州刺史任約等。襲據石頭城。並以州內附。王辰。大都督蕭軌帥衆至江。遣都督柳達摩等度江。鎮石頭。己亥。柳達摩爲霸先所攻。遂以石頭降。七年三月丁酉。大都督蕭軌等帥衆濟江。六月乙卯。蕭軌等

與梁師戰於鍾山西。遇霖雨。失利。軌及都督李希光。王敬寶。東方老。軍司馬裴英起。並沒。士卒還者十二三。〔陳武帝紀〕齊軍至玄武湖。西北莫府山南。將據北郊壇。既通

宮闈。無容靜默。兩兩相對。俱有損傷。彼聞人馬。因此奔散。且置兵之地。溝澗且多。退兵之時。投赴相積。

〔陳武帝紀〕壬子夜。大雨。平地水丈餘。齊軍晝夜坐立泥中。而臺中及潮溝。北水退路燥。官軍每得番易。近遣張都來此。具是行人所見。但廣陵建業。纔隔一江。戰場去

岸。不盈五里。軍人退散。理反家鄉。緣岸村人。復有舟楫。且蘆牌荻筏。竟浦浮江。〔陳武帝紀〕齊軍士得窺至江者。總筏以濟。中江而溺。流尸至京

口者千百爲羣。前後相繼。吾又勒兵按甲。〔漢書雋不疑傳〕右將軍勒兵闕下。以備非常。〔韓信傳〕廣武君對曰。方今爲將軍計。莫如按甲休兵。不聽討捕。若無恐懼。

並應安遠。假使在此。不可更生。至彼而殞。差非吾過。如其枉理。必是興軍。見伐於有道之人。加兵於無罪

之國。若彼王師如此。又是違盟。后土皇天。山川社稷。察其怨語。寧容相祐。辱告承上黨殿下。及匹婁領軍。

〔齊書〕婁歡字佛仁，代郡平城人也。齊受禪，得除領軍將軍，武成至河陽，遣總偏師赴懸瓠，歡在豫境，留停百餘日，專行非法，詔免官。應來江右，師出無名，此是何義？小之事大，差無違理。

彼之陵我，自是乖言。玄天所伐，匹馬無違。翻見怨尤，一何非理。若彼鬼神有知，寧可斯背。鬼神無知，何用

盟敵。〔漢外戚傳〕班婕妤對曰：使鬼神有知，不受不臣之愆，如其無知愆之何益？去歲柳達摩等石頭天井，連月亢陽，三子纔降。〔陳武帝紀〕齊安州刺史

州刺史劉士榮率衆赴任，約入石頭，又連冬大雪，黃袍盡沒。吳其炳曰：〔陳武帝紀〕柳達摩等被圍，謂其衆曰：頃在北童謠云

〔梁敬帝紀〕翟子崇等降，並放還北。石頭擣兩襜，擣背復擣黃，侯景服青，已擣於此。今吾徒衣黃，豈謠言

耶。白帳皆浮。未詳。按〔後漢西域傳〕帳者猶中國之戶數也。既因之以泥塗，兼加之以疾疫，蕭裴既退，雪霧使除，從爾以來，稍成災

旱，定知衣冠之國，禮樂相承。〔博物志〕君子國人衣冠帶劍，好禮讓，故為君子國。天道不言，不容都滅，長江渺渺，巨浪湯湯，如鬪艦舟

師，詎有深利。近梁山之戰，卽是前車。蕪湖之役，可為明鏡。〔通鑑〕梁敬帝太平元年，齊遣蕭軌等與任約、徐嗣徽合

之齊師，退保蕪湖，霸先遣沈泰等就侯安都，共據梁山以禦之。昔晉侯不能乘鄭馬。〔左傳〕乘小駟，鄭入也。慶鄭曰：古者大事必乘其產，生

兵。〔史記〕廉頗一為楚將，無功，曰：我思用趙人。一非水土，難為騁力。揚州卑濕。〔漢地理志〕江南卑濕，丈夫多天。厥土塗泥。〔禹貢〕揚州，

如遇秋霖。〔楚辭〕

皇天淫溢而秋霖兮。后土何時兮得乾。

杳同江漢。假令蚩尤重出。

見勳進表。

白起還生。

〔史記〕白起者，郿人也。善用兵，事秦昭王。

控代馬而陵波。

〔後漢班超傳〕疏曰：代馬，依風。

躡胡靴而漉水。終難逞効。詎有成功。六州勇士。

〔漢書〕金城、隴西、天水、安定、北地、上郡為六郡。

雖有百萬。十姓豪傑。徒勞千億。不能

為患。斷可知矣。昔我平世。天下又安。人不識於干戈。時無聞於桴鼓。

見與楊僕射書。

故得兇人侯景濟我橫江。

〔梁武帝

紀〕太清二年冬十月己酉。侯景自橫江濟采石。

天步中危。實由忘戰。

〔漢主父偃傳〕引司馬法曰：國雖大好戰必亡。天下雖平忘戰必危。

自亂離已久。人解用兵。女子無媿

於韓彭。韓、韓信、彭、彭越也。見〔漢書〕。

兒童不殊於衛霍。見移齊文。吳鉤甚利。

〔吳越春秋〕闔閭命於國中作金鉤。吳作鉤者。殺其二子。以血畫之。遂成二鉤。獻於闔閭。鉤師向鉤而呼二子之名。吳鴻臚稽。我在於

此。聲絕於口。兩鉤俱飛。著父之胸。吳王乃賞白金。

蜀甲殊輕。槩動風霜。未詳。弩穿金石。

〔韓詩外傳〕楚熊渠子夜行。見寢石似伏獸。射之。飲羽。渠子見其誠心。金石為之開。而況於人乎。

高樓大艦。槩

日凌雲。謂樓艦之高也。詳玉臺新詠序。

叱咤而起風雷。吹噓如倒山岳。

見魏周文。

侯車騎。

〔陳武帝紀〕二年。以車騎將軍開府儀同三司侯瑱為司空。

國家重將。分陝

上流。近隔以邊塵。時虧表疏。王途既泰。貢賦相望。尋令子弟侍奉京邑。蕭太保龍驤於嶺海。

〔梁敬帝紀〕紹泰元年。以太

尉蕭勃為太保。詳與曾豪書。

王儀同虎視於洞庭。

〔梁敬帝紀〕紹泰元年。以鎮南將軍王琳為車騎將軍。儀同三司。本傳。琳為元帝舉哀。屯兵長沙。傳檄諸方為進趣之計。時長沙蕃王蕭韶及上游諸將推琳主盟。

若望

高峯便當投袂。〔左傳〕楚子投袂而起。何則。凡諸將帥。各護家鄉。非直吾人。獨憂宗社。日者頻辱司馬行臺。及諸公有

告。裴行臺當今方邵。此諸賢莫非英傑。其餘軍士。悉是驍雄。庸蜀氏羌之兵。〔蜀志〕晉策命曰。乃考保據庸蜀。〔商頌〕自彼氏羌。烏桓

白虜之騎。烏桓。後漢外國名。詳移齊文。以此衆戰。誰能禦之。何爲比吾倍薄相懸。何惡諸君身名俱滅。來告以細柳之軍

踰於灞上。〔漢書〕周亞夫爲將軍。次細柳。劉禮爲將軍。次霸上。徐悍爲將軍。次棘門。文帝勞軍至其營。曰。嗟乎。此真將軍矣。向者霸上棘門。如兒戲耳。吾恐今之趙括不及廉頗也。〔史記〕廉頗者。趙之良

將也。頗將攻秦。秦之間言曰。秦之所惡。獨畏馬服君趙奢之子。趙括爲將耳。趙王因以括爲將。代廉頗。秦軍射殺趙括。括軍敗。近張舍人至。始奉嚴敕。朝廷遣劉叔經。仍往啓聞。願達

丹誠。用停王赫。〔詩〕王赫斯怒。伏計天慈。理當懸照。此身日月所鑒。天地所明。豈敢虛言。欺妄宸極。足下旣未知

始末。容有疑怪。大軍多士。希惠矜弘。量非此失。時騰表疏。幸停師旅。已存盟信。庶其小國永申藩禮。天心無爽。邇遐一同。投筆慷慨。不復多白。

爲陳武帝作相時與嶺南酋豪書

夫否終斯泰。屯極則亨。若日月之回環。猶陰陽之報復。近者數鍾九厄。〔漢書〕陽九厄。四千五百歲爲一元。一元之中。九陽。五陰。四陽。爲旱。陰爲水。

王室中微。聖主欽明。還承寶運。卽是高祖武皇帝之孫。世祖元皇帝之子。重光累聖。盾國承家。天下生民。

孰不歸德。賊勃。〔南史〕蕭勃。梁武帝從弟景之子也。

不涯疏戚。希纂帝圖。信是奸兇。階茲禍亂。自王宮再淪於醜逆。虜馬四

飲於江沱。具九社稷阡危。變輿幽辱。勃身居列岳。自御強兵。高視趨超。見爲貞陽侯書坐觀成敗。既而天維重綴。國

步還康。翻畫凶圖。更謀神鼎。且其兵馬之任。資於長昆。〔南史吳平侯景傳〕景子勸。勸勃。勸爲廣州刺史。歲中數獻方物。軍國所須。相繼不絕。武帝歎曰。朝廷便是更有廣州。大寶初。

勃鎮嶺南。爲廣州刺史。方牧之權。由於承聖。〔南史〕太寶初。廣州刺史元景仲。謀應侯景。西江督護陳霸先攻景。仲迎勃爲刺史。時湘東王繹在荊州。承制授勃鎮嶺南。爲廣州刺史。操兄戈而斬姪。藉

國寵而弑君。不忠不義。莫斯爲甚。比春初。便遣大都督歐陽頔。墟城王傅泰等。兇徒數十。遂到臨川。〔南史〕

梁敬帝初卽位。加勃司徒。紹泰中。爲太尉。尋進爲太保。太平二年。太保廣州刺史蕭勃舉兵反。詔平西將軍周文育。平南將軍侯安都等南討。〔又〕勃度嶺出南康。以歐陽頔爲前軍。都督周文育破禽之。吾奉承朝算。指畫戎路。樊

滕耿賈。樊。樊噲。滕。滕公夏侯嬰。高祖功臣。耿。耿弇。賈。賈復。光武功臣。戮力爭驅。天地靈祇。見與宗室書水陸開道。獲傅泰不勞於一箭。禽歐陽無待

於尺兵。僞黨皆俘。連城盡拔。所獲軍資。不可稱算。去月十六日。德州刺史陳法武等。願憤回戈。仍梟凶豎。

一夫挺劍傳首上京。萬里澄清。〔後漢范滂傳〕登車攬轡。慨然有澄清天下之志。人神慶躍。〔南史〕三月甲寅。德州刺史陳法武前衛州刺史諱遠於始興攻殺蕭勃。彼豪門著姓。

典牧方州。拘隔天朝。兩離寒暑。公私憤歎。豈可爲懷。今王道平夷。理增歡忭。朱明戒節。〔爾雅〕夏曰朱明。比復何如。

軍士平安。境內清謐。吾以庸薄。叨秉國鈞。〔詩〕秉國之鈞。恆務牽纏。諸有勞弊。自天數云否。朝禍洊臻。東夏崩騰。

西京蕩覆。身惟許國。任在勤王。宣力皇家。靡有寧歲。一還京師。保持鴻業。四驅夷狄。奪得江左。具九錫文。始則

杜龕元惡。張彪不恭。據有秦稽。連蹤巨震。隨機討掩。觸刃平夷。〔南史〕杜龕據吳興以叛。龕僧辯瑯也。嶺先表自東討。仍還都。命周文都進討龕。龕以城降。誅之。〔梁敬帝

紀〕太平元年春正月己亥。東揚州刺史張彪圍臨海太守王僧振于剡岩。二月庚戌遣周文育陳蒨襲會稽討彪。敗走。丙辰若邪村人斬張彪傳首建業。叛臣任約。徐嗣徽等。屢引齊虜。前年末。既踐

京師。江畔邊城。皆爲戎戍。賴貔貅驍力。見爲貞陽侯書。衛霍同心。見移齊文。殲厥胡夷。不日清殄。〔南史〕陳武帝東討杜龕留侯安都杜稜宿衛臺省軍至義

興。秦州刺史徐嗣徽乘虛奄至闕下。侯安都出戰。嗣徽等退據石頭。帝以嗣徽寇逼。卷甲還都。命周文都進討杜龕。齊又遣兵萬人於胡墅度米粟三萬石。馬千匹。入石頭。帝乃遣侯安都領水軍夜襲胡墅。燒齊船。周鐵武率舟師斷齊運輸。帝領鐵騎自西門門襲之。齊人大潰。

去年將夏。傾國大來。鐵騎八千許匹。甲士二十餘萬。胡塵飛於北闕。虜鼓震於南宮。躬率褊裨。聊與挑

戰虜使士崩瓦解。投險赴坑。大小皆禽。鯨鯢盡戮。見勸進表三江之上。禹貢揚州。三江既入。塞水無流。千里之間。伏尸相

枕。生獲大都督蕭軌。裴英起。東方老。李希光。王敬寶等。

〔南史〕二年三月。齊遣水軍儀同蕭軌。庫狄伏連。堯羅宗。東方老。侍中裴英起。東廣州刺史獨孤辟惡。洛州刺史李希光。并

任約。徐嗣徽。王僧愔等。衆十萬。出柵口。向梁山。五月。齊兵至秣陵故城。游騎至臺都。下震駭。帝潛以精卒三千配沈泰。度江襲齊行臺趙彥深於瓜步。獲其舟粟。又遣錢明領水軍出江乘。邀擊齊人糧運。盡獲之。齊人大餒。帝因命衆軍摩食攻之。齊軍大潰。執嗣徽及其弟嗣宗。斬之以徇。虜蕭軌。東方老。王敬寶。李希光。裴英起。王僧智等。將帥四十六人。其軍士得竄至江者。總獲以濟。中江而潮。流尸至京者。彌岸。惟任約。王僧愔獲免。虜中驍將。唯此數人。屢破關西之兵。頻取

淮右之地。一朝俘斬。無復子遺。〔詩〕周餘黎民。靡有子遺。遠邇敬欣。華夷怖懼。如聞彼虜。稍是危亡。尋命熊羆。欲就征

討。方可以雷行趙魏。電掃幽并。〔後漢吳漢傳〕混一車書。勢在朝暮。而侯瑱跋扈江州。〔後漢梁冀傳〕帝曰。此跋扈將軍也。公私

阻絕。卽平北賊。仍事南征。肉袒面縛。〔左傳〕楚子圍鄭。鄭伯肉袒牽羊以迎。〔又〕殖綽郭最皆衿甲面縛。坐於中軍之鼓下。歸首闕庭。卽爲申聞。優其禮秩。

臺儀不貶。位遇兼常。〔南史〕侯瑱鎮豫章。甚強。又以不事王僧辯。未肯入朝。後余孝頃與瑱相拒。瑱留軍人妻子於豫章。令從弟大淵知後事。悉衆以攻孝頃。大淵部下侯方兒。叛攻大淵。虜瑱軍府伎妾金玉。歸於武帝。瑱既失根本。以武帝

有大量。必能容已。乃詣闕請罪。武帝復其爵位。今所禽歐陽頎。傅泰等。莫不弘宥。政爾授其兵馬。處以榮祿。坦然遊狎。無介懷抱。年號

武平。建武、永平、後漢年號。詳侯安都碑。國卽清晏。君之聞此，寧不欣躍。但昔緣王事，遊踐貴鄉。日想山川，依然舊識。〔陳武帝紀〕蕭曠

爲廣州。陳武帝爲中直兵參軍，隨之鎮。明年爲交州司馬，與刺史楊暉討平李賁。除江西都護，高要太守，督七郡諸軍事。吾旣忝荷朝私，位逾台衮。身持帝王之柄，手握天下之圖。

〔後漢朱穆傳〕劉陶等訟穆曰：中官近習，竊持國柄，手握王爵，口含天憲。詳與楊僕射書。故鄉如此，誠爲衣繡。故人不見，還同宵錦。〔漢書〕上謂朱買臣曰：富貴不歸故鄉，如衣繡夜行。〔又〕項羽

懷思東歸曰：富貴不歸故鄉，如衣錦夜行。天涯藐藐。見與王僧辯書。地角悠悠，言面無由。但以情企。今者王猷帝載，化被無垠。〔傳毅舞賦〕游心無垠。〔注〕垠

浮海窮山，罔不成格。投竿負鼎。見與宗室及王太尉書。馳步蒼龍。〔後漢百官志〕北宮門，蒼龍司馬主東門。〔注〕洛陽宮門名爲蒼龍闕門。崖穴邱園。〔後漢和帝紀〕詔曰：昭

巖穴披幽隱，遣詣公車。朕將悉聽焉。詳爲貞陽侯書。爭趨金馬。〔漢東方朔傳〕上使待詔金馬門。君之才具。見爲貞陽侯書。信美登朝，如戀本鄉。不能遊宦，門中子弟。

望遣來儀，當爲申聞。各處榮祿，深加持保。念嗣音郵，今遣某甲等使彼。指此不多。

### 爲陳武帝與周宰相書

昔有天地，便立帝王。革昊惟農。未詳。按〔史記三皇本紀〕太皞庖犧氏，風姓，女媧氏亦風姓。代必犧立，號曰女希氏。女媧氏沒，神農氏作，神農氏姜姓。遷虞斯夏。〔竹書紀年〕舜在位十有四年，於是八



風循通慶雲叢  
聚遷虞而事夏

莫不三靈所佑。見勸進表

五運相推。

漢律歷志土生金故為金德金生水故為水德水生木故為木德木生火故為火德火生土故為土德

梁德不造固天攸

棄雖復東漢之末區宇沸騰西晉之亡生民蕩覆

見為貞陽侯書

未足以方其禍亂譬彼虔劉者也吾謬以庸薄

屬當與運自昔登庸清諸百越徐聞浪泊靡不征行

宋州郡志越州合浦太守領徐聞令後漢馬援傳南擊交阯軍至浪泊上

銀洞珠寶所在清

父益州記銀水在綿州晉書地理志合浦郡領珠官縣

自還麾南極伐逆東都宣力驅馳亟淹寒暑六廷梁社十翦彊寇

具九

黃帝與蚩

尤七十戰帝王世紀黃帝討蚩尤凡五十二戰

魏祖在軍中三十年

魏氏春秋夏侯惇謂王曰殿下即戎三十餘年功德著於黎庶

方厥劬勞未為勤苦加以百神

所感明靈應期見勸進表

萬里徂征虯龍表瑞

陳武帝紀帝進軍頓西昌有龍見水濱高五丈五采鮮曜

於是中軍勇銳上將橫行承此休符遂

興王業梁氏以天祿斯改期運永終欽若唐風推其鼎命吾驚惶三讓拜手陳辭益廷公卿稽顙敦偃眷

言穎水徒抱素心

逸士傳堯之讓許由也由以告巢父巢父曰汝何不隱汝形藏汝光非吾友也乃擊其膺而下之許由愀然不自得乃遇清冷之水洗其耳拭其目曰嚮者聞言負吾友遂去終身不相見樹臣曰九域志穎昌府有

許由臺

尚想汾陽無因高蹈

莊子堯見四子藐姑射之山汾水之陽窅然喪其天下

假以庸薄遂膺天寵去月乙亥升禮大壇言念遷桐

但有慙媿。昔賓門之始。境外無交。〔郊特性〕人臣無外交。不敢貳君也。雖遣行人。未申嘉好。今上天有命。光膺寶曆。永與周室。

方同斷金。我運維新。宜脩朝聘。今遣侍中都官尙書周弘正。銜使長安。故指有白。

爲陳主與周冢宰宇文護論邊境事書

〔周書〕護字薩保。太祖兄邵惠公顯之少子。封晉國公。文帝曰。吾形容若此。必不濟諸子幼。天下事以屬汝。護涕泣奉命。老閱蹄阡。拜冢宰。

國有三慶。民有四安。所謂通和。是由鄰睦。況周陳款好。一紀於茲。懷抱相期。百世方遠。灌瓜之美。久敕邊

吏。〔賈誼新書〕梁大夫宋就爲邊縣令。與楚鄰界。兩亭皆種瓜。楚亭瓜惡。就令人竊爲楚亭灌瓜。楚王悅。梁之陰讓也。謝以重幣。拾橡之尤。想應無忽。〔東觀漢記〕李恂。餽遺無所受。居新安關下。拾橡實爲食。梁氏

以漸水東爲安湘小郡。宜立巴州。〔隋書〕荊州巴陵郡。注梁置巴州。多歷年所。此於荆部。本包分界。近得刺史符元舉。啓稱

蕭歸。〔北史周附庸傳〕歸字仁遠。晉之第三子也。忽遣杜元茂。神僧訓等。將率人馬。踰潰涉澌。便置城隍。〔易〕城復于隍。謀爲侵軼。〔左傳〕

懼其侵軼我也。適荷鄰德。合州見還。不容今春。仍縱蕭氏。元舉累移論及。翻相河漢。〔劉峻辨命論〕聖人之言。河漢而不測。更往研問。便

聘鋒鏑。見檄周文。彼軍人恃勇。遂致俘禽。聞此紛紜。甚以驚歎。其商奄餘孽。〔周本紀〕成王既遷殷遺民。東伐淮夷。殘奄遷其君薄姑。才力甚微。

為暴邊城。良憑大國。但情均忌器。

〔漢賈誼傳〕諺曰。欲投鼠而忌器。

不可加兵。便敕軍司。以禮相放。且前歲所立疆城。本以

南平等五郡輸薦貴朝。

〔北史附庸傳〕蕭詧大定四年。詧遣其大將軍王操略取王琳之長沙。武陵。南平等郡。宋書。荊州南平內史吳南郡治江南。

至如安湘。既屬巴郡。幸承鄰惠。

無候涉言。故下漸東。惟如澧北。政是標其大桶。屬荊州之界耳。

〔漢高帝紀〕築甬道屬河。〔注〕恐敵抄輜重。故築垣牆。如街巷。周附庸傳。江陵平。周文命督主梁嗣。居江

陵城東。資以江陵一州之地。其襄陽所統。盡入於周。又督子歸天保五年。長沙。巴陵。並陷於陳。

彼此方申分好。義絕規圖。所貴惟和。所重惟信。夫以南平等郡。地曠

民豐。雲夢之田。楚王為寶。

見移文。

吳當勁蜀。晉拒彊秦。資彼山川。並為州鎮。朕若棄其仁義。務廣封域。寧容

延歲。並貢周朝。今者和親。已固山岳。而方謀尺寸之士。用益兼葭之地哉。幸非竊疾。

〔國策〕墨子見楚王曰。今有人於此。舍其文軒。鄰

有敝輿而欲竊之。舍其錦繡。鄰有短褐而欲竊之。舍其梁肉。鄰有糟糠而欲竊之。王曰。必為有竊疾矣。

相見鑒容。江陵小寇。既爾虔劉。前至之言。或相誣罔。一二因使

人宇文平口具。其懷耿耿。故此相白。

為陳主咨周主論和親書

使人使持節車騎大將軍儀同三司大都督治司城使主杜子暉中軍山遂伯使副鮑宏等至。〔北史〕杜

杲字子暉京

兆杜陵人也。明帝初爲脩城郡守。初陳文帝弟安成王瑱爲質於梁。及江陵平。瑱隨例遷長安。陳人請之。至是帝欲歸之。命杲使焉。〔又〕鮑宏字潤身。東海剡人也。仕梁元帝。遷通直散騎常侍郎。江陵平。歸於周。明帝甚禮之。累遷遂伯下大夫。與杜子暉聘陳。謀伐齊。

省告具懷。夫聖君明辟。司御兆民。則天象地。佇育黔首。故張廬以往。拭玉而來。見與楊僕射書。同在蒼生。恢宏文

武。雖毀戈鑄戟。未擬上皇。龍魚河圖云。蚩尤造五兵。仗刀戟大弩。散馬休牛。載懷假伯。〔司馬法〕古者武軍三年不輿。則凱樂凱歌。假伯。嵬臺。蒼人之勞。告不輿也。非期與睦。

忽爽和風。奚用殲師。〔左傳〕宋師敗績。公傷股。門官殲焉。信由天討。追尋曩好。歎想兼懷。言覲今書。甫承家難。知以冢宰執

政。擅同淵藪。〔書武成〕商王受爲天下逋逃。主萃淵藪。令尹當朝。妄專征伐。無君之謫。俾墜其師。〔左傳〕晉士燮會楚公子罷許。僱盟曰。有渝此盟。明神殛之。俾墜其師。無克胙國。

無將之誅。已從司寇。〔公羊傳〕君親毋將。將而誅焉。刑名既肅。國步還康。希篤親鄰。敬聞衷款。若二境交歡。俱饗多福。八

荒期又。良副所懷。今遣具位某甲等使。不復多述。

在吏部尙書荅諸求官人書

自古有吏部尚書者。品藻人倫。簡其才能。尋其門胄。逐其多少。量其官爵。但古來數千年。非無明時也。非無明主也。自有才用。雖美階級不通。門戶雖高。官資殊屈。若斯人者。其例甚多。請問諸君。此是何義。夫一千錢一斛米之多少。猶關相祿。況復皇朝官爵。理係玄天。內典謂之爲業。外書稱之爲命。五行有驛馬之言。六甲有官鬼之說。必令驛馬時發。官鬼克身。所望階榮。便當果遂。如其不爾。決是難諧。豈可改尙書作官鬼。驅老僕爲驛馬邪。若見問尙書何不分判。用與不用。許與不許。僕荅云。君非屈滯。豈可相期。決言應果。若今驛馬差爽。便是乖信。此關君命。僕何以相荅邪。若朝散之流。行止之屬。門戶相似。人才不殊。選家斟酌。無能爲爾。若陟大位清官。悉由玄命。夫人君賓用。並是前緣。故宋文帝云。人豈無運命。每有好官缺。輒憶羊玄保。〔南史〕羊玄保。太山南城人。文帝以玄保廉素寡欲。頻授名郡。嘗曰。人仕宦非惟須才。亦須運命。每有好官缺。我未嘗不先憶羊玄保。梁武帝云。世間人言有目色。我特不目色。范悌。自此而論。豈非前業。且世諺云。圖官在亂世。覓富在荒年。梁孝元帝承侯景之凶荒。王太尉接荊州之禍敗。爾時喪亂。無復典章。故使官方窮。此紛雜。自紹泰。太平及永定中。聖朝草創。爾時州州自帝。郡郡稱王。〔魏志注〕令曰。設使國家無有孤。不知當幾人稱帝。幾人稱王。天下干戈。尙無條序。兼以府庫空虛。賞賜懸乏。白銀之寶難得。〔漢食貨志〕武帝時。有司奏言。古者金有三等。黃金爲上。白金爲中。赤金爲下。乃造銀錫。白金孟康曰。白金銀也。黃紙之版易營。〔南史張興世傳〕朝廷遣吏部尙書褚彥回。就緒圻行選。是役也。皆先戰授位。檄版不供。由是有黃紙札。假以官榮。

代於錢絹。義在撫綏。無計多少。又有非舊非勳。非地非才。託節將而求官。因時人以買位。賣官既賤。皆爲清顯。故員外常侍。路上比肩。諮議參軍。市中無數。四軍五校。車載斗量。〔三國志〕吳趙咨曰。如臣之比。車載斗量。豈是朝章應其

如此。今衣冠禮樂。日富年華。主上體成王之風。太傅弘周公之德。

〔陳宣帝紀〕帝諱頊。始興昭烈王第二子也。光大二年進位太傅。

西羌北狄。畏

我王威。時旣清矣。時旣平矣。何可猶作亂世意。而覓非分之官邪。凡人所以稱屈滯者。身已不無寸能。官又不及父祖。旣是明時。可以於邑。所見諸君。多踰本分。猶言太屈。未喻高懷。若問梁朝朱領軍等。並爲卿

相。〔南史〕朱异字彥和。吳郡錢塘人。太清二年爲中領軍。

此不踰其本分邪。此天子所用。非關選序。舊章。秦有車府令趙高。直爲丞相。

〔秦始皇

本紀〕二世皇帝元年。以車府趙高爲郎中令。三年冬。爲丞相。

漢有高廟令田千秋。亦爲丞相。

〔漢書車千秋傳〕千秋本姓田氏。爲高寢郎。上急變訟太子。寃數日爲丞相。千秋年老。朝見得乘小車入宮殿中。故號車丞

相。此復可爲例邪。僕七十之歲。朝思夕計。並願與諸賢爲真善知識。

〔涅槃經〕佛言。具足梵行。乃名善知識。

曾無嫌隙。差可周旋。

非欲令君作此怨訴。但旣忝衡流。應須粉墨。庶其允當。無負朝寄耳。去年疾患。亦餘氣息。不能相答。通作此書。所望諸賢。深明鄙意。徐君白。

同前 此篇陳書本

自古吏部尚書者。品藻人倫。簡其才能。尋其門胄。逐其大小。量其官爵。梁元帝承侯景之凶荒。王太尉接荊州之禍敗。爾時喪亂。無復典章。故使官方窮此紛雜。永定之時。聖朝草創。干戈未息。亦無條序。府庫空虛。賞賜懸乏。白銀難得。黃札易營。權以官階代於錢絹。義存撫接。無計多少。致令員外常侍。路上比肩。諮議參軍。市中無數。豈是朝章。應其如此。今衣冠禮樂。日富年華。何可猶作舊意。非理望也。所見諸君。多踰本分。猶言大屈。未喻高懷。若問梁朝。朱領軍。亦為卿相。此不踰其本分邪。此是天子所拔。非關選序。梁武帝云。世間人言有目色。我特不目色。范悌。宋文帝亦云。人世豈無運命。每有好官。缺輒憶羊玄保。此則清階顯職。不由選也。秦有車府令趙高。直至丞相。漢有高廟令田千秋。亦為丞相。此復可為例邪。既忝衡流。應須粉墨。所望諸賢。深明鄙意。

荅周處士書 〔南史〕周弘讓始仕不得志。隱於句容之茅山。類徵不出。晚仕侯景為中書侍郎。獲譏於代。

辱去年三月二十七日告。仰披華翰。甚慰翹結。承歸來天目。〔吳興記〕天目山極高峻。嶺上有泉水甚美。東南有瀑布。下注數畝。元和地志。天目有兩峯。峯頂各一池。左右相

對。為天之左右目。故名。〔禮記〕孔子聞居。差有弄玉之俱仙。〔列仙傳〕簫史教弄玉吹簫。作鳳聲。鳳皇來止其屋。秦穆公為作鳳臺。一旦皆隨鳳飛去。非無孟光之道。書云第三十四洞天。

同隱。（後漢逸民傳）梁鴻妻孟光曰妾有隱居之服乃更爲椎髻著布衣操作而前

優游俯仰極素女之經文。（抱朴子）黃帝論導養而質玄素二女

升降盈虛盡軒皇之圖

藝。（漢藝文志）道家者流黃帝四經四篇黃帝銘六篇黃帝君臣十篇雜黃帝五十八篇

雖復考槃在阿不爲獨宿。（見詩）詎勞金液有九轉還丹太乙金液

唯飲玉泉

比夫煮石紛紜終年不爛。（神仙傳）白石生者常煮白石爲糧

燒丹辛苦至老方成及其得道冥冥。（莊子）至道之精窈窕冥冥又有真人而後有真知

何

勞逸之相懸也又承有方生亦在天目理當仰稟明師總斯祕要豈如張陵弟子自墜高巖

（列仙傳）雲臺山絕崖有桃

樹大如臂張陵曰得桃實者告以要道弟子無敢視者趙升從上自擲正中桃樹得桃滿懷而至

孫泰門人競投滄海

（南史沈約傳）錢塘人杜旻通靈有道術旻死門徒孫泰泰弟子恩傳其業隆安三年恩於會稽作亂（宋武帝紀）

孫恩自敗後懼見獲乃投水死於臨海

何其樂乎聖朝虛心版築尙想邱園

（見爲貞陽侯書）若彼能赴嘉招

（潘岳詩）弱冠忝嘉招 便當謹申高命但

其人往歲亦望至京師觀此風神確乎難拔

（見易）故以忘懷爵祿詎持犧牲之談 （左傳）賓孟適郊見雄雞自斷其尾問之侍者曰自憚其犧也逮

歸告王且曰雞其憚爲人用乎人異於是犧者實用人人犧實雖已犧何害

高視公卿獨騁蜡蛭之訓

（未詳按）（莊子）人食芻豢麋鹿食藟蚶蛆甘帶天下未知正味（注）帶小蛇蚶蛆喜食其眼

所恐有道

三辟公車十徵。（後漢方術傳）董扶字茂安廣漢綿竹人也前後宰府十辟公車三徵再舉賢良方正有道皆稱疾不就

若斯者終當不屈此既然矣請復詳言昔楚國



兩龔同時紆組。

〔漢書〕龔勝龔舍皆楚人也。二人相友，並著名節，故世謂之楚兩龔，俱為光祿大夫。謝病歸鄉里，郡二千石長吏初到官，皆至其家，如師弟子之禮。

漢陰一老相攜抱甕。

〔莊子〕子貢過漢

陰。一丈夫方為圃畦，鑿隧而入井，抱甕而出。子貢曰：『有機於此，日浸百畦。』圃者笑曰：『夫有機事必有機心，吾羞不為也。』

兄之幽貞，若其鑿坏負石。

〔莊子〕湯伐桀，克之以讓務光。光曰：『無道之世，不踐其土。』況尊我乎？乃負石而自

投澶水。〔又〕顏闔不受魯聘，鑿坏而避。

方同形影。

〔玉臺新詠〕楊方合歡詩：『譬如形影，追隨。』〔又〕亦如影追身。

結綬彈冠。

〔漢書〕蕭育與朱博為友，著聞當世。往者有王陽，貢禹。故長安語曰：『蕭朱結綬，王貢彈冠。』言其相薦達也。

無容楚越，況乎糞土夔龍。

〔左傳〕臧紇唁衛侯，退而告人曰：『衛侯其不得入矣。』其言糞土也。

擅操名器。

〔周禮注〕犬腥羊羶。〔左傳〕仲尼曰：『惟名與器不可以假人。』

己所不欲，非應

及人，忽承來音，良以多感。何則？穎陽巢父，不曾令薦許由。

〔見為陳武帝書〕

商洛園公，未聞求徵綺季。

〔漢書〕張良。〔傳〕注。四人謂園公

綺里季、夏黃公、角里先生，所請商山四皓也。

斯所未喻高懷，而躊躇於矛楯也。

〔莊子〕楚人有買矛及楯者，見人來買矛，即謂之曰：『此矛無何不能徹見人來買楯，則又謂之曰：『此楯無何能徹者。』買人曰：『還將爾矛刺

爾楯。若何？

唯遲山阿近信，更惠芳音。如或誠言，謹便聞奏。第夙勞比劇，不復多呈。徐君白。

### 與章司空昭達書

君曰：日聖朝受命，天下廓清，所餘殘兇，惟有歐紇。

〔南史〕歐陽紇字奉聖，頓子，頗有幹略。龔父官爵在廣州十餘年，威惠著於百姓，宣帝頗疑之。太建元年，徵為左衛將軍，遂舉兵反。詔儀同

章昭達〔南史〕顧合門  
討禽之。南通交管。北據衡疑。兄弟叔姪。盤阻川洞。〔南史〕顧合門  
顯貴威振南土。百越之賚。不供王府。萬里之民。不由國家。

明公受賑嚴冬。〔左傳〕劉子曰。祀  
有執膳戎有受賑。持兵杪歲。〔王制〕冢宰制  
國用必於歲之杪。開冰踐露。炳火宵行。便屆全淮。乃其神速。未聘

三略。非勞六奇。〔李康運命論〕張良得黃石之符。受三略之說。  
〔注〕上中下三計。〔漢書〕陳平六出奇計。薄交旗鼓。仍平醜類。自太清之末。永定以來。所闢

疆界。不過郡邑。今茲赴捷。二十餘州。若較此功庸。方茲英力。漢之馬援。不能爲擬。〔廣州記〕馬援討平交阯。  
於嶠南立銅柱。以表漢之極

界。吳之步騭。故是相懸。〔吳志〕步騭爲交州刺史。  
威聲大震。南土之賓。由此始。況孫處宗之叛徒。正槌盪主耳。〔陳廢帝紀〕慈訓太后令曰。盪  
主孫秦等。潛相連結。大有交通。

公私慶快。可得而言。且僕一子屯窮。妖徒所制。五嶺遐覓。〔漢張耳傳〕南有五嶺之戍。  
〔注〕大庾。始安。臨賀。桂陽。揚陽。也。存亡不測。懸懷飲淚。

破膽復全。蒙荷英恩。保其身命。餘年仰戴。何力能勝。今遣主帥某。馳往稱慶。徐君呈。

重答朝臣書〔南史劉師知傳〕武帝崩。六日成服。朝臣共議。大行皇帝。靈坐使御人衣服。吉凶之制。博士沈文阿。議宜服吉。  
師知議服衰經。中書舍人蔡景歷。江德藻。謝岐等。同師知議。時以二議不同。乃啓取左丞徐陵。決斷。陵同博士議。

謝岐議。必備衰經。陵答書云云。文阿猶執所見。  
衆議不能決。乃具錄二議。奏聞。上從師知議。

老病屬續不能多說。

（喪大記）屬續俟氣絕。

古人爭議多成怨府。

（左傳）叔孫昭子曰吾不為怨府。

傅玄見尤於晉代。

（晉書）傅玄為司隸校尉每有表劾或值日暮捧

白簡整簪帶踈踈不寐坐而待旦。

王商取陷於漢朝。

（漢書）上素重商知張匡言多險制曰勿治。

謹自三緘。

（家語）孔子觀周入后稷之廟有金人焉三緘其口而銘其背。

敬同高命若萬

一不死猶得展言庶與羣賢吏申揚權。

薦陸瓊書

（南史）陸瓊雲公子也字伯玉素有令名為陳文帝所賞以文學累遷尚書又遷新安王文學掌東宮管記及宣帝為司徒妙簡僚佐吏部尚書徐陵薦瓊於宣帝乃除司徒左西掾。

新安王文學陸瓊見識優敏文史足用。

見讓左僕射表。

進居郎署歲月過淹左西掾缺允膺茲選階次小踰其屈

滯已積。

報尹義尚書

別離二國。

見與楊僕射書。

雲雨十年。

（顏延之詩）朋好雨雲乖。

心想河陽言銅爵而無遠。

（魏志）太祖於鄴作銅雀臺。

神遊漳水與金鳳而俱蜚。

（幽明錄）鄴城鳳陽門五層安金鳳皇二頭於其上二頭飛入漳河清浪見在水底一頭今猶存。

北使還辱去冬十月十一日告忽同言敍循環巧製欣慰良深河

朔年芳。〔後漢郡國志〕朔方郡大城故屬西河。雖當晚晚。〔屈原九辨〕白日晡晚其將入兮。白溝浼浼。〔水經注〕晉元水又南謂之白溝水。春流已清紫陌依依。〔水經注〕

武十一年造紫陌浮橋於水上。長楊稍合。體中何如。豈無鄉思。弟三秦世胄。〔漢高祖紀主〕應劭曰。章邯為雍王。司馬欣為塞王。董翳為翟王。分王秦地。故曰三秦。六輔良家。〔水經注〕

〔漢兒寬傳〕寬表奏開六輔渠。文武兼能。志懷開遠。谷永之筆。〔漢游俠傳〕無慙古人。蓋延之功。〔後漢蓋延傳〕延與吳高視

前彥。而淹留趙魏。亟歷寒暄。企望鄉關。理多悲切。聖朝欽明。纂曆大拯生民。戮巨海之奔鯨。殲中原之封豕。

〔見勸進表〕晉君之說。長安遠於日邊。〔劉昭幼童傳〕晉明帝諱紹。元帝太子也。帝問長安何如。日遠。答曰。不聞人從日邊來。只聞人從長安來。明日集羣臣宴會。復以此問。又以爲日近。元帝動容。問何故。異昨日之言。答曰。舉

頭見日。不見長安。揚雄有言。交州在於天際。〔揚雄交州箴〕交州荒裔。水與天際。則輸琛王府。〔詩〕來屈膝閭門。〔西京賦注〕閭闔。天門也。川洞會豪。

彊梁溟海。〔古逸詩〕金人銘。強梁者不得其死。神兵一指。率土咸康。〔詩〕率土之濱。莫非王臣。方當偃霸於靈臺。〔見論和親書〕

曰。武庫精兵所聚。故曰武庫。變大風於五禮。〔舜典〕脩五禮。詳與楊僕射書。驅蒸民於昌辰。〔詩〕天物色英聲。搜揚俊傑。投竿負鼎。〔見魏相傳〕

及王太尉書。馳步蒼龍。巖穴邱園。爭趨金馬。〔見爲貞陽侯及與曾豪書〕而弟留河北。義等周劭。懷此殊才。實可傷嗟。吾崦崦既暮。

〔屈原離騷〕望噉噉而勿追。

容鬢皤然。〔易〕賁如皤如。

風氣彌留，砭藥無補，追惟疇昔。

〔檀弓〕夫子曰疇昔之夜。

共備行人，室家安

危，賓禮升降，懸壺代哭。

〔喪大記〕君喪，狄人出，壺司馬乃官代哭。大夫官代哭，不縣，士代哭，不以官。

俱歷春冬，移館於箕。

見與楊僕射書。

同茲辛苦，鳴蜩抱樹。

亟見藏冰。

〔月令〕仲夏之月，蟬始鳴。〔爾雅〕方言，蟬，楚謂之蜩。左傳〕右者日在北陸而藏冰，冰西陸朝觀而出之。

歸雁銜蘆，多經寒食。

〔淮南子〕雁銜蘆而翔，似備弋繳。月令孟春之月，鴻雁來。吳挺曰：〔荊楚歲時

記〕去冬節一百五日，即有疾風甚雨，謂之寒食。

靖言念此，如何可忘，握翫來書，彌其承臉。夫以擁腫之木，得免因於不才。

〔莊子〕惠子曰：吾有大

樹，人謂之樗，其本擁腫。〔又人間世篇〕匠石見櫟社樹，曰：是不材之木也，無所可用，故能若是之壽。

穀棘之牛，自保由其無用。

見孟以余鄙陋，未友龔生。

見與楊僕射書。

惟歎。

吾質不同，遽瓊耳。

〔論語〕蘧伯玉使人於孔子。

若推溝拯溺。

見孟每切皇衷，逸翮飄鱗。

見優機檻，所以降尺一之書。

〔後漢陳蕃傳

〕漢以尺一版寫詔書。

馳轡軒之使。

見與楊僕射書。

心期與國，必遂還途，寧謂親鄰，更成難請，言尋雅告，所及縲囚。

〔左傳〕知登對楚子曰：兩釋

纍囚，以成其好。

使訪鴻臚。〔後漢百官志〕大鴻臚掌諸侯及四方歸義蠻夷。

幸無淹使，聞諸司寇，或有邊俘，前歲中流，是維同惡。

〔左傳〕韓宣子曰：同惡相求，如市

焉。燕禽望闕。〔戰國策〕於是乃摩燕鳥

冀馬臨江。

〔左傳〕司馬侯曰：冀之北，土馬之所生。

裁頓雲羅，自投天網。見移齊文。京觀之冢，宜彰武

功。見勸進表。周醜疑作首。

之門。方申明爵。（左傳）齊襄公之六年鄭驪伐齊齊管成父獲其弟榮如埋其首於周首之門。

而聖朝好生惡殺收雷寢電兵車所獲

雖同長萬之來。

（左傳）宋公謂南宮長萬曰今子魯囚也。

恩澤從容無異荀罃之禮。

（左傳）荀罃在楚楚子厚其禮而歸之。

方之於弟況擬非倫伊昔梁

朝共奉嘉聘張茲大帛。

（儀禮）使者載旛帥以受命於朝（周官司常）通帛爲旛。

處彼高閔。

（左傳）高其閔閔以無憂客使。

庭奏歌鐘。

（左傳）鄭人賂晉侯歌鐘二肆晉侯以樂之牛賜魏絳。

魏絳於是乎始

座延僑胙。

晉叔向名胙。鄭子產名僑。

賓客之敝方於阼階。

（曲禮）主人就東階客就西階客若降等則就主人之階主人固辭然後客復就西階。

田獵之禽同於

君膳。

（王制）天子諸侯無事則歲三田一爲乾豆二爲賓客三爲充君之庖。

正以鄉關阻亂致爾拘留家國隆平義應旋反況復韓宣屢至宰孔頻

還翻爾遲回豈云鄰睦弟遂鍾儀之操。

見輿揚僕射書。

對此皇華高厚之詩。

（左傳）齊高厚之詩不類。

未詳。三戰七禽之言。

（魯仲連遺燕將書）曹子以一劍之任規桓公於壇位之上三戰之所失一朝而反之徐文炳曰晉漢春秋諸葛亮征孟獲七縱七禽。

此日借子之矛攻子之室。

見答周處士書。

之使客猶尙不還此於齊都豪門貴戚周行匪例事義相懸豈與大弟同年而語吾本自凡流以復衰老

稍近東岱不奢。

（魏劉楨詩）常恐遊岱宗不復見故人。

擊壤之年惟欣堯俗。

（高士傳）壤父者堯時人年五十而擊壤於道中。

若邪之復長保安臥時思之

〔原注〕若不棄忝亞宗卿非復侵官天辰。〔左傳〕賈季使續鞠居殺陽處父書曰晉殺其大夫侵官也。但當今其其凡在詠濟濟益朝。〔詩〕其其械棧〔又〕

濟濟才冠卿雲。司馬長卿揚子雲也。見〔漢書〕智同荀郭。荀彧郭淮也。見〔魏志〕文辭富於江海高論薄於雲霄趨走丹墀之門。見與王僧智書侍

奉清規之內弟來款言至欲附所聞聯類非宜更其多惑若疑作使良有猶希贈鯉之書。〔古詩〕呼兒烹鯉魚中有尺素書郵

驛方通復行蜚鶴之信。〔魏文帝詩〕飛鶴晨鳴聲可憐執筆潛然不知何向

附尹義尚書漳濱江漢眇若天涯去雁歸鴻雲飛難寄瞻言鄉國泣珠淚而盈懷寤寐德音仰煙霞而疾首既而暑往寒來愁雲滿塞河冰自結非由漢后之軍草露恆嚴寧假公超之術霜飄虎渠詎知朔野之寒雪覆龍岑徒憶清江之暖眷言疇昔選矣遐哉係仰清顏願常豐勝雍容廊廟時宣匡奉之風偃息康莊無廢怡神之道義尚望國竊驚繁慶積歲雖其未殞豈曰生平日者謬忝後車陪遊上國會親禮樂見季子之知音經奉侍言嗟鄭僑之博物如軍書愈疾之製碑文絕妙之詞猶貴紙於鄴中尚傳聲於許下逮乎百六之年仍離再三之酷吉凶禮數綿歷歲時嘗膺茹辛備同艱險每冀穹蒼有感大國矜憫以禮言歸駁驛俱反何期轟毛湮淪噴灑濱之水逸離摩霄輕託蓬萊之頂信知有幸無幸見生死之殊倫才與不才驗沉浮之異趣昔秦趙隨璧不得連城督失楚材直亡其實自國祚中絕行李不通等避世於桃源同流寓於仙嶺每瞻牛候馬想金陵之聖人今觀皇華知有膳之建國寶堯什舜猶是八才緯武經文方傳四貴幸甚幸甚昔楊朱岐路悲始末之長離蘇武河梁歎平生之永別雖復音塵可嗣終隔風雲夢想時通無因觀止依依望楚寸陰有待百年將半輕生若是命也如何今車書同軌行李相繼猥荷文移通賜論及輜軒既以復命義尚未被哀矜竊以晉楚釋囚共成親好今乃拘彼求此不亦難乎夫以匹夫投分猶須坦蕩况兩國二君那宜細計彼若才如廉樂猶恐不習禁兵苟非其

人留之何益。然三戰三敗。卒成強伯之功。七縱七擒。終仗天威之力。由此言之。彼如此耳。徐元直西蜀之謀士。關雲長劉氏之驍將。須歸卽遣。知叛弗追。今之與古。何其異趣。且二國協和。長江共有。如首如尾。可以同規。或貳或猜。豈名唇齒。是以隔河分敵。君子知其不終。衷甲尋盟。春秋貶其行詐。伏承聖上欽明。英賢佐輔。方知解網之氣。用表無偏之化。若彼之俘虜。猶且蒙歸。此之南冠。何辭不遣。如其苟相猜貳。信不由衷。雖篤親鄰。義尙何罪。不任辛酸之念。輕陳萬一之情。伏願仁人少存矜惜。承間之便。希復開言。昔張子餘年。誠稱吳王之賜。微躬遇影。實仰含弘之澤。載筆漣湏。罔知所運。

### 與李那書

〔北史李昶傳〕昶小名那。幼解屬文。有聲落下。周文令入太學。保定初。以近侍清要。盛選國華。乃以昶及安昌公元則中都公陸澄。臨淄公唐瑾等。並爲納言。父志字鴻道。爾朱之亂。奔江左。昶以父在江南。身寓關右。自少及終。不

飲酒聽樂。時論以此稱焉。〔附那答書〕繁霜應管。能響豐山之鐘。玄雲觸目。又動流泉之奏。矧伊物候。且或冥符。況乃衿期。相忘道術。楚齊風馬。吳會浮雲。行李無因。音塵不嗣。殷御正銜命來歸。嘉言累札。江南橘柚。薊北桑柘。陰慘陽舒。行止多福。足下泰山竹箭。浙水明珠。海內風流。江南獨步。扶風計吏。議折祥禽。平陵李康。辨誦文豹。况復麗藻星鋪。雕文錦繡。風雲景物。義盡緣情。經綸憲章。辭殫表奏。久以京師紙貴。天下家藏。調移齊右之音。韻改河西之俗。豈直揚雲藻翰。獨留千金。嗣宗文雅。惟傳好事。僕世傳經術。才謝劉歆。家有賜書。學匪班嗣。弱年有意。類愛雕蟲。歲月三餘。無忘肄業。戶牖之間。時安筆硯。矚眉難巧。學步非工。恆經牧孺之談。屢被陳思之誚。羞逢仲子。類君山之鼓琴。屢見子將。同本初之車服。不謂殷侯。虛談成價。遂同布鼓。輕響雷門。燕石空雕。終慙比德。楚鞞雖拂。實媿棲桐。豈若邯鄲舉袖。唯聞變曲。協律飛塵。必應不顧。是以日南寶貝。遙望歸秦。合浦文犀。更希還漢。芳春行獻。鸞其鳴矣。懸豫章之牀。置長安之驛。厚築墻垣。思逢鄭僑之聘。工歌周頌。佇奏延陵之樂。書檜

有復道意無

仲李那頓首

徐孝穆集

卷三



籍甚清微。

見爲陳武帝書。

常懷虛香。山川緬邈。

見讓表。

河渭像於經星。

見樂府。

顧望風流。長安遠於朝日。

見報尹義尚書。

青斐戒節。

見與王僧智書。

白露爲霜。

見詩。

君子惟宜。福履多豫。雍容廊廟。

〔文士傳〕張衡拜侍中。恆居帷幄。從容風議。拾遺左右。

獻納便繁。

〔漢官儀〕侍中。周官也。便繁左右。與帝升降。卒思近對。

拾遺補闕。百僚之中。莫密於茲。

留使催書。

〔晉孫惠傳〕惠每造書檄。東海王越或驛馬催之。應命立成。皆有文采。

駐馬成檄。

〔學林〕桓溫北征。鮮卑喚袁宏。倚馬前作露布文。手不輟筆。

車騎將軍。賓客盈

未詳。

丞相長史。瞻對有勞。

〔蜀志〕張裔字君嗣。丞相亮出駐漢中。裔領留府長史。書與所親曰。晝夜不得寧息。人自敬丞相長史。男子張君嗣附之。疲倦欲死。

脫惠箋繪。慰其翹想。吾棲

遲茂陵之下。

〔西京雜記〕司馬相如素有消渴疾。漢書司馬相如卒於茂陵。

臥病漳水之濱。

見與宗室書。

迫以崦嵫。

見報尹義尚書。

難爲砭藥。平生壯意。竊愛

篇章。忽覲高文。

見同注詹事。

載懷勞佇。此後殷儀同至止。

吳尙采曰。〔周武帝紀〕係定元年六月。遣御正殷不害使於陳。

王人授館。

〔國語〕襄公至陳。膳宰不致餽。司馬不

授。用阻班荆。常在公筵。敬析名作。獲殷公所借陪駕。終南入重陽閣詩。

見與王僧辯書。

〔周明帝紀〕武成二年三月。重陽閣成。

及荊州大

乘寺。

〔隋書〕荊州南郡。

宜陽石像碑四首。鏗鏘並奏。能驚趙鞅之魂。

〔樂記〕于夏曰。非聽其鏗鏘而已也。詳讓表。

輝煥相華。時瞬安豐

之眼。

〔漢竇融傳〕融封安豐侯。竇氏一公。兩侯。三公。主四二千石。皆相與並時。自祖及孫。官府邸第相望京邑。

山澤掩靄。

〔曹植王粲誄〕榮擢當世。芳風掩靄。

松竹參差。若見三巖之峯。

〔郭璞注〕

〔三樓山〕依然四皓之廟。張禮遊咸南記。圭峯紫閣。在終南山四皓祠之西。

甘泉鹵簿。盡在清文。扶風輦路。悉陳華簡。

〔漢地理志〕右扶風領縣二十一。起宮者有

八縣詳

昔魏武虛帳。〔陸機弔魏武帝文〕遺令。使侍婢人皆著銅雀臺。於臺堂上施八尺牀。張繡帳。朝暉上脯。穉之屬。月朝十五。輒向帳作伎。汝等時時登銅雀臺。望吾西陵墓田。

韓王故臺。

〔晉孫楚韓王臺賦序〕酸棗

寺門外夾道左右。有兩故臺。訪語故老。云韓王聽政觀也。

自古文人。皆爲詞賦。未有登茲舊閣。歎此幽宮。標句清新。發言哀斷。豈止悲聞帝

瑟。〔漢郊祀志〕泰帝使素女鼓五十絃。泣望羊碑。地歲時祭祀。望其碑者無不流涕。因謂之墮淚碑。

一詠歌梁之言。〔劉向別錄〕

魯人虞公發聲。清哀拂動梁塵。

便掩盈懷之淚。〔左傳〕聲伯夢涉洹。或與己。瓊瑰食之。泣而爲瓊瑰。盈其懷。

至如披文相質。意致縱橫。才壯風雲。義深淵海。方今

二乘斯悟。

〔實性論〕何等爲六種人。一大乘。二。中乘。三小乘。四信佛。五信法。六信僧。

同免化城。

〔法華經〕法華導師。多諸方便。於險道中。化作一城。是時疲極之衆。前入大城。生已度想。生安穩想。

六道知歸。

〔法苑珠林〕問曰。云何名六趣。依毗曇論云。趣者名到。亦名爲道。謂彼善惡。業因道能運到其生趣處。故名爲道。亦可依所造之業。趣彼生處。故名爲趣。

皆踰火宅。

〔法華經〕長者以牛車羊車鹿車立門外。引諸子出離火宅。華嚴經。火宅衆苦所燒也。

宜陽之作。特會幽衿。所視黃絹之辭。

〔會稽典錄〕上虞長度。尙使魏朗作曹娥碑。文成未出。又試使邯鄲淳爲之。操筆而。成無所點定。期嗟歎不暇。遂毀其草。其後蔡邕題八字曰。黃絹幼婦。外孫護白。

彌

懷白雲之頌。

〔穆天子傳〕帝宴西王母於瑤池之上。西王母爲天子歌曰。白雲在天。山陵自出。道里悠遠。山川間之。將子無死。尙復能來。

但恨者闕遠岳。

〔法華經〕耆闍窟山。中山形如鷲。佛常居此中。故號鷲嶺。

檀

特高峯。

佛說太子須大拏經。葉波國濕陂王語太子。汝出國去。徒汝著檀特山。

開士羅浮。

法苑珠林。西晉沙門釋道開。燉煌人。石虎時來月氏。石氏將末與弟子來建業。入南浮羅。遂卒山舍。袁彥伯與寧中登山。禮其枯骸也。

康

公懸溜。

未詳。按法苑珠林。齊始豐。赤城山有釋慧明。姓康。康居人。祖世避地東吳。止赤城山石室。竟陵文宣王敬以師禮。建武末卒於山中。

不獲銘茲雅頌。耀彼幽巖。循環省覽。用忘飢

渴。握之不置。恆如趙璧。

蘭相如傳。相如奉璧奏秦王。秦王大喜。傳以示美人及左右。

翫之不足。同於玉枕。

拾遺記。漢誅梁冀。得一玉虎頭枕。領下篆云。帝辛之枕。與妲己同枕之。

京

師長者。

後漢馬援傳。謂姊子曹訓曰。王氏廢性也。子石當屏居自守。而反遊京師長者。其敗必也。

好事才人。

漢王褒傳。益州刺史王褒。使褒作中和樂職。宣布詩。選好事者。令依鹿鳴之聲。習而歌之。

爭造蓬門。請

觀高製。軒車滿路。如看太學之碑。

漢蔡邕傳。邕正定六經文字。自書冊於碑。使工鐫刻。立於太學門外。觀視及摹寫者。車乘日千餘兩。填塞街巷。

街巷相填。無異華陰之市

高士傳。張楷隱華山。學者從之成市。

但豐城兩劍。尚不俱來。

晉書。雷煥為豐城令。武帝時。斗牛間有紫氣。張華問煥。答曰。寶劍之精耳。當在豫章豐城。煥至掘獄。果得劍二。一以送華。一以自佩。華得劍曰。乃干將也。莫邪可復

至乎。然神物終當合耳。華誅劍失所在。煥子葉攜劍過延平津。忽躍入水。但見二龍躍深曲。

韓子雙環。必希皆見。

見與楊僕射書。

莫以好龍無別

銳曰。莊子。葉公子高好龍。宮室雕文。盡以龍。於是天龍聞而下

之。窺頭於牖。拖尾於堂。葉公見之。棄而退走。失其魂魄。五色無主。

木鴈可嗤。

韓子。墨子為木鵞。三年而成。蜚一日而敗。吳丹鳳曰。南史王或傳。詔答曰。張單雙災。木鴈兩失。

載望瓊瑤。

詩。報之以瓊瑤。

因乏

行李。

左傳。燭之武曰。行李之往來。共其乏困。

金風已勁。玉質宜調。書不盡言。但聞爰繫。徐陵頓首。

與顧記室書

未詳按（顧越傳）越字允南吳郡鹽官人也陳天嘉中詔侍東宮讀除東中郎鄱陽王府諮議參軍甚見優禮又按陳宗室傳鄱陽王伯山字靜之文帝第三子也天嘉元年封鄱陽郡王六年爲綠江都督平北將軍南徐州

刺史伯山性寬厚美風儀於諸王最長

吾伏事天朝本非舊隸殿下殊恩遠垂薦拔故常戰戰慄慄甘心痛謹庶其愚老無負明據近者既居臺轄唯務奉公去年正月十五日尙書官大朝元凱既集承郎肅然忽有陳慶之兒陳暄者帽簪釘額條布裹頭虜袍通踝胡靴至膝直來郎座徧相排抱或坐或立且歌且詠吾卽呼舍吏責列不答而走反爲憾恚妄相陷辱至六月初遂作盲書便見誣謗

（南史）陳暄傳陳太康中徐陵爲吏部尙書精簡人物摯紳之士皆嚮慕焉暄以玉帽簪插髻紅絲布裹頭袍拂踝靴至膝不陳爵里直上陵坐陵不之識

命吏持下暄徐步而出舉止自若竟無忤容作書謗陵陵甚病之

聖朝明鑒悉知虛罔唯云吾取徐樞爲臺郎南司檢問了不窮推承訓劾爲信言致成墮免此事冤枉天下所無吾市徐樞宅爲錢四萬任人市估文券歷然不蒙申理見枉虛巧二者

樞是故少府卿鱗

南史作鱗

之子鱗殞身侯景之役又爲西臺所贈兗州左衛官位甚高未知其子何忝郎署

其炳曰（南史）陸驗徐鱗並吳郡吳人兩人遞爲少府丞大市令朱异其邑子也尤與之昵世人謂之三鱗素爲邵陵王綸所憾太清三年爲綸所殺

魏晉之前如爲久遠宋齊以降其例甚多如

徐愛南史阮佃夫之子。可不得郎官邪。紀文南史卿公向璉，皆爲列棘。豈冗雜曹郎乎。南史阮佃夫會稽諸暨人。宋明帝世權亞人主。

元徽三年遷黃門侍郎。領右衛將軍。明年改領驍騎將軍。遷南豫州刺史。歷陽太守。猶管內任。五年賜死。又紀僧真子交卿。甚有解用。徐愛南琅邪開陽人。本名爰。後改。

墨曹。南史曲江公晉昭明太子第四子。封岳陽郡王。隋書荊州巴陵郡湘陰縣。注梁置岳陽郡。承聖時爲故敬帝晉安王諷席。文墨具存。陝西官爵乃多。

浮濫。更補臺郎。不爲勝擢。未知何忽推宅貨官。四者徐領軍節度自啓樞爲郎。敕付選序。吾旣不啓據。又

不爲選職。所可相關。止是得中候相聞。爲呈啓而已。以此見罪。一何冤濫。吾昔在承華。見答王太尉書是弟所悉。

行年六十。無復儕儔。非意餘生。忽此誣謗。堯有驚於讒說。舜典帝曰。龍朕璽讒說。孔將惑於拾塵。呂氏春秋顏回

對曰。向者埃煤入甑中。雖復聖主機明。不能悉照。殿下德高兩獻。漢孝景十三王傳河間獻王德脩學好古。實事求是。吳皖曰。後漢光武十王傳沛獻王輔。矜嚴有法度。

好經書。作五經論。時號之曰沛王通。風美二南。詩序周南召南。正始之道。王化之基。億兆歸心。衣冠有託。久願通啓。披訴聖明。伏見軍

戎多務。所以不敢祈冒。弟與吾遊眷。亟回星紀。故人如此。寧不矜歎邪。侍言有便。云何且爲啓聞。一蒙神

鑒照其枉直。方歿幽泉。無恨灰壤。伏覲謁帝承明。〔魏曹植贈白馬王彪詩〕謁帝承明廬。緒言多次。服矜遺老。曲賜湔濯。則殿下

前時安澤。匪復偏私。遂吳良延薦之恩。〔後漢書吳良傳〕東平王蒼辟良。署爲西曹。上書薦良。拜爲議郎。無王丹所舉之謬。〔王丹傳〕客有薦士於丹者。因辟舉之。後所舉者

陷罪。丹坐以免。吾得方辭武騎。〔漢書〕司馬相如事孝景帝爲武騎常侍。永附梁賓。〔漢書〕景帝拜枚乘爲弘農都尉。乘不樂郡吏。以病去官。復遊梁。雖媿家丞。庶呈秋實。〔魏志〕刑順爲平

原侯植家丞。願防閑以禮。由是不合。庶子劉楨諫曰。君侯采庶子之春華。忘家丞之秋實。緣弟深眷。故此敬憑。干謁非宜。益懷悚慨。徐陵白。

答族人梁東海太守長孺書。〔原注〕其人梁末入北齊。書中云。賢從君政。佐佑興基。此必南人而爲齊謀主者。按徐之才。丹陽人也。隨豫章王綜入魏。武平四年。自散騎常侍轉祕書監。之才解天文。兼圖讖之學。

知午年必有革易。因高德政啓之。文宣聞而大悅。帝登祚後。彌見親密。惜齊書北史本傳之才。俱無表字。可考。姑存之。

恩當作報。〔南史本傳〕陵長子儉。一名報。按集中有謝兒報坐事付治中啓。近歲奉使來歸。辱彼河清年中告行。〔齊書〕河清。世祖武成皇帝諱湛年號也。并惠以明鏡。

兩離寒暑。雖復時陳梁鶴日照孫鸞。未詳。按〔列女傳〕梁寡婦高行者。梁王聘之。乃懸鏡割鼻。梁王高其行。號曰梁高行。〔神異傳〕昔有夫婦將別。破鏡。人執牛以爲信。忽與人通。鏡化鸞飛。後人因鑄鏡爲

鵲安背上也。北堂書鈔。孫承鏡賦序。余嘗於吳市得鏡。晞日噴水。清明望。言慰相思。反增離眷。劉傅二常侍還。〔陳書傅縡傳〕縡字宣事。北地靈州人也。世祖召爲驃騎安成王中記室。尋以本官兼通直散騎

徐孝穆集 卷三

侍郎。又承書札。銀鈎甚麗。〔晉索靖草書〕玉疏依然。開封伸紙。破愁爲笑。〔劉琨答盧諶書〕素秋方屆。〔梁元帝纂要〕秋

亦曰。溽暑稍闌。〔月令〕季夏之月。土潤溽暑。體中何如。善保元吉。蕞臺之壁。〔盧諶讀古詩〕趙氏有和璧。漢地理志。叢臺在邯鄲。趙武靈王築。少海之珠。〔山海經〕無舉之山。南

望幼海。〔注〕何必鄉里。所在爲貴。卿託身大國。既已積年。彼朝英彥。理相欽挹。方當交辟三命。見答周處士書清宦即少海也。

兩宮。〔漢費嬰傳〕有如兩宮。何乃闕然。遲有問也。吾七十之歲。崦嵫已迫。見報尹義尚書朽老之疾。隨年而甚。徒懷北

邙之切。〔張協登北邙山賦〕墳隴嶮嶮。未遂東都之期。〔博物志〕公卿送夏侯嬰葬。至東都門外。馬不行。接地悲鳴。得石棹銘云。佳城鬱鬱。三千年見。白石吁嗟。滕公居此室。乃葬之。牽役承閒。但

有衰頓。賢從君政。佐信興基。中舍謔殿。中竝休宜。自別有書問來告。訪吾文章。吾身歸來鄉國。亟徙炎涼。

〔沈約詩〕牽課疲朽。不無辭製。而應物隨時。未曾編錄。既承今告。輒復搜檢。行人相繼。別簡知音。但既乏寒暑。遇炎涼。

新聲。全同古樂。正恐多慙於協律。致睡於文侯耳。〔漢外戚傳〕孝武李夫人。本以倡進。初夫人兄延年。性知音。善歌舞。武帝愛之。每爲新聲變曲。聞者莫不感動。平陽主因言延年有女弟。上

乃召見之。實妙麗善舞。由是得幸。以延年爲協律都尉。〔樂記〕魏文侯問於子夏曰。吾端冕而聽古樂。則唯恐臥。燕南趙北。〔後漢書〕公孫瓚時。謠言曰。燕南陸。趙北際。中央不合大如瓠。唯有此中可避世。地角天涯。言接

末由。但以潛款善敬德中郎。並北境之良選。皇華之上求。若可輶軒。見與楊僕射書。別當委白君問。

### 諫仁山深法師罷道書

竊聞出家閒曠。猶若虛空。在俗籠樊。比於牢獄。〔溷槃經〕在家迫迮。猶如牢獄。煩惱因之而生。出家寬廓。猶如虛空。一切善法。因之增長。非但經有明文。亦自

世間共見。警聞法師覆彼舟航。〔文殊問經〕住家者是煩惱大海。出家者是大舟航。趣返緇衣之務。此爲自下之英奇。非久長之深計。

何以知然。從苦入樂。未知樂中之樂。從樂入苦。方知苦中之苦。見溷槃經。弟子素與法師。雖無龔舊相知已來。

亦復不疎。夫良藥必自無甘。忠諫者決乎逆耳。〔漢淮南王傳〕嚴正上書曰。毒藥苦口。利病。忠言逆耳。利行。倚見其僻。是以不忍不言。且三

十年中。造莫大之業。如何一旦。舍已成之功。深爲可惜。敬度高懷。未解深意。將非帷帳之策。欲集留侯。

〔漢張良傳〕良曰。始臣起下邳。與上會留。臣願封留。詳與楊僕射書。形類臥龍。擬求葛氏。〔蜀志〕徐庶謂先主曰。諸葛孔明。臥龍也。將軍豈願見之乎。黃石兵法。寧可再逢。〔漢張良傳〕良嘗問從容

步遊下邳。圯上有一父老。衣褐至良所。直隨其履。圯下。良因跪進。因授一編書。曰。讀是則爲王者師。孺子見我。濟北穀城山下。黃石卽我已。三顧草廬。無由兩遇。〔諸葛亮表〕三顧臣於草廬之中。封爵五等。惟見



不逢。〔書〕列辭惟五。中閣外門。難朱易白。〔世說〕竺法師在簡文坐。劉尹問道人何以遊朱門。答曰。君自見其朱門。貧道如遊蓬戶。〔漢吾邱壽王傳〕或由窮巷起白屋。鳴笳鳳管。非有或

聞。〔魏文帝與吳質書〕從者鳴笳以啓路。詳答周處士書。儂女歌姬。空勞反翫。〔左傳〕晏子曰。撞鐘舞女。覓之者等若牛毛。得之者譬猶麟角。〔抱朴子〕學若牛毛。得

如麟。見與王僧辯書。以此之外。何所窺竅。〔賈女經〕佛告賣女。吾往古世堅固勸助而不退轉。未必有一稱心。交失現前十種大

利。何者。佛法不簡細流。〔李斯上秦皇書〕河海不擇細流。入者則尊。歸依則貴。〔上生經〕若有歸依彌勒菩薩。當知是人得不退轉。上不朝天子。下不讓諸

侯。獨翫世間。無爲自在。其利一也。身無執作之勞。口餐香積之飯。〔維摩經〕上方有國。佛號香積。如來以一鉢盛香飯。恆飽衆生。心不妻妾之

務。身飾芻摩之衣。未詳。按〔法苑珠林〕衣中有四者。一裘。二毳衣。三衲衣。四三衣。朝無踐境之憂。夕不千里之苦。俯仰優游。寧不樂哉。其利

二也。躬無任重。居必方域。白壁朱門。〔韓詩外傳〕楚襄王遣使者持黃金千斤。白壁百雙。聘莊子爲相。理然致敬。夜琴晝瑟。自是娛懷。曉筆暮詩。

論情頓足。其利三也。假使棘生王路。〔晉藝術傳〕佛圖澄。天竺人也。本姓帛氏。少學道。妙通玄術。石季龍傾心事澄。季龍大享羣臣於太武前殿。澄吟曰。殿乎殿乎。棘子成林。將壞人衣。季龍令發殿石。下視之。有棘

生焉。冉閔。小字棘奴。明年季龍死。遂大亂。橋化長溝。未詳。巷吏門兒。何因仰喚。寸絹不輸官庫。升米不進公倉。庫部倉司。豈須求及其

利四也。門前擾擾。〔鮑昭詩〕我且安眠。巷裏云云。〔李陵答蘇武書〕余無驚色。家休小大之調。門停強弱之

了。入出隨心。往還自在。其利五也。出家無當之僧。猶勝在俗之士。假使心存殺戮。手無斷命之愆。密裏通

情。決勝灼然。矯俗如斯。煩垢萬倍。勝於白衣。〔四分律〕沙門〔四分律〕沙門〔法苑珠林〕登常樂〔法苑珠林〕登常樂之高山。出愛河之深際。永沈無出。其利

六也。聽鐘聲而致敬。〔增一阿含經〕尋香馥以生心。朝觀尊儀。〔法苑珠林云〕暮披寶軸。刹那之善。遂此而生。

〔仁王經〕一念有九十刹那。水滴微功。漸盈大器。〔法苑珠林〕寶積云。世尊告言。譬如有人。析一毛爲一分。以一分於大海中。取一滴水。喻彌陀佛刹莊嚴。彼大海水。喻普見佛刹莊嚴。復過於是一未

知因緣果報。善惡皓然。就此而言。其利難陳矣。假使達相白衣。猶有埃塵之務。縱令遙寄彈指。〔維摩經〕度百千劫。猶

如彈指。遠近低頭。形去心留。身移意往。閒有者得如此。貧苦者永無因。近在目前。不言可見。其利七也。山間

樹下。故自難期。〔報恩奉盆經〕一切聖衆。或山間禪定。枕石漱流。實爲希有。〔晉書〕孫楚曰。猶斯之類。不可思議。如

此者難逢。一心人。稀遇法師。未能不學。交習聽勝之因。一旦退心。於理違矣。其利八也。開織成之帙。見過

去之因。攜琉璃之卷。驗當來之果。

〔賢愚經〕時佛姨母摩訶波闍波提佛已出家。手自紡織。預作一端金色之氈。奉上如來。佛令持此往奉衆僧。〔注〕氈織成大衣也。〔阿育王傳〕王作八萬四千金銀琉璃玻

璃。盛佛舍利。〔齊竟陵王子良付土淨住子淨行法門云〕藉如此之勝。因獲若斯之妙果。衆香偈轉。不住心。退無因果。按佛經佛有過去當來之號。

識因識果。不以爲愆。知福知報。何由作罪。上無

舟楫。交見沒溺之悲。下失浮囊。則有沈身之患。

〔大悲經〕佛告阿難。有大商主。在海中間。其船卒壞。或有得船版者。或有浮者。有命終者。我於爾時作彼商主。在大海中。用以浮囊安穩而度。

其利九也。曠濟羣品。爲天人之師。

〔景德傳燈錄〕周昭王二十八年。釋迦佛生刹利王家。放大智光明。照十方世界。湧金蓮花。自然捧雙足。分手指天地。作師子吼聲。年十九欲出家。號天人師。

水陸空

行。皆所尊貴。言必闍黎和尙。

〔釋氏要覽〕梵語云。阿闍黎。卽唐云軌範也。

書輒致敬和尙。遠近嗟詠。貴賤顛仰。法師今必退轉。立成

可驗。纔脫袈裟。

〔超世經〕剃除鬚髮。著袈裟衣。

逢人輒稱汝我。始解偏袒。

〔法苑珠林〕律中但有三衣。通肩被腹。如見長老。乃偏袒之。

姓名便亦可呼。平交者

故自不論。下劣者亦恐不讓。薄言稱己。楊席懸異。從來小得自在。

〔瑜伽論〕王過有十二不得自在。

便以君爲提封。

〔漢刑法志〕提封

萬

井。若不屈膝斂手。自達無因。俯仰承迎。未閑合度。如此專專。何由可與。其利十也。略言十事。空失此機。其

間深道。寧容具述。仰度仁者。心居魔境。爲魔所迷。意附邪途。受邪易性。假使眉如細柳。何足關忘。頰似桃

花詎能長久。〔梁元帝詩〕柳葉生眉上。〔又〕三月桃花含面脂。同衾分枕，猶有長信之悲。〔漢書〕趙氏子弟驕妒，健仔恐久見危，求供養太后長信宮。坐臥忘時，不免秋

胡之怨。〔列女傳〕魯秋胡潔婦者，秋胡子之妻，納之五日，去官於陳，五年乃歸，未至其家，見路傍有美婦人，以金與之，歸至家，母呼婦至，乃向采桑者也，婦自投河而死。洛川神女，尙復不惑東阿。〔曹植洛神賦注〕

植入朝，帝以甄后遺枕付之，歸途感而入夢。因作感甄賦，後改曰洛神，按植封東阿王。世上班姬，即班婕妤何關君事，夫心者面焉。〔左傳〕子產曰：人心之不同，如其面焉。若論繾綣，〔左傳〕臧昭伯

載書繾綣，從公無通外內。則共氣共心，一遇纏綿，則連宵厭起，法師未通返照，安悟賣花。〔大藏一覽〕悉達多太子妃那律輪陀羅，卽是宿命賣花女也。未得

他心，那知彼意。嗚呼桂樹，〔戰國策〕蘇秦對楚王曰：楚國食貴於王，薪貴於桂。遂爲豆火所焚。〔法苑珠林〕乾薪萬束，豆火能焚。可惜明珠，乃受淤泥埋沒。

〔翻譯名義集〕摩尼或云踰摩，正云末尼，卽珠之總名也。此云離垢，此寶光淨，不爲垢穢所染。弟子今日橫諮，必爲法師所哂，世上白衣，可譬何限。〔遺教經〕白衣受欲非行道，人無

法自制，嗔猶可恕。且一人退道，而不安危，推此而言，實成難解，譬如瓦礫盈路，人所不驚，片子黃金，萬夫息步，正言

法師入道之功已備，染俗之法未加，何異金搏赤銅，銀換鉛錫，可悲可惜，猶可優量，能忍難忍，方知其最

願棄俗事，務息塵勞，正念相應，行志兩全，薄加詳慮，更可思惟，悔之在前，無勞後恨，如弟子算遠卽十數

年中決知惻惻。近卽三五歲內。空唱如何。萬恨萬悲。寧知遠及。自誤自錯。永棄一生。乃知斷弦可續。(博物志)漢

武帝時。西海國有獻膠。五兩者。弓弦斷。以口瀉香膠續之。以射。終日不斷。因名曰續弦膠。

情去難留。或若火裏生花。可稱希有。

(齊蕭子良集)經所謂火中生蓮花。此實爲希有。

迷人知返。

去道不遙。幸速推排。急登正路。法師非是無智。遂爲愚者所迷。類似阿難。更爲魔之所繞。

(摩鄒女經)阿難隨水邊行。見一

女人。在水邊擔水。而阿難從女乞水。女卽與水。女歸告母。我得阿難。乃可嫁。我母不得者。我不嫁也。

猶須承三寶之力。(齊蕭子良集)照周等覺。謂之佛寶。禮無非法。謂之法寶。至德常和。謂之僧寶。此乃體一義三。同性三寶。

制彼

窮兇。豎般若之幢。

(佛書)有般若波羅蜜多心經。按梵語般若。此云智慧。吳

天魔自款。

(因果經)菩薩將成道時。魔王恐諸衆生皆歸。空我境界。令三女供給。

以亂定意。菩薩不納。三女忽然成變陋形。

若此言者當。卽便冀棄芻蕘。若不會高懷。幸停深怪耳。

### 與智顛書

陵和南

(法苑珠林)和南者。出要律儀。翻爲恭敬。善見論。翻爲度我二義俱通。

昨預沈儀同法席。餐奉甘露。無畏之吼。衆咸歸伏。然正法炬。朗

諸未悟。自慶餘年。得逢妙說。尋事諮展。此不申心。謹和南。

又

陵和南仰注之心難可敷具。拔公至。蒙三月二十日旨。用慰積歲傾心。麥冷體中何如。願一日康勝。山中春夏無餘障惱耳。渾復存旨。弟子二三年來。溘然老至。眼耳聾闇。心氣昏塞。故非復在人。兼去歲第六兒天喪。痛苦成疾。由未除愈。適今月中又有哀故。頻歲如此。窮慮轉深。自念餘生無復能幾。無由禮接。係仰何言。敬重操公。今還白書不次。弟子徐陵和南。

又

陵和南放生。星聞公家極相隨喜事。是拔公口具。謹不多諮。惟遲拔公廷出數百里水。全其命根。如此功德。算數無盡。隨喜無量。此不委諮。弟子徐陵和南。

### 五願上智者禪師書

陵和南弟子思出樊籠。無由羽化。既善根微弱。冀願力莊嚴。一願臨終正念成就。二願不更地獄三途。〔婆娑論〕罪人爲獄卒阿傍之所拘刺。不得自在。故名地獄。法句經。身死神去。輪轉三塗。自生自死。苦惱無量。三願卽還人中。不高不下。處託生。〔勝天王經〕佛自說云。八十種好者。五十八章下。不高不下。隨衆

樂。四願童真出家。如法奉戒。〔道宣律師〕感應記。清淨梵行。脩童真業。五願不墮流俗之僧。憑此誓心。以策西暮。今書丹款。仰乞

證明陵和南。

補〔玉臺新詠〕童謠云洛中女子莫王妖。前至三月抱胡腰。〔論邊境事書〕

京房易傳有父母兄弟妻子官鬼等爻。〔舊唐書呂才傳〕祿命書犯勾絞六害背驛馬三刑。當此生者並無官爵。〔啓諸求官人書〕

# 徐孝穆集卷之四

## 序

玉臺新詠序

〔晉陸機塘上行〕發藻玉臺〔注〕玉臺以喻婦人之貞。

凌雲概日由余之所未窺

〔海錄碎事〕凌雲臺魏文帝黃初二年築〔又〕燕昭王好神仙仙人甘宙與王登握日之臺〔史記秦本紀〕戎王使由余來聘穆公示以宮室引之登三休之臺顧樵曰〔周書〕宣帝既滅北齊

詔曰偽齊或穿池運石爲山學海或層臺累構概日凌雲

萬戶千門張衡之所曾賦

〔張衡西京賦〕閉庭詭異門千戶萬

周王璧臺之上

〔穆天子傳〕盛姬盛柏之子也天子賜之上姬之長是曰盛

門天子乃爲之臺是曰重璧之臺

漢帝金屋之中

〔漢武故事〕帝爲膠東王年數歲長公主問曰兒欲得婦否曰欲得指阿嬌好否帝曰若得阿嬌當作金屋貯之

玉樹以珊瑚作枝珠簾以玳瑁爲柙

〔漢武故事〕上起神屋前庭植玉樹以珊瑚爲枝碧玉爲葉花子青赤以珠玉爲之空其中如小鈴鎗鎗有聲又以白珠爲簾玳瑁柙

其中有麗人焉其人也五陵豪族見爲王儀同表

選掖庭

〔後漢皇后紀論〕漢法常因八月算民遣中大夫與掖庭丞及相工於洛陽鄉中閱視良家童女年十三以上二十以下姿色端麗合法相者載還後宮

四姓良家

〔北史〕魏文帝宏雅重門族以范陽盧敏清河崔宗伯滎陽鄭巖

太原王瓊四姓衣冠所推咸納其女以充後宮樵曰〔後漢書〕明帝時外戚樊氏郭氏殷氏馬氏是爲四姓小侯非列侯故曰小侯

馳名永巷

〔史記范雎傳〕雎見昭王佯爲不知永巷而入其中〔正義〕曰永巷宮中獄名也宮中有長巷故名



焉後改（晉書）亦有潁川新市（晉書）明穆庾皇后潁川鄆陵人。后美姿儀（後漢書）光烈（三輔黃圖）河間觀津（列仙傳）曰鈞弋夫人。姓趙氏。河間人。陰皇后南陽新野人。帝常歎曰。娶妻當得陰麗華。按新市未詳。

右手鈎卷。姿色佳麗。武帝反其手。得玉鈎而手展（漢外戚傳）本號嬌娥（左思嬌女詩）曾名巧笑（中華古今注）孝文竇皇后家在清河。親早卒。葬觀津。師古曰。觀津。清河之縣也。左家有嬌女。皎皎顏白。曾（中華古今注）段巧笑。魏文帝宮

人始作紫粉拂面。楚王宮內。無不推其細腰（後漢馬廖傳）楚王魏國佳人。俱言訝其纖手（詩魏風）摻摻（詩魏風）女手。可以縫裳。閱詩敦禮。

非直東鄰之自媒（宋玉登徒子好色賦）臣東家之子。嫣然一笑。惑陽城。迷下蔡。然此女登牆。國臣三年。至今未許也。樵曰。司馬相如美人賦。臣之東鄰。有一女子。雲髮豐鬋。蛾眉皓齒。欲留臣而共止。登垣而望臣。三年於茲矣。臣棄

而不許。婉約風流。無異西施之被教（越絕書）美人宮周五百九十步。土城者。陸門二。水門一。今北壇。利里邱土城。句踐所習教美女西施。鄭日宮臺也。女出於苧蘿山。弟兄協律。自小學

歌。見答長儒書。少長河陽。由來能舞（漢五行志）成帝為微行出遊。常與富平侯張放俱。琵琶新曲。無待石崇（晉石崇王明君辭序）昔公稱富平侯家人。過河陽。主作樂。見舞者。趙飛燕而幸之。

主嫁烏孫。令琵琶馬上作樂。以慰其道路之思。其送明君亦爾也。其造新曲。多哀怨之聲。故序之。箜篌雜引。非因曹植（漢書）塞南越。禱祠太乙后土。使樂人侯調作坎侯（樂府）有曹植箜篌引。傳鼓瑟於楊

家（漢楊惲傳）惲報孫會宗書曰。家本秦也。能為秦聲。婦趙女也。雅善鼓瑟。得吹簫於秦女（列仙傳）簫史者。秦穆公時人。善吹簫。能致孔雀。白翟。穆公女弄玉好之。公乃妻焉。共隨鳳去。至若寵聞長樂。陳

后知而不平（漢武故事）建章長樂宮。皆輦道相屬。懸棟飛閣。不由徑路。樹穀曰（漢書）衛子夫為平陽主。謳者。帝被霸上還。過平陽。主既飲。謳者進。帝獨悅。子夫帝起更衣。子夫侍尚衣。軒中得幸。還坐。驩甚。主因奏子夫。送入宮。陳皇后聞子夫得

幸幾死者數焉。畫出天仙。闕氏覽而遙妒。（桓譚新論）陳平爲高帝解平城之圍，言漢有好麗美女，爲道其容貌，天下無有，今後遂立爲皇后。困急，已馳使歸迎取，欲進與單于，單于見此人，必大好愛之，愛之，則闕氏日以遠疎，不

如及其未到，令漢得脫去，去亦不持女來矣。（莊子）且如東鄰巧笑，來侍寢於更衣。（注見）西子微嚶，將橫陳於甲帳。（師金曰：西

施病心而曠，其里之醜人見而美之，歸亦捧心而曠，其里之富人見之，堅閉門而不出，貧人見之，挈妻子而去之走。（司馬相如好色賦）花容自獻，玉體橫陳。（漢武故事）以琉璃珠玉明月夜光，雜錯天下珍寶，爲甲帳，其次爲乙帳，甲以居神，乙以自御。陪遊

馥姿，騁纖腰於結風。（關中記）建章宮中有馥姿殿。（拾遺記）每輕風至，飛燕始欲隨風入水，帝以翠纓結飛燕之裾，樹穀曰：「傳毅舞賦序」激楚結風，陽阿之舞。長樂鴛鴦，奏新聲於度

曲。（見雜）妝鳴蟬之薄髮。（中華古今注）魏文帝宮人，絕所愛者有莫瓊樹，始制爲蟬髮，望之縹渺如蟬翼，故曰蟬髮。照墮馬之垂髮。（後漢梁冀傳）冀妻孫壽，色美而善爲妖態，作愁眉啼妝，墮馬髻，折腰步，

齒笑，以反插金鈿。（龍輔女紅餘志）魏文帝陳巧笑，挽髻，別無首飾，惟用圓頂金簪一隻。橫抽寶樹。（後漢輿服志）皇后步搖爲媚惑。插之文帝目曰：玄雲鸞，令金星出，吳筠詩：蓮花銜青雀，寶粟鈿金蟲。以黃金爲山，題貫白珠爲桂

枝相纏，一南都石黛。（梁書）天監中，詔宮中作白妝青黛眉。樵曰：「留青日最發雙蛾。」（古今注）魏宮人好畫長眉，令作蛾眉，驚雀。北地燕脂。

以燕國所生，故曰燕脂，塗之作桃花妝。偏開兩靨。（曹植洛神賦）靨輔，亦有嶺上仙童，分丸魏帝。（顏脩內傳）橋順二子曰璋，曰瑤，師事仙人

盧子，基於隆慮山，棲霞谷，服飛龍藥一丸，千年不饑，故魏文帝詩曰：西山一何高，高高腰中寶，鳳授歷軒轅。（漢律歷志）黃帝使殊無極，上有兩仙童，不饑亦不食，與我一丸藥，光耀有五色，服藥兩三日，身輕生羽翼。伶倫取竹，嶺谷制十二

簫以聽風之鳴。其雄鳴爲六。雌鳴亦六。以比黃鐘之宮。樵曰。漢書注。鳳鳥氏爲歷正。軒轅黃帝受河圖。作甲子。歲紀甲寅。日記甲子。金星與婺女爭華。麝月共嫦娥競爽。顧野王詩。妝罷金星出。晉杜

預曰。婺女爲已嫁之女。織女爲處女。梁簡文帝詩。約黃能效月。裁金巧作星。張正見豔歌行。裁金作小髻。散麝起微黃。西陽雜俎。近代妝尚髻如射月。曰黃星髻。髻之名。蓋自孫吳鄧夫人也。王充論衡。羿請不死藥於西王母。羿妻嫦娥竊以奔月。樵曰。

史記。婺女四星。天少府也。主布帛裁製嫁娶。驚鸞冶袖。時飄韓掾之香。北堂書鈔。袁安賦。云。舞迴鸞以紆袖。世說。韓壽美姿容。賈充辟

香之氣。是外國所貢。一著人衣。歷月不歇。充疑壽與女通。取左右婢考問之。婢以狀言。充祕之以女妻壽。飛燕長裾。宜結陳王之佩。西京雜記。趙飛燕立爲皇后。其弟合德。上遣織成裾。陳思王植洛神賦。顧誠素之先達兮。

解玉佩。雖非圖畫。入甘泉而不分。漢外戚傳。李夫人少而早卒。武帝憐閔。爲圖畫其形於甘泉宮。言異神仙。戲陽臺而無別。宋玉高唐賦。昔者先

見一婦人。曰。妾巫山之女也。爲高唐之客。聞君遊高唐。願薦枕席。王因幸之。去而辭曰。妾在巫山之陽。高邱之岨。旦爲朝雲。暮爲行雨。朝朝暮暮。陽臺之下。眞可謂傾國傾城也。見雜曲。爲焦仲

卿妻。作精。加以天情開朗。逸思雕華。妙解文章。尤工詩賦。琉璃硯匣。終日隨身。陸機書。在平原。常案行曹公器物。書刀五枚。琉璃筆一枝。翡翠

翠筆牀。無時離手。藝文類聚。傅玄曰。漢末一筆之匣。綴以隋珠。文以翡翠。樹萱錄。南朝呼筆管爲牀。清文滿篋。非惟芍藥之花。傅統妻芍藥花頌。曄曄芍

藥。梁武帝宛轉歌。欲題芍藥詩不成。新製連篇。寧止蒲萄之樹。未詳。九日登高。時有緣情之作。萬年公主。非無誅德之辭。魏文帝與鍾繇九

日送菊書。九爲陽數而日月並應。俗嘉其名。以爲宜於長久。故以享宴高會。陸機文賦。詩緣情而綺靡。晉書。武帝左貴嬪。諱芬。思之妹也。少好學。善綴文。名亞於思。常作菊花頌曰。英英麗質。稟氣靈和。春茂繁榮。秋耀金華。及帝女萬年公主薨。帝痛悼不已。詔芬爲其佳麗也。如彼其才情也如此。旣而椒房宛轉。漢官儀。皇后所居殿曰椒房。以椒和泥塗壁。故名。溫暖而香。辟除惡氣。又取蕃實之義。柝館陰岑。漢書班婕妤賦。

痛陽祿與柝館兮。仍襦襟而離災。

炯曰。三輔黃圖。柝觀在上林苑。

絳鶴長嚴。

江總集爲陳六宮謝表。鶴箭長啓。

銅蠶

一作書靜

未詳。按孟子。以追蠶漢。趙岐注。追鐘鈕也。鈕磨齧處深矣。蠶欲絕之貌也。

星未夕。不事懷衾。

詩。嚶彼小星。三五在東。又抱衾與裯。

五日猶賒。誰能理曲。

初學記。漢律。吏五日得一下沐。言休息以洗沐也。樹屏曰。枚乘雜詩。當戶理清曲。權曰。詩。五日爲期。

優

游少託。

古逸詩。孔子去魯歌曰。董優哉游哉。聊以卒歲。

寂莫多閒。

漢揚雄傳。京師爲之語曰。惟寂莫自投閒。

厭長樂之疎鐘。

見謝敷賜啓。顧樞曰。三輔黃圖。鐘室在長樂中。

勞中宮之

緩箭。見與楊僕射書。

輕身無力。怯南陽之擣衣。

庚仲雍荊州記。秭歸縣有屈原宅。女須臾。擣衣石猶存。樹屏曰。古詩。閨中有一婦。擣衣寄遠人。

生長深宮。笑扶風之纒

錦。

臧榮緒晉書。寶酒妻蘇氏。善屬文。苻堅時。酒爲秦州刺史。被徙流沙。蘇氏思之。織錦爲迴文詩。寄酒。循環宛轉。以讀之。辭甚悽惋。

雖復投壺玉女。

神異經。東王公與玉女投壺。梟而脫。誤不接者。天爲之笑。開口流光。今電是也。

歡盡於百驍。

西京雜記。郭舍人善投壺。以竹爲矢。激矢令還。一矢百餘。反謂之爲驍。

爭博齊姬。

未詳。按晉胡貴嬪傳。貴嬪諱芳。奮之女也。武帝嘗與博。稱爭矢。遂傷上指。帝怒曰。此固將種也。

心賞窮於六

箸。

鮑宏博塞經。各投六箸。行六碁。故用博陸。用十二碁。六碁白。六碁黑。所擲骰謂之瓊。瓊有五彩色。故謂之五碁。樹聲曰。國策。蘇秦說秦王曰。臨淄甚富而實。其民無不鬪。難走狗。六博闢鞠。說文。六博局戲也。六箸十二碁。烏曹所作。

無怡神

於暇景。惟屬意於新詩。可得代彼資蘇。微獨愁疾。〔魏王朗與魏太子書〕資草忘憂。蘇釋勞無以加也。但往世名篇。當今巧製。分諸麟

閣。〔三輔黃圖〕麒麟閣。在未央宮左。漢蕭何建以藏祕書。散在鴻都。〔後漢蔡邕傳〕邕對曰。鴻都篇賦之文。可且消息。樞曰。〔後漢書〕元和元年置鴻都門學。不藉篇章。無由披覽。於是然脂

瞑寫。〔魏志劉馥傳〕夜然脂照城外。〔樹提伽經〕庶人然脂。諸侯然蜜。天子然漆。弄墨晨書。撰錄豔歌。凡爲十卷。曾無參於雅頌。亦靡濫於風人。涇

渭之間。若斯而已。〔三秦記〕涇水出開頭山。至高陵縣而入渭。與渭水合流三百里。清濁不相雜。於是麗以金箱。〔北史〕齊衡陽王鈞書手自細書五經。置巾箱中。裝之寶軸。〔隋牛弘集〕請開獻

書表。〔劉裕平姚收其圖籍五經子史。纔四千卷。皆赤軸青紙。文字古拙。〕三臺妙迹。龍伸螭屈之書。〔漢官儀〕尚書爲中臺。謁者爲外臺。御史爲憲臺。謂之三臺。〔繫辭〕尺蠖之屈。以求伸也。龍蛇之蟄。以存身也。炯曰。〔宣和書譜〕

皇象字休明。廣陵人。官至侍中。工八分篆。草。世以書聖稱。以比龍螭蟄啓伸。槩腹行。五色花箋。河北膠東之紙。〔鄭中記〕石虎詔書。以五色紙著鳳皇口中。令銜之。飛下

速作。高樓紅粉。〔古詩〕盈盈樓上女。皎皎當窗牖。娥娥紅粉妝。纖纖出素手。仍定魯魚之文。〔抱朴子〕書字之譌。有寫魯爲魚。寫帝爲虎。辟惡生香。〔魚豢典略〕芸臺香辟紙魚蠹。故藏書臺稱芸臺。

聊防羽陵之蠹。〔穆天子傳〕仲秋甲戌。天子東游次雀梁。因蠹書於羽陵。靈飛六甲。高擅玉函。〔漢武內傳〕帝受西王母真形六甲靈飛十二事。帝盛以黃金几封。以白玉函。鴻烈仙方。

長推丹枕。〔博物志〕劉德治淮南王獄。得枕中鴻寶祕書。及子向咸而奇之。信黃白之術。可成。謂神仙之道。可致。按鴻烈解。今淮南子是。至如青牛帳裏。〔錄異傳〕武都郡立大特祠。是

曲未終。朱鳥窗前。〔博物志〕王母降於九華殿。王母索七桃。以五枚與帝。母食二枚。時東方朔竊從殿南廂。朱鳥屬中窺。母謂帝曰。此窺。屬小兒。常三來盜我桃。新妝已竟。方當開茲縹帙。〔後漢楊

厚傳〕厚祖父春誠子統曰。吾緋囊中有先祖所傳祕記。爲漢家用。爾其脩之。〔晉中經簿〕盛書用阜縹囊布表。書函中皆有香囊。散此滔繩。〔劉向別錄〕孫子書以殺青簡。編以縹絲繩。永對玩於書帷。〔漢董仲舒傳〕孝

景時爲博士。下帷講誦。長循環於織手。豈如鄧學春秋。儒者之功難習。未詳。按〔後漢書〕明德馬皇后好讀春秋。寶傳黃老。金丹之術不成。

〔漢書〕寶皇后。景帝母也。好黃帝老子之言。帝及諸寶。不得不讀老子。皆遵其術。〔晉灼曰〕道家言。治丹砂令變化。可鑄爲黃金。固勝西蜀豪家。託情窮於魯殿。尙緩曰。〔蜀志〕劉瑛爲車騎將軍。車服飲食。號爲

侈靡。侍婢數十。能爲聲樂。東儲甲觀。流詠止於洞簫。〔漢成帝紀〕元帝在太子宮。生甲觀畫堂。爲世嫡皇孫。樹本曰。〔漢王褒傳〕元帝爲太子。嘉獎所爲洞簫頌。令後宮貴人左右皆誦讀之。變

彼諸姬。〔詩〕變彼諸姬。聊與之謀。聊同棄日。〔晉陶潛戒子書〕見賢思齊。不宜忽略。以棄日也。猗與彤管。〔詩〕靜女其變。貽我彤管。麗以香奩。

### 碑

#### 司空徐州刺史侯安都德政碑

巖巖天柱。大矣周山之峰。見與陳司空書。桓桓地軸。壯哉崑崙之阜。〔博物志〕崑崙山。北地轉下三千六百里。有八玄幽都。方二十萬里。地下有四柱。四柱廣十萬里。地有二千六百軸。大

牙相 三光懸而不墜。見勸進表。九土鎮以無疆。（張衡思玄賦）承乾合德之君，則天體元之后，所以並咨四鎮。（舜典）

帝曰咨。咸建五臣。見論語。業配蒼祇。（爾雅）春爲蒼天，（楊系）功成寓縣。兆宮曰（謝朓詩）至於流名雅頌，著美風詩。（物理論）地者其神曰祇。（蜀功興寓縣）

年代悠然，寂寥無紀，其能繼茲歌詠者，司空侯使君乎。自文昭武穆。見勸進表。胙土開家。（左傳）衆仲曰：胙之上而命之氏。（易）開國承家。

濮水盛其衣簪，滎波分其緒秩。（衛康叔世家）周公且以成王命，封康叔爲衛君，居河淇間，故殷墟。夷王命衛爲侯，嗣君五年更貶號曰君，獨有濮陽朝於魏。魏世家：安邑近秦，於是徙治大梁，無忌謂魏王曰：決滎澤水

灌大梁，大梁必亡。仁義之道，夷門美於大梁。（信陵君傳）魏有隱士曰侯嬴，爲大梁夷門監者，公子欲厚遺之，不肯受，曰：臣脩身潔行數十年，決不以監門困故而受公子財。儒雅之風，司徒重於

強漢。（後漢侯霸傳）霸明習故事，收錄遺文，每春下寬大之詔，奉四時之令，皆霸所建也。建武中爲大司徒。自通人許劭，託命於江湖。（後漢書）許劭有高名，好覈論鄉黨人物，每月輒更其品題，故汝南俗有月旦評

焉，或勸之仕，對曰：方今小人道長，王室將亂，我欲避地淮海，以全老幼，乃南到廣陵，徐州刺史陶謙禮之甚厚，劭不自安，復投揚州刺史劉繇，及孫策平吳，劭與繇南奔豫章而卒。高士袁忠，寄身於交越。（後漢書）袁忠，閩弟也，初平

中，爲沛相，及天下大亂，棄官客會稽上虞，後孫策破會稽，忠復浮海南投交趾。俱違建安之難。（後漢書）獻帝興平二年三月，李傕脅帝幸其營，焚宮室，郭汜攻李，傕矢及御前，明年正月，改元建安。獨處衡山之陽。

（盛弘之荊州記）衡山者，五岳之南岳也，至於軒轅，乃以灑靈之山爲其副焉。（本傳）安都字成師，始興曲江人也，爲郡著姓。祖天資秀傑，世載雄豪，卓富擬於公侯。（史記貨殖傳）秦破趙，遷卓氏之

蜀卽鐵山鼓鑄。運壽算。賈演蜀民田池射獵之樂。擬於人君。  
班佃必於旌鼓。（漢書）班壹避地於樓煩。致馬牛羊數千羣。以財雄邊。出入弋獵。旌旗鼓吹。年百餘歲。以壽終。  
父光祿大夫。（南史本傳）父

謹稱。安都貴。爲光祿大夫。始興內史。  
邑里開通德之門。（後漢鄭玄傳）國相孔融。深敬於玄。告高  
州鄉無抗禮之客。（漢寶嬰傳）每朝議

自茫茫禹迹。（左傳）虞人之箴曰。茫茫禹跡。畫爲九州。  
赫赫宗周。見  
家滅驪戎。國亡夷羿。見與王  
我高祖武皇帝。迎河圖於浪泊。見

陳武。括地象於炎州。（楚辭）嘉南州之炎德。按（括地志）書名也。鐫曰。河圖括地象緯書名也。見（後漢曹爽傳）  
南興涿鹿之師。北問共工之罪。（五帝本紀）黃帝與蚩尤戰於涿鹿之

野。遂禽殺蚩尤。（又）舜流共工於幽陵。以變北狄。  
天生宰輔。堯年致白虎之祥。（帝王世紀）扶始以季秋下旬。夢白帝遣馬。祖而升邱。見白虎其上。有感。已而生。舉陶於曲阜。  
神賜英賢。殷帝感

蒼龍之傑。（天官書）東宮蒼龍有尾箕星。莊子傳說得之。以相武丁。奄有天下。乘東維騎箕尾。而比於列星。  
公亦觀時佇聖。嘯咤風雲。跪開黃石之書。見諫龍  
高詠

玄池之野。（穆天子傳）天子西征。至於玄池。天子三日休於玄池之上。乃奏廣樂而歸。是曰樂池。  
沈吟梁甫。自比管仲之才。見與王  
惆悵幸郊。久負伊生之歎。僧辯書

見（與宗室書）（南史）安都工錄。  
自羯虜侵華。羣蠻縱軼。後臯桂部之地。（陳書武帝紀）高州刺史李暹。仕據大臯。能鼓琴。涉獵書傳。爲五言詩。頗清靡。  
（又）大寶元年。帝發始興。次大庾嶺。大破

路養。四戰五達之郊。（燕世家）樂間曰。趙四戰之國。其民習兵。不可伐。詳與宗室書。  
郡境賢豪。將謀禦難。長者僉論。推公主盟。義士雄民。星羅



霧集。（張協賦）葦布星羅。

公既膺五聘。

（殷本紀）伊尹處士湯使人聘迎之。五反然後肯往。

方啓六韜。

（小學紺珠）文武龍虎豹犬爲六韜。

率是驍徒，仍開嶺

嶠。（南史本傳）從武帝攻蔡路養，破李遷仕，克平侯景，並力戰有功，封富川縣子。

自大討瀟湘。

（晉漢春秋）氏池縣大柳谷口有蒼石立水中，其文曰大討曹。楚地記。巴陵瀟湘之淵，在九江之間，今岳州巴陵縣，即楚之巴陵。漢之下雋

也。（南史）陳武帝受禪，王琳立梁永嘉王蕭莊於郢州。

同茲樊鄴。

樊噲，鄴商也。見（漢書）。

軍遠命。

（左傳）晉侯伐秦，荀偃令曰：雞鳴而駕，塞井夷竈，唯余馬首是瞻。鸞曰：晉國之命，未有是也。余馬首欲東，乃歸。下軍從之。乃命

大還。晉人謂

上策不宣。

（漢英布傳）薛公對曰：布反不足怪也，使布出於上計，山東非漢之遷延之役。之有也，出於中計，勝負之數未可知也。出於下計，陛下安枕而臥矣。

敗我王師，受拘勁盜，大陳格於

文祖，咸秩具神。見書。

率土依風，羣靈稟朔，公亦忠爲令德。

（左傳）君子曰：忠爲令德。

天纂之謀，吳帳斯開。

（漢袁盎傳）吳王漢反，盎使吳，見守從

史，飲醉西南陬，卒乃以

衛門無擁。

（左傳）吳人藩衛侯之舍。

雖復季孫還魯。

（左傳）昭公十三年，晉人執季孫，韓宣子使叔魚歸季孫，平子先歸，惠伯待禮。

隨武濟河。

見與王僧

國慶民安，相儔匪若，即授使持節開府儀同三司丹陽尹。

（通考）凡前代帝王所都，皆曰尹。注：南朝曰丹陽尹。

昔光武不尤於馮異，

穆公深禮於孟明，終報王官之師，遂舉咸陽之地。

（後漢書）馮異收散卒，設伏，與赤眉戰，大敗之於崤底，降書勞異曰：始雖垂翅回谿，終能奮翼澗池，可謂失之東隅，收之桑榆，禿眉降，異

威行關中。（左傳）秦伯伐晉，濟河焚舟，取王官及郊，遂自茅津濟，封穀尸而還，遂霸西戎，用孟明也。

斯乃聖主之宏略，而名臣之遠圖者焉。

（本傳）安都與周文育，西討王琳，文育亦自豫章至，時兩將

俱行。不相統攝。因部下交爭。稍不平。王琳至奔口。安都乃悉衆往沌口以禦之。合戰。安都等敗。與周文育。徐敬成。並爲琳囚。總以一長纜繫之。置於榻下。令宦者王子晉掌視之。安都等許賂子晉。乃還都。自劾。詔並赦之。復其官爵。尋爲丹陽尹。後王琳入齊。安都討琳。餘黨所

向皆下。皇帝以陶唐啓國。致玉版於河宗。〔帝王世紀〕堯帥諸侯羣臣。沈璧於洛河。受圖書。〔穆天子傳〕天子授河宗璧。河宗伯天受璧。西向沈璧於河。再拜稽首。顯頊承家。佐金天

於江水。〔帝王世紀〕少昊金天氏。降居江水。顯頊生十年而佐少昊。二十而登帝位。經綸草昧。定鼎之業居多。〔左傳〕王孫滿曰。緝構權輿。斷鼈之功相

半。見與楊僕射書。樹聲曰。〔陳文帝紀〕武帝之討王僧辯也。先召帝與謀。時僧辯壻杜龔。據吳興。武帝密令帝還長城。立備備之。龔遣將杜泰掩至。帝部分益明。及武帝遣周文育討龔。帝遣將軍劉澄。蔣元舉攻下龔。周文育。侯安都敗於沌口。武帝詔帝入總軍政。尋

命率兵城南皖。固以英聲馳於海外。信義感於寰中。主器攸歸。〔繫辭〕主器者莫若長子。當璧斯在。見勳。公於是抗表長信。〔漢霍光傳〕

衛太子孫號皇曾孫。在民間。咸稱述焉。光與丞相敞等上奏。皇太后詔曰。可是爲孝宣皇帝。詳謝饗賜啓。清宮未央。〔漢文帝紀〕使太僕張。東牟侯興居。先清宮。奉天子法。忽迎代邸。皇帝即日夕入未央宮。從億兆以歸心。引

公卿而定策。馳輕軒於輪轡。見與王太尉書。奉侍駕於中都。七廟之基。於焉永固。〔書〕七世之廟。可以觀德。萬邦之本。由此克寧。

〔書〕民惟邦本。本固邦寧。〔本傳〕太后以衡陽王故。未肯下令。安都按劍上殿。白太后出。翹叉手解文帝髮。推就喪次。仍別奉中旨。迎衡陽獻王冒中流而殺之。乃復進公司空南徐州刺史。於是鎮之

以清靜。〔漢曹參傳〕載其清靜。民以寧壹。安之以惠和。〔後漢左雄傳〕疏曰。守相長吏。惠和有顯效。望杏敦耕。〔月令〕杏花生。種百穀。瞻蒲勸穡。

〔呂氏春秋〕冬至五旬七日，高室歌千耦。〔詩〕十家喜萬鍾。見孟陌上成陰。〔樂府題〕桑中可詠。〔詩〕期始生，膏者章之先者也。於是始耕。千維耦。我乎桑中。春鷓

始嘯。〔說文〕黃鸝，倉庚也。鳴即鸞生。必具籠筐。〔晉儀禮志〕皇后親蠶，公主及諸命婦皆步搖衣青，各載筐鉤從蠶。秋蟀載吟。〔月令注引俚諺〕蜻蛉鳴，衣裘成，蟋蟀鳴，嬾婦驚。競鳴機杼，或肅

拜靈祀。〔晏子〕齊大旱，公召羣臣問以祠靈山，躬瞻舞雩。〔周官司巫〕若國大旱，則率巫而舞雩。去駕擁於風塵，還旌阻於飄沐，京坻歲積，非勞楚堰

之泉。〔詩〕如坻如京，一統志，芍陂在鳳陽府，即安豐塘也。乃楚相孫叔敖所築。倉廩年豐，無用秦渠之水。〔漢溝洫志〕韓欲疲秦，使鄭國說秦，令鑿涇水，秦覺之，國曰：臣為韓延數歲之命，為秦建萬世之功，遂成之。

名鄭國渠。雖復東過小縣，夏雨遂其輕輪。〔後漢書〕百里嵩為徐州刺史，境內旱，嵩行部車所經，甘雨輒降。南渡滄江，秋濤引其張蓋。〔枚乘七發〕將以陵之曲江，江湧而濤起，其始起也，洪淋淋焉，若白蠶之下翔，其少進也，浩浩澁澁，如素車白馬，帷蓋之張。

固不得同年而語矣。若夫聽采民訟，昏曉必通，召引軒櫺，躬親辯決，立受符於前案。未詳按〔漢酷吏傳〕左馮翊缺，上欲徵嚴延年，符已發，為其名酷復止。穀曰〔漢蕭育傳〕育為茂陵令，扶風召詣後曹，以

職事對育曰：蕭育，杜陵男子，何詣曹也。接務高城之中，非異甘棠之下。〔燕世家〕召公巡行鄉邑，有棠樹，決獄政事其下。欣欣美俗，濟濟都塵，以賈琮郭賀之

風。〔後漢書〕冀州刺史賈琮，舊制傳車，驂駕垂赤帷裳，琮曰：刺史當廣視遠聽，糾察美惡，豈可垂帷裳以自蔽乎。命御者奉之，郡縣聞風震悚。〔又〕荊州刺史郭賀，多異政，明帝賜以三公冕旒，敕行部去襜帷，露冕使百姓見其容服。

行建武永

平之化。〔范蔚宗明帝紀論〕後之言於是州民散騎常侍王瑒等。〔南史〕王瑒字子瑑。梁元帝時位太子中庶子。陳武帝入輔。以爲司徒左長史。拜表官闕。

請揚茲美化。樹彼高碑。民欲天從。語見允膺絲誥。銘曰。

鬱鬱三象。茫茫九州。見綿天滲漉。〔司馬相如封禪文〕滋液滲漉。浹地虔劉。赫矣高祖。爰清國讎。元勳佐命。力牧封侯。〔帝王世

紀〕黃帝得風后於海隅。登以爲相。得力牧於大澤。進以爲將。〔本傳〕武帝謀襲王僧辯。惟與安都定計。徐嗣徽任約等引齊寇至。安都屢破之。以功進爵爲侯。亦旣旋歸。拜家有暉。宮亭蠡浦。舊翹高飛。

〔本傳〕復其官爵。出爲南豫州刺史。攻王琳將曹慶。常愛衆。安都白宮亭湖出松門。蹶愛衆後破之餘衆悉平。炯曰。〔荊州記〕宮亭湖卽彭蠡澤也。謂之彭澤湖。一名隴澤。電卷勁寇。風行國威。〔吳張紘傳注引吳書曰〕紘述策平定

三郡風行草偃。文身被髮。〔穀梁傳〕作貢來綏。我皇纂武。攀號東序。〔顧命〕東序西嚮。謁渭同周。〔齊世家〕西伯將出獵。卜之曰。所獲非龍非虵。非虎非羆。所獲羆王之

輔。果遇太公於渭之陽。迎門惟呂。〔顧命〕成王崩。俾爰齊侯呂伋。以二千戈。虎賁百人。逆子釗於南門之外。〔本傳〕還軍至南皖。而武帝崩。安都隨文帝還朝。乃與羣臣議。翼奉文帝流矢爲暴。〔天官書〕項羽拔鉅鹿。枉矢西流。

機槍斯舉。〔爾雅〕捰。星爲機槍。慄慄蒼黎。〔老子〕聖人在上。天下慄慄。爲天下渾其心。〔注〕慄慄。常恐懼也。危危刀俎。見與楊僕射書。自我徂征。妖氛克平。爰驅犬

彘。實翦長鯨。見勸進表。北震巢浦。南俘灌城。〔侯瑾傳〕以瑾爲都督。侯安都等並隸焉。王琳引合肥。漢湖之衆。舳舻相次而下。合戰。琳軍少卻。本傳留異擁據東陽。安都躬自接戰。爲流矢所中。血流至踝。乘輿虜軍。

屬夏潦水漲安都引船入堰樓艦與異城等異奔晉安。虜其妻子振旅而歸仍還本鎮史人表請立碑詔許之。見勸進表青光卷介赤狄回兵。蹈舞難喻歌謠靡宣。班固東都賦下舞上歌蹈德詠仁

曰我黎庶俱祈上玄。揚雄甘泉賦惟山移兩越。見與王僧智書海變三田。見與楊僕射書公為上相復倍斯年。

廣州刺史歐陽頎德政碑

弱水導其洪源軒臺表其增殖。山海經昆侖之邱有弱水之川環之又西王母之山有軒轅臺懿哉少府師儲皇於二京。漢儒林傳歐陽生字和伯千乘人也至曾

孫高子陽為博士高孫地餘長賓以太子中庶子授太子後為博士論石渠元帝即位地餘侍中貴幸至少府地理志千乘郡屬青州。盛矣司徒傳儒宗於九世。後漢歐陽欽傳欽字正思樂安千乘人也自歐陽生傳伏

生尚書至欽八世皆為博士學為儒宗世祖即位為河南尹建武六年拜揚州牧八年徵為大司徒。廣陵邕邕族擅江右。未詳渤海赫赫名重洛陽。晉書歐陽建字堅石世為冀方右族擅名北州時人

為之語曰渤海赫赫歐陽堅石。若夫岳鎮龍蟠。周官荆山之鎮星懸鶉火左傳味為鶉火注鶉火南方柳星也衡山誕其高德湘水

降其清輝千仞孤標。晉書裴頠曰和嶠森森如千丈松萬頃無度。後漢郭泰傳泰曰叔度汪汪若千萬頃波澄之不清混之不濁年當小學。曲禮人生十年曰幼學志冠成

童。內則因孝為心欲仁成體。本傳頎字靖世長沙臨湘人也為郡豪族少質直有思理以言行著於嶺表屯騎府君早棄榮祿易簣之日。檀弓曾子髮疾病元

起易 幾將毀終。（禮記）毀不滅。性不以死傷生也。不杖之言。（喪服小記）庶子不以杖即位。深非通制。遺貨巨萬。富擬倚頓。（漢貨殖傳）倚頓用鹽。起與王者埒富。裁

變槐榆。並賑宗戚。南次大麓。（舜典）納于大麓。北眺清湘。得性於橘洲之間。江中時有大水。洲渚皆沒。此洲獨存。

（湘中記）諺曰。披書於杏壇之上。（莊子漁父篇）孔子遊乎緇帷之林。休坐乎杏林之上。弟子讀書。孔子絃歌鼓琴。三冬文史。見讓左僕射表。五經縱橫。見與宗室書。頻致

嘉招。確乎難拔。（本傳）父喪。哀毀甚至。家產累積。悉讓諸兄。廬於麓山寺傍。專精習業。博通經史。既而帝啓黃樞。神亡赤伏。見讓表。天地崩貫。川冢沸騰。（詩）百川沸。

騰山冢羣悍酋豪。更爲禍亂。朝披羽檄。（漢書）高祖曰。吾以羽檄召天下。夜照燿烽。（晉天文志）軒轅西四星曰燿燿者。烽火之神也。浴鐵蔽於山原。（晉建武故事）

王敦死。祕不發喪。摧金駭於樓堞。（司馬相如子虛賦）摧金鼓吹鳴籟。公疲兵屢出。獨據胡牀。（曹瞞傳）操與馬超戰。超等掩至。操恚。猶坐胡牀未起。勅賊重圍。尙

凭書几。（九州春秋）孔融爲北海太守。爲袁譚所攻。流矢雨集。融死几安坐。揚灰旣散。（論衡）楊璇爲零陵太守。時桂陽賊起。璇乃置馬車數十乘。以囊盛石灰於車上。乃會戰。從風揚灰。向賊。遂大破之。駕棒將揮。

（抱朴子）吳遣將軍討山賊。賊中有善禁者。每交戰。官軍刀刃皆不得拔。將軍乃多作勁木白楮。擊之。禁不得行。因而克賊。咸克凶渠。以保衡服。（本傳）梁左衛將軍闞欽。少與顧善。故顧常隨欽征討。南征夷獠。禽陳文育。所獲不可

勝計。大獻銅鼓。累代所無。顧預其功。時湘衡界五十餘洞。不實。敕衡州刺史章粲討之。粲委顧爲都督。悉皆平殄。常以二主蒙塵。見答王太尉書。三光掩曜。（班固典引）經緯乾坤。出入出

入逾於膏膽。〔吳越春秋〕越王念復吳仇。愁心苦志懸膽於戶出入警之。殷憂獨其撫心。〔漢酷吏傳〕大將軍光因舉手自撫心曰使我至今病悻。不治第宅深符去病。〔漢霍去病傳〕

上為治第令視之對曰。〔晉書〕劉琨字越石與親故書曰吾枕戈待旦志梟逆虜。志梟羣醜彌同越石。〔帝王世紀〕堯賜舜以昭華

之物變謳謠風移笙管商周之際孤竹尙其哀歌。〔伯夷傳〕武王已平殷亂天下宗周伯夷叔齊義不食周粟隱於首陽山采薇而食之及餓且死作歌。曹劉之間蘇子

猶其狂哭。〔魏蘇則傳〕則字文師扶風武功人也則及臨舊侯植聞魏氏代漢皆發服悲哭〔本傳〕侯景構逆粲自解還都征景以頡監衡州及陳武帝入援都頡乃深自結託遷頡為始興內史元帝承制以始興郡為東衡州以頡為刺史。況

番禺連帥實謂宗枝述我天機目窺梁鼎以公威名本重逼統前軍乾數難違剝象終悔高祖永言惟舊

彌念奇功即訓皇家深弘朝紀檻車才至。見移文。輿櫬已焚。〔左傳〕許男面縛衡璧大夫衰絰士輿櫬楚子問諸逢伯對曰昔武王克商微子啓如是武王親釋其縛受其璧而祓之焚

其禮禮而命之使復其所祝史妖於夷吾。〔左傳〕晉侯改葬共太子秋狐突適下國遇太子太子使登僕而告之曰夷吾無禮余得請於帝矣將以晉界秦秦將祀余對曰臣聞之神不歆非類民不祀非族君祀毋乃殄乎且民何罪失刑之祀君

其圖之君曰諾吾將復請七日新城西偏將有巫者而見我焉許之遂不見及期而往告之曰帝許我罰有罪矣敝於韓壇場延於井伯。〔左傳〕晉執虞公及井伯以媵秦穆姬〔本傳〕蕭勃在廣州頡委質於勃及勃度嶺出南康以頡為前軍都督周文

育破禽之遂於綢繆安樂造次訂謀爰珥豐貂允光金螭。〔漢官云〕秦置散騎又置中常侍漢因之皆銀瑤附蟬為文貂尾為飾謂之貂瑤廢帝改施金瑤。但八桂之上

武帝釋而禮之

〔山海經〕桂林有八樹在番禺東。蠻夷不賓。九疑之陽。〔山海經〕南方蒼梧之邱蒼梧之川其中有九疑山在長沙零陵界。兵凶歲積以公昔在衡臬深留夙愛仁恩

可以懷猛獸。〔後漢童恢傳〕恢瑗邪姑幕人少仕州郡爲吏民常爲虎害乃捕二虎恢咒虎曰若殺人者當垂頭伏罪自知非者當號呼稱冤一虎低頭閉目卽時殺之一虎視恢鳴吼卽時放釋吏人爲之歌頌。威名可以懼啼

兒。〔南史劉胡傳〕胡爲越騎校尉蠻畏之小兒啼語云胡來卽止。乃授持節散騎常侍。本傳不載。衡州刺史。〔本傳〕蕭勃死後嶺南亂頗有聲南土且與武帝有舊乃授安南將軍衡州刺史封始興縣侯。我

皇帝從唐侯以胤國。見勳進表。屈啓筮而承家。〔漢文帝紀〕高后崩大臣遂使人迎代王代主卜之占曰大橫庚余爲天王夏啓以光。一恭寶祚開定江河三改

璇衡苞羅湘峽昔中宗屈申於處仲。〔晉書〕王敦字處仲元帝永昌元年三月敦據石頭擁兵不朝帝遣使謂敦曰公若不忘本朝於此息兵則天下尙可共安如其不然朕當歸瑗邪以避賢路按元帝廟號中宗。

高祖遺恨於平城。見玉臺新詠序。漢武承基方通沙塞。〔漢衛青傳〕大將軍青凡七出擊匈奴。晉明紹運裁平姑孰。〔晉書〕明帝太寧元年四月敦謀篡位自武昌移鎮姑

孰二年六月加司徒王導大都督揚州刺史督諸軍討敦敦復反秋七月至江寧帝親征破之敦死衆潰。方其盛業綽有光前踐祚之初進公位征南將軍。〔本傳〕文帝卽位進號。廣州

刺史又都督東衡州。〔本傳〕作交廣等〔隋書〕揚州南海郡始興縣〔注〕齊曰正階梁改名焉又置安遠郡置東衡州。二十。〔本傳〕作十九。州諸軍事宜公乃務是民天

〔漢書〕酈食其曰民以食爲天。敦其分地火耕水耨。〔貨殖傳〕楚越之地地廣人稀飯稻羹魚或火耕而水耨。彌亘原野盜賊皆偃工賈競臻鬻米商鹽盈



衢滿肆。新垣既築。外戶無局。（禮運）故外戶而不閉。脂脯豪家。鐘鼎爲樂。見與王僧辯書。揚袂灑汗。振雨流風。（蘇秦傳）臨當之塗。舉袂成幕。揮汗成雨。

市有千金之租。（漢高五王傳）主父僂言。齊臨菑十萬戶市租千金。田多萬箱之詠。（詩）乃求萬斯箱。僧釋慧羨等。來朝絳闕。備啓丹誠。乞於大

路康莊。式刊豐球。庶樊卿寶鼎。復述台司之功。（後漢寶憲傳）南單于於漢北遺憲古鼎。具傍銘曰。仲山甫鼎。潛夫論。仲山甫姓樊。謚穆。仲封於南陽。羊叟高碑。更紀

征南之德。（晉書）加羊祜征南大將軍。詳與李那書。於是跪開黃素。（楊雄答劉歆書）天下上計孝廉。及內郡街卒。會者常把三寸弱翰。筆賣黃素三尺。以問其異語。爰登紫泥。（西京雜紀）漢以武都紫泥

爲置室。鑒此誠祈。皆如所奏。乃詔庸臣。爲其銘曰。

赫赫宗陳。桓桓鼎臣。千乘建學。五典攸因。（書）慎徽五典。五典克從。盛德斯遠。公門日新。崇高維岳。貺甫生申。（詩）維獄降神。生

甫及去衡移廣。遷征自鎮。攸攸銅略。疑作界。見與章司空書。藐藐金鄰。（左思吳都賦）金鄰象鄆之渠。注。夫南之外有金鄰國。去夫南可二千餘里。土地出銀。莫遠非督。無

思不賔。三江靡浪。見移文。五嶺奚塵。見與章司空書。式歌式舞。（詩）雖無德與汝。式歌且舞。仁哉至仁。公其饗福。於萬斯春。

晉陵太守王勵本傳德政碑樹屏曰。本傳。勵字公齊。侯景之亂。奔江陵。歷位晉陵太守。時兵饑之後。郡中凋弊。勵爲政清簡。吏人便安之。大建元年。累遷尚書右僕射。時東境大水。以勵爲晉陵太守。在郡甚有威惠。

郡人表請立碑頌勳政德詔許之

若夫睢陵世傳已詳載德之華徐州先賢亦著清風之美偉哉文獻光啓中興

〔晉書王詳傳〕詳字休徵琅邪臨沂人漢諫議大夫吉之後也歷

官司空轉太尉加侍中五等建封睢陵侯邑一千六百戶詳弟覽子裁裁子導字茂弘元帝過江導歷位至丞相輔相三世及薨詔喪葬參用天子之禮諡曰文獻樹聲曰〔國語〕祭公謀父曰我先王不窋奔世載德吳世標曰〔後漢王良傳〕良字仲子東海蘭陵

人也王莽時不仕建武三年徵拜諫議大夫六年代宣乘爲大司徒司直在位恭儉妻子不入官舍布被瓦器〔范曄論〕當世香其清人君高其節〔隋地理志〕東海郡屬徐州琅邪屬徐州郭莖表其深源見爲貞陽侯書何籌慙

其遠慶〔後漢何敞傳〕敞六世祖比干爲汝陰縣獄吏決曹掾平活數千人有老嫗謂曰公有豈惟桓氏之鳴玉〔范曄論〕桓氏自榮至

典父子兄弟代爲帝師〔國語〕趙簡子鳴玉以相張家之珥貂〔漢書〕張安世子孫相繼爲侍中中常侍諸曹散騎列校尉者凡十餘人詳歐陽頴碑袁姓之朱衣〔後漢袁安傳〕安道逢三書生指一處云葬此地當世

爲上公故〔漢楊惲傳〕惲家方又有飲飛遮列〔漢百官公卿表〕依班弓夾門〔後漢班超傳〕悉濯龍〔後漢袁安傳〕安道逢三書生指一處云葬此地當世

俯望〔後漢馬皇后紀〕太后詔曰前過濯龍門上見外家問起居者車如流水馬如游龍〔百官志〕有濯龍監一人緹騎盈道〔漢官曰〕執金吾緹騎二百人弈世如此何其盛

哉〔南史〕勳祖份累遷尙書左僕射父琳位司徒左長史兄銓衛尉卿錫果君以藍田美玉〔三秦記〕藍田出美玉〔吳志〕遷吏部郎中僉太子中庶子通尙書右僕射弟質歷位侍中固遷潯陽太守諸葛恪少有才名孫權奇之曰藍田

美玉真〔曹植贈丁翼詩〕大海明珠〔大國多良材，譬海出明珠。〕

灼灼美其聲芳，英英照其符彩。丰神雅澹，識量寬和。既有崔瑛之鬚

眉〔魏書〕崔瑛，聲資高暢，眉目疏朗，鬚長四尺，甚有威重。朝士瞻望，太祖亦敬重焉。

非無鄭玄之腰帶〔後漢書〕鄭玄身長八尺，飲酒一斛，秀眉明目，容儀溫偉。

爛爛若高巖，下電騷騷若

長松裏風〔世說〕裴令公目王安豐，眼爛爛如巖下電，世目李元禮，謾謾如勁松下風。

勢利無擾於胸襟，行藏不槩於懷抱。家門雍睦，孝友為風。上交

不諂，下交不瀆〔見繫辭〕

脫貂救厄，情靡於吝〔未詳〕釋馬窮塗，惟濟危殆。

〔後漢廉范傳〕范遷蜀郡太守，坐法免歸鄉里，肅宗崩，范奔赴敬陵，時廬江郡掾嚴鱗奉章弔國，俱會

於路，鱗乘小車，塗深馬死，不能自進，范見而愍命，從騎下馬與之，不告而去。

至於網羅圖籍，脂粉藝文，學侶挹其精微，辭宗稱其妙絕。

〔本傳〕勸美風儀，博涉書史，恬然清簡。

未嘗以利欲干懷。

出為仁武將軍、晉陵太守。

〔宋書〕南徐州刺史領晉陵太守，吳時分吳郡無錫以西為毘陵，晉東海王越世子名毘，永嘉五年，帝改為晉陵。

五雞二瓮，勤卹有方。

〔漢龔遂〕

傳〔遂為渤海太守〕使民家養二母，蠶五母雞。

問羊知馬，鉤鉅兼設。

〔漢書〕趙廣漢為京兆尹，善為鉤鉅，以得事情。鉤鉅者，設欲知馬價，則先問狗，已問羊，又問牛，然後及馬，參伍其價，以類相準，則知馬之貴賤。

濟北移

樹累政之所未治〔未詳〕汝南爭水，連年之所無斷。

〔汝南先賢傳〕趙規為安陽令，與朗陵黃萌爭水，割指。

一朝明決，曾不留滯。四民商販，咸

用殷阜，銘曰。

康哉寶運。美矣良臣。涓自澧水。源以洛濱。公侯世及。宰輔相因。曰我民秀。山川降神。風情穆穆。孝友恂恂。

學則經筵。〔後漢邊韶傳〕韶曰腹便便五經筵。文爲世珍。高風遠矣。曠代難倫。鼎鉉虛職。〔易〕鼎玉鉉。台階未臻。〔晉書〕羊祜表曰。恩詔拔臣使同台司。注台司三

也。安知霜霰。遽天松楸。〔莊子〕上古有大椿者。以八千歲爲春。八千歲爲秋。碣石斯表。民情既陳。徒然下拜。何報陽春。〔蔡邕獨斷〕春爲少陽。其氣始出生長。

### 丹陽上庸路碑

在天成象。咸池屬於五潢。在地成形。滄海環於四瀆。〔史記天官書〕西宮咸池曰天五潢。〔注〕元命包曰。咸池主五穀。其星五者各有所職。樹本曰。〔封禪書〕四瀆者。江淮河濟也。

國險者固其金湯。〔漢蒯通傳〕金城湯池不可攻也。儲畜者因於轉漕。〔漢宣帝紀〕大司農中丞耿壽昌奏設常平倉以給北邊。省轉漕。貨財爲禮。〔曲禮〕貧者不以貨財爲禮。專俟

會通。厥田爲上。〔書禹貢〕四海會同。〔又〕徐州厥田惟上中。皆資滲漉。見侯安都碑。大矣哉坎德之爲用也。〔木華海賦〕曠哉坎德。〔易〕坎爲水。是以握圖之

主。財以利民。御斗之君。因之顯教。〔揚雄長楊賦〕高祖奉命。順斗極運天關。上哉少昊。初命水官。未詳。〔左傳〕剡子曰。共工氏以水紀。故爲水師而水名。逝矣高

陽。爰重冥職。〔帝王世紀〕顓頊高陽氏。以水事紀官。〔祭法〕冥勤其官而水死。舜爲大尉。於是九澤載疏。禹作司空。然後百川咸導。〔河圖曰〕舜以太尉卽

位。與三公臨河觀黃龍五采負圖出。置舜前。以黃玉爲桺。白玉爲檢。黃金爲繩。紫芝爲泥。章曰天皇帝符璽。〔舜典〕伯禹作司空。〔禹貢〕奠高山大川。〔又〕九澤既陂。開華山於高掌。〔述征記〕華山本一山。巨靈所開。今睹手跡於華岳而

脚跡在首。鑿靈沼於周原。〔詩〕王在靈沼。〔又〕周原膺膺。莫匪神功。皆由聖德。我大梁之受天明命。勞已濟民。有道稱皇。無

爲曰帝。〔帝王世紀〕功合神者稱皇。德合地者稱帝。德合人者稱王。若夫雲雷草創。〔易〕雲雷屯。〔又〕天造草昧。剪商黜夏之勳。疑脫二句。〔詩〕后稷之孫。實維大王。居岐之陽。實始翦商。〔湯誥〕罪人黜

服。鑄寶鼎於昆吾。安能紀勒。〔後漢崔駰傳〕蔡邕銘論。呂尙作周太師。其功銘於昆吾之鼎。陳鴻鐘於鄴岳。豈易揄揚。〔漢司馬相如賦〕撞鴻鐘。〔山海經〕豐山有九鐘。〔注〕霜降

則自鳴。樹屏曰。〔班固西都賦〕雍容揄揚。斯固名言所絕也。及乎膺斯寶運。大拯橫流。〔晉王尼傳〕尼常歎曰。滄海橫流。處處不安也。屈至道於汾陽。勞凝

神於姑射。〔莊子〕至道之極。昏昏默默。〔又〕用志不分。乃凝於神。詳卷三。聖人作樂。簫韶備以九成。見書益稷。喆王盡禮。春官總於三代。見周禮。豈止金

門梓竹。〔玉泉記〕立春之日。取宜陽金門山竹爲管。河內葭草爲灰。以候陽氣。玉尺調鐘。〔世說〕荀勗解音聲。遂正雅樂。阮咸妙賞。時謂神解。每公會作樂。而心謂之不調。勗意忌之。遂出阮爲始平太守。後有一田父耕於野。得周時玉尺。便

是天下正尺。苟始以校己所治鐘鼓金。公帶獻明堂之圖。〔封禪書〕濟南人公玉帶。上黃帝時明堂圖。明堂圖中有一殿。四面無石絲竹。皆覺短一黍。於是伏阮神識。壁以茅蓋。通水圍宮垣爲複道。上有樓。從西南入。命曰昆侖。天子從之入。

以拜祠。匡衡建后土之議。〔郊祀志〕匡衡以甘泉泰畤河東后土之祠。宜可徙置長安。願與羣臣議定。若斯而已矣。天降丹鳥。既序孝經。〔干寶搜神記〕孔子制孝經。既成。齋戒

向北辰而拜。乃起白霧摩地。赤虹自天而下。化爲黃玉。上有刻字。孔子跪受讀之。  
河出應龍。乃私周易。見勸若夫固天將聖。垂意藝文。五色相宣。八音繁會。

〔樂記〕五色成文而不亂。〔注〕五聲配五行之色。〔屈原九歌〕云五音紛兮繁會。不移漏刻。見與楊僕射書。纔命口占。〔漢游俠傳〕陳遵爲河南太守。召善書吏十人於前。治私書。謝京師故人。遵憑几口占書吏且省官事。書數百封。

親疎各有意。御紙風飛。天章海溢。皆紫庭黃竹之辭。〔蔡邕琴操〕周成王琴歌。鳳皇翔兮紫庭。余何德兮感靈。〔穆天子傳〕王遊黃臺之邱。時國中大雪。大陳王作黃竹歌三章以哀之。晨

露卿雲之藻。〔呂氏春秋〕晨露。漢武故事帝作秋風辭。漢之兩帝。徒有詠歌。〔漢書〕高祖有大風歌。魏之三祖。空云詩賦。〔沈約謝靈運傳〕曹氏基命三

祖。陳王盛高麗藻。以爲彭老之教。終沒愛河。〔昇玄經〕漂浪愛河。流吹欲海。儒會之宗。方離火宅。見與李那書。豈知五詩八會之殊文。未詳。〔復

卷相尙華嚴論贊。龍樹菩薩入龍宮看藏。得華嚴下本。回歸西土。傳到此方者。乃八十卷。經三十九品。品分七處九會。天上人中之妙典。〔優闍王作佛形像經〕若生天上。天中最勝。乃至得作六欲天王。於六天中。尊貴第一。雪山

羅漢。爭造論門。〔傳燈錄〕雪山五百仙人。飛空而至。阿難爲說法。鷲嶺名僧。俱傳經藏。見與李那書。香象之力。特所未勝。〔雜寶藏經〕過去久遠。比提醯國王。有大香象。以

香象力摧伏迦尸王軍。〔華嚴經〕現有菩薩名曰香象。與其眷屬諸菩薩中三千人。俱常在其中。而演說法。秋兔之毫。書而莫盡。〔西京雜記〕天子筆管。以錯寶爲附。毛皆以秋兔之毫。忠信爲寶。〔家語〕孔子息

於河梁。有懸水三十仞。圍流九十里。有一丈夫。方將厲之。曰。始吾之入也。先以忠信。及吾之出也。又從以忠信。所以能入而復出也。禱祈免於白駒。〔漢溝洫志〕武帝用事萬里沙磧。還自臨決河。滿白馬玉璧。令羣臣從。官自將軍以下。皆負薪置

決明德惟馨。〔左傳〕宮之奇引周書曰黍稷非馨明德惟馨。

山川舍於駢犢。見論語。

至如月離金虎。

〔陸機詩〕望舒離金虎〔漢書〕西方金也〔孔傳〕昂白虎中星然西方七宿畢昴之屬。

俱白泥染石牛。〔廣州記〕州有石牛每早殺牛以血和泥泥石牛背既畢即雨泥盡方止。

蒼蔚朝興滂沱晚注。〔詩〕蒼兮蔚兮南山朝隤又月離于畢俾滂沱矣。

而清蹕纒動。見勸進表。

織羅不搖。〔木華海賦〕輕塵不飛織羅不動。

高閑將臨。〔左傳〕高其閑闕。

油雲自闕。西京雜記雨雲曰油雲。

陽烏銜日寧懼虎賁之弓。

〔廣雅云〕日名陽烏淮南子日中

有踐烏樹本曰。〔漢明帝起居注〕上東巡泰山到祭陽有烏飛鳴乘上虎賁王吉射之中而祝曰烏鳴啞啞引弓射之洞左腋陛下壽萬萬臣爲二千石賜錢二百萬。

飛雨彌天無待期門之蓋。

〔漢外戚傳〕上官桀少時爲

羽林期門郎從武帝上甘泉祭奉蓋雖風常屬車雨下蓋輒御。

震維舉德。

〔易〕震爲長子。文炳曰〔左傳〕王子朝告諸侯曰王后無適則擇立長年鈞以德德鈞以下。

非曰尙年。

見表後啓。

若發居鄴。

〔檀弓〕文王舍伯

邑考而立武王注伯邑考文王長子發武王名。

猶莊在漢。

〔後漢書〕東海恭王疆建武二年立爲皇太子十七年而母郭后廢遂讓位於顯宗顯宗明皇帝諱莊光武第四子也母陰皇后按昭明太子早卒簡文帝乃高祖第三子也故云。

濤如

白馬既礙廣陵之江。見侯安都碑。

山曰金牛孰辨梅湖之路。

〔初學記〕武原淪陷爲當湖又有梅湖〔趙曄吳越春秋〕海鹽縣淪爲招湖徙居武原鄉故越地也。世標曰〔劉道真錢塘

記〕明聖湖在縣南父老相傳湖中有金牛。

專州典郡青鳧赤馬之舟。

〔魏王粲海賦〕乘困桂之舟晨鳧之舸吳志太傅諸葛恪制爲鴨頭船詳與王太尉書。

皇子天孫鳴鳳飛龍之乘。

〔陶季直京邦記〕宋武帝度六合龍舟翔鳳以下三千四十五艘〔晉宮闕記〕天泉池有飛龍舟。

莫不欣斯利涉。

〔易〕利涉大川。

玩此修渠乍擁楫而長歌。

〔列女傳〕趙簡子南擊楚吏辭

不能渡。將殺之。津吏女娟持楫而前。中流奏河激之歌。簡子立爲夫人。

乃權金而鳴籟。

見歐陽頠碑。

斯曠世之奇功。無疆之鴻烈者也。銘曰。

后王降德於衆兆民。高文象緯。

晉張華傳。妙達象緯。

妙義幾神。業冠遷夏。

見爲陳武帝書。

功踰入秦。

漢高祖紀。楚懷王與諸將約。先入定關中者王之。沛公攻武關。

入秦。時惟大畜象及同人。

見易。

慧雨方霑。禪枝獨春。

西域傳。羅婆路出北巖泉。是佛受山神飯已。漱口嚼楊枝。因生今爲茂林寺。號楊枝。

帝德惟厚。

書大禹謨。益曰。帝德廣運。

皇恩甚深。觀乎禹迹。

見侯安都碑。

見我堯心。

### 孝義寺碑

臣聞道階八地。猶見后妃。

淨上論。二淨穢上。謂淨多穢少。卽八地已上。百緣經。佛告比丘。此賢劫中。波羅奈國梵摩達王。正法治化。惟無子息。禱祀諸神。求索有子。困不能得。時王國中有一池水。生一蓮華。其華臺中有一童子。

結跏趺坐。王及后妃見甚歡喜。卽抱還宮養育。漸大。隨其行處。蓮華承足。因香立字。名旃檀香。後悟非常。成辟支佛。身升虛空。作十八變。

願生千佛。無非賢聖。

雜寶藏經。波羅奈國中有山。名曰仙山。有梵志在彼山住。大小便利於石上。有

雌鹿來舐。卽便有身。生一女子。梵豫國王立爲第二夫人。後時有身。便生千葉蓮華。時大夫人取千葉蓮華。盛著籃裏。擲於河中。時烏耆延王接取。見千葉蓮華。葉葉有一小兒。長大各有大力。千子卽時將諸軍衆。降服諸國。次到梵豫。第二夫人卻之。以五百子與親父母。以

五百子與養父母。時二國王分闔浮提。各畜五百子。佛言。欲知彼時千子者。賢劫千佛是也。以誓願力。常生賢聖。

汲引之義雖同。隨機之感非一。至如媯汭有禮。皇源所以前



興〔堯典〕釐降二女于媯汭嬪于虞

周女斯歸陳宗所以流慶

〔左傳〕庸以元女大姬配胡公而封諸陳以備三恪

大矣神基帝系淑聖重光者也慈訓太

后〔陳后妃傳〕武宣章皇后諱嬰兒吳興烏程人本姓鈕父景明為章氏所養因改姓焉武帝先娶同郡錢仲方女早卒後乃聘后永定元年立為皇后武帝崩后與中書舍人蔡景歷定計召文帝及即位尊后為皇太后宮曰慈訓

德佐初九道

暉上六〔周易〕初九曰潛龍勿用何謂也子曰龍德而隱者也

居天上天中之極

見丹陽碑

處太任太姒之尊

〔詩〕思齊太任文王之母

〔又〕太姒嗣徽音則百斯男

蘋藻之化斯深葛覃之風彌遠

〔詩〕于以采蘋南澗之濱于以采藻于彼行潦

皇帝膺茲上聖契彼援神

〔後漢翟

〔傳注〕換神契鉤命決皆孝經緯篇名也

愛敬在乎一人德教刑於四海是以明星皎皎流半月之光

〔孫氏瑞應圖〕景星者天精也狀如半月生於晦朔助月為明王

者不私人則見

甘露團團灑如錫之味

〔晉書〕甘露者仁澤也其凝如脂其美如飴

嘉禾自秀

〔孝經援神契〕德下至地則嘉禾生

浪井恆清

〔瑞應圖〕浪井不擊自成王者清淨則仙人主之

天降徵祥日聞書府

〔左傳〕女叔侯曰史不絕書府無虛月

自大明紹運

〔周易〕順而麗乎大明

神武應期

〔繫辭〕古之聰明睿知神武而不殺者夫

至道旁通無思

不格戊巳校尉西關玉門

〔漢書〕元帝初元時置戊巳校尉屯田車師故地〔後漢班超傳〕不敢望到酒泉郡但願生入玉門關〔注〕玉門關在燉煌郡今沙州

伏波將軍南表銅柱

見歐陽頎

方使三千世界百億須彌

〔長阿舍起世經〕等云四洲地心即是須彌山山外別有八山圍如須彌山下大海深八萬四千由旬其邊八山大海初廣八千由旬中有八功德水如是漸小至第七山下廣一千二百五十由旬

其海鹹海廣於無際海外有山即是大鐵圍山四周圍輪并一日月晝夜回轉照四天下名爲一國土即以此爲量漸至滿千鐵圍繞訖名一小千復至一千鐵圍繞訖名爲中千世界即數中千復滿一千鐵圍繞訖名爲大千世界此中四洲山王日月乃至頂各有萬億成則同成壞則同壞是皆一化佛所統之處名爲三千大千世界號爲娑婆世界

同望飛輪〔轉法輪經〕佛在鹿野樹下時空中有自然法輪飛來當佛前而轉

共稟玄德〔舜典〕玄德升聞乃命以位

天嘉三年正

月二十一日詔旨〔陳文帝紀〕世祖文皇帝諱蒨字子華始興昭烈王之長子也武帝甚愛之永定三年六月丙午武帝崩皇后稱遺詔徵文帝入纂皇統改元天嘉

仰惟聖德方被兆民乃敕

有司改東成里爲孝義里昔岱山徙號重華著其受終〔舜典〕正月上日受終於文祖歲二月東巡狩至于岱宗

德水移名秦人表其嘉

運〔史記秦始皇本紀〕始皇并天下更名河曰德水以爲水德之始豈若盡在輿地書茲里門仰述天經〔孝經〕子曰夫孝天之經也地之義也光臨父母〔繫辭〕无有師保如臨父母

臣陵稽首〔周禮〕太祝辨九拜一曰稽首乃作銘曰

願此良因〔大寶積經〕樂施於人獲五種名利五能爲菩提作上妙因宜資貴親〔公羊傳〕子以母貴母以子貴三乘竝策見與李那書四梵爲賓〔大悲芬陀利經〕佛言我於林中三十六年

遊四梵處爲益衆生故食衆果〔法苑珠林〕大洛那力者是第四梵王那羅延力是紺殿安坐〔梁元帝集善覺寺碑云〕寶繩交映無慙紫紺之宮〔白帖〕佛寺爲紺園蓮華養神〔佛升初利天爲母說法經〕摩耶夫人兩乳血出

猶白蓮華而燈前禮佛〔涅槃經〕若於佛法供養一香燈乃至獻一華則生不動國地後邊身〔寶積經〕昔舍衛城有二十人皆是最後邊身更有怨家二十人奪其命報如來爲調伏是四十人故告目連言令此地中出佉

邏羅刺。欲刺我足。此刺即長一肘。佛言我過去世入大海中。持稍刺人。得如是報。彼時二十怨賊欲害二十人者。作是思惟。如來法王。尚不免報。況我等輩。即從坐起。向佛悔過。 **竝濟含識。**〔法苑珠林。梁武帝捨道文〕引含識於涅槃。

**真。**〔法苑珠林。〕故經中來至佛所云。南無。無所著。至真等正覺。是名口業稱歎如來德也。 **國家隆盛。同享遐慶。謹勒豐碑。**〔檀弓。〕公室視豐碑。 **陳其舞詠。**〔潘尼釋奠頌。〕不知手舞口詠。

### 齊國宋司徒寺碑

無色之外。方為化城。非想之中。猶稱火宅。 **若夫衆生無盡。世界無窮。**

〔華嚴經。〕一切法界虛空界等世界。 **芬若披蓮。**〔闕令尹喜傳。〕真人遊時。各坐蓮華之上。一花輒徑十丈。 **遠如散墨。**〔法華經。〕假使有人磨以為墨。過於東方十國。上乃

種墨。是諸佛土。若算師知其數否。 **善財童子南行未窺。**〔華嚴經。〕善財童子問法於五十三參善知識。而德雲比丘乃第一也。〔又。〕善財童子歡喜頂禮。繞無數匝。殷勤瞻仰。辭退南行。 **日蓮沙門北遊。**

**不見。**〔孟蘭盆經。〕目蓮見其亡母。在餓鬼中。即鉢盛飯。往餉其母。 **一一刹土。皆由業緣。**〔觀佛三昧經。〕六日出時。此地皆悉煙出。從須彌山乃至三千大千

緣經。〕以是業緣。五 **萬萬僧祇。終非常樂。**〔藥王藥上經。〕衆生得聞是五十三佛名者。是人於百千萬億阿僧祇劫。不墮惡道。百世中。受毒龍身。 **萬萬僧祇。終非常樂。**〔大集經。〕佛言。休息。綺語。獲十種功德。三常樂實事。〔隋書經籍志。〕般涅槃。譯言

滅度。亦 **天宮蹇產。**〔起世經。〕其天宮城內。雕飾受欲。其歡樂不可具說。〔楚辭。〕思蹇產而不釋。〔注。〕蹇產。詰曲貌。 **猶傾四大之風。**樹本曰。〔圓覺經。〕此身四大和合。毛髮爪齒。皮肉筋骨。腦髓垢色。皆歸於地。唾涕膿血。

涎沫津液，痰淚精氣，大小便利，皆歸於水，暖氣歸火，動轉歸風，四大各離，今日妄身常在何處？  
**魔殿崔嵬**。（樓炭經）在欲色二界中間，別有魔宮，（華嚴經）如來即於口中放大光明，名無礙無畏，映蔽一切諸魔宮殿。  
**終懼三災之**

**火**。（長阿含經）三災上際云何？若火災起時，至光音天爲際。若水災起時，至徧淨天爲際。若風災起時，至果實天爲際。  
**朱樓寶瑱，輝煥爭華**。（宣律師住持感應傳）樹神即將七寶來，至尊所以神力故，於一念頃，即成四塔，高五

十由旬，又造真珠樓觀及日銀臺，於此四塔內，各造樓觀，具八萬四千。炯曰：（西域志）波斯匿王都城，東百里大海邊，有大塔，塔中有小塔，高一丈二尺，裝衆寶飾之，夜中每有光耀，如火聚云，佛涅槃百五歲後，龍樹菩薩入大海化龍王，龍王以此寶塔奉獻龍樹，龍樹受已，將施此國地，造莊飾，好過佛在時，經百五十年，魔天燒滅，則當此土。  
**既義暢中士，道流遐域，顯默同歸，華夷俱慕，自枕石漱流**。見諫龍道書  
**始終一槩**。

**悟智交養，三十餘年，春秋八十三，古人云：道存人亡，法師之謂。凡我門徒，感風徽之緬邈，傷謬悟之永滅。**

**敢以殘見，揚德金石，銘曰：**

**九流依真**。（後漢書）班固九流，百家之言，靡不窮究。  
**三乘歸佛**。見與李那書  
**道住絕迹，慈還接物**。（白帖）如來慈心，如彼大雲，陸注世界。  
**孰是發蒙**。（易）初六發蒙。  
**昭**

**我慧日**。（齊王少頭陀寺碑注）慧日喻明也。  
**攝亂以定**。（本相經）年十九，踰城出家，學道勤行，精進禪定。  
**關邪以律**。（齊尚統師傳）魏皇初三年，曇摩迦羅譯出戒律。  
**秦皇雄威，蔽理通**

**情，王孫偏解，遠死滯生**。（太平御覽勸本紀曰）始皇陵有銀蠶金雀，以多奇物，故俗云秦皇地市。（漢書）揚王孫學黃老之術，厚自奉養，生無所不致，及終，令其子曰：吾欲贏葬，以反吾真，必無易吾意。（班固贊曰）翻揚王孫之

志賢於秦。夫子之悟。萬劫獨明。寒暑遞易。悲欣皁壤。（家語）孔子出聞哭聲。至。皁魚也。曰。吾有三哭。少而遊學。以後吾親。始皇遠矣。

子之故人曰原壤。其母死。夫子助之沐槨。原壤登木曰。久矣。予之不託於音也。歌曰。狸首之斑然。執女手之卷然。夫子為弗聞也者而過之。（莊子）山林與皁壤與。使我欣欣然而樂。樂未畢也。哀又繼之。

孤松獨秀。德音長往。節有推遷。情無遺想。

### 長千寺衆食碑

昔炎皇肇訓。（繫辭）神農氏作。斲木為耜。揉木為耒。耜耨之利。以教天下。稷正脩官。（舜典）瘞黎民阻飢。汝后稷播時百穀。信矣民天之言。（見歐陽頠碑）誠哉國寶之義。（范子）

計然曰。五穀者國之重寶。自非道登正覺。（本願經）佛告阿難。我以十事故致最正覺。安住於大般涅槃。（華嚴經）乃至最後涅槃。分布其身。起廟。增心經（注）梵語涅槃。此云無為。行在真空。

（觀佛三昧經）過去久遠。有佛出世。號曰空王。（海錄碎事）如來藏中。性火真空。性空真火。深入於無為般若。（見龍諫道書）則菩薩應化。咸同色身。（婆沙論）佛在世時。色身受用。契

法師傳。婆毗吠伽論。師於觀自在菩薩。立志祈請。待見於是。觀自在乃為現色身立世。阿毗曇論。闍浮提衆生。色身種種不同。諸佛淨土。皆為搏食。（法華論）無煩惱衆生住處。名為淨土。（毗婆沙論）若以一搏之食。起殷淨心。奉於僧

衆。於當來世。決定證常住者。爰乞乳糜。（涅槃經）有人聞常住二字。是人生生不墮惡道。（支僧載外國事）佛在貝多樹下。坐滿六年。長者女以金鉢盛牛乳糜。上佛。佛於水邊噉糜。不逢饑饉災起。補尊位者。猶

假香飯。見諫龍道書。亦有三心未滅。〔菩薩善哉經。〕七反餘生。〔觀佛三昧經。〕金翅鳥王名曰正音。日食一龍王及五百小龍。經八千歲。死相既現。諸龍吐毒。不能得食。從金剛山直下。從大水。

際至風輪際。爲風所吹。還上金剛。如是七返。然後命終。應會天宮。〔法苑珠林。〕傳云。釋迦受食。四王奉鉢。滅後。流行上升。就齋龍海。〔智度論。〕阿羅漢常入龍宮。食已。以鉢。

授與沙彌。令洗鉢。中有殘飯數粒。沙彌嗅之大香。食之甚美。況復繕居地轉。未詳。按〔契法師西國傳。〕數量之稱。謂踰繕那。踰繕那。四十里矣。咸憩珠疑作。〔漢書。〕庭。〔漢書。〕上望祀蓬

萊之屬。幾至殊庭。〔師古曰。〕殊庭。蓬萊中仙人庭。固以皆種仙禾。並資靈粟者矣。〔曹植社頌。〕靈稼阿那。一禾千莖。〔拾遺記。〕員嶠之山。名環丘。上有方湖千里。多大鵠。高一丈。羣飛於湖際。銜采不周之粟。於環丘

之上。粟生穠高五丈。其粒皎然如玉也。法師常願以智慧火。燒煩惱薪。〔華嚴經。〕智慧火。令衆生離障礙。苦皆得具足。〔文殊問經。〕住家者爲煩惱所燒。出家者滅煩惱火。普施衆生。同

餐甘露。〔四分律。〕天帝釋便作是念。我今令王慧燈。以此瘡死者甚非。所以當以天甘露灌其身上。瘡即平復。況恢安居自恣。〔經律異相。〕精舍告成。白王遣使請佛安居。願學高年。或次第於王

城。〔法苑珠林。〕食中有六者。一乞食。二次第乞食。三不作餘食。法食。四一坐食。五一團食。亦名節量食。六中後不飲漿。〔雜阿含經。〕爾時世尊晨期。著衣持鉢。共諸比丘。入王舍城乞食。猶棲遑於貧里。〔後漢徐穉傳。〕謂茅容曰。爲我謝

郭林宗。何爲栖栖不遑寧處。〔維摩詰經。〕憶念我昔於貧里而行乞時。迦留乞麪。若用神通。〔十誦律。〕佛在舍衛國。時有長老迦留陀夷。得阿羅漢道。持鉢入城。乞

通從外地。沒涌出中庭。乃以指彈婦。即語夷言。縱使眼脫。我亦不與。而以神力。即兩眼脫出。復念縱出眼如椀。我亦不與。即變眠如椀。復念縱若倒立我前。我亦不與。即於前倒立。復念縱汝若死。我亦不與。即入滅。受想定。心想皆滅。無所覺知。即語比丘言。汝若活者。我施與

一餅。迦留陀夷便出於定。婦更刮盆邊得一小麪煎之。迦留語言。我不須是餅。爲說妙法。卽於座上得法眼。淨口口潔夷。須提請飯。致遺豪貴。太於是思營衆業。勝口口經。乃願造往口口廣脩淨業。

坊廚。涅槃經。須達長者。七日之內。成立大房。足三百日。禪口淨處六十。三所冬室夏堂。各別異。廚坊洛室洗脚之處。大小團圓。無不備足。庶使應供之僧。皆同自然之食。百緣經。佛在世時。王舍城中。

有一長者。其婦生女。名曰善愛。後求出家。世尊告善愛尼言。汝今可設飲食。供養佛僧。尋取佛鉢。擲虛空中。百味飲食。自然盈滿。如是次第。取于二百五十比邱鉢。所飯亦皆滿。都令豐足。升堂濟濟。無勞四輩之類。大集經。復

有比邱。晝夜精勤。樂脩善法。讀誦經典。坐禪習慧。不捨須臾。以是因緣。感諸四輩種種供養。高廩峨峨。恆有千食之糒。詩。亦有高廩。萬億及秭。水經注。澆河西南。一百七十里有黃沙。望黃沙猶若人委千糒於地。

其外鐵市銅街。晉石苞傳。苞爲吏。到鄴。乃販鐵於鄴市中。詳與楊僕射書。青樓紫陌。魏曹植詩。青樓臨大道。王粲獵賦。倚紫陌而並征。辛家黑白之里。未詳。甲第王侯之

門。漢書張放傳。莫不供施相高。資儲轉衆。沐魄經。給二十歲儲資糧。法師善巧方便。佛本行經。有釋名爲善覺。其子名屬提提。婆堪。教太子兵戎法式。其所解知一切。凡有二十九種。善巧妙術。又。淨飯王復白仙言。我意欲令我子常在云何方便及令幼年勿使舍我。漚合含羅。未詳。四分律。世尊般涅槃後百歲。毗舍離跋闍子比丘行十事。乃至

毗尼。故名七百集法毗尼。又感應記。祇垣寺殿內簷下。有四銀臺。兩臺內有毗尼藏。黃金爲牒。白銀爲字。毗尼律藏是龍王書。教授滋生。隨年增長。假使桑林不雨。呂氏春秋。湯五年。不雨。乃以身禱於桑林。

瓠水揚波。漢書。上使汲仁郭昌。猶厭稻梁。永無飢乏。加以五鹽具足。海錄碎事。五色鹽出安息國。阿含經。一切味不過八種。一苦二澀三辛四鹹五淡六甜七

發卒數萬人。寒瓠子決河。

醉八不  
了味。

七菜芳軟。

〔荊楚歲時記〕正月七日爲人日以七種菜爲羹。

麤類天廚。

未詳〔沈約齊尼淨秀行狀〕於彼天上彼波利麤將還意欲與今法師有人問何意將麤去答云欲與今法師是人聽將去。炯曰〔星經〕

天廚六星在

紫微宮東北果同香樹。

〔梅檀樹經〕維耶梨國有五百人經歷深山一人臥熟失伴有大梅檀香樹樹神謂窮人言可止留此自相給衣食到春可去窮人還至中國王病頭痛惟得梅檀香以護病得愈王便令匠臣將窮人往伐取香樹至

到樹所使者見樹華

羹鼎之大殷王未逢。

未詳按劉向〔說苑〕湯時大旱使人持九足鼎祝山川而天大雨。

糜鑊之深齊都非擬。

見移文。

昆吾在次皆鳴

鷲嶺之鐘。

〔感應記〕如來成道已至第三十八年於祇洹精舍重閣講堂上佛告文殊師利菩薩汝往戒壇所鳴鐘召十方天龍及比丘諸大菩薩衆等著集祇洹。銳曰〔大哀經〕佛在王舍城靈鷲山者古昔諸佛之所遊居如來威神之所建立詳丹

陽。賜谷初升同洗龍池之鉢。

〔堯典〕分命羲仲宅嵎夷曰賜谷寅賓出日〔道宣律師住持感應曰〕佛告文殊師利我入王舍城受彼國王請我既食訖卽命羅曠先將我僮還於彼龍池洗之。





# 徐孝穆集卷之五

東陽雙林寺傳大士碑

夫至人無已。屈體申教。聖人無名。顯用藏迹。故維摩詰降。同長者之儀。〔維摩經〕叱耶離城中有長老名維摩詰。文殊師利現儒

生之像。〔宣律師住持感應傳〕佛告文殊師利及四天王等。教初流行彼汝。文殊師利分身變為國王。金剛齊菩薩分身為大臣。金剛幢菩薩分身為比丘。汝等三大士。其流通我教。提河獻供之旅。王城列衆之

端。見長干寺碑。抑號居士。〔師子月佛本生經〕比丘名蓮華。藏多與國王長者居士而為親友。時為善宿。〔成實論〕八戒。優婆塞者此言善宿男。大經所說。〔智度論〕有梵志名長

之。當轉法輪。〔釋道安西域志〕波羅祭斯國佛轉法輪處。小品之言。皆紹尊位。〔法苑珠林〕晉周閔家有大品一部以半幅八丈素。反覆書之。斯則神通應化。不可思議

者乎。〔法苑珠林諸德釋〕云。世界初成。昔古遺迹。相似而現。並是佛之神力變化所為。故五不可思議中。一是佛神力也。東揚郡烏傷縣雙林寺傳大士者。即其縣人也。〔翻釋名義集〕

〔婆羅樹。東西南北四方各雙。故曰雙樹。方面悉皆一榮一枯。〕昔巖谿蘊德。渭浦呈祥。天賜殷宗。誕興元相。〔書說命〕夢帝賚予良弼。俾以形旁求于天下。說築傅巖之野。惟肖爰立作相。景

侯佐命。樊滕是埒。〔漢書〕傅寬監景侯。與樊噲。夏侯嬰同為高祖功臣。介子揚名。甘陳為伍。〔漢書〕傅介子與甘延壽。陳湯俱立功西域。東京世載。西晉重光。惟

是良家降神攸託。若如本生本行。或示緣起。

〔千佛因緣經〕梵王言。我見辟支佛。受持五戒。以戒齊法。當行十善。觀諸緣起。按佛有本生本行二經。

子長子雲。自敘元

系。〔漢書〕司馬遷。字子長。揚雄。字子雲。俱有自序。

則云補處菩薩。仰嗣釋迦。法王眞子。是處彌勒。

〔大悲經〕佛告阿難。我爲第四次復彌勒。當補我處。釋迦譜。善慧菩薩。功行滿足。位登

十地。生兜率天。一生補處。名聖善白。爲諸天師。〔瑜伽論〕若諸國王。任持正法。名爲法王。〔佛在金棺敬福經〕若受約教。是佛眞子。〔賢愚經〕婆羅門家生一男兒。字曰彌勒。〔法苑珠林〕西云釋迦。此云能仁。西云彌勒。此云慈氏。

雖三會濟濟。

華林之道未孚。

〔賢愚經〕彌勒出家學道。成最正覺。三會說法。得蒙度者。悉我遺法。種福衆生。皆得在彼三會之中。頌曰。擬此四人姿。映蔚華林園。

千尺巖巖。穰佉之化猶遠。

〔彌勒下生經〕身長千

尺。圓光二十丈。〔真諦師傳〕彌勒佛出世時。須達爲蠟佉國大臣。名須達多。此園地還廣。一由旬。純以七寶徧滿布地。奉施如來。起爲住處。〔注〕梵語蠟佉。此云貝。

但分身世界。濟度羣生。

〔雜寶經〕佛法寬廣。濟度無涯。機

有殊源。應無恆質。自序因緣。大宗如此。按停水經云。觀世音菩薩有五百身。在此閻浮提地。

〔長阿含經〕南方天王名毗

瑠璃。此云增長主。領鳩槃荼及薛荔神。將護閻浮提人。

示同凡品。教化衆生。彌勒菩薩亦有五百身。在閻浮提。種種示現。利益衆生。故其

本迹難得而詳言者也。爾其蒸蒸大孝。肅肅惟恭。厥行以禮。教爲宗。其言以忠信爲本。加以風神爽朗。氣

調清高。流化親朋。善和紛諍。

〔維摩經〕善和諍訟。言必饒益。

豈惟更盈毀壁。宜僚下丸而已哉。

〔莊子徐無鬼篇〕市南宜僚弄丸。而兩家之難釋。至如

王戎吏部。晉書、王戎襲父爵、辟相國掾。歷吏部黃門郎散騎常侍。鄧禹司徒。〔後漢鄧禹傳〕光武即位於鄴、使使者持節拜禹爲大司徒、禹時年二十四。同此時年、有懷棲遯、仍隱居松

山雙林寺、棄捨恩愛、非梁鴻之並遊。

見答周處士書

拜辭親老、如蘇耽之永別。

〔神仙傳〕蘇耽、郴縣人、少孤、養母至孝、忽辭母云、受性應仙、當違供養、母曰、汝去、使我

如何存活、曰、明年天下疫疾、庭中井水、齋邊橋樹、可以代養、至時、病者食橋葉、飲井水、愈。

自脩禪遠擊。

〔婆娑論〕人趣中有脩禪發智。

絕粒長齋。

〔契法師傳〕馱那羯磔迦國、屬南印度、都城東西據山間、各有大寺、其寺有婆毗

吠伽論、師於觀自在菩薩、絕粒而服水、三年立志祈請、待見彌勒菩薩。

非服流霞。

〔抱朴子〕項曼卿脩道山中、自言至天上、遊紫府、遇仙人與流霞一杯、飲之、輒不飢渴。

若餐朝沆。

〔司馬相如大人賦〕吸沆瀣、餐朝霞。〔列仙傳〕

陵陽子春餐朝霞、夏食沆瀣。

太守王恁、言其詭詐、乃使邦佐、幽諸後曹、迄至兼旬、曾無假

疑作

食。

〔增一阿含經〕有四種食、諸入口之物、可食噉者是爲假食。

於是州鄉媿伏。

〔漢法本內傳〕明帝置佛舍利及經、放火燒經、並成煨燼、道士等大生媿伏、佛之舍利放五色光、上空如蓋、覆日映衆。

遠邇歸依。

〔師子月佛本生經〕比丘邱卽爲彌猴、說三歸依。

逃迹山林。

〔集一切福德三昧經〕昔過去久遠阿僧祇劫、有一仙人住山林中、名曰最勝、具五神通、常行慈心。

肆行蘭若。

〔華嚴經〕願一切衆生、常安居止阿蘭若處、寂靜不動、又〔釋氏要覽〕梵言阿蘭若、此言空靜。

又自序云、七佛

如來、十方並現。

〔觀佛三昧經〕毗婆尸佛、尸塞佛、毗舍婆佛、拘留孫佛、拘那含牟尼佛、迦葉佛、釋迦牟尼佛、七佛身並紫金色。

釋尊摩頂。

〔法苑珠林〕第三身心恭敬、禮者聞唱佛名、便念佛身、如在目前、手摩其頂、除我罪業。

願受深法。

〔華嚴經〕有諸法師、得勝妙法、大乘深法。

每至槌槌應叩。

〔增一阿含經〕佛告阿難、汝今連擊槌、釋氏要覽、梵云槌槌、此云鐘磬。

法鼓裁鳴。

〔華嚴經〕普爲衆生擊法鼓。

空界神

仙其來行道。〔菩薩處胎經〕上方七十二億空界菩薩亦來雲集入胎中。

其外人所見者拳握之內或吐異香。

〔婆娑論〕帝釋欲遊戲時伊鉢羅龍王背上自然有異香手現。

胸

臚之間乍表金色。

〔宗門統要〕世尊於涅槃會上以手摩胸告衆云汝等善觀吾紫磨金色之身。

時有信安縣

〔隋書〕東陽郡領信安縣。

比邱僧朔與其同類遠來觀

化未及祇肅忽見大士身長丈餘朔等驚慙相趨禮拜虔恭既畢更覩常形又有比邱智總優婆夷錢滿

願等伏膺累載頻覩異儀或見腳長二尺指長五寸餘兩眼光明雙瞳照耀皆爲金色並若金錢。

〔阿育王經〕

阿育王夫人產生一女一手常卷掌中有一金錢隨取隨生。

嘗李老而相俸。

〔老子志略〕老子一名李耳兩目日光方瞳綠筋。

同周文而等狀。

〔孟子〕文王十尺。

姜嫄所履。

〔詩疏〕姜嫄履大人迹。

天步可以爲儔。

〔詩〕天步艱難。

河流大屨。

〔祖沖之述異記〕苻健皇始中津監寇登於河中流得大屨一隻長七尺三寸足迹稱屨指長尺餘文深七寸。

神足宜其相比。

〔興起行經〕辟支引空七

反回旋飛還時城內人見此神足舉國歡喜。

支郎之彥既恥黃睛。

〔海錄碎事〕魏高僧支謙博覽經籍兩眼多白而睛黃時人謂曰支郎眼中黃形軀雖細是智囊。

瞿曇之師。

〔涅槃經〕迦毗羅城有釋種子字悉達

多性瞿曇氏。

有慙青目。

〔寶女經〕如來瞿曇子如紺青色。

既而四空妙定。

〔大寶積經〕菩薩至於空處脩習四禪。

熏脩已成。

〔江總集香贊〕白熏脩福田。

八解明心。

〔菩薩本行經〕今

最後身值釋迦佛捨棄出家得阿羅漢三明六通具八解脫。

莊嚴斯滿。

〔法苑珠林〕三十二相微妙莊嚴。

時還鄉黨化度鄉親俱識還源並知回向。

〔法苑珠林〕回向者回諸福德向

無上道。或立捨鬚髮。如聞善來。〔百緣經〕佛告善來。鬚髮自落。法服著身。便成沙門。

大傾財寶。同脩淨福。

〔維摩經〕憶所脩福。念於淨命。

大士熏禪所憩。

〔婆娑論〕生彼天者。要是進向那舍。身得四禪。發於無漏。起熏禪業。方是得生。凡夫無此熏禪業。故不得生也。

獨在高巖。爰挺嘉木。是名構樹。擢本相對。似雙槐於夾門。

〔晉潘岳詩〕

合榦成陰。類雙桐於空井。

〔魏文帝詩〕雙桐生空井。

厥體貞勁。無爽大年。

〔莊子〕小年不及大年。

置霜停雪。寒暑葱翠。

〔晉左思吳都賦〕

信可以方諸堅固。

〔梁元帝阿育千像碑云〕始遊羅衛。便居堅固之林。

譬彼娑羅。

〔涅槃經〕我於此娑羅雙樹。大師子吼者。名大涅槃。兆寬曰。支僧載外國事。阿育王起浮屠於

佛泥洹處。雙樹及墟。今無復有也。此樹名婆羅樹。

其樹華名娑羅法也。此華色白如霜雪。香無比也。

既見守於神龍。

〔括地圖〕龍池之地。多五花樹。羣龍食之。

松千丈。常有雙鶴。晨必接翻。夕輒偶影。傳曰昔有夫婦二人。俱隱此室。年既數百。化成雙鶴。

乃於山根嶺下。創造伽藍。

〔過去因果經〕諸僧伽藍中。竹園僧伽藍最爲其始。〔釋氏要覽〕梵語題云僧伽藍摩。此云衆園。

因

此高柯。故名雙林寺矣。

按〔傳大士傳云〕大士捨宅於松下建寺。因以樹名雙林。

大士亦還其里舍。貨買妻兒。營締支提。

〔地持論〕菩薩供養如來。略說十種二支提

供養。若菩薩爲如來故。供養優婆。若窟。若舍。若故。若新。是名支提。

繕寫尊法。

〔隨願往生經〕讚三寶。讀誦尊經。

常以聚沙畫地。皆因圖果。

〔大威德陀羅尼經〕佛告阿難。譬如有大沙聚。將一滴水潤此沙聚。可令徹過。如一婦人以千數丈夫。受欲果報。不可令其知足也。

〔百緣經〕佛將比邱入城乞食。逢一婆羅門。以指畫地。與我五百金錢。爾乃聽過。須達長者即與金錢五百。乃聽佛過。佛言過去善生

太子路逢一人共輔相子榜搏戲時輔相子負彼戲人金錢五百太子語之我當代償彼  
太子者我是輔相子者須達是戲人者婆羅門是凡負債者不可不償乃至成佛不脫此難  
芥子菴羅無疑漏陋〔大悲經〕世尊告阿難我滅度後

若有人乃至供養我之舍利如芥子等恭敬尊重謙下供養有孝曰小未曾有經佛般涅槃後以如芥子舍利起塔大如菴摩勒果其  
剎如鉢上施槃蓋如酸棗葉若佛形像如薺麥大功德滿足百倍法顯記菴婆羅女家為佛起塔樹敏曰闍義云菴羅是果樹之名其

果似桃此樹華開生一女國人歎異以園封之園既屬女故言  
菴羅樹園宿善冥熏見佛歡喜以園奉佛佛即受之而為所住乃起九層磚塔〔華子經〕若是塔廟毀壞當加脩治若塊若泥乃至一磚形相巍然六時

虔拜〔龍樹十住論〕菩薩晝夜各有三時於此  
六時禮拜十方諸佛懺悔勸請隨喜回向巡繞斯託又以大乘〔洛陽伽藍記〕神龜四年太后遺崇靈寺比邱慧生向西域取經凡得一百七十部皆是大乘妙典方

等靈藥寶珠〔大志經〕大志至年十七為衆生  
故發意入海取明月寶珠以濟衆生眷言山谷希得傳寫龍鄉思其燒照〔後漢郡國志〕泰山郡有龍鄉城象駕乏其流

通〔傳燈錄〕水中龍力大陸中象  
力大故負荷大法者比之龍象復造五時經典千有餘卷與夫嚮子而葬同其至誠〔家語〕孔子聞婦人哭聲謂顏淵曰此非獨喪哀又有離別

之苦問之果然  
父死賣子以葬嫁妻而隱無殊高節〔晉書〕許邁遺婦孫氏還家〔阿育王經〕佛在世時入王舍城乞食見二後改名玄偏遊名山莫知所終小兒一名德勝二名無勝以土為麩著於倉中

見佛相好德勝歡喜掬倉中土名為麩者奉上世尊  
緣是善根佛般涅槃二百年後作轉輪王王閻浮提如因賣花〔過見因果經〕普光佛出興於世爾時善慧仙人欲訪花所忽遇罽夷持花七莖畏王制令藏著餅中善慧至誠感花踊上追呼就買此女

答言當送內宮欲以上佛善慧告言五百銀錢雇五莖花欲以獻佛罽夷即曰我今當以此花  
相與願我生生常為君妻善慧答言我脩梵行生無為道不得相許生死之緣詳諫罷道書共指菩提〔阿育王經〕如來大方

成親眷。

〔大藏一覽〕佛告諸比丘言。然燈如來出興世時。善慧仙人。豈異人乎。卽我是。今此人之中。迦葉兄弟及其眷屬。千比丘是。賣花女者。今耶輸是。

至如有相無相之懷。

〔法苑珠林〕契法師云。依如西域釋迦一代

說法。總有三時。第三時中。爲大行菩薩。雙說有相無相法。爲破有相無相法。令悟中道。究竟圓教。

虛已虛心之德。化雞在臂。方推理於自然。

〔莊子〕子輿曰。浸假而化予之左臂以爲雞。子因以推時夜。

樹穀曰。按〔佛本行經〕。爾時太子具報使人。令王深信因果。不信自然。

毒蛇傷體。終無擾於深定。

〔佛本行經〕畢鉢羅耶童子。與跋佗羅女爲夫婦。同脩梵行。周歷年載。終不同寢。此女既睡。一手垂地。忽有一蛇。而夫畏彼

蛇。整其手。卽衣裹手。擊於婦臂。安放牀上。後同投佛出家。〔道宣律師住持感應記〕佛告文殊。汝取我法角黃金爲鈿。至彼比邱所。吹我出世曲。及起深定曲。

門徒肅肅。學侶誦誦。通彼慈悲。

〔觀佛三昧經〕如來功

德慈悲無量。義無偏黨。〔書洪範〕無偏無黨。

大通元年。縣中長宿

〔雜寶藏經〕恭敬父母。耆長宿老。

傅普通等一百人。詣縣令范胥。連名薦述。

又以中大通四年。縣中豪傑傅德宣等道俗三百人。詣縣令蕭詡。具陳德業。夫以連城之寶。照廡之珍。野

老怪而相捐。工人迷而不識。

〔魏文帝送玉玦書〕價越萬金。貴重連城。〔尹文子〕魏田父有耕於野者。得玉以告鄰人。鄰人詐之曰。此怪石也。田父置於廡下。光照一室。佈而棄之。鄰人以獻魏王。召玉工相之。工曰。五城之都。

僅可一觀。

胥等體有流俗。才無鑒真。亟欲騰問。終成虧怠。梁高祖武皇帝。紹隆三寶。

〔大寶積經〕菩薩脩定後。有十法十脩定。能興正法。紹隆三寶。

弘濟四生。

〔法苑珠林〕廣興六度。接引四生。

迹冠優填。

〔觀佛三昧經〕時優闍王遙慕世尊。鑄金爲像。是衆像之始也。

神高仙像。

〔毗曇說〕仙譽國王殺五百婆羅門。生地獄中。發生信心。生甘露國。

夫以



陳蕃靜室，猶懷天下之心。（後漢陳蕃傳）蕃常處一室，庭宇無穢，曰大丈夫當掃除天下。伊尹躬耕，思弘聖王之道。（見與宗室書）況我有慧日明炬，

（文選王少頭陀寺碑）注慧日喻明也。（法華經）世尊以智慧為燈炬。如風寶車。（華嚴經）如風無所礙。濟是沈舟，能升彼岸。（智度論）若能不退，成辦佛道，名到彼岸。（涅槃經）彼岸者喻如來也。固

宜光宣正法。（菩薩本行經）釋迦佛如來滅後，正法住世五百歲，像法住世亦五百歲。影響人王者乎。（新翻大般若經）擁護天王及人王等，令護正法，久住世間。於是以中大通六年

正月二十八日，遣弟子傅陞，出都致書高祖。其辭曰：雙林樹下，當來解脫。（法苑珠林）三乘名義解脫體同。善慧大士，白國

主救世菩薩。今條上中下善，希能受持。其上善以虛懷為本，不著為宗。（法苑珠林）由上界樂行寂滅，不著不能發起，麤貪悲曠，故名無苦無樂。妄

想為因，涅槃為果。其中善以治身為本，治國為宗。天上人間，果報安樂。（雜寶藏經）況其果報，豈可量也。其下善以護養衆

生，勝殘去殺，普令百姓，俱稟六齋。（涅槃經）年常三長，月恆六齋，菜蔬節味。夫以四海之君，萬邦之主，預居王土，莫不祗肅。爾時

國師智者法師，與名德諸衆僧等，言辭謹敬，多乖釋迦之書。（佛本行經）太子復諮蜜多阿闍黎言：此書凡有六十四種，未嘗尊者欲教我何書。文牒卑恭，

翻豫山公之啓。（晉書）山濤在典選，甄拔人物，各有題目奏之時，稱山公啓事。大十年非長老。（禪門規式）西域人凡稱人道老臘長，呼為須菩提。如中國凡具道眼有可尊之德者，號曰長老也。位匪

沙門。〔後漢書〕佛慈心爲主，不殺生類，專務清靜，其精進者，號爲沙門。漢言息心，蓋息意去欲，以歸無爲也。通疏乘輿，過無虔恪。京都道俗，莫不嗟疑。唯至都，投太樂

令何昌，并有弘誓，誓在御路，燒其左手。以此因緣，希當聞達。昌以此書呈同泰寺僧皓法師，衆所知識。

名稱普聞，見書隨喜，勸以呈奏。皇心歡悅，遽遣招迎，來謁宸闈，亟論經典。同泰寺前臨北闕。〔漢書〕蕭何治未央宮，立東

闕北闕前殿。密邇南宮。有孝曰〔杜田正謬〕云，漢建尙書百官府，名曰南宮。仍請安居，備諸資給。見長干寺碑。後徙居鍾山之下，定林寺遊巖倚樹。見

罷道。宴坐經行。〔百緣經〕鸚鵡王見佛比邱，寂然宴坐，甚懷善悅。樹敏曰〔付法藏經〕迦葉語婦，我若眠息，汝當經行。汝若眠息，我當經行。京洛名僧。樂府有煌煌京洛行。學徒雲集，莫不提

函負帙，問慧諮禪。居蔭高松，臥依磐石。於是四徹之中，恆泫甘露。〔穆天子傳〕天子北征，至於羣玉之山，河平無險，四徹中繩。先王所謂策府。〔普曜經〕太子滿

十月已臨產之時，先現瑞應，三十有二。三諸天玉女持萬金餅，盛甘露，住虛空中。六旬之內，常雨天酒。〔正法念經〕彼夜摩天男共天女中入池遊戲，同飲天酒。豈非神僊影響，示現禪祥

者乎。帝於華林園重雲殿，自開講三慧般若經，窮須眞之所問。〔佛性論〕要須眞實，利益衆生，先自調伏。御法勝之高堂。〔起世經〕三

十三天集會坐時，於中惟論微細，善語深義，稱量觀察，皆是世間諸勝要法，眞實正理。百千龍像。〔阿育王經〕昔阿恕伽王，以金鑄作龍像，及以玉像，以秤稱之。尙琰曰，

道宣〔律師感應記〕又告娑竭龍王汝可化身爲八萬四千黃金龍像頭用七寶成身以黃金作之〔增一阿含經〕千二百黑貂朱紱〔史記蘇秦傳〕黑貂之裘蔽易朱紱方來王侯滿

筵國華民秀〔國語〕季文子曰吾聞以德榮爲國〔書說命〕敢對并遣傳詔

及宣傅左右四人接受言論爾時納揆之於臺內〔舜典〕納于百揆百揆時敘〔晉書〕平吳之後〔微杜預爲司隸校尉〕

加位特進馬防親貴〔後漢馬防傳〕防貴寵最盛與九卿絕席〔蔚宗〕舊儀縣席皆等庶僚以大士絕世通人故加其殊禮矣及玉輦升殿〔蔚宗〕

後漢輿服志〔天〕子五路以玉爲飾雲蹕在階〔崔豹古今注〕秦制出警入蹕謂出軍者皆警戒入國者皆蹕止也〔漢書〕郭解出人皆避一人獨箕

踞視曾不山立〔樂記〕總憲司譏問愈見凝峙但答云法地若動則一切法不安應對言語皆爲爽異昔漢

皇愛道樂大不臣〔漢郊祀志〕封樂大天道將軍令衣羽衣立白茅上受印以示不臣魏祖優賢楊叟如客〔魏志〕文帝引楊彪待以客禮河上之老輕舉臨於孝

文〔神仙傳〕河上公不知其姓氏結草爲菴於河涘讀老子漢文帝親往詣之嚴子之高閒臥加於光武〔後漢逸民傳〕太史奏客星犯帝座帝笑曰朕故人嚴子陵共臥耳方其古烈信可

爲儔帝又於壽光殿獨延大士講論玄蹟言無重頌〔彌陀疏鈔〕梵語句備伽陀〔祖珽事苑〕梵音會宮商〔祖珽事苑〕梵

義兼華藻，豈惟寶積獻蓋文成七言。

〔維摩經云〕寶積與五百長者子俱持七寶蓋來詣佛所。佛之威力，令諸寶蓋合成一蓋，徧覆三千大千世界。

釋子彈琴，歌爲千偈而

已。〔長阿含經〕父王聞四子端正，曰：此真釋子也。〔雜阿含經〕過去世時，拘薩羅國有彈琴人名曰鹿牛，有六廣大天宮，天女來至，拘薩羅國鹿牛彈琴，人所語言爲我彈琴，我當歌舞。天女於歌頌頌中自說所以生此因緣，彼人即便彈琴，彼六天女即便歌舞。

固非論經於白虎之殿。

〔後漢丁鴻傳〕鴻字孝公，肅宗詔鴻論定五經，同異於白虎觀。時人語曰：殿中無雙丁孝公。

應詔於金馬之門。

〔漢書〕東方朔待詔金馬門。

說義雲臺。〔後漢逸〕

民傳〕周黨伏而不謁，博士范升奏曰：臣願與坐雲臺之下，考試圖國之道。

受釐宣室。

〔賈誼傳〕上方受釐坐宣室。

可同年而語哉。自火運將終，民無先覺，雖復五胡內

鼠，蒼鵝之兆未萌。

〔晉五行志〕懷帝永嘉元年二月，洛陽東北步廣里地陷，有蒼白二色鵝出，蒼者飛翔冲天，白者止焉。董養曰：步廣，周之狄泉盟會地也。白者金色，國之行也。蒼爲胡象，是後劉淵石勒，繼亂華。

四海橫流。

夷羊之牧匪現。

〔汲冢周書度邑解〕惟天不享於殷，發之未生，至於今六十年，夷羊有牧，飛鴻過野。樹敏曰：〔淮南子本經訓〕夷羊在牧，許慎曰：夷羊，土神商之將亡，見於商郊牧野之地。

大士天眼所照，預覩

未來。

〔雜寶藏經〕羅漢道人尋卽入定，以天眼觀。

摩掌之明，夙際時禍。

〔法苑珠林〕竺佛圖澄，西域人，時石勒與劉曜相拒，構隙以問澄，澄曰：可禽耳。麻油塗掌，令視見之，曜被執，朱繩縛肘，後果獲之，如掌所見。

哀羣

生之板蕩，泣世道之崩淪，救苦爲懷，大悲爲病，誓欲虛中閉氣。

〔法苑珠林〕晉長安有沙公者，西域人，虛靖服氣，不食五穀，日能行五百里。

識食爲齋。

非服名香。

〔正法念經〕餓鬼大數有三十六種，十四食香鬼。〔法苑珠林〕宋釋慧益，廣陵人，憩竹林寺，積勤苦行，惟食香丸。

但資禪悅。

〔起世經〕閻浮提人等，飯麩豆肉等，名爲麤段食，按摩澡浴，拭膏等，名爲微細食，自外三州

及六欲諸天等。並以麤段微細爲食。自此以上。色界無色天。並以禪悅法喜爲食。

方乃燒其苦器。

（涅槃經）身爲苦器。憂長無量。

製造華燈。

（摩耶經）龍樹善設法。要滅邪見。幢然正法燈。

願以此一

光明。徧照十方佛土。

（因果經）無量諸天。作諸伎樂。燒衆名香。散天妙華。隨菩薩滿虛空中。放大光明。普照十方。

勸請調御。

（寶性論）爲六種人故說三寶。一調御師。二調御師法。三調御師弟子。

常住世

間。救現在之兵災。

（劫中世界經）二十小劫中。中間有小三災。二曰兵刀災。

除當來之苦集。

（長阿含經）諸比丘欲求光明者。當求苦集滅道光明。

於是學衆悲號。山門踊

叫。弟子居士徐普拔。潘普成等九人。求輸己命。願代宗師。其中或馘耳而刊鼻。或焚臂而燒手。善財童子。

重睹知識。

（華嚴經）彌勒領無量諸大菩薩。從他方來。彈指一聲。闍門遂開。善財即入。入已即閉。善財見一樓閣中。皆有彌勒。一一彌勒前。皆有善財。一一善財皆悉合掌回顧。詳答求官人書。

忍辱仙人。是馮相輩。

（新婆娑論）過去此賢劫中。有王名羯利時。有仙人號爲忍辱。住一林中。勤脩苦行。仙人便伸一臂。王以利劍斬之。王復命伸一臂。即復斬之。次斬兩足。復截兩耳。又割其鼻。《史記傳新傳》陽陵侯傳寬。注引地理志云。馮相陽陵縣。

大士乃延其

教化。更住閻浮。

見長干寺碑。

弘訓門人。備行衆善。於是弟子居士范難陀。弟子比邱法曠。弟子優婆夷嚴比邱。

各在山林。燒身現滅。次有比邱寶月等二人。窮身繫索。挂錠爲燈。

（說文）錠謂之燈。《呂靜韻集》無足曰燈。有足曰錠。

次有比邱慧海

菩提等八人。燒指供養。

（法華經）龍然手指。乃至足一指。供養佛壇。勝以國城妻子及三千大千國土珍寶而供養者。

次有比邱尼曇展。慧光。法織等四十九人。

行不食齋法。次有比丘僧拔慧品等六十二人。割耳出血。用和名香。奉依師教。並載在碑陰。書其名品。夫

二儀大德。所貴曰生。

〔繫辭〕易有太極。是生兩儀。〔又〕天地之大德曰生。

六趣含靈。所重惟命。

〔婆娑論〕六趣之中。能止息意。故名爲人。

雖復夢幻影響。同歸

摩滅。〔陳王經〕世間榮位。如幻如夢。不可久保。〔付法藏經〕縱使富貴如天。終歸磨滅。

愛使迷情。惟貪長久。

〔法苑珠林〕龍樹菩薩捨離欲愛。出定爲道。〔老子〕天長地久。

自非善巧方便。瀉

和含羅。見長干寺碑。

照以慈燈。

〔梁陸倕誌法師墓志銘〕慈燈夜昏。

露其妙藥。

〔付法藏經〕法是妙藥。能愈結病。

豈或捨不貨之軀。而能行希有之

事。〔大品經〕若我聲聞弟子之中。欲行第一希有之事者。當爲世間廣宣。如是大乘經典。若令割身奉鬼。聞半偈於涅槃。

〔涅槃經〕佛言我念過去作婆羅門。在雪山中。脩菩薩行。時天帝釋卽下試之。自戀其身作

羅刹像。住菩薩前。口說半偈云。諸行無常。是生滅法。菩薩卽語羅刹。但能具足。說是偈竟。我當以身奉施供養。

賣髓祠天。能供養於般若。

〔雜譬喻經〕曠人王曰。吾本捕人。當持祠天。已得四百九十九人。今得卿一人。其數已滿。殺

以祠天。汝何不懼。國王對曰。且出宮時。路逢道人。爲我說偈。卽許施物。今未得與。以是爲恨。今王弘慈。寬恕假日。施訖還來。不敢違要也。

理當剝心靡吝。

〔千佛因緣經〕雪山中有婆羅門。名摩度跋提。白夜叉言。我今不惜心之與血。卽持利劍破

胸出心。

擗骨無疑者乎。

〔彌勒所問本願經〕往過世有王太子。號曰蓮華。王見一人身體病癩。曰得王身體以塗我身。其病乃愈。太子卽破身骨。以得其髓。持與病者。

大士小學之年。不遊鬻舍。

〔曲禮〕人生十年曰幼學。〔漢儒林傳序〕武帝時。太學生徒動至數萬。郡國鬻會。悉皆充滿。

大成之德。自通墳典。

〔學記〕九年知類通達。強立而不反。謂之大成。左傳。左史倚相趨過。王曰。是能讀三墳五典。八索九邱。

安禪

合掌。〔惟無三昧經。〕人求道安禪。先當斷念。〔善現論。〕禮佛。說偈論經。〔三千威儀云。〕出家人所作業務。一。滴海未盡其時。應繞三匝三拜。四方作禮。合十指掌。又手於項。卻行而出。

書。〔大悲經。〕如來爾時。知彼水滴在大海中。見知住處。不與餘水共相和雜。不增不減。平等如故。〔又。〕滴水者喻一發心微少善根。大海者喻使如來應正偏知。懸河不窮其義。〔晉書。〕王衍曰。郭象清言如懸河久而不竭。前後

講維摩思益經等。比邱智瓊。傳習受持。所應度者。化緣既畢。〔新翻大阿羅漢難提蜜多羅所說法住記。〕化緣既畢。將歸涅槃。以大建元年。朱明

始獻。見為陳武帝書。奄然右臥。〔法苑珠林。〕經云。仰臥者是脩羅臥。伏地臥者是餓鬼臥。左脅臥者是貪欲人臥。若右脅臥者是出家人臥。鶴齡曰。〔中阿含經。〕如來爾時將詣雙樹。四髮鬱多羅僧以爲施坐。僧伽梨爲枕。右脅而臥。足足相

累而般。將歸大空。〔觀佛三昧經。〕有王名曰雜寶華光。子名快見。和尙爲說甚深般若波羅蜜經。大空之義。二句初滿。三心是滅。見長干寺碑。爾時隆暑。〔晉潘岳射雉賦。〕時暑忽隆熾。

便已赫曦。〔李願悲四時賦。〕屈伸如常。溫暖無異。洗浴究竟。扶坐著衣。色貌敷渝。光彩鮮潔。爰經信次。〔詩疏。〕一宿曰

宿。再宿。宛若平生。烏傷縣令陳鍾者。卽往臨赴。猶復反手傳香。〔道宣律師住持感應記。〕十方諸佛。各手捻香。付彼爐中。皆如疇昔。若此神

變。無聞前古。雖復青牛道士。〔漢武內傳。〕封君達號青牛道士。有病死者。以竹管中藥與服。皆愈。白馬先生。未詳。便遁形骸。本慙希企。若其滅定。無

想。彈指而石壁已開。〔樊法師傳。〕婆毗吠伽論師。執金剛神所誦金剛咒。咒芥子擊於石壁。豁然洞開。時有百千萬衆。親觀驚歎。論師跨門。再三願命衆人。唯有六人從入。論師入已。當卽石門。還合如壁。炯曰。〔華嚴經。〕入法界品。爾時

善財童子。敬繞彌勒菩薩。合掌白言。惟願大聖開樓觀門。令我等入。彌勒菩薩卽彈右指門。自然開。善財卽入。入已還閉。法王在殯。申足而金棺猶啓。（傳燈錄）佛滅後。有第一祖迦葉。至雙林樹間號泣。佛於金棺內現雙足。

非斯矣。莫與爲儔。遺誠於雙林山頂。如法燒身。一分舍利。

（法苑珠林）舍利者。西域梵語。此云骨身。舍利有三種。一骨舍利。色白。二髮舍利。色黑。三肉舍利。色赤。若佛舍利。惟打

不破。若弟子會利。椎擊便破。

起塏於冢。一寸舍利。起塏在山。又造彌勒像二軀。置此雙塏。莫移我眠牀。當取法猛上人。織

成彌勒像。永安牀上。寄此尊儀。

見諫龍道書。

以標形相也。

（賢愚經）此製裝。乃是三世聖人標相。

於是門徒巨痛。遂爽遺言。用震旦之

常儀。（華嚴經）震旦國有一住處名那羅延窟。從昔已來。諸菩薩衆於中止住。法苑珠林。東夏九州名西域爲天竺者。是總名也。或云身毒。如梵稱此方爲脂那。或云真丹。或作震旦。此蓋承聲有楚夏耳。

乘闍維之舊法。

（大悲經）迦

葉以己身火闍維其身。闍維身已。灰炭不現。擬曰。（法苑珠林）髮爪兩塏。衣影二臺。皆是如來在世已見成軌。自收迹。河邊闍維林外。八王請分還國。起塏及研炭二所。於是十刹興焉。

四部皆集。

（法苑珠林）寶頭盧往西。闍耶尼。教化四衆。廣宣佛法。

闍浮提四部弟子。思見寶頭盧佛。聽還國。

悲同白車。

（傳燈錄）法達念法華經三千部。禮祖不投地。六祖曰。無念念卽正。有念念成邪。有無俱不計。長御白牛車。

七衆攀號。

（圓覺經）比邱。比邱尼。式叉摩那。沙彌。室羅末尼。此出家五

衆。優婆塞。優婆夷。此在家二衆。此七衆也。

哀踰青樹。

（梁元帝集內典碑銘集林。序曰）白林將謝青樹已列。

弟子比邱法璿。菩提智瓊等。以爲伯陽之德。貞桓紀於

賴鄉。（史記）老子姓李名耳。字伯陽。楚國苦縣賴鄉人。續漢書。桓帝夢老子。令中常侍左悺於賴鄉祀之。詔陳相逸韶立祠。兼刻石。金石錄。苦縣老子銘。舊傳蔡邕文并書。

仲尼之道。高碑書於魯縣。

（禮廉記）孔



子廟列七碑。無像。檜柏猶茂。

亦有揚雄弟子。

〔漢揚雄傳〕雄卒。侯芭爲起墳。喪之三年。

鄭玄門人。

〔後漢鄭玄傳〕玄卒。門生相與撰玄答諸弟子問五經。依論語作鄭志八篇。

俱述清猷。載刊玄

石。

〔水經注〕杜預曰。梁國蒙縣北有薄伐城。城中有成湯冢。今城內有故冢方墳。疑卽杜元凱所謂湯冢者也。而世謂之王子喬冢。其後有人著大冠絳單衣。杖竹立冢前。呼采薪孺子伊永昌曰。我王子喬也。勿得取我墳土樹也。忽然不見。國相東萊王璋。以爲神聖所

興。必有銘表。乃與長史乾

邊遂樹之。玄石紀頌遺烈。

於是祈聞兩觀。〔何休曰〕天子外闕兩觀。

冒涉三江。〔書禹貢〕三江既入。

爰降絲綸。〔禮紀〕王言如絲。其出如綸。

克成豐茂。陵

雖不敏。夙仰高風。輕課庸音。乃爲銘曰。

大矣權迹。勞哉赴時。或現商主。

〔佛本行經〕難尸馬王。卽我身是。五百人中商主者。卽舍利弗。是五百商人。卽刪闍邪波離婆闍迦諸弟子等五百人。

聊爲國師。卑同巧匠。〔增

舍經〕優填王敕國出巧匠。會以牛頭栴檀作佛供養。晨夕禮拜。

屈示良醫。

〔智度論〕菩薩不應遠離諸佛。譬如病苦。不離良醫。

猗與開士。

〔法苑珠林〕開士應眞導揚末教。

類此難思。當來解脫。

克紹迦維。

〔普曜經〕佛兜率天降神於西域。迦維衛國淨梵王宮。摩耶夫人剖右脅而生。兆寤曰。〔因果經〕太子身黃金色。三十二相。放大光明。普照三千大千世界。迦維羅衛國。三千日月。萬二千天地之中央也。

妙道猶祕。

〔法苑珠林〕邪惑問方外。對曰。捨摺紳之容。亦何傷於妙道。

機緣未適。〔智度論〕佛成道已。卽說法於五十七日。今檢括機緣。然後說法。

弗降雞頭。

〔法苑珠林〕昔天竺雞頭摩寺五通菩薩。往安樂界。請阿彌陀佛。娑婆衆生。

願生淨土。無佛影像。願力莫由。請垂降許。佛言。汝且往去。尋當現彼。

寧開痕迹。

〔摩耶經〕摩訶迦葉。於狼迹山中入滅。盡定。

北地爰徙。東山攸宅。族貴泥陽。宗分蘭石。

〔魏志傳〕

字蘭石北地泥陽人。傳介子之後也。莫測其本。徒觀其迹。邈有蒲塞。心冥世雄。明宣苦苦。〔法句喻經〕佛言。天下之苦。莫過有身。身者衆苦之本。離世苦。不當求寂滅。妙鑒空

空。〔孔稚圭北山移文〕談空空於釋部。汲引三界。〔自誓三昧經〕三界。一欲界。二色界。三無色界。行藏六通。〔華嚴經〕六通。一天眼。二天眼。三地心。四宿命。五神足。六漏盡。爰初隱逸。宴處林

叢。〔祖挺事苑〕梵語貧婆。此云叢林。食等餐露。齋疑服風。〔求離牢獄經〕此等梵志。服風食氣。敬禮珍瑣。〔法苑珠林〕見宋司徒寺碑。歸依靈像。〔法苑珠林〕故釋伽云吾

今此身。卽是法身。由是法身。所依持故。如泥木靈像。遠有所表。敬誠殷禮。獲福無量。未若天尊。躬臨方丈。〔太玄真一本際經〕運道一切爲極尊。而常處三清。出諸天上。故稱天尊。忠柱曰。〔法苑珠林〕唐顯慶中。王玄策使西域。有

維摩詰石室。以手板縱橫量之。得十笏。故名方丈室。讀此碑。則唐之前。已有此名矣。慧炬常照。慈燈斯朗。〔長阿含經〕燈燭之明。不如炬火。釋梵天仙。〔大悲芬陀利經〕佛言。我於此闍浮提。爲轉輪王。名曰燈明。卽捨

諸林。求梵仙行。晨昏來往。濟濟行法。洗洗談講。德秀臧丈。〔莊子〕文王親於臧。見一丈人釣。而其釣莫釣。遂迎臧丈人而授之政。以爲太師。風高廣成。〔莊子〕黃帝聞廣成子在於空同

之上。故來儀上國。〔益稷〕鳳皇來儀。史記。徐君好季札。爲使上國。未獻抗禮。承明。〔漢汲黯傳〕大將軍青。旣益尊。黯與亢禮。〔嚴助傳〕帝賜助書曰。君厭承明之廬。勞侍從之事。妙辯無相。深言

不生。〔楞嚴經〕除住三昧。是名無生。撞鐘比說。〔樂記〕善待問者。如撞鐘。擊鼓慙英。樂論天口。〔漢劉歆七略〕齊田駢好談論。齊人語曰。天口駢。天口者。言不可窮。誰其與京。

〔左傳〕懿氏卜妻敬仲。占之曰。八世之後。莫之與京。乍現仙掌。爰標神足。色豔沈檀。〔楞嚴經〕白栴檀塗身。自能除一切熱惱。香踰薝蔔。〔經云〕如入薝蔔林中。聞薝蔔花香。不聞他香。樹屏

曰〔華嚴經〕有**我有邊際**。〔付法藏經〕流轉生死無有邊際。隨機延促誓毀身城。〔法句經心意品〕當開心獄。〔唯識論〕善惡熏心令心異見實無地獄是

故心外雖無地獄惡業成時強自妄見。忽示泡影。〔金剛經〕如夢幻泡影。俄如風燭。〔法苑珠林〕命如風燭難可駐留。噉噉門人承師若親寧焚軟疊。〔涅槃經〕菩薩為法因緣剷

身為燈。斃經皮肉酥油灌之燒以為炷。尚緩曰〔菩薩處胎經〕八大國王各持五百張白氈栴檀木蜜盡內金棺裹以五百張氈經妻金棺復五百乘車載香酥油以灌白氈爾時世尊欲入金剛三昧碎身舍利於婆娑世界弗燎香薪。〔新婆

是上座觀肉是菩薩肉共取香薪焚燒其肉。合窟為窆。〔觀佛三昧經〕佛初留影石室在那乾呵羅國毒龍池側爾時世尊從石窟散其餘骨起窆塔波禮拜供養如事佛塋。出時龍聞佛還國啼哭雨淚佛安慰龍我受汝請當坐汝窟中經千五百歲佛

坐窟中作十八變踊身入石猶如明鏡在於石內映現於外諸天百千供養佛影亦說法迄今猶現。方墳以堙。〔法苑珠林云〕所云墳者或云墳婆此云方墳。須彌據海。〔起世經〕於須彌山法提羅

萬四千由旬。變灰揚塵。〔曹毗志怪〕漢武帝擊昆明池極深悉見灰墨無復土以問東方朔朔曰試問西域胡至明帝時周圍無量。外國道人入洛時有憶朔言問之胡人云經云天地大劫將盡則劫燒此劫燒之餘詳與楊僕射書。淨土無

壞。〔法苑珠林云〕西方常清淨自然無一切雜穢故云淨土。靈儀自眞。〔法苑珠林〕梁武帝捨道文曰靈靈儀於象外。何時涌塋復睹全身。〔法苑珠林〕阿育王遣使浮海壞撤諸塋分取舍利還值風潮頗

有遺落故今海族之中時或遇者。〔智度論〕佛問阿難吾在龍宮說法龍子得道留全身舍利高一百三十丈汝知不。

天台山徐則法師碑

〔北史〕徐則東海剡人也。杖策入縉雲山不娶妻常服巾褐陳太建中應召來憩於至眞觀并月又辭入天台山太傅徐陵爲之刊山立頌晉王廣鎮揚州聞其名手書召之曰夫道得衆妙法體自然包

誦二儀混成萬物人能弘道道不虛行先生履德養空玄宗齊物深曉義理頗味法門悅性沖玄恬神虛白餐松餌朮栖息煙霞望赤城而待風雲遊玉堂而駕龍鳳雖復藏名台岳猶且騰實江淮藉甚嘉猷有勞寤寐欽承素道久積虛襟側夕幽人夢想巖穴霜風已冷海氣將寒偃息茂林道體休愈昔商山四皓輕舉漢庭淮南八公來儀蒲邱古今雖異山谷不殊市朝之隱前賢已說導凡述聖舍先生而誰故遣使人往彼延請想無勞束帛賁然來思不待蒲輪去彼空谷希能屈已佇望披雲遂詣揚州而死年八十二

夫海水揚塵幾千年而可見見與楊僕射書

天衣拂石幾萬歲而應平觀佛三昧經諸佛化作八萬佛樹師子之座今釋迦樹最短若天衣而布其上樹敏曰樓炭經

有一大石方四十里百歲諸天來下取羅殺衣拂石盡劫猶未窮

至人者譬彼晨昏方乎晷刻固非俗士之所能言寰中之所能量者也至如不

死之草猶稱南裔博物志禹戮防風防風二臣恐以刃自貫其心而死禹哀之拔其刀療以不死之草

長生之樹尙挺西崑淮南子昆侖山有層城九重高萬一千里上有不死樹在其西百紀

遊龜皆登蓮葉史記龜策傳神龜巢蓮上抱朴子千歲龜五色具焉解人言或浮於蓮葉之上或在叢著之下

千齡壽鶴或舞松枝見傅大士碑假矣生民何其天脆譬

彼風電隨願往生經四大假合形如芭蕉中無有實又如電光不得久停

同諸泡沫中阿含經譬如大雨滴泡一生一滅塚火之歎聞諸往賢劉勰新論人之短死猶如石火炯然以過逝

水之悲嗟乎前聖論語逝者如斯夫不舍晝夜

樵人看博信未始乎淹留吳苑昔有人乘馬山行遙岫裏有二老翁相對搏菹遂下馬以策拄地而觀之自謂俄頃視其馬鞭漉然已爛顧瞻

其馬鞍骸枯朽。仙客彈琴。固不移於俄頃。〔琴書〕琴高以琴養性。初學於羅浮山。後遊四海。然而子孫皆其數世。〔幽明錄〕漢永平中。劉晨阮肇采藥。失故道。行至溪澗。

二女迎歸。食以胡麻飯。求去。指示之。至家已七世矣。鄉黨咸爲草萊。是以志士名賢。飄然長驚。躁擅榮利。見答周處士書。歷穢風塵。服冕乘軒。其猶

桎梏。朱庭紫閣。事甚樊籠。〔南史〕楊休之不樂煩職。曰此官真是樊籠。隱淪巖洞。〔桓譚新論〕天下神人。一曰神仙。二曰隱淪。餐餌芝髓。忽矣身輕。見玉臺新詠序。俄

然羽化。〔訓解故事〕道士亡曰羽化。金繩玉版。受謁帝之符。見丹陽碑。龍駕霓裳。處仙官之錄。〔晉郭璞華山贊〕誰其遊之。龍駕雲裳。法師蕭然道氣。

卓矣仙才。〔漢武內傳〕西王母云。劉徹好道。然形慢神穢。雖語之。以至道。殆恐非仙才也。千仞孤標。萬頃無度。見歐陽頎碑。所以伊川控鶴。〔列仙傳〕王喬。周靈王太子晉也。好吹笙。作

鳳鳴。遊伊洛之間。浮邱公接以上嵩高山。後於山上見桓良。曰。告我家。七月七日待我於緱氏山頭。至日果乘白鶴駐山巔。〔風俗通〕孝明帝時。尚書郎河東王喬。遷爲葉縣令。喬月朔常詣臺朝。明帝怪其來數而無車騎。密令太史候望。言其

臨至時。常有雙鳧從東南飛來。因候伺。見鳧舉羅。得一雙鳧。使尙方識。乃四年所賜尙書官履也。靈化無方。道還斯在。銘曰。

來去三鳥。〔神仙傳〕海上有三神山。曰蓬萊。曰方丈。曰瀛洲。謂之三鳥。賓遊二童。見玉臺新詠序。然香雨上。擊磬雲中。玉粒雖軟。見長干寺碑。金膏未銘。〔種天子傳〕

河伯示汝黃金之膏。方流道業。濟彼昏蒙。

頌

皇太子臨辟雍頌有序

臣聞天大王大詳於道德之言。見勸進表。天文人文顯於爻象之說。見易。是以大君革命黔首所以庇焉。聖人創

物文籍所以生焉。或由此道制為民極。莫不對越上靈。裁成庶類。濟世育德。昭彼昆蟲。皇帝世膺下武。體

茲上德。見勸進表。握天鏡而授河圖。見丹陽碑。執玉衡而運乾象。見舜典。皇太子耀彼重離。光茲七鬯。儀天以文。化成天

下。俱見易。侍中國子祭酒新安王。南史。新安王伯固。文帝第五子。天嘉六年立為新安郡王。十年為國子祭酒。頗知玄理。而墮業無所通。至於摘句問難。往往有奇意。宗室羽儀。易。其羽可用為儀。

衣冠準的。後漢馬援傳。惟善為樂。後漢書。明帝問東平王。造次必儒。漢景十三王傳。河間獻王德。被服儒術。造次必於儒者。粵以十一年

三月二十一日。受詔弘宣。發論語題。攝齊升堂。見論語。攝衣即席。曲禮。將即席。容毋作。詳讓表。對揚天人。開闢大訓。清言既

吐。精義入神。見駢辭。利德爰動。音辭鋒起。問難泉涌。後漢馬援傳。辨紛綸之異。見與宗室書。定倫理之疑。玉振鏘鏘。

孟子。孔子之謂集大成。集大成也者。金聲而玉振之也。秩臣曰。後漢樊準傳。詳覽羣言。響如振玉。雲浮雨布。介王奉繫聖蹤。馳辨秀出。信令張禹慙其師法。漢張禹

傳。禹字子文。河南軹人也。蕭望之奏禹經學精習有師法。可試事。久之。試爲博士。詔令禹授太子論語。

何晏忸其訓詁。

（通考引隋經籍志）魯論語。吏部尙書何晏爲集解。梁陳之時。唯鄭玄何晏立於國學。

穆穆焉洋洋

焉。此實虞朝之盛德。生民之壯觀者也。臣抑又聞之。魯頌聿興。史克宣其懿。

小序頌。頌僖公也。季孫行父請命於周。而史克作是頌。

晉雍

大啓。王廙逞其辭。

（晉王廙傳）廙字世將。爲懷陽太守。元帝作鎮江左。廙塞都過江。及帝卽位。廙奏中興賦。

所以述休平之風。揚君上之德。輕以下才。敢爲頌

曰。

皇運勃起。膺圖受命。紫蓋東臨。黃旗南映。

（吳志）陳紀曰。舊說黃旗紫蓋。運在東南。

積仁累德。重明疊聖。四海無浪。

見與王僧辯書。

三階

已平。

（黃帝泰階六符經）泰階者。天之三階也。三階平則陰陽和。風雨時。

儲駕戾止。和鸞有聲。弘風講肄。

（北堂書鈔）孔臧與子琳書。講肄書傳。

崇儒肅成。丹書貴道。

（竹書紀年）西伯發受丹書於呂尙。

黃金賤籊。

（漢章賢傳）遺子黃金滿籊。不如教子一經。

洙泗興業。闕里增榮。

孔子世家注。伍緝之從征記。闕里背洙面泗。

### 銘

太極殿銘 有序

夫紫蓋黃旗。揚都之王氣。長久。

見辟雍頌。

虎踞龍蟠。金陵之地體貞固。

見勸進表。

天居爽塏。

（左傳）景公欲更晏子之宅。曰請更諸爽塏者。

大寢

尊嚴。〔張衡西京賦〕正殿路寢。〔注〕周口路寢漢曰正殿。高膺疑作應。端門。〔天官書〕太微三光之廷。匡衛十二星。藩臣中端門左右掖門門內六星。諸侯其內五星。五帝座。仰模營室。〔天官書〕紫宮後六星。絕漢

抵營室。曰闕道。注正義

曰營室七星。天子之宮。

歸於有德。譬彼河圖。見丹陽碑。

傳我休明。義同商鼎。

〔左傳〕王孫滿對楚子曰。昔夏之方有德也。鑄鼎象物。桀有昏德。鼎遷於商。商紂暴虐。鼎遷於周。德之

休明。雖

小重也。太極殿者。法氏象元王者之位以尊。

〔天官書〕云元為疏廟。注。元命包曰。元四星為廟廷。〔又〕氏為天恨。〔注〕星經云。氏四星為路寢。聽朝所居。

左平右城。天子之

堂為貴。〔初學記〕歷代殿名。或沿或革。惟魏之太極。自晉以降。正殿皆因之。擊虞決疑要注云。其制有陞。右城左平。平以文磚相亞。次城者為階級也。九錫之禮。納陞以登。謂受此陞以上殿。往朝煨燼。多歷年所。世道

隆平。宜其休復。監軍鄒子度啓稱。即日忽有一大梓柱從流來泊在後渚岸。

〔陳武帝紀〕初侯景之平也。太極殿被焚。承聖中。議欲營之。獨闕一柱。

永定二年秋七月。有樺木大十八圍。長四丈五尺。流泊陶家後渚。監軍鄒子度以聞。詔中書令沈衆兼起部尚書。構太極殿。

嵯峨容與。若漢水之仙槎。

〔荊楚歲時記〕漢武帝令張騫使大夏。尋河源。乘槎經月而至。

搖

漾波濤。似新亭之龍利。未詳

孤拔靈山。允昭天貺。昔梁氏承聖。將圖繕脩。東虜窺江。西胡犯罪。定之方中。亟

興師旅。揆之以日。輒有災故。

〔詩〕定之方中。作于楚宮。揆之以日。作于楚室。

是知秦人所止。實漢祖而為宮。

見與王僧辯書。

吳都佳氣。乃元皇

而斯宅。

〔晉陽秋〕秦時望氣者曰。東南有天子氣。五百年有王者興。始皇遂東遊以厭之。改金陵為秣陵。孫權又改為建業。至晉元帝適逢其時。

千櫨赫奕。萬拱峻層。

〔晉何晏景福殿賦〕櫨櫨各落以相承。欂栳天矯而交



藉〔注〕機櫺曲短梁也。藥以承拱以承料。植綠菱而動微風。舒丹蓮而制流火。〔風俗通〕殿堂象東井形。刻作荷菱荷菱水物也。所以厭火。

〔揚雄甘泉賦〕 函谷遙看。美皇居之壯麗。〔漢書〕高祖七年。至長安。蕭何脩未央宮曰。非令壯麗。無以示威。信乎齊三光而示宇宙。〔尸子〕上下四方曰宇。往古來今

曰宙。詳勳進表。會萬國而朝諸侯。〔史記夏本紀〕禹會諸侯於塗山。執玉帛者萬國。爰命微臣。乃為銘曰。

雍時相望。〔封禪書〕雍旁故有吳陽武時。雍東有好時。皆廢無祠。故秦文公立時。郊上帝諸祠。神皆聚云。參差未央。偃師回顧。崔嵬德陽。僕射書。高捫太乙。〔揚雄甘泉賦〕配

帶居之懸圃兮。象太乙之威神。〔注〕太乙天神也。正睹瑤光。〔張衡西京賦〕上飛闔而仰眺。正睹瑤光與玉繩。峨峨靈柱。赫赫流樟。美哉宮室。〔孟子〕為嘉哉令。疑作上

本作日。〔玉燭寶典〕正月一日為元日。亦云上日。御辰垂旒。〔禮記〕天子玉藻。十有二旒。詳為貞陽侯書。當朝靖蹕。見傳大士碑樂備韶夏。〔左傳〕韶。舜樂。大夏。禹樂。禮兼文質。

〔論語〕 帝旅無喧。王旗斯謐。〔擊虞決疑要注〕晉制。大會於太極殿。其會則五時朝服。庭設金石。虎賁旒頭。文衣繡尾。肅肅卿士。〔詩召南〕嘒嘒承弼。〔書問命〕文質彬彬。

〔謝承後漢書〕 鄭弘為太尉時。舉第五倫為司空。班次在下。每正朔朝。漢座雕屏。見弘曲躬自界。上問知其故。遂聽置雲母屏風。分隔其間。由此為故事。周人楹櫺。城隅有勒。〔詩〕靜女其姝。俟我于城隅。

殿省皆銘。况復皇寢。宜昭國經。方流典訓。永樹天庭。〔揚雄甘泉賦〕開天庭兮延羣神。

報德寺利下銘

昔者明王大孝。感動神祇。助月致景。星之祥。

見孝義寺碑。

非煙流慶雲之色。

〔史記〕若煙非煙。若雲非雲。郁郁紛紛。蕭索輪困。是謂慶雲。

然而嚴敬

之道。惟事盡於配天。明發之懷。誠不過於饗帝。

〔禮記祭法注〕祀天以始祖配。〔祭義〕莊敬則嚴威。〔又〕惟聖人為能饗帝。孝子為能饗親。又祭之日。明發不寐。饗而致之。又從而思之。

豈如以梵宮之樂。資乎廟堂。淨土之因。

見長干寺碑。

歸於園寢。雖復青雲譙郡之境。

〔魏志〕文帝生於沛國譙郡。時有雲氣。青色而圓如車蓋。當於其上終

日。望氣者以為至貴之證。

疑作碧泉。白水。

春陵之鄉。

〔東觀漢記〕光武出自長沙定王。定王生春陵節侯。至孫孝侯。改封白水鄉。因故國名曰春陵。

上幼懷凝重。未曾遊陟。年將志學。即

事登庸。宣力淮潯。屬有嘉夢。其夢也。畢陌弘敞。

〔後漢郡國志〕右扶風高帝改安陵。〔注〕皇覽曰。縣西北畢陌。秦武王家。

橋山屈盤。

〔帝王世紀〕黃帝葬於上郡陽周之橋

山。氣象靈長。風煙騰薄。使隊雙表。

疑作便。

〔續搜神記〕有鶴集遼東城門華表柱。兆宮曰。〔漢書音義〕便房。藏中便坐也。

其高百尋。左則青龍蟠蜿。右則

白虎蹲踞。

〔曲禮〕左青龍而右白虎。

軒轅之駕。譬婉婉而多慙。

漢郊祀歌。上曰。吾聞黃帝不死。有冢何也。或對曰。黃帝以仙上天。羣臣葬其衣冠。

吳王之墳。狀耽耽而非

擬。〔吳錄〕孫堅墓上數有光如雲氣五色。上屬天下蔓延數里。

有人指其地云。此是國陵。自爾迄永定初。其間二十有餘年。至歲紀頻移。崇

塋乃作觀其山川形勢王相徵圖（後漢趙岐孟子天時注）謂五行旺相孤虛之屬

者與銘曰

壯矣金表見傳大士碑傍依墟垣（漢禮錯傳）內史府居太上廟垣中

高連彩霓（班固西都賦）虹霓回帶平楚樹極睇翔鷗疑作鷗莊子北溟有魚其名爲

花畫翻未詳按（崔豹古今注）黃帝與蚩尤戰常有五色雲氣金枝玉葉止於帝上有花葩之象因而作華蓋

三心斷縛六道除怨見與李那書趙夢天樂見讓表秦遊帝關（張衡西

京賦）昔者大帝悅秦穆公而觀之鑿以鈞天廣樂

王靈在上巨勝奚論未詳福彼羣品俱排大昏皇家七百於萬維孫（左傳）王孫滿對楚子曰成王定鼎於郊鄂卅世

三十卜年七百天所命也（詩）於萬斯年

塵尾銘秦原曰漢書地理志儋耳珠崖郡山多塵尾注師古曰塵似鹿而大麋似鹿而小塵音主塵音京

爰有妙物（繫辭）神也者妙萬物而爲言者也窮茲巧制員上天形繫辭乾爲天爲圓平下地勢（易）地勢坤靡靡絲垂緜緜縷細八貢宜吳

出先陪楚。未詳。壁懸石拜。（晉陽秋。）石勒僞事王浚，浚遣勒塵尾，勒爲不執，置之於壁。朝拜之曰：見王公所賜，如見公也。帳中王舉。（晉書。）王衍美貌，每捉玉柄塵尾與手同色。既落天花。（維摩詰

經。）天女以天花散諸菩薩，即皆墮落。至大弟子，便著不墮。天女曰：結習未盡，故花著身。結習盡者，花不著身。亦通神語。未詳。用動舍默。出處隨時。（繫辭。）君子之道，或出或處，或默或語。揚斯雅論。釋

此繁疑。拂靜塵暑。（晉王導塵尾銘。）勿謂質卑，御於君子，拂穢清暑，虛心以俟。原曰：秦嘉婦與嘉書曰：今奉毛牛尾拂一枚，可拂塵垢。引飾妙辭。（漢李尤塵尾銘。）揮成德柄，言爲訓辭。誰云質賤。左

右宜之。詩：左之右之，無不宜之。

### 哀策文

陳文帝哀策文。（後漢書禮儀志。）太常上啓奠，太祝令跪讀謚策。太尉再拜稽首，治禮告事畢。太尉奉謚策，還詣殿端門。太常上祖奠，東園武士載大行司徒御行道立車前，治禮引太尉入就位。大行車西少南，東面奉策。太史令奉哀

策立後，太常跪曰：進。皇帝進，太尉讀謚策。藏金匱，皇帝次科藏於廟。太史奉哀策，奉奠詣陵。司徒跪曰：大駕請舍。太史令自車南北面讀哀策，掌故在後。司徒跪曰：請就下位。東園武士奉下車。司徒跪曰：請就下房。都導東園武士奉車入房。司徒太史令

奉謚哀策。東園武士執事下明器。詳孝義寺碑。

維太康元年太歲丙戌四月丁未朔二十七日癸酉大行皇帝崩於有覺殿。（漢霍光傳。）行重。大行前。〔注〕章昭曰：大行不反之辭也。殯

於太極之西階。粵六月丙寅。將遷於永寧陵。禮也。宮車晚出。〔江淹恨賦〕宮車晚出。〔注〕宮車晚出。猶云晏駕也。幄殿晨張。〔後漢禮儀志〕司徒跪

曰請就。旌帷具列。〔檀弓〕銘明旌也。以死者為不可別已。故以其旗幟導。登。旌帷具列。〔又〕曾子曰。尸未設飾。故帷堂小斂而徹帷。綽翻成行。〔雜記〕升正柩。諸侯執綽五百人。匠人執羽葆御柩。〔檀弓〕顏柳曰。天子龍輻而樟。輅

哀子嗣皇帝諱。〔雜記〕祭稱哀子。孝孫喪稱哀子哀孫。擗屨輅於丹陛。〔謝朓齊敬皇后哀策文〕懷屨衛而延首。注。屨車也。四輪迫地而行。有似屨。因名。攀龍帷於紫庭。〔檀弓〕天子之殯

也。葦塗龍楯以樟。〔注〕葦木以周龍楯。趨過窮於屏闈。〔論語〕鯉趨而過庭。拜慟感於明靈。東京飛其瑞露。〔後漢明帝紀〕永平十七年。甘露

降於甘陵。按〔安帝紀注〕。甘陵孝德皇后之陵。因以為縣。北陸實其祥星。乃詔雲臺之史。〔見傳大士碑〕稽采咸池之曲。〔樂汁圖經〕叶大雅於鳴金。

見歐陽。同藏書於羣玉。〔穆天子傳〕穆天子西登昆侖。見王母。日登已至於羣玉之上。先王所謂策府也。其辭曰。

若水傳帝。〔帝王世紀〕少昊帝名摯。字青陽。姬姓。降居若水。有聖德。邑於窮桑。以登帝位。熏風御民。〔帝王世紀〕舜作五弦之琴。以歌南風之詩。曰。南風之熏兮。可以解吾民之愠兮。重光所集。〔崔豹古今注〕漢

明帝為太子。樂人作歌。世載於陳。〔班彪王命論〕奕世載德。赫矣高祖。悠哉上旻。蟬聯寶胄。〔梁沈約曰〕暉煥郊禋。〔見與楊僕射書〕我皇

誕聖。膺此家慶。〔易〕積善之家。必有余慶。道主衢罇。〔淮南子〕聖人之道。猶中衢而設尊。神凝懸鏡。〔莊子〕聖人之用心也。若鏡。不將不迎。應而不藏。故勝物以無傷。洛書天表。河

紀靈命。〔尚書中候〕堯沈璧於洛。玄龜負書出。背甲赤文成字。止壇。〔又〕沈璧於河。黑龜出文題。納揆馳芳。賓門流詠。〔舜典〕納于百揆。百揆時序。賓於四門。四門穆穆。稽陰克伐。〔易〕高宗伐鬼方。

三年克之。稽陰。震野勤王。〔禹貢〕震澤底定。〔南史〕章昭達傳。文帝為吳興太守。武帝謀討王僧辯。令文帝還長城。招聚兵衆。以備杜龔。僧辯誅後。昭達因從文帝進軍。以討龔。龔平。又從討張彪於會稽。克之。〔杜龔傳〕龔為震州刺史。會稽山陰也。

毫道增構。〔殷本紀〕湯始居亳。從先王居。〔注〕孔安國曰。契父帝學都亳。湯自商邲遷焉。故曰從先王居。飭風會昌。詩有豳風。樹屏曰。〔左思蜀都賦〕天帝運期而會昌。言瞻少昊。實仗高陽。

〔帝王世紀〕顓頊高陽氏。生十年而佐少昊。二十年而登帝位。駕彼軫葛。見與王太尉書。清宮未央。見侯安都碑。歡覃兆庶。德泊遐荒。穆齋高寢。〔漢宣帝紀〕神爵集高寢。

上膳長樂。〔漢高祖紀〕五年後九月治長樂宮。肅肅承顏。哀哀薦酌。悼園恭儉。〔漢戾太子傳〕納史良娣。產子男。進號曰史皇孫。史皇孫于是為孝宣帝。有司奏親諡宜曰悼。皇母曰悼后。比諸侯王。

園置奉邑。章陵謙約。〔後漢地理志〕章陵故春陵。世祖更名。大寶崇名。〔繫辭〕聖人之大寶曰位。無間改作。纂武升歷。〔禮記〕孔惺鼎銘。獻公乃命成叔。纂乃祖服。遺愛實

繁。〔左傳〕子產卒。仲尼出涕曰。古之遺愛也。〔仲虺之誥〕實繁有徒。三湘九派。〔水經〕江至潯陽分爲九道。詳與王僧辯書。沴氣雲昏。〔後漢五行志〕氣之相傷謂之沴。力折天柱。才傾地門。

見侯安都碑。甘泉夜照。〔漢文帝紀〕烽火及甘泉宮。細柳朝屯。見爲陳武帝書。谷魅山鬼。〔左傳〕王孫滿曰。魑魅罔兩。莫能逢之。〔秦本紀〕始皇曰。山鬼固不過知一歲事也。橫流塞源。

〔黃帝兵法云〕涓涓不塞。將爲江河。詳丹陽碑。赫赫英蓉。赳赳雄斷。徧行天討。無遺神算。鬱埽江淮。長驅巴漢。九夷百越。〔書旅獒〕惟克商。遂通

徐 孝 穆 集 卷 五

一 九 七

一 九 七

道于九夷八蠻。啓源曰。漢高帝紀。詔曰。雷隨風渙。北俘昆邪。漢匈奴傳。昆邪王殺休屠王。并將其衆降漢。西戡伊軻。後漢西域傳。明帝取伊吾盧。通西域。

秩臣曰。漢西域傳。武帝遣人使安。息安息王。遣使以犁軒眩人獻於漢。負荷皇極。書洪範。皇建其有極。劬勞庶幾。後漢章帝紀。孝明皇帝。聖德溫茂。勦勞日仄。注。日仄。日眊也。詩。庶幾夙夜。勤民聽政。肝

食宵衣。書無逸。文王自朝至于日中。昃不遑暇食。用成和萬民。左傳。伍奢曰。楚君大夫。其盱食乎。漢鄒陽傳。孝文皇帝。據關入立。寒心銷志。不明求衣。服貴綈皁。漢書。孝文皇帝身衣七綈。風移閭闔。書。

孝文皇帝所幸慎。唐山罷奏。漢禮樂志。房中祠樂。高祖唐山夫人所作也。漢水韜徽。樂記注。濮上紂臣師延靡靡之樂。訪采狂狷。孟子。孔子曰。不得中行而與之。必也狂狷乎。搜

啟側微。堯典。明。易。見歐陽。類碑。世感中孚。尺維大畜。外戶無閉。見歐陽。類碑。高垣奚築。降情儒雅。漢章帝紀。詔曰。朕詒訪儒雅。凝懷庠塾。

王制。有虞氏養國老於上庠。養庶老於下庠。學記。古之教者。家有塾。御廡爲歡。臨雍彌肅。後漢明帝紀。永平三年。帝幸辟雍。初行養老禮。十五年。幸孔子宅。祠仲尼及七十二弟子。親御講堂。命皇太子諸王說經。禮兼三

代樂備九成。書益稷。籥韶九成。天資武德。地照文明。墨履斯在。初學記。賈子曰。天子黑方履。幃巾自清。連珠合璧。漢律歷志。日月如連珠。五星如

合。曜爽流精。左傳。子產曰。是以有精爽。獸舞時豫。書益稷。夔曰。於予擊石拊石。百禽歌頌平。漢王莽傳。策羣司曰。赤煒頌平。考聲以律。帝載維遠。王

靈維大。占雨占風。論衡。太平瑞應。風不鳴條。雨不破塊。五日一風。十日一雨。荒中海外。憬彼鞮譯。王制。東方曰寄。南方曰象。西方曰狄鞮。北方曰譯。咸承冠帶。魏世家。唐雖曰魏。

所以稱東藩受冠帶嗣春秋者以秦之疆足以爲與也。

是日君臨斯爲交泰。見易。

白環已賫。見世本。

西王母墓葬之德乃獻白環及玦。

玄圭克禎。見勳進表。

東河佇楫。見漢武帝紀。

元封四年幸河東祠后土詔賜三縣及楊氏皆無出今年租賦。注師古曰楊氏河東聚邑名。

北狄思征。仲虺之語。

南征北狄怨。

鉞斧將戒。王制諸侯賜弓矢然後征賜鈇鉞然後殺。

瓊珩未鳴。詩服其

命服朱芾斯皇有瑱蔥珩。

星淫去楚日診悲荆。左傳魯梓慎曰今茲宋鄭其饑乎幾在星紀而淫於玄枵又楚有雲如衆赤鳥夾日以飛三日。

億兆何憂穹旻遽傾。爾雅穹蒼蒼天也又

秋爲旻天。

大禹胼胝。帝王世紀禹治水勞身涉勒手足胼胝故世傳禹病偏枯足不相過今巫稱禹步是也。

重華踞腊。說文北方謂鳥腊曰腊按舜名重華銳曰韻書引傳曰堯如腊舜如腊。

仰惟勞務同

斯違懌。書顧命王不懌。

發夢無徵。文王世子文王謂武王曰汝何夢矣武王對曰夢帝與我九齡文王曰古者謂年齡齒亦齡也我百爾九十我與爾三焉。

昭祈奚益。見爲貞陽侯書。

聽茂陵之鐘

鼓。漢武帝紀葬茂陵古今注云光武原陵垣四出司馬門殿殿鐘虞皆在周垣內。

抱橋陽之劍鳥。列仙傳軒轅自擇亡日與羣臣辭還葬橋山山崩棺空惟有劍鳥在焉。

詎髣髴於宸儀。潘岳悼

亡詩。髣髴髣容。

終纏緜於號擗。嗚呼哀哉。三占以吉。書洪範三人占則從二人之言。

四海同奔。列贈天宇。穀梁傳乘馬曰贈。

崩號帝關。

前司服受之降自西北榮。注復招魂也。風原離騷吾令帝閭開關兮。

千門啓於闔闔。後漢張衡西京賦注闔闔天門也詳玉臺新詠序。

萬

乘警於靈輜。秦本紀始皇崩於平臺棺載輜涼車中。

槐風悲於輦道。松雨思於郊原。爾雅守宮槐葉畫叢宵炕。兆寬曰謝莊宋宣貴妃諫鑄楚挽於槐風鳴邊簫於松霧。

驚



旗動而虛蹕。〔漢書光傳〕觀法駕皮軒鸞旗。詳傳大士碑。宿衛靜而空尊。〔漢書靈光傳〕大將軍光宿衛忠正。〔叔孫通傳〕高帝曰：吾乃今知皇帝之貴也。光嘗曰：〔後漢禮儀志〕云：登遐皇后詔虎賁羽林中郎署，皆

嚴宿衛。嗚呼哀哉。卑陌平夷。流山蟠固。〔後漢光武紀〕帝初作壽陵，令所制地不過二三頃，無爲山陵。陂池，裁令流水而已。紀無遷市。〔帝王世紀〕舜葬於蒼梧，九疑山之陽，是爲零陵，謂之紀市。

唐有通樹。〔帝王世紀〕堯葬於濟陰之成陽西北，號爲穀林。經白社之修塗。回青門之廣路。〔史記〕勃平，故秦東陵侯，秦滅，種瓜長安城東，故世謂之東陵瓜。又云青門，瓜青門東陵也。疑用夏侯嬰事。

見章昭達碑。思沛邑以東臨。〔漢高祖紀〕謂沛父兄曰：遊子悲故鄉。吾雖都關中，萬歲之後，吾魂魄猶思樂沛。懷周京以西顧。〔詩〕迺眷西顧。此維輿宅。嗚呼哀哉。機神不測。

性道難稱。見論語。充窮靡寄。〔檀弓〕始死，充充如有窮。孺慕奚憑。〔檀弓〕有子與子游立，見孺子慕者。惟封云與禪肅。遺玉牒之與金繩。〔漢郊祀志〕

管仲曰：黃帝封泰山，禪云亭。武帝封泰山，山下東方，其下則有玉牒書。禮舉禪泰山下陟東北巔然。〔白虎通〕封禪金泥銀繩。詳與陳司空書。揚英聲而永久。〔司馬相如封禪文〕蜚英聲。共日月而俱升。〔詩〕如月之

恆如日之升。嗚呼哀哉。

墓誌

司空章昭達墓志

周原膺膺。見詩。佳氣蔥蔥。〔後漢書〕王伯阿望春。陵城曰氣佳哉鬱鬱蔥蔥。王業攸興。帝圖斯盛。昔光武佐命。鄰縣者鄧侯。〔後漢書〕光武南陽蔡陽人。鄧禹。

南陽新野人。高祖元臣。同郡者蕭相。〔漢書〕蕭何、沛人。詳與楊僕射書。台輔之量。便著綺紈。見為始。與王表。瑚璉之資。見論語。無待雕琢。起家為

東宮直。前所奉之君。則梁簡文皇帝。既而黑山巨盜。憑陵上國。見與王僧辯書。白水強胡。虔劉中夏。見移齊文。公側其產

業。募是驍雄。思報皇儲。累殲鯨寇。〔本傳〕昭達字伯通。吳興武康人也。性倜儻。輕財尚氣。梁大同中。昭達為東宮直。侯景之亂。昭達率鄉人援臺。屬豳風有象。見詩。代邸方隆。

見勸進表。搜荆楚之英才。〔漢李陵傳〕陵曰。臣所將屯邊者。皆荆楚勇士。奇才劍客也。資班輸之妙略。〔墨子〕公輸般為雲梯以攻宋。墨子解帶為城。以牒為械。輸般九攻。墨子九拒。百樓忽起。登

雲霄而俯臨。〔後漢公孫瓚傳〕兵法百樓不攻。萬弩齊張。隨雷霆而並震。〔孫贖傳〕馬陵道狹。而旁多阻隘。可伏兵。乃斫大樹白而書之。曰。龐涓死於此樹之下。龐涓果夜至。斫木下。齊軍萬弩俱發。涓乃

自揚兵於九天之上。〔玄女九宮戰法〕行兵之道。天地之寶。九天九地。各有表裏。九天之上。六甲子也。九地之下。六癸酉也。子能慎之。萬全可保。決勝於千里之中。見與楊僕射書。殪彼羣兇。

皆無旋踵。〔漢霍光傳〕田延年曰。今日之議。不得旋踵。〔本傳〕臺城陷。昭達還鄉里。與陳文帝遊。因結君臣分。侯景平。文帝為吳興太守。昭達杖策來謁。文帝委以將帥。陳武帝謀討王僧辯。令文帝還長城。招聚兵眾。以備杜龕。類使昭達往京口。稟承計

畫。僧辯誅後。杜龕遣其將杜泰來攻長城。昭達因從文帝進軍吳興。以討龕。龕平。又從討張彪於會稽。克之大嘉九年。追論長城功。封欣樂縣侯。二年。改封邵武縣侯。廢帝即位。改封邵陵郡公。陳寶應忘懷反叛。客引周迪。

資其食力，更事窺竄。見爲貞陽侯書。公奉詔崇朝。〔詩〕會不崇朝。飲冰將夕。〔莊子〕朝受命而夕飲冰。前茅後勁，步驟奔馳。〔左傳〕楚人遂疾進師，車馳

卒奔乘晉軍。〔又〕隨武子曰：前茅慮無，中權後勁。仍同甄閩。〔漢書〕漢五年，立無諸爲閩粵王。王閩中，故地孝惠三年立搖爲東海王，都東甌。殄其巢窟，若夫鳴蛇之洞，深谷隱於蒼天。

〔水經注〕漢水又東合洛谷，其地有神蛇，成左右山溪，多五色蛇，性馴良，不爲毒。桓臣曰：〔山海經〕鱗山多鳴蛇，四翼，音如磬，見則大旱。飛猿之嶺，喬木參於雲日。〔一統志〕福建延平府府城南有聞猿洞。吳權曰：

〔建安記〕飛猿嶺，喬木造天。猿獼之所飛走，故曰飛猿嶺。宜越艇而登嶠。〔淮南子〕越舫，舫不能無水而浮。蒙燕犀而涉江。〔晉庚翼與慕容皝書〕鄧百川昔送此犀皮兩當，鎧一領，復是異物，故復致之。

威武紛紜。見爲貞陽侯書。震山風海，於是咸俘僞帥，悉據高墉。〔易〕公用射隼于高墉之上。爰泊滄溟，莫不懲艾。〔本傳〕陳寶應納周迪共寇臨川，又以昭達

爲都督，討迪，迪走，昭達乃踰嶺討陳寶應，與戰不利，因據上流爲筏，施拍其上，壞其水柵，又出兵攻其步軍，方大合戰，會文帝遣余孝頃出自海道，適至，因并力乘之，遂定閩中，盡禽留異寶應，以功授鎮軍將軍，開府儀同三司。

謀郢藩，鬪艦戈船。〔漢書〕有戈船將軍。窺江淹漢，公纔聞羽檄。見歐陽頎碑。遽稟師期，馳襲荊郢，應時燒蕩。〔本傳〕尋隨侯安都拒王琳，乘平

虜大艦，中流而進，先鋒發拍中賊艦，王琳平，昭達策勳第一。

方欲宣威隴汧，大討梁華，屬上將之韜光，遲中台之掩曜。〔天官書〕斗魁帶匡六星，一曰上將，魁下六星，兩兩相

比者，名曰三能。〔注〕蘇林曰：音三台。大建三年，薨於軍幕。〔本傳〕大建二年，征江陵時，梁明帝與周軍大蓄舟艦於青泥中，昭達分遣偏將錢道戡、程文季乘輕舟焚之，周又於峽口南岸築壘，名安蜀城，於江上橫引大索，編葦爲橋，以

渡軍糧。紹達乃命軍士爲長戟施樓船上。仰割其索。索斷糧絕。因縱兵攻其城。降之。三年於軍中病薨。贈大將軍。配享文帝廟。廷子大寶襲劭陵郡公。  
爾乃青鳥相墓。〔藝文類聚〕相冢書有青鳥子。白鶴標墳。〔幽明錄〕孫

鍾以種瓜爲業。有少年詣鍾乞瓜。曰。此山下善。可作冢。鍾隨下山。三人悉化成白鶴。飛入空中。卽孫堅所葬地。  
林有逃車。〔左傳〕趙盾棄車而走林。樹同華蓋。〔蜀志〕先主舍東南角籬上有桑樹生。高五丈餘。遙望幢幢如小

車蓋。先主少時與宗中諸兒於樹下戲。言吾必當乘此羽葆蓋車。  
前旂熊軾。〔後漢輿服志〕公列侯安車朱班輪倚鹿較伏熊軾。早繪蓋黑轡右騂。後乘龍輜。〔潘岳寡婦賦〕龍輜儼其星駕。介

士發三河之民。〔漢霍光傳〕光薨。發三河卒穿復土起冢祠堂。哀鏡同駟馬之曲。〔博物志〕公卿送夏侯嬰葬。至東都門外。馬不行。接地悲鳴。得石棹銘曰。佳城鬱鬱。三千年見白日。吁嗟滕公居此室。乃葬之。

長安傳。〔疑作專〕坐恩禮盛於西京。〔初學記〕漢初並用士人爲尙書令。秩二千石。〔又〕東漢興司隸校尉御史中丞皆專席坐。京師號曰三獨坐也。襄陽墮淚。悲慟喧於南北。

見侯安都碑。

河東康簡王墓志。〔南史〕河東康簡王叔獻。字子恭。宣帝第九子。性恭謹。聰敏好學。太建五年立。位南徐州刺史。薨。贈司空。諡康簡。〔隋書〕冀州河東郡河東縣。〔注〕舊曰蒲坂縣。置河東郡。

夫聖人至德。天道福謙。見易。大哉堯舜。貽慶長遠。明兩之盛。〔易〕明兩作。中陽纂於象龍。見與楊僕射及宗室書。百世之祀。皇家

兆於鳴鳳。〔左傳〕楚公子棄疾帥師滅陳。晉侯問於史趙曰。陳其遂亡乎。對曰。未也。臣聞盛德必百世祀。〔又〕陳公子完奔齊。懿氏卜妻完。其妻占之曰。吉。是謂鳳皇于飛。和鳴鏘鏘。有媿之後。將育于姜。遠青邱於海北。〔漢武內

傳。長州一名青邱仙草。靈藥。甘液。玉英。靡所不有。應紫蓋於江南。見太極殿銘。帝系王基。重光累葉。東都賦。高祖之建天柱。列聖之補地維。

見侯安。蕩蕩乎民無得而名焉者也。見論語。王資神昂緯。帝王世紀。脩己見流星貫昴感而生禹。託曜房靈。春秋元命包。姬昌體斯都碑。

孝德不由師保。月生之對。何用於擬議。後漢黃琬傳。漢建和初。正月日食。京師不見。黃瓊為魏郡太守。以狀聞。詔問所食多少。瓊不能對。瓊孫琬時七歲。在旁曰。何不言日食之餘。如月之初。瓊大驚。琬後

累官光祿大夫。日近之言。無階於等級。楚語。申叔時曰。明等級以道之禮。詳與李那書。封河東王。加侍中。淑貌與金燧相宜。莊子。陽燧見日則然為火。注。陽燧鑑也。

摩拭令熱。便置日中。以艾就之。火生。清顏與玉壺同照。鮑昭樂府。授使持節南徐州刺史。武羌旅拒。見移文。亭障遷移。漢西域傳。漢

漠草非長廣之東。隋書。青州東萊郡膠水縣。注。舊曰長廣。湖萊近荆門之北。後漢郡國志。王常譏庾翼。使白面之非才。南史。

傳。慶之曰。陛下今欲伐國。而與白面書生謀之事。何由濟。深慕曹彰。歎黃鬚之為可。見為始興王表。火精不退。奚應善言。呂氏春秋。宋景公時。熒惑守心。子韋曰。君有至德之言。三天必

三賞君。是夜。水蛭難消。徒持陰德。賈誼書。楚惠王食寒菹而得蛭。因遽吞之。腹有疾而不能食。令尹入問疾。王曰。吾食菹而得。熒惑退三舍。蛭不行其罪。是法廢而威不立也。髓而誅之。恐監食者皆死。遂吞之。令尹曰。天道無親。惟德是輔。

王有仁德。疾不為傷。王果疾愈。薨於沙鎮。時年一十有七。追贈司空。加鼓吹班劍。謚曰康簡。至洛北占墳。河南除道。葭悲煙

殿之聲。

〔後漢律歷志〕候氣之法室中以木爲案每律各一內卑外高從其方位加律其上以葭季灰抑其內端按律而候之氣至者灰去其爲氣所動者其灰散人及風所動者其灰聚殿中候用玉律十二惟二至乃候

劍動豐城之

氣見與李那書

豈惟晉皇寵悼重琅邪之贈官

〔晉書〕琅邪悼王燦字耀祖初繼帝弟長樂亭侯渾後封顯義亭侯及煥疾篤帝爲之徹膳及下詔封爲琅邪王嗣恭王後俄而薨年二歲帝悼念無已將葬以煥既

封列國加以成人之禮詔立凶門柏歷備吉凶儀服營起陵園

魏后高文制蒼舒之哀誄

〔魏志〕鄧哀王冲字蒼舒年十三疾病太祖親爲請命及亡哀蓋贈騎都尉印綬黃初二年追贈諡冲曰鄧哀侯又追加號爲公注〔魏書〕

載策曰朕承天序享有四海並建親親以藩王室惟爾不逮斯榮且葬禮未備追悼之懷愴然攸傷太和五年加冲號曰鄧哀王

裴使君墓志

〔南史〕裴之橫字如岳少好賓游重氣俠不事產業歎曰大丈夫富貴必作百幅被梁簡文在東宮遷直閣將軍臺城陷之橫與兄之高歸元帝位廷尉卿河東內史隨王僧辯拒侯景景退遷東徐州刺史封豫寧侯又隨僧

辯破景景東奔僧辯命之橫與杜崱入守臺城魏克江陵齊遣上黨王高渙挾貞陽侯明攻東關晉安王承制以之橫爲徐州刺史都督衆軍出守蕪城之橫營壘未周而齊軍大至兵盡矢窮遂於陣歿贈司空諡曰壯

君五音之候兼其方牧

疑作技〔抱朴子〕黃帝審攻戰則納五音之策

八陣之圖窮其巧變

〔晉桓溫傳〕諸葛亮造八陣圖於魚復平沙上溫見之曰此常山蛇勢也

用能戰

必勝攻必取督稱無難兵號解煩

〔吳志〕宗室傳孫皎弟儀爲無難督樹屏曰〔胡綜傳〕權使綜料諸縣得六千人立解煩兩部

朝飛火箭夜聳雲梯

〔史記〕公輸班作陵雲

之梯以攻宋城

燧象從奔〔左傳〕鍼尹固與王同舟王使執燧象以奔吳師

聯狼已合

未詳按〔戰國策〕秦惠王謂寒泉子曰諸侯之不可一猶連雞之不能俱上於棧也

於是嚴顏不撓極貽諸

戎。〔蜀志〕張飛生獲巴郡太守嚴顏。顏曰我州但有斷頭將軍，無降將軍也。龐德高聲肆言羣逆。〔魏志〕龐德爲關羽所得，立而不跪，罵曰：我寧爲國家鬼，不爲賊將也。遂爲羽所殺。

胡夷總至，猶持

子路之纓。〔左傳〕蒯瞶攻出公，劫孔悝以登臺。子路曰：太子無勇，若燔臺，牛必舍孔叔。太子聞之懼，下石乞、孟賁敵子路，以戈擊之，斷纓。子路曰：君子死，冠不免，結纓而死。鋒刃相交，終荷溫生之節。〔後漢書〕

溫序遷護羌校尉，行部至襄武，爲隗囂別將苟宇所拘，劫序，素有氣力，大怒，叱宇等曰：虜何敢迫脅漢將，因以節搃殺數人。宇曰：此義士死節，可賜以劍。序受劍，銜鬚於口。顧左右曰：旣爲賊所迫殺，無令鬚汗血，遂伏劍而死。每以財輕篋，籜義

重，嵩衡割宅字貧乏之孤。〔孔叢子〕郈成子自魯聘晉，過於衛，右宰穀臣止而觴之，行三十里而聞衛亂，殺臣死之。成子迎其妻子，隔宅而居之。開門延故人之殯。〔見論語〕篤好朋遊。

居常滿席，每至鮮雲鶴，披玉女之衣。〔未詳〕明月團團，佩班姬之扇。〔班婕妤怨歌行〕新製齊紈素，鮮潔如霜雪。裁爲合歡扇，團團似明月。日帶花以

如笑。〔樹敏曰〕〔劉勰新論〕春葩含日似笑。風鳴條而若歌，傍列絲桐，對揚文酒，一石之後，逾能斷獄。〔漢書〕于定國飲酒至五斗

之量，猶未解醒。〔世說〕劉伶跪而祝曰：天生劉伶，以酒爲名，一飲一石，五斗解醒。嗟乎！潘岳之詩，致哀周密。〔文選注〕晉惠帝元康六年，氏賊齊萬年與楊茂陷關中，旣定，帝命諸臣作關中詩。潘岳詩

曰：周勃師令，身膏氏斧，人之云亡，貞節克舉。按周處別傳：氏賊齊萬年爲亂，處仰天歎曰：我爲大臣，以身殉國，不亦可乎？遂戰死。莊公之誅，用啓相遺。〔檀弓〕魯莊公及宋人戰于乘邱，縣貫父

未之下也。縣貫父曰：他日不敗績，而今敗績，是無勇也。遂死之。墜人浴馬，有流矢在白肉，公曰：非其罪也，遂誅之。

補。〔南史顏延之傳〕釋慧琳。上  
每引見常升獨榻傳大士碑。

高僧傳。慧受夢青龍從南方來。化爲剎柱。受至  
新亭江。見一長木隨流來。因立爲剎。太極殿銘。





# 徐孝穆集卷之六

詔

## 陳武帝卽位詔

五德更運。帝王所以御天。三正相因。夏殷所以宰世。雖色分辭翰。時異文質。揖讓征伐。迨用參差。而育德振民。義同一揆。朕以寡昧。時屬艱危。國步屢屯。天維三絕。肆勤先后。拯厥橫流。藉將帥之功。兼猛士之力。一匡天下。再造黔黎。梁氏以天祿永終。歷數攸在。遵與能之典。集大命於朕躬。顧惟菲薄。辭不獲亮。式從天聽。俯協民心。受終文祖。升禋上帝。繼述百王。君臨萬宇。若涉川水。罔知攸濟。寶業初建。皇祚維新。思俾惠澤。覃被億兆。可大赦天下。改梁太平二年爲永定元年。賜民爵二級。文武二等。鰥寡孤獨。不能自存者。人穀五斛。逋租宿債。皆勿復收。其有犯鄉里清議。賊污淫盜者。皆洗除先注。與之更始。長徒敕繫。特皆原之。亡官失爵。禁錮奪勞。一依舊典。

## 梁禪陳詔

五運更始。三正迭代。司牧黎庶。是屬聖賢。用能經緯乾坤。彌綸區宇。大庇黔首。闡揚鴻烈。革晦以明。積代同軌。哲王踵武。咸由此則。梁德湮微。禍亂薦發。太清云始。見困長蛇。承聖之季。又罹封豕。爰立天成。重竊神器。三光亟沈。七廟乏祀。含生已泯。鼎命斯墜。我武元之祚。有如綴旒。靜惟屯剝。夕惕載懷。相國陳王。有

命自天降神維嶽。天地合德。晷曜齊明。拯社稷之橫流。提億兆之塗炭。東誅逆叛。北殲獯醜。威加四海。仁漸萬國。復張崩樂。重興絕禮。儒館聿脩。戎亭虛候。大功在舜。盛績惟禹。巍巍蕩蕩。無得而稱。來獻白環。豈直皇虞之世。入貢素雉。非止隆周之日。固以效珍川陸。表瑞煙雲。甘露醴泉。旦夕凝涌。嘉禾芝草。葦植郊甸。道昭於悠代。勳格於皇穹。明明上天。光華日月。革故著於玄象。代德彰於圖讖。獄訟有歸。謳歌爰適。天之歷數。實有攸在。朕惟庸藐。聞於古昔。永稽崇替。爲日已久。敢忘列代之遺典。人祇之至願乎。今便遜位別宮。敬禪於陳。一依唐虞宋齊故事。

陳公九錫詔

肇昔元胎剖判。太素氤氳。崇建人皇。必憑洪宰。故賢哲之后。牧伯征於四方。神武之君。大監治乎萬國。又有一匡九合。渠門之賜以降。戮帶園溫。行宮之寵斯茂。時危所以貞固。運泰所以光熙。斯乃千載同風。百王不刊之道也。太傅義興公。允文允武。乃聖乃神。固天生德。康濟黔首。昔在休期。早隆朝寄。遠踰滄海。大拯交越。皇運不造。書契未聞。中國其亡。兵凶總至。哀哀雉類。譬彼窮牢。悠悠上天。莫云斯極。否終則泰。元輔應期。救此將崩。援茲已溺。乘舟履輦。架險浮深。經略中塗。畢殲羣醜。泊乎石頭姑熟。流髓履腸。一朝指撝。六合清晏。是用光昭下武。翼亮中都。雪三后之劾讎。夷三靈之巨慝。堯治禹佐。未始能階。殷相周師。固非云擬。重之以屯剝餘象。荆楚大崩。天地無心。乘輿委御。五湖薦食。競謀諸夏。八方基峙。莫有匡救。強臣致命。黜我冲人。顧影於荼孺之魂。甘心於甯卿之辱。卻案下髻。求哀之路。莫從竊鈇。逃責容身之地。無所

公神兵奄至。不日清澄。惟是孱蒙。再膺天祿。斯又巍巍蕩蕩。無得而稱焉。加以仗茲忠義。屠彼妖逆。震部夷氛。稽山罷禡。番禺蠡澤。北鄙西郊。殲厥凶徒。罄無遺種。斯則兆民之命。修短所縣。率土之基。興亡是賴。於是刑禮兼訓。沿革有章。中外咸平。遐邇寧一。用能使陽光合魄。曜象呈暉。棲閣遊庭。抱仁含信。宏勳該於厚地。大道格於玄天。義農炎昊以來。卷領垂衣之世。聖人濟物。未有如斯者也。夫備物典策。桓文是膺。助理陰陽。蕭曹不讓。未有功高於寓縣。而賞薄於伊周。凡厥人祇。罔懷延佇。實由公謙摛自牧。降損爲懷。嘉數遲回。永言增歎。豈可申茲雅尚。久廢朝猷。宜戒司勳。敬申鴻典。且重華大聖。媿泝惟賢。盛德之祀。無忘。公侯之門。必復。是以殷嘉亶父。繼后稷之官。堯命羲和。纂重黎之位。況其本支攸建。宜誓山河者乎。其進公位相國。總百揆。封十郡爲陳公。備九錫之禮。加璽紱。遠遊冠。綠綬。位在諸侯王上。其鎮衛大將軍。揚州牧。如故。

### 進武帝爲長城公詔

德懋懋官。功懋懋賞。皇王盛則。所謂元龜。司空公。南徐州刺史。長城縣開國侯。諱志華。寅亮風度。弘遠體文。經武。明允篤誠。曩者率五嶺之強兵。誅四海之讎敵。固以勒功彝鼎。書勳太常。克定京師。勤勞自重。自鎮撫粉榆。永寧豐沛。東涼旣息。北蔡無歸。代馬燕犀。氣雄天下。裹糧坐甲。固敵是求。方欲大討於秦嶓。敦脩於輿睦。協謀上相。爰納朕躬。思所以敬荅忠勳。用申朝典。可進爵爲長城縣公。

### 陳文帝登祚尊皇太后詔

朕以虛薄。才非弘濟。竊守藩維。常懷盈滿。豈圖蒼昊不弔。國步艱難。皇嗣元良。藐在嶠涓。二臣奉迎。川塗靡從。六傳還朝。淹留永日。今國圖無主。家業事隆。上奉父母之嚴規。下逼羣公之廷諍。遂以庸質。升纂帝基。對揚大化。彌增號懼。今宜式遵舊則。奉上皇后尊號。爲皇太后。御慈訓宮。一依前典。若中流靜晏。皇嗣歸來。輒當解紱於箕山之陽。歸老於琅邪之國。復子明辟。還承寶圖。若問與夷。無媿園寢。

封始興王詔

漢祖天倫。伯叔迨封。晉元世系。琅邪傳國。仰惟二后重光。率由前典。朕昔因藩次。蒙繼本宗。分在要荒。久離寒燠。天嘉紹祚。別命皇枝。歸自嶠函。禮隔登獻。每至霜庭。可履。矚垣寢而懷悲。風樹鳴條。望章陵而增感。今嗣王乖德。獲罪慈訓。永言主奠。宜自朕躬。但國步時艱。皇基務切。復奉家業。升纂帝圖。重違情禮。言深哽慟。可以第二皇子升陵爲始興王。

文

爲陳武帝卽位告天文

皇帝臣諱。敢用玄牡。昭告於皇皇后帝。梁氏以圯剝薦臻。歷運有極。欽若天應。以命於諱。夫肇有烝民。乃樹司牧。選賢與能。未常厥姓。放勳重華之世。咸無意於受終。當塗典午之君。雖有心於揖讓。皆以英才處萬乘。高助御四海。故能大庇黔首。光宅區縣。有梁末運。仍葉遘屯。獯醜憑陵。久移神器。承聖在外。非能祀夏。天未悔禍。復罹寇逆。嫡嗣廢黜。宗支僭詐。天地蕩覆。紀綱泯絕。諱爰初投袂。大拯橫流。重舉義兵。實戡

多難廢王立帝。實有厥功。安國定社。用盡其力。是謂小康。方期大道。既而煙雲表色。日月呈瑞。緯聚東井。龍見譙邦。除舊布新。旣彰玄象。遷虞事夏。且協謳訟。九域八荒。同布衷款。百神羣祀。皆有誠願。梁帝高謝。萬邦授以大寶。諱自惟菲薄。讓德不嗣。至於再三。辭勿獲許。僉以百姓須主。萬幾難曠。皇靈眷命。非可謙拒。畏天之威。用膺嘉祚。永言夙志。能無慙德。敬簡元辰。升壇告禪。告類上帝。用荅民心。永保於我。有陳。惟明靈是饗。

梁禪陳策文

咨爾陳王。惟昔上古。厥初生民。驪連栗陸之前。容成大庭之代。並結繩寫鳥。杳冥恍惚。故靡得而詳焉。自義皇軒昊之君。陶唐有虞之主。或垂衣而御四海。或無爲而子萬姓。居之如馭朽索。去之如脫敝屣。裁遇許由。便能捨帝。暫逢善卷。卽以讓王。故知玄扈璇璣。非關尊貴。金根玉輅。示表君臨。及南觀河洛。東沉刻璧。精華旣竭。耄勤已倦。則抗首而笑。惟賢是與。謗然作歌。簡能斯授。遺風餘烈。昭晰圖書。漢魏因循。是爲故實。宋齊授受。又弘斯義。我高祖應期撫運。握樞御宇。三后重光。祖宗齊聖。及時屬陽九。封豕薦食。西都失馭。夷狄交侵。乃戾天成。輕弄龜鼎。慄慄黔首。若崩厥角。微微皇極。將甚綴旒。惟王乃聖。乃神。欽明文思。二儀並運。四時合序。天錫智勇。人挺雄傑。珠庭日角。龍行虎步。爰初投袂。日乃勤王。電掃番禺。雲撤彭蠡。揃其元惡。定我京畿。及王賀帝。弘賀茲冠履。旣行伊霍。用保冲人。震澤稽陰。並懷叛逆。獯厥醜虜。三亂皇都。裁命偏師。二邦自殄。薄伐玁狁。六戎盡殪。嶺南叛換。湘郢結連。賊帥旣擒。兇渠傳首。用能百揆時序。四

門允穆。無思不服。無遠不屆。上達穹昊。下漏深泉。蛟魚並見。謳歌攸屬。況乎長彗橫天。已徵布新之兆。璧日斯既。實表更姓之符。是以始創義師。紫雲曜彩。肇惟尊主。黃龍負舟。楛矢素鞬。梯山以至。白環玉玦。慕德而臻。若夫安國字岷。本因萬物之志。時乘御宇。良會樂推之心。七百無常期。皇王非一族。昔木德既季。而傳祚於我有梁。天之歷數。允集明哲。式遵前典。廣詢羣議。王公卿尹。莫不攸屬。敬從人祗之願。授帝位於爾躬。四海困窮。天祿永終。王其允執厥中。軌儀前式。以副溥天之望。禮祀上帝。時膺大禮。永固洪業。豈不盛歟。

陳公九錫文

大哉乾元。資日月以貞觀。至哉坤元。憑山川以載物。故惟天爲大。陟配者欽明。惟王建國。翼輔者齊聖。是以文武之佐。礪谿蘊其玉璫。堯舜之臣。浚河鏤其金版。況乎體得一之鴻姿。寧陽九之危厄。拯橫流於碣石。撲燎火於崑岑。驅馭於韋彭。跨蹶於秦晉。神功行而靡用。聖道運而無名者乎。今將授公典策。其敬聽朕命。日者昊天不弔。鍾亂於我國家。網漏吞舟。強胡內最。茫茫宇宙。慄慄黎元。方足圓顛。萬不遺一。太清否亢。橋山之痛已深。太寶屯如。平陽之禍相繼。上宰膺蓮。康救兆民。鞠旅於滇池之南。揚旌於桂嶺之北。懸三光於已墜。謚四海於羣飛。屠獍兪於中原。斲鯨鯢於濛汜。蕩寧上國。光啓中興。此則公之大造於皇家者也。既而天未悔禍。夷醜薦臻。南夏崩騰。西京蕩覆。羣胡孔熾。藉亂乘間。推納藩枝。盜假神器。冢司昏撓。旁引寇讎。既見貶於桐宮。方謀危於漢閣。皇運已殆。何殊贅旒。中國搖然。非徒如線。公赫然投袂。匡救

本朝復莒齊都。平戎王室。朕所以還膺寶歷。重履宸居。挹建武之風猷。歌宣王之雅頌。此又公之再造於皇家者也。公應務之初。登庸惟始。三川五嶺。莫不窺臨。銀洞珠官。所在寧謐。孫盧肇釁。越貂爲災。番部阡危。勢將淪殄。公赤旗所指。妖壘洞開。白羽纒擒。兇徒紛潰。非其神武。久喪南藩。此又公之功也。大同之末。邊政不脩。李賁狂迷。竊我交愛。敢稱大號。驕恣甚於尉佗。據有連州。雄豪熾於梁碩。公英謨雄算。電掃風行。馳御樓船。直跨滄海。新昌典澈。備歷艱難。蘇歷嘉寧。盡爲京觀。三山獠洞。八角蠻陬。逝矣水寓之鄉。悠哉火山之國。馬援之所不屆。陶璜之所未開。莫不懼我王靈。爭朝邊候。歸琛天府。獻狀鴻臚。此又公之功也。自寇虜陵江。宮闈幽辱。公枕戈嘗膽。提劍撫心。氣涌青霄。神飛紫闥。而番禺連率。本自諸夷。言得其朋。是懷同惡。公仗此忠誠。乘機勦定。執沛令而響鼓。平新野而據鞍。此又公之功也。世道初艱。方隅多難。勳門桀黠。作亂衝疑。兵切池隍。衆兼夷獠。公以國盜邊警。知無不爲。恤是同盟。誅其醜類。莫不魚驚鳥散。面縛頭懸。南土黔黎。重保蘇息。此又公之功也。長驅嶺嶠。夢想京畿。緣道酋豪。遞爲榛梗。路養渠率。全據大都。蓄聚逋逃。方謀阻亂。百樓不戰。雲梯之所未窺。萬弩齊張。高輶之所非敵。公龍驤虎步。嘯吒風雲。山靡堅城。野無強陣。清妖氛於瀨石。滅沴氣於零都。此又公之功也。遷仕凶慝。屯據大阜。乞活類馬騰之軍。流民多杜弢之衆。推鋒轉鬪。自北徂南。頻歲稽誅。實惟勦虜。公坐揮三略。遙制六奇。義勇同心。貔貅駢力。雷奔電掣。谷靜山空。列郡無犬吠之驚。叢祠罷狐鳴之盜。此又公之功也。王師討虜。次屆淪波。兵乏兼儲。士有飢色。公回麾蠡澤。積穀巴邱。億庾之詠斯豐。壺漿之迎是衆。軍民轉漕。曾無砥柱之難。舳艫相望。如運



敖倉之府。犀渠貝冑。顧蔑雷霆。高艦層樓。仰捫霄漢。故使三軍勇銳。百戰無前。承此兵糧。遂殄兇逆。此又公之功也。若夫英圖邁俗。義旅如雲。溢壘猜攜。用掩戎略。公志唯同。旻師克在和。鶴塞非虞。鴻門是會。若晉侯之誓白水。如蕭王之推赤心。屈體交盟。人祇感咽。故使舟師並路。遠邇同心。此又公之功也。姑熟襟要。峭函阻憑。寇虜據其關梁。大盜負其肩鏞。公一校裁搃。二雄並奮。左賢右角。沙潰土崩。木甲殪於中原。氈裘赴於江水。他藉藉萬計千羣。鄂坂之隘。斯開夷庚之道。無塞。此又公之功也。義軍大衆。俱集帝京。逆豎兇徒。猶屯皇邑。若夫表裏山河。金湯險固。疏龍首以抗殿。搯華岳以爲城。雜虜憑焉。強兵自若。公回茲地軸。抗此天羅。曾不崇朝。俾無遺噍。軍容甚穆。國政方脩。物重視於衣冠。民還瞻於禮樂。楚人滿道。爭覩於葉公。漢老銜悲。俱覩於司隸。此又公之功也。內難初靖。諸侯出關。外郡傳烽。鮮卑犯塞。莫非且渠當戶。中貴名王。冀馬列於淮南。胡笳動於徐北。公舟師步甲。巨野橫江。殲厥羣羝。遂殫封豨。莫不絀木而止。戎車靡遺。遇澤而還。歸驂盡殫。此又公之功也。公克黜禍難。劬勞皇室。而孫甯之黨。翻啓狄心。伊洛之間。咸爲虜戍。雖金陵佳氣。石壘天嚴。朝暗戎塵。夜誼胡鼓。公三籌既畫。八陣斯張。裁舉靈鈺。亦抽金僕。咸伴醜類。悉反高墉。異李廣之皆誅。同龐元之盡赦。此又公之功也。任約叛換。梟聲不悛。戎羯貪婪。狼心無改。穹廬毘幕。抵北闕而爲營。烏孫天馬。指東都而成陣。公左甄右落。箕張翼舒。埽是機槍。驅其獫狁。長狄之種。埋於國門。椎髻之囚。烹於軍市。投秦坑而盡沸。噫澗水而不流。此又公之功也。一相居中。自折彝鼎。五湖小守。妄懷同惡。公夙駕兼道。秉羽杖戈。玉斧將揮。金鉞旦戒。妖酋震懼。遽請灰釘。燕櫬以表其含。弘焚

書以安其反側。此又公之功也。賊龕兇橫。陵虐具區。阻兵安忍。憑災怙亂。自古蟲言鳥迹。混沌洪荒。凡或  
虔劉。未此殘酷。公雖宗居汝穎。世寓東南。育聖誕賢之鄉。含章挺生之地。眷言桑梓。公私憤切。卓爾英狀。  
承規奉算。戮此大憝。如烹小鮮。此又公之功也。亂離永久。羣盜孔多。浙左兇渠。連兵構逆。豈止十兵五校。  
白雀黃龍而已哉。公以中軍無率。選是親賢。奸寇途窮。灌然冰泮。刑塘之所。文命動其大威。雷門之間。句  
踐行其嚴戮。英規聖迹。異代同風。此又公之功也。同姓有扈。頑凶不賓。憑藉宗盟。圖危社稷。觀兵匯澤。勢  
震京師。驅率南蠻。已爲東帝。公論兵於廟堂之上。決勝於尊俎之間。寇賈樊滕。浮江下瀨。一朝搗撲。無待  
旬師。萬里澄清。非勞新息。此又公之功也。豫章妖寇。依憑山澤。繕甲完聚。各歷歲時。結從連橫。爰泊交廣。  
呂嘉旣獲。吳淠已縱。命我還師。征其不恪。連營盡拔。僞黨斯擒。曜聖武於匡山。回神旌於蠡派。此又公之  
功也。自八紘九野。瓜剖豆分。竊帝偷王。連州比縣。公武靈已暢。文德又宣。折簡馳書。風猷斯遠。至於蒼蒼  
浴日。杳杳無雷。北洎丈夫之鄉。南踰女子之國。莫不屈膝膜拜。求吏款關。此又公之功也。京師禍亂。亟積  
寒暄。雙闕低昂。九門廖豁。寧秦宮之可顧。豈魯殿之猶存。五都簪弁。百僚卿士。胡服縵纓。咸爲戎俗。高冠  
厚履。希復華風。宋微子麥穗之歌。周大夫黍離之歎。方之於斯。未足爲悲矣。公求衣昧旦。晨食高春。興構  
宮闈。具瞻遐邇。膠庠宗稷之典。六符十等之章。還聞泰始之風流。重覩永平之遺事。此又公之功也。公有  
濟天下之勳。重之以明德。凝神體道。合德符天。用百姓以爲心。隨萬幾而成務。恥一物非唐虞之民。歸含  
靈於仁壽之域。上德不德。無爲以爲。夏長春生。顯仁藏用。忠信爲寶。風雨弗憊。仁惠爲基。牛羊勿踐。功成

治定樂奏咸雲。安上治民禮兼文質。物色邱園。衣裾里巷。朝多君子。野無遺賢。菽粟同水火之饒。工商富  
猗頓之旅。是以天無蘊寶。地有呈祥。瀟露卿雲。朝團曉映。山車澤馬。服御登閑。旣景煥於圖書。方葳蕤於  
史牒。高勳踰於象緯。積德冠於嵩華。固無得而稱者矣。朕又聞之前王宰世。茂賞尊賢。式樹蕃長。總征羣  
伯。二南崇絕。四履遐曠。泱泱表海。胙土惟齊。巖巖泰山。俾侯於魯。抑又勤王反鄭。夾輔遷周。召伯之命斯  
隆。河陽之禮咸備。況復經營宇宙。豈惟斷鼈足之功。弘濟蒼生。非直鑿龍門之險。而酬庸報德。寂爾無聞。  
朕所以垂拱當寧。載懷慙忤者也。今授公相國以南豫州之陳留。南丹陽。宣城。揚州之吳興。東陽。新安。新  
寧。南徐州之義興。江州之鄱陽。臨川十郡。封公爲陳公。錫茲青土。苴以白茅。爰定爾邦。用建冢社。昔且奭  
分陝。爲俱保師。晉鄭諸侯。咸作卿士。兼其內外。禮實攸宜。今命使持節兼太尉王通。授相國印綬。陳公璽  
紱。使持節兼司空王瑒。授陳公茅土。金獸符第一至第五。左竹使符第一至第十。相國秩踰三鉉。任總百  
司。位絕朝班。禮由事革。其以相國總百揆。除錄尚書之號。上所假節侍中。貂蟬中書監印章。中外都督。太  
傅印綬。義興公印策。其鎮衛大將軍揚州牧如故。又加公九錫。其敬聽後命。以公禮爲楨榦。律等銜策。四  
維皆舉。八柄有章。是用錫公大輅戎輅各一。玄牡二駟。以公賤寶崇穀。疏爵待農。室富京坻。民知榮辱。是  
用錫公袞冕之服。赤舄副焉。以公調理陰陽。變諧風雅。三靈允降。萬國同和。是用錫公軒縣之樂。六佾之  
舞。以公宣導干猷。弘闡風教。光景所照。鞮象必通。是用錫公朱戶以居。以公抑揚清濁。褒德進賢。髦士盈  
朝。幽人虛谷。是用錫公納陛以登。以公巖然廊廟。爲世鎔範。折衝四表。臨御八荒。是用錫公武賁之士三

百人。以公執茲明罰。期在刑措。象恭無赦。干紀必誅。是用錫公斧鉞各一。以公英猷遠量。跨厲嵩溟。混一車書。括囊寰宇。是用錫公彤弓一。彤矢百。旅弓十。旅矢千。以公天經地義。貫徹幽明。春露秋霜。允恭棗盛。是用錫公秬鬯一卣。圭瓚副焉。陳國置丞相以下。一遵舊式。往欽哉。其恭循朕命。克相皇天。弘建邦家。允與洪業。以光我高祖之休命。

### 璽書

#### 陳武帝下州郡璽書

夫三正革代。商周所以應天。五勝相推。軒義所以當運。梁德不造。喪亂積年。東夏奔騰。西都蕩覆。蕭勃干紀。非惟趙倫。侯景滔天。踰於劉載。貞陽反篡。賊約連兵。江左累屈於鮮卑。金陵久非於梁國。自有氤氳混沌之世。龍圖鳳紀之前。東漢興平之初。西朝永嘉之亂。天下分崩。未有若於梁朝者也。朕以虛薄。屬當興運。自昔登科。首清諸越。徐開浪泊。靡不征行。浮海乘山。所在戡定。冒逆風塵。聘馳師旅。六延梁祀。十翦強寇。豈曰人謀。皆由天啓。梁氏以天祿斯改。期運永終。欽若唐虞。推其鼎玉。朕東西退讓。拜手陳辭。避舜子於箕山之陽。求支伯於滄洲之野。而公卿教逼。率土翹惶。天命難稽。遂享嘉祚。今月乙亥。升禮大壇。言念遷桐。但有慚德。自梁氏將末。頻月亢陽。火運斯終。秋霖奄降。翌日成禮。圓邱宿設。埃雲晚霽。星象夜張。朝景重輪。玄三危之膏露。晨光合璧。帶五色之卿雲。顧惟寡薄。彌慙休祉。昧且不顯。方思致治。卿等擁旄方岳。相任股肱。剖符名字。方寄恤隱。王歷維新。念有欣慶。想深求民瘼。務在廉平。愛惠以撫孤貧。威刑以禦

強猾。若有萑蒲之盜。或犯戎商。山谷之酋。擅強幽險。皆從肆赦。咸使聞知。如或迷途。俾在無貸。今遣使人。具宣往旨。念思善政。副此虛懷。

梁禪陳靈書

君子者自昭明德。達人者先天弗違。故能進退咸亨。動靜元吉。朕雖蒙寡。庶乎景行。何則。三才剖判。九有區分。情性相乖。亂離云起。是以建彼司牧。推乎聖賢。授受者任其時來。皇王者本非一族。人謀是與。屈己從萬物之心。天意斯歸。鞠躬奉百靈之命。謳歌所往。則攘袂以膺之。菁華已竭。乃褰裳而去之。昔在唐虞。鑒於天道。舉其黎獻。授彼明哲。雖復質文殊軌。沿革不同。歷代因循。斯世靡替。我大梁所以考庸太室。接禮貳宮。月正元日。受終文祖。但運不常。夷道無恆。秦山岳傾偃。河海沸騰。電目雷聲之禽。鈎爪鋸牙之獸。咀齧含生。不知紀極。二后英聖。相仍在天。六夷貪狡。爭侵中國。縣王都帝。人懷干紀。一民尺土。皆非梁地。朕以不造。幼罹閔凶。仰憑衡佐。亟移年序。周成漢惠。邈矣無階。惟是童蒙。必貽顛蹶。若使時無聖哲。以靡艱難。猶當高蹈於滄洲。自求於支伯者矣。惟王應期誕秀。開籙握圖。性道故其難聞。嘉庸已其被物。乾行同其燾覆。日御比其貞明。登承聖於復禹之功。樹鞠子於興周之業。滅陸渾於伊洛。殲驪戎於鎬京。大小二震之驍徒。東南兩越之勍寇。遽行天討。無遺神策。於是祖述堯舜。憲章文武。大樂與天地同和。大禮與天地同節。鼓之以雷霆。潤之以風雨。仁霑葭葦。信及豚魚。殷牖斯空。夏臺虛設。民惟大畜。野有同人。升平頌平。無偏無黨。固以雲飛紫蓋。水躍黃龍。東伐西征。晻映川陸。榮光曖曖。已冒郊廛。甘露瀼瀼。亟流庭苑。

車轍馬迹。誰不率從。蟠木流沙。誰不懷德。祥圖遠至。非惟赤伏之符。靈命昭然。何止黃星之氣。海口河目。聖賢之表。旣彰。握旄執鉞。君人之狀。斯偉。且自攝提無紀。孟陬殄滅。枉矢宵飛。天弧曉映。久矣夷羊之在。牧時哉。蛟龍之出泉。革運之兆。咸徵。惟新之符。並集。朕以欽若助華。屢廻星琯。昔者木運斯盡。子高祖受焉。今歷去炎精。神歸樞紐。敬以火德。傳於爾陳。遠鑒前王。近謀羣辟。明靈有悅。率土同心。今遣使持節兼太保侍中尚書左僕射平樂亭侯王通。兼太尉司徒左長史王瑒。奉皇帝璽綬。受終之禮。一依唐虞故事。王其時陟元后。寧育兆民。光闡洪猷。以承昊天之休命。



# 徐孝穆備考

附卷  
六後

吳江徐文炳大文補輯

## 陳武帝卽位詔

〔漢律歷志〕土生金。故爲金德。金生水。故爲水德。水生木。故爲木德。木生火。故爲火德。火生土。故爲土德。〔漢劉向傳〕三統〔注〕張晏曰。一曰天統。謂周建子爲正。二曰地統。謂殷建丑爲正。三曰人統。謂夏建寅爲正。〔晉王尼傳〕尼常歎曰。滄海橫流。處處不安也。〔任昉表〕千載一逢。再造難答。〔禮記〕大道之行也。天下爲公。選賢與能。〔書大誥〕若涉淵水。予惟往求朕攸濟。

## 梁禪陳詔

〔班固典引〕經緯乾坤。出入三光。〔注〕三光。日月星也。〔史岑出師頌〕渾一區宇。〔秦始皇本紀〕更名民曰黔首。應劭曰。黔亦黎黑也。〔左傳〕申包胥曰。吳爲封豕長蛇。浴食上國。〔陳武帝紀〕貞陽侯明卽位。改元天成。〔老子〕天下神器。不可有。有爲者敗之。〔書〕七世之廟。可以覲德。〔左傳〕師曠對曰。厲神乏祀。〔易〕鼎。君子以正位凝命。〔公羊傳〕君若贅旒然。〔詩〕維嶽降神。生甫及申。〔書〕民墜塗炭。〔後漢曹褒傳〕詔曰。漢遭秦餘。禮壞樂崩。〔世本〕西王母慕舜之德。乃獻白環及珎。〔韓詩外傳〕周公居攝二年。制禮作樂。天下和平。越裳氏以三象重譯而獻白雉。〔史記〕若煙非煙。若雲非雲。郁郁紛紛。蕭索輪囷。是謂慶雲。魏文帝紀〔注〕甘露醴泉。衆瑞並出。〔陳書武帝紀〕梁紹泰二年三月。自去冬至是。甘露頽降於鍾山。梅岡南澗。及京口江寧縣境。或至三數升。大如奕棊子。〔漢公孫弘策〕嘉禾興。朱草生。此和之至也。〔呂氏春秋〕虞舜舞雲歌曰。卿雲爛兮。糺繆繆兮。日月光華。且復且兮。〔左傳〕晉文公請隧。弗許曰。王章也。未有代德而有二王。亦叔父之所惡也。



〔後漢竇融傳〕臣融有子年十五不得令親天文見識記。

### 陳公九錫詔

〔漢王莽傳〕張純等曰謹以六藝通義經文所見周官禮記宜於今者爲九命之錫臣請錫命奏可。

〔後漢張衡靈憲賦〕元氣剖判剛柔始分清濁異位天成於外地定於內〔又〕太素之前寂寞冥默不可爲象班固典引太極之原兩儀始分煙煙氤氳〔管子〕桓公九合諸侯一匡天下天子貴以渠門赤旂〔左傳〕云天王出居于鄭僖公二十五年晉侯辭

秦師而下三月甲辰次於陽樊右師圍溫左師逆王夏四月丁巳王入于王城取大叔于溫殺之於隰城戊午晉侯朝王王饗禮命之宥與之陽樊溫原攢茅之田晉於是始啓南陽〔陳武帝紀〕太平元年九月帝進封義興郡公二年八月帝進位太傅〔隋書〕揚州

毗陵郡義興縣注舊曰陽羨置義興郡〔書〕乃聖乃神乃武乃文〔論語〕固天縱之將聖〔又〕天生德於予〔漢書〕項羽嘗攻襄城襄城無噍類窮牢未詳按〔董卓傳〕縱放兵士剽虜資物謂之搜牢〔注〕言牢固者皆搜索取之〔魏略〕侍中

陳羣尙書桓階奏曰諸明圖緯者皆言漢行氣盡黃家當興殿下應期十分天下而有其九以服事虜〔木華海賦〕戲廣浮深〔劉向新序〕扶傷舉死履腸涉血陳武帝紀江寧令陳嗣等據姑孰不從帝命侯安都等討平之聚其首爲京觀〔漢陳平傳〕天

下指揮卽定〔家語冠頌〕六合是式〔詩〕下武維周〔文選注〕三靈天地人也〔左傳〕衛大叔文子曰今甯子視君不如奕棊〔張協賦〕棊布星羅〔梁敬帝紀〕僧辯納貞陽侯明卽僞位以帝爲皇太子〔書金縢〕惟予沖人弗及知〔左傳〕

齊陳乞弑其君荼鮑子曰女忘君之爲孺子牛而折其齒乎而背之也〔左傳〕衛子鮮以公命與甯喜言公曰苟反政由甯氏祭則寡人〔班固諸侯王表〕有逃賁之臺被竊鈇之言然天下謂之共主強大弗之敢傾〔陸機辯亡論〕神兵東驅奮寡犯衆

〔梁敬帝紀〕司空陳霸先襲殺王僧辯黜蕭明而奉帝〔南史杜龕傳〕貞陽侯明以龕爲震州刺史吳興太守龕僧辯壻也僧辯敗龕乃據吳興以拒之都將杜泰降陳文帝龕尙醉不覺文帝斬之〔南史〕張彪少亡命爲盜頗有部曲王僧辯遇之甚厚引爲爪

牙與杜龔相似。世謂張杜爲東揚州刺史。會僧辯見害。時陳文帝已據震澤。將及會稽。彪將沈泰、吳寶真等叛迎文帝。彪遂敗走文帝。遣劫殺之。〔隋書〕揚州南海郡南海縣。〔注〕舊分置番禺縣。荊州九江郡湓城縣。〔注〕有彭蠡湖。〔左傳〕邾子曰命在養民。死之長短。時也。〔尚書中候〕黃帝時。鳳皇巢阿閣。麒麟在囿。〔蔡邕琴操〕周成王琴歌曰。鳳皇翔兮紫庭。〔抱朴子〕鳳頭上青。戴仁。足下黃。蹈信。〔呂氏春秋〕北方曰玄天。〔淮南子〕古有整頭而卷領以王天下。〔繫辭〕黃帝堯舜垂衣裳而天下治。〔齊世家〕會諸侯於葵丘。周襄王使宰孔賜桓公文武胙。彤弓矢。大輅。命無拜。〔左傳〕天王狩于河陽。晉侯獻楚俘于王。王策命晉侯爲侯。伯。賜之大輅之服。戎輅之服。彤弓一。彤矢百。玃弓矢千。秬鬯一。卣。虎賁三百人。〔漢王陵傳〕平謝曰。宰相者。上佐天子理陰陽。順四時。〔蕭曹傳贊〕二人同心。遂安海內。〔謝朓詩〕霸功興寓縣。〔周禮司勳〕掌六卿賞地之法。以等其功。〔舜典〕若稽古帝舜。曰重華。〔堯典〕釐降二女于媯汭。殞于虞。〔左傳〕史趙曰。盛德必百世祀。〔又〕卜偃曰。公侯之子孫。必復其始。〔周本紀〕古公亶父。復脩后稷公劉之業。積德行義。國人皆戴之。〔堯典〕乃命羲和。欽若昊天。〔大史公自序〕重黎氏。世序天地。〔魏志〕天子使魏公位在諸侯王上。改授金璽。赤紱。遠遊冠。〔後漢輿服志〕遠遊冠。制如通天。有展筓橫之於前。無山述。諸王所服也。〔漢書〕諸侯王。高帝初置金璽。紱。如淳曰。璽。綠也。晉灼曰。璽。草名也。似艾。可染綠。因以爲經名。璽音戾。〔宋書州郡志〕順帝昇明元年。改揚州刺史曰牧。

### 進武帝爲長城公詔

〔陳武帝紀〕元帝承制。授帝征北大將軍。開府儀同三司。南徐州刺史。進封長城縣公。承聖三年三月。進帝位司空。〔隋書〕揚州吳郡。領長城縣。詳九錫文。〔左傳〕高陽氏有才子八人。明允篤誠。〔漢張耳傳〕南有五嶺之戍。〔注〕大庾。始安。臨賀。桂陽。揭陽也。〔陳武帝紀〕太清二年冬。侯景寇逼。帝將赴援。遣杜僧明。胡款。將二千人。頓於嶺上。并厚結始興。豪傑。同謀義舉。〔祭統〕衛孔懼之。鼎銘。惺拜稽首曰。對揚以辟之勤。大命施於蒸彝。〔周禮司勳〕凡有功者。銘書於王之太常。〔漢書〕高祖初起。禱豐

粉榆社。〔樊噲傳〕噲曰：始陛下與臣等起豐沛，定天下，何其壯也。〔後漢班超傳〕疏曰：代馬依風。〔左傳〕趙穿怒曰：褻糶坐甲，固敵是求，敵至不擊，將何俟焉。〔晉漢春秋〕氐池縣大柳谷口有蒼石，立水中，其文曰：大討曹。

### 陳文帝登祚尊皇太后詔

〔陳后妃傳〕武宣章皇后諱要兒，吳興烏程人，本性鈕，父景明，爲章氏所養，因改姓。武帝先娶同郡錢仲方女，早卒，後乃聘后，永定元年立爲皇后。武帝崩，后與中書舍人蔡景歷定計，召文帝及卽位，尊

后爲皇太后，宮曰慈訓。

大建二年崩，諡曰宣。

〔後漢明帝紀〕制曰：朕以虛薄，何以享斯。〔南史〕衡陽獻王昌，字敬業，武帝第六子也。景平拜長城國世子，吳興太守，魏克荊州，與宣帝俱遷長安。武帝卽位，類遣使請宣帝及昌，周人許而未遣。及武帝崩，乃遣之。時王琳作梗，昌不得還，居於安陸。天嘉元年，封衡陽郡王，入境濟江，於中流殞之，使以溺告，諡曰獻。〔漢書〕代王令張武等六人乘六乘傳詣長安。〔魏隸高士傳〕許由，字仲武，堯舜致天下而讓焉，乃退而避耕於中岳潁水之陽箕山之下。〔晉書〕百僚稱上尊號，中宗慨然流涕曰：吾本瓊邪王，諸賢見逼不已，乃呼私奴命駕將返國。〔書洛誥〕周公拜手稽首曰：朕復子明辟。左傳〔宋〕穆公疾，召大司馬而屬殤公焉，曰：先君舍與夷而立寡人，寡人弗敢忘，若以大夫之靈，得保首領，以沒先君，若問與夷，其將何辭以對。

### 封始興王詔

〔南史〕始興王伯茂，字鬱之，文帝弟，二子也。文帝卽位，封伯茂爲始興王。

〔穀梁傳〕兄弟天倫也。〔漢高帝紀〕六年以碭郡、薛郡、鄒郡三十六縣立弟文信君交爲楚王，交、高祖同父少弟也。以雲中、雁門、代郡五十三縣立兄宜信侯喜爲代王，喜卽仲也。〔周禮疏〕天子謂之帝系，諸侯謂之世本，詳登祚詔。〔國語〕變夷要服，戎狄荒服。祭義：霜露既降，君子履之，必有悽愴之心。〔商頌〕寢成孔安。〔說苑〕吾邱子擁籛戴索而哭，對孔子曰：樹欲靜而風不定，子欲養而親不在，往而不來者，年也不可得再見者，親也。〔後漢地理志〕章陵，故春陵，世祖更名。〔明帝紀〕車駕從皇太后幸章

陵觀奮廬。〔陳宣帝紀〕光大二年十一月慈訓太后黜廢帝爲臨海王以帝入纘皇統。〔隋書〕南海郡曲江縣〔注〕奮置始興郡。

### 爲陳武帝卽位告天文

〔湯誥〕敢用玄牡敢昭告于上天神后。〔詩〕皇皇后帝。〔左傳〕云天生民而立之君使司牧之。〔蜀志〕黜周問杜瓊曰昔周徵君羣以爲當塗高者魏也其義何也瓊曰魏闕名也當塗言高聖人取類言爾。〔又〕周嘗書版示文王曰典午忽兮月西沒兮典午者謂司馬也月酉者謂八月也至八月而司馬文王崩。詳策文。〔左傳〕伍員諫吳子曰少康使女艾諜澆使季杼誘豷遂滅過戈復禹之績祀夏配天不失舊物。〔左傳〕楚子投袂而起。〔易坤靈圖〕至德之萌日月若連璧也。〔漢天文志〕漢元年十月五星聚於東井此高皇帝受命之符也。〔纂要云〕五星謂之五緯。〔魏文帝紀〕初漢熹平五年黃龍見譙太史令單颺曰其國後當有王者興不及五十年亦當復見。〔陳武帝紀〕太平元年九月丁未中散大夫王彭騰稱今月五日平旦於御路見龍迹自大社至象闕互三四里。〔張衡靈憲賦〕地有九域山川。〔賈誼過秦論〕有并吞八荒之心。〔左傳〕襄公十一年同盟於亳載書曰羣神羣祀。〔繫辭〕聖人之大寶曰位。〔臯陶謨〕一日二日萬幾。〔陳武帝紀〕梁帝遜於別宮帝謙讓再三羣臣固請乃許之。〔書〕成湯放桀于南巢惟有慙德。

### 梁禪陳策文

〔三皇本紀〕自人皇已後有五龍氏燧人氏大庭氏柏皇氏中央氏卷須氏栗陸氏驪連氏赫胥氏尊盧氏混沌氏吳英氏有巢氏朱襄氏鳧天氏陰康氏無懷氏蓋三皇已來有天下者之號。〔莊子〕容成氏大庭氏結繩而用之。〔晉衛恆書勢〕黃帝之史沮誦蒼

顧眺彼鳥迹始作書契。〔古逸詩〕伯牙水僮操序山林宵冥。〔書五子之歌〕凜乎若朽索之馭六馬。〔孟子〕舜視寒天下猶棄敝屣也。〔逸士傳〕堯之讓許由也由以告巢父巢父曰汝何不隱汝形藏汝光非吾友也乃擊其膺而下之許由悵然不自得乃遇清冷之水洗其耳拭其目曰向者聞言負吾友遂去終身不相見。〔高士傳〕善卷者舜以天下讓之卷遂入深山。〔黃錄〕黃帝坐玄扈洛上與大司馬容光左右輔周昌等百二十人臨觀鳳皇銜圖詣帝前圖以黃金爲押書在璇璣玉衡以齊七政。〔徐廣輿服志〕天子輅金根車。〔竹書紀年〕舜設壇於河依堯故事至於下戾榮光休至黃龍負圖出於壇畔。〔帝王世紀〕後年二月堯率羣臣刻璧爲書東沈洛水。〔竹書紀年〕帝載歌曰龔乎鼓之軒乎舞之菁華已竭褰裳去之。〔書大禹謨〕帝曰格汝禹朕宅帝位三十有三載耄期倦于勤汝惟不忘茲朕師。〔尚書大傳〕十有四祀鍾石笙變聲樂未罷疾風發屋天大雷雨帝沈首而笑曰明哉一人天下也乃見於鍾石。〔尚書大傳〕謗然作大唐之歌按南史本作謗非。〔司馬相如封禪文〕晡昧昭晰〔後漢獻帝紀〕建安二十五年三月改元延康冬十月皇帝遜位魏王丕稱天子奉帝爲山陽公。〔魏志〕陳留王咸熙二年二月使使者奉皇帝璽綬冊禪位於晉嗣王如漢魏故事。〔宋武帝紀〕晉琅邪王元熙二年六月禪位於宋改元永初封晉帝爲零陵王。〔齊高帝紀〕宋順帝昇明三年四月帝禪位於齊改元建元封宋帝爲汝陰王。〔梁武帝紀〕齊和帝中興二年四月下詔禪位改元天監封齊帝爲巴陵王。〔吳志賀齊傳〕齊曰殿下以神武應期廓開王業。〔漢匈奴傳〕王室遂衰戎狄交侵。〔後漢宦者傳論〕魏武因之遂遷龜鼎。〔老子〕聖人在天下慄慄爲天下渾其心。〔注〕慄慄常恐怖也。〔後漢寒朗傳贊〕慄慄楚黎詳梁禪陳詔。〔書〕百姓懷懷若崩厥角。〔書〕次五曰建用皇極。〔東觀漢記〕日角偃月相之極貴。〔晉書載記〕慕容德額有日角偃月重文。〔洛書〕黑帝子湯長八尺一寸珠庭。〔宋武帝紀〕桓玄妻劉氏謂玄曰劉裕龍行虎步恐必不爲人下。〔漢書宣帝紀〕昭帝崩毋嗣大將軍霍光請皇后徵昌邑王賀王受皇帝璽綬光奏王賀淫亂請廢。〔高后紀〕立恆山王弘爲皇帝大臣相與陰謀以爲少帝及三弟爲王者皆非孝惠子復共誅之尊立文帝。〔賈誼疏〕冠雖敝不以直履。〔漢書〕項氏畔換師古曰畔換猶言跋扈也。〔書〕無遠弗届。〔尚書大傳〕舜時蛟魚躍踊于其淵遷虞而事夏也。〔左傳〕申須曰善所以除舊布新也。〔漢

五行志。董仲舒以爲比食又既。象陽將絕。夷狄主上國之象也。〔陳武帝紀〕侯景登石頭城。密謂左右曰。此軍上有紫氣。不易可當。〔又〕帝進軍頓西昌。有黃龍見水濱。〔家語〕武王克商。肅慎氏貢楛矢石弩。詳梁禪陳詔。〔老子〕聖人處上而民不重。處前而民不害。是以天下樂推而不厭。〔左傳〕王孫滿曰。周卜世三十。卜年七百。〔漢劉向疏〕王者必通三統。明天命所授者博。非獨一姓也。〔南史阮孝緒傳〕齊爲木行。

### 陳公九錫文

〔尚書中候〕王至礪溪之水。呂尙釣於崖。王下拜。尙答曰。得玉璜。刻曰。姬受命。呂佐檢德。來昌來提。撰爾錘鈴。報在齊。及佐周克殷。封於齊。〔吳越春秋〕禹案黃帝中經曰。在九疑山東南。天柱號曰委宛。其書金簡。青玉爲字。禹乃求之。夢赤繡文衣男子。自稱玄夷。蒼水使者。候禹。令齊三日。禹乃得書。言治水之要。〔老子〕侯王得一而天下正。〔漢書〕陽九厄曰。初入百六陽九。〔禹貢〕至于碣石入于海。〔孟子〕洪水橫流。〔書〕火炎昆岡。玉石俱焚。〔漢書注〕師古曰。豕韋國。彭姓。〔左傳〕秦伯西戎。晉主東夏。〔齊王融曲水詩序〕跨躡昌姬。〔漢酷吏傳序〕網漏於吞舟之魚。〔詩〕內吳于中國。罩及鬼方。〔晉陸機功臣頌〕茫茫宇宙。上墜下躓。〔莊子〕圓臚方趾。〔南史〕梁武帝太清三年崩。〔列仙傳〕軒轅自擇亡日。與羣臣辭。還葬橋山。山崩棺空。惟有劍焉在棺焉。〔南史〕簡文帝大喪二年崩。〔晉書〕漢主劉聰陷洛陽。遷懷帝於洛陽。太子業卽位於長安。是爲愍帝。劉曜陷長安。送帝於平陽。皆遇害。〔華陽國志〕滇池縣有澤水。周回二百里。似如倒流。故俗曰滇池。〔山海經〕桂林有八樹在番禺東。〔隋書〕熙平郡桂嶺縣。〔注〕舊曰興安。開皇十八年改名。恐非。〔揚雄劇秦美新〕海水羣飛。〔注〕喻大亂也。〔淮南子〕堯使羿殺窳窳。斷修蛇。擒封豨。萬民大悅。〔左傳〕楚子曰。古者明王伐不敬。取其鯨鯢而封之。於是乎有京觀。〔淮南子〕日曙於蒙谷之浦。〔注〕蒙谷。蒙汜之木也。〔南史〕湘東王繹承制。授霸先交州刺史。尋改南江州刺史。與王僧辯擊斬侯景。〔殷本紀〕伊尹放太甲于桐宮。〔漢金日磾傳〕莽何羅。腹白刃。從東廂上。見日磾。色變。行觸寶瑟。儼日磾。掉胡投何羅殿下。得擒縛之。〔公

羊傳。中國不絕若繩也。〔戰國策〕王孫賈入市呼曰。淖齒亂齊國。殺湣王。欲與我誅之者。祖右。乃攻淖齒。殺之。求湣王子法章。共立以爲齊王。保莒城以拒燕軍。〔左傳〕齊侯使管夷吾平戎於王。王以上卿之禮饗管仲。〔南史〕西魏遣于謹入江陵。執元帝。霸先與王僧辯迎元帝于方智。至建業。承制。齊遣高澄送淵明來。主梁嗣。僧辯納之。以方智爲太子。霸先殺僧辯。廢淵明。復立方智。是爲敬帝。〔南史〕孫瓘。盧子雄討李賁。衆潰而歸武林。侯諡譔奏瓘等逗留賜死。子雄弟子略及杜僧佑。周文育等率衆攻廣州。參軍陳霸先帥精甲三千擊破之。釋僧佑。文育爲主帥。〔國語〕吳晉會於黃池。吳王赤旗赤羽之。燭望之如火。〔陸機漢高祖功臣頌〕胡馬洞開。〔家語〕子路曰。願得白羽若月。赤羽若日。〔左傳〕民逃其上曰潰。〔魏王粲從軍詩〕所從神且武。焉得久勞師。〔南史〕武帝大同十年。李賁自稱越帝。置百官。以霸先爲交州司馬。與交州刺史楊曠討賁。賁敗奔嘉寧城。復率衆出屯典澈湖。霸先乘流先進。賁衆大潰。竄入屈獠洞。屈獠斬賁。賁兄天寶收餘兵圍愛州。霸先討平之。〔陳書武帝紀〕十一年六月。軍至交州。賁衆數萬。於蘇歷江口立城柵。以拒官軍。曠推高祖爲前鋒。所向摧陷。賁走典澈湖。於屈獠界立磐。〔隋書〕揚州交趾郡。〔注〕舊曰交州。九真郡。〔注〕梁置愛州。〔漢書〕南海尉任囂病且死。召龍州令趙佗。行南海尉事。高祖定天下。遣陸賈立佗爲南粵王。其後佗乃自尊號南武帝。〔陳琳檄吳文〕跨州連郡。有威有名。十有餘輩。未詳。按〔通鑑〕黃門郎史淑。自長安奔涼州。稱愍帝出降前一日。使淑齎詔賜張寔拜涼州牧。承制行事。先是長安謠曰。秦川中。血沒腕。唯有涼州倚柱觀。及漢兵覆關中。氏羌掠隴右。雍秦之民死者什八九。獨涼州安全。權曰。〔晉王諒傳〕初。新昌太守梁頌自領交趾。〔晉地理志〕新昌郡。吳置。〔宋州郡志〕越獨太守領蘇利長。〔隋書〕交趾郡領嘉寧縣。〔左思魏都賦〕蠻陬夷落。〔注〕陬聚也。〔後漢南匈奴傳〕其大臣貴者左賢王。次左谷蠡王。次右賢王。次右谷蠡王。謂之四角。次左右日逐王。次左右溫禺鞮王。次左右斬將王。是爲六角。皆單于子弟。次第當爲單于者也。〔陸機詩〕余固水鄉土。〔東方朔神異經〕南荒之外有火山。晝夜火然。〔廣州記〕馬援討平交趾。於嶠南立銅柱。以表漢之極界。〔晉書〕交州牧陶璜上言。交廣東西數千里。不實屬者六萬餘戶。服官役纔五千餘家。二州僻處。惟兵是鎮。〔後漢竇融傳贊〕王靈以宣。〔王少頭陀寺碑〕炎區九譯。沙場一候。〔注〕一候者言少邊患。〔周禮〕天府掌祖廟之守藏。與其禁令。〔後漢

百官志。大鴻臚掌諸侯及四方歸義蠻夷。〔晉劉琨傳〕琨枕戈待旦。〔吳越春秋〕句踐反國。飲食必嘗膽。〔漢高帝紀〕吾以布衣提三尺劍取天下。〔酷吏傳〕大將軍光因舉手自撫心曰。使我至今病悖。〔淮南子〕鴻鵠背負青天。鷹擊赤霄。〔陸機辨亡論〕反帝座於紫闥。〔陳武帝紀〕侯景寇逼。帝將赴援。廣州刺史元景仲。陰將圖帝。帝與成州刺史王懷明等馳檄以討景仲。景仲縊於閣下。帝迎蕭勃鎮廣州。〔易〕西南得朋。〔左傳〕韓宣子曰。同惡相求。如市買焉。〔漢書〕父老帥子弟殺沛令。立高祖爲沛公。祠黃帝。祭蚩尤於沛庭而擊鼓。〔後漢光武紀〕光武初騎牛。殺新野尉。乃得馬。〔漢書貨殖傳〕桀黠奴人之所忠。〔隋書〕永安郡。〔注〕後齊置。衡州澧陽郡崇義縣。〔注〕後周置。衡州零陵郡營道縣。〔注〕有九疑山。〔南史〕臨賀內史歐陽頠。監衡州。蘭裕。蘭京。禮扇。誘始興等十郡共攻頠。霸先救之。悉擒裕等。仍監始興郡事。并厚結豪傑。共謀義舉。〔邱遲書〕魚遊於沸鼎之中。〔漢李陵傳〕陵曰。各鳥獸散。猶有得脫。歸報天子者。〔左傳〕晉州綽射殖綽。中肩弛弓而自後縛之。其右具丙亦舍兵而縛郭最。皆衿甲而縛。坐於中軍之鼓下。〔後漢鄭弘傳〕政有仁惠。民稱蘇息。〔陳武帝紀〕蔡路養起兵。據南康。時蕭勃鎮廣州。遣腹心譚世遠爲曲江令。與路養相結。同逼義軍。大寶元年。帝發始興。次大庾嶺。大破路養軍。進頓南康。帝發南康。瀨石舊有二十四灘。灘多巨石。行旅以爲難。帝之發。水暴起數丈。三百里間。巨石皆沒。〔隋書〕揚州南康郡零都縣。〔注〕舊廢。平陳。置南康縣。〔注〕舊曰贛。〔書武成〕爲天下逋逃主。萃淵藪。〔後漢公孫瓚傳〕兵法百樓不攻。吾樓櫓千重。食此谷。足知天下事矣。〔墨子〕公輸般爲雲梯。以攻宋。墨子解帶爲城。以牒爲械。輪般九攻。墨子九拒。〔孫臏傳〕馬陵道狹而旁多阻隘。可伏兵。乃斫大樹白。而書之曰。龐涓死於此樹之下。龐涓果夜至。斫木下。齊軍萬弩俱發。涓乃自剄。曰。遂成孺子之名。〔漢書〕淮南王安使陳喜枚赫作翻車。〔後漢何進傳〕主簿陳琳曰。今將軍龍驤虎步。高下在心。此猶鼓洪爐燎毛髮耳。〔陳書武帝紀〕高州刺史李遷仕據大畢。遣主帥杜平虜帥千人入濊石魚梁。又〔南史〕李遷仕遣主帥杜平虜將兵逼南康。陳霸先遣周文育擊走之。據其城。遷仕復擊南康。霸先遣杜僧明等擒斬之。〔蜀志〕馬騰子超。率諸戎以擊隴上郡縣。據冀城。吏民梁寬等閉城門。乃奔漢中。依張魯。聞先主圍成都。密書請降。〔晉書〕流民四五萬家。一時俱反。以醴陵令杜弢爲湘州刺史。〔李康運命論〕張良受黃石之符。誦三略之說。〔注〕上中下



三計。〔漢書〕陳平六出奇計。〔後漢段熲傳〕張奐又言羌一氣所生不可誅盡山谷廣大不可空靜。〔漢王溫舒傳〕溫舒爲河內太守捕郡中豪猾相連坐千餘家盡十二月郡中無犬吠之盜。〔漢書〕陳勝吳廣聚叢祠中夜篝火狐鳴呼曰大楚興陳勝王。〔爾雅〕大波爲瀾小波爲淪。〔左思吳郡賦〕器械兼儲。〔注〕兼儲蓄積也。〔南史〕王僧辯乘勝下潞城。〔詩〕我庾維億。〔孟子〕草萬人發南康進頓西昌會僧辯於潞城。〔注〕先有糧五十萬石分三十萬以資僧辯于虔等皆棄城走。〔詩〕我庾維億。〔孟子〕草食盡漿以迎王師。〔漢書宣帝紀〕大司農中丞耿壽昌奏設常平倉以給北邊。〔注〕漕從山東西歲百餘萬石更砥柱之艱敗亡甚多。〔漢武帝紀〕舳舻十里。〔注〕其船多前後相衝不絕。〔又〕酈食其曰夫放倉天下轉輸久矣臣聞其下藏粟甚多。〔吳都賦〕戶有庠渠。〔注〕盾名。〔詩〕貝冑朱紱。〔左傳〕王子虎盟諸侯於王庭。〔注〕昔樊王室。〔又〕師克在和不在衆。〔梁元帝玄覽賦〕沿鶴塞於潯陽。〔漢書〕沛公從百餘騎至鴻門謝羽。〔左傳〕公子曰所不與舅氏同心者有如白水。〔後漢書〕銅馬降蕭王輕騎入其營渠帥曰王推赤心置我腹中安得不投死乎。〔南史〕湘東王命僧辯等東擊侯景舳舻數百里。〔注〕蕭王先率甲士三萬舟艦二千自南江出潞口會僧辯築壇歃血共讀盟文流涕慷慨。〔漢外戚傳注〕師古曰舳短闕也。〔漢書〕匈奴有左賢王右賢王。〔左傳〕晉中行穆子敗無終及羣狄於太原。〔注〕原爲五陳以相離兩於前伍於後專爲右角參爲左角偏爲前拒以誘之。〔漢書〕匈奴之革箭木薦弗能支孟康曰木薦以木版作如盾。〔漢匈奴傳〕自君王以下咸被虜裘。〔司馬相如上林賦〕他他藉藉填阨滿谷。〔晉惠帝紀〕永寧元年趙王倫篡位齊王冏起兵討倫成都王穎河間王顥常山王乂新野公歆皆舉兵應之倫遣其將孫輔出鄂坂以拒冏。〔左傳〕西鉏吾曰今將崇諸侯之姦而披其地以塞夷庚。〔注〕夷庚吳晉往來之道也。〔南史〕侯子鑿據姑孰南洲以拒西師僧辯等至子鑿帥步騎挑戰又以鵝舳十艘載戰士僧辯麾細船皆退留大艦夾泊兩岸子鑿之衆謂水軍欲退徑出趨之大艦斷其歸路鼓譟大呼合江中子鑿大敗僅以身免。〔左傳〕子犯曰表裏山河必無害也。〔漢朔通傳〕金城湯池不可攻也。〔西京賦〕疏龍首以抗殿。〔注〕龍首山名。〔過秦論〕斬華爲城。〔博物志〕地有三千六百軸。〔禮記〕軍容不入國。〔後漢光武紀〕司隸官屬衣冠制度皆如舊儀父老舊吏見之莫不垂涕悲喜。〔左

傳。白公勝作亂，葉公至北門，或遇之，曰：君胡不胄？盜賊之矢若傷君，是絕民望也。乃胄而進，又遇一人，曰：君胡不圍？國人若見君面，是得艾也。乃免胄而進。〔南史〕景兵敗入櫓，其將盧暉略以石頭降，僧辯入據之，景與霸先殊死戰，衝鋒不動，景衆大潰。〔南史〕齊將潘樂、侵梁、圍秦郡，霸先與戰，破之，斬首萬餘級。〔晉書〕鮮卑、東胡種名。〔齊神武帝紀〕神武既累世北邊，故習其俗，遂同鮮卑。〔漢書注〕且渠，當戶匈奴官名。〔漢李廣傳〕上使中貴人從廣，服虔曰：內臣之貴幸者。〔魏志梁習傳〕名王稽類。〔左傳〕司馬侯曰：冀之北土，馬之所生。〔晉劉琨傳〕中夜奏胡笳，賊皆流涕。〔左傳〕逢丑父與公易位，將及華泉，驂絙於木而止。〔左傳〕戰於韓原，晉戎馬還薄而止。〔左傳〕襄十四年，衛孫林父甯殖出其君衍，二十六年，甯喜弑其君剽。〔左傳〕疆場無主，則啓戎心。〔南史〕廣陵，喬人朱盛等潛聚黨，謀襲殺齊刺史溫仲邕，遣使求援，霸先因進軍圍廣陵，齊主來告曰：請釋廣陵之圍，必歸廣陵，歷陽兩城，霸先引兵還京口，江北之民從之，濟江者萬餘口。〔孫盛晉陽秋〕秦始皇時，望氣者言：五百年後，金陵之地有天子氣，於是改金陵曰秣陵。〔晉書〕諸葛亮造八陣圖。〔左傳〕齊惠鑾高之難，公使王黑以靈姑鈺率請斷三尺焉而用之。〔左傳〕乘邱之役，公以金僕姑射南宮長萬。〔漢書〕李廣曰：吾爲隴西守，羌常反，吾誘降者八百餘人，詐而同日殺之。〔南史〕諺：秦刺史徐嗣徽、南豫州刺史任約，襲建康不克，入於石頭以叛，十一月，齊遣兵援之，霸先及齊人戰敗之，嗣徽約奔齊。〔說苑談叢篇〕梟逢鳩，梟曰：我將東徙，鳩曰：何故？梟曰：鄉人皆惡我，鳴以故，東徙，鳩曰：子能更鳴可矣，不能更鳴，東徙猶惡子聲。〔左傳〕富辰曰：狄固貪恠。〔左傳〕楚子文曰：諺曰：狼子野心。〔漢西域傳〕公主歌曰：穹廬爲室，旃爲牆。〔漢高帝紀〕蕭何治未央宮，立東闕、北闕、前殿。〔漢書〕帝得烏孫馬，好名曰天馬。〔晉書〕周訪討杜曾，使李桓督左甄，許朝督右甄。〔東京賦〕鸛鶴魚麗，箕張翼舒。〔爾雅〕葦星爲機槍。〔詩〕薄伐獫狁。〔左傳〕獲長狄僑如，埋其首於子駒之門。〔漢書〕李陵、衛律皆胡服，椎結。〔白起傳〕趙括軍敗，卒四十萬人降，起乃挾詐盡阬殺之。〔漢高帝紀〕羽敗漢兵濼水上，水爲之不流。〔易〕鼎折足。〔左傳〕公尹路請曰：君王命剝圭以爲鍼，秘敢請命。〔詩〕鉦人伐鼓。〔說文云〕鉦，鏡也，似鈴，柄中上下通，所以止鼓。〔魏略〕王凌自知罪重，試索棺釘以觀太傅意，太傅結之，遂自殺。〔左傳〕許男面縛，衛嬖大夫衰絰，士輿襪，楚子焚其襪，禮而命。

之。〔後漢光武紀〕誅王郎。收文書。得吏人與郎交關謗毀者數千章。光武燒之曰。令反側子自安。〔南史〕前青州刺史程靈洗。率兵救僧辯。力戰軍敗。久之乃降。霸先義之。〔左傳隱公四年〕衆仲曰。州吁阻兵而安忍。〔左傳〕子桑曰。史佚有言曰。無始禍。無怙亂。無重怒。〔揚子〕洪荒之世。詳梁禪陳文。〔左傳〕呂相絕秦曰。虔劉我邊陲。〔南史〕霸先。吳興長城下若里人。自云漢太邱長寔之後。〔左思蜀都賦〕揚雄含章而挺生。〔詩〕維桑與梓。必恭必敬。止。〔尚書〕元惡大憝。〔老子〕治大國如烹小鮮。〔南史〕杜龕據吳興以叛。霸先表自東討。仍還都。命周文育進討。龕以城降。誅之。〔後漢光武紀〕五校賊帥高扈。〔袁紹傳〕紹擊賊劉石。青牛角。黃龍。左校郭大賢。李大目。于氏。娘等。〔魏陳琳檄吳文〕七國之兵。瓦解冰泮。〔水經注〕會稽山東有礪。去禹廟七里。深不見底。謂之禹井。〔劉獻定軍禮〕吳王夫差。啓蛇門以厭越人。越爲雷門以禳之。擊大鼓於雷門之下。而蛇門閉焉。〔南史〕東揚州刺史張彪圍臨海太守王懷振於剡巖。霸先遣兄子裔。周文育襲會稽。討彪。若邪村人斬彪。傳首建業。〔漢吳王濞傳〕以賈益爲泰常。使吳王聞袁盎來。笑而應曰。我已爲東帝。尙誰拜。〔晏子春秋〕不出尊俎之間。折衝千里之外。寇恂。賈復。光武功臣。樊噲。滕公。夏侯嬰。高帝功臣。〔漢書〕武帝有下瀨將軍。〔說文〕搃。搃也。〔書盤庚〕其猶可撲滅。〔周禮甸師〕王之同姓有罪。則死刑焉。〔後漢馬援傳〕交趾女子徵則。徵貳反。拜援爲伏波將軍。大破之。封新息侯。〔南史〕蕭勃起兵於廣州。遣歐陽頔及其將傅泰。蕭孜爲前軍。南江州刺史余孝頃以兵會之。霸先命周文育。由間道兼行。據頔及孜。泰。孝頃之間。築城塞土。頔等大駭。文育遣周磯。虎等襲頔。擒之。文育盛陳兵甲。與頔乘舟而宴。巡邏口城下。使其徒丁法洪攻泰。擒之。孜。泰。孝頃退走。勃軍聞之。恟懼。遂殺勃。〔隋書〕揚州豫章郡豫章縣。〔注〕舊置豫章郡。〔左傳〕太叔完聚繕甲兵。〔隋書〕揚州南海郡。〔注〕舊置廣州。梁陳並置督府。〔漢書〕武帝時。南粵相呂嘉反。秋。命衛尉路博德爲伏波將軍討之。得嘉。爲臨蔡侯。〔又〕吳王濞兵敗。亡走東越。東越縱殺吳王。盛其頭馳傳以聞。〔魏文帝紀〕帝聞備兵東下。與權交戰。樹柵連營七百餘里。謂羣臣曰。豈有七百里營。可以拒敵者乎。孫權上事。今至矣。後七日破備書到。〔南史〕周文育送頔等於建康。霸先釋而厚待之。孜。孝頃猶據石里。多設船艦。夾水而陣。霸先遣侯安都助文育擊之。安都潛師燒其船艦。水陸攻之。孜出降。孝頃逃歸。霸先以頔聲著。南土復以爲衡州刺史。使討嶺。

南未至。其子紇已克始興。頌至。諸郡皆降。遂克廣州。〔淮南子〕九州之外有八埏。八埏之外有八紘。八紘之外有八極。〔鮑昭無城賦〕出入三代五百餘載。竟瓜剖而豆分。〔魏志注〕令曰。設使國家無有孤。不知當幾人稱帝。幾人稱王。〔魏略〕王凌面縛水次曰。卿特折簡召我。我何敢不至。而乃引兵來乎。司馬宣王曰。以卿非折簡可呼故也。〔晉陽秋〕劉弘爲荊州刺史。或曰。得劉公一紙書。賢於十部從事也。〔淮南子〕日出於陽谷。浴於咸池。〔西域傳〕無雷國王治盧城。去長安九千九百五十里。淮南子凡海外三十六國。自西北至西南方。有女子民丈夫民。〔山海經〕丈夫國。在維島北。其爲人衣冠帶劍。〔北史〕齊永元元年。扶桑國有沙門懸深來云。扶桑東千餘里有女國。二三月競入水。則任娠。六七月產子。女人胸前無乳。頂後生毛。根白毛中有汁。以乳子。百日能行。三四年則成人。〔漢司馬相如傳〕匈奴單于怖駭。屈膝受之。交臂請和。〔穆天子傳〕乃膜拜而受。〔注〕今之胡人禮佛。舉手加額。稱南膜者。卽此也。〔漢書〕宣帝甘露二年。匈奴呼韓邪款五原塞。願奉國珍朝。〔南史〕敬帝太平二年。領軍將軍徐度。燒齊船。三千艘。夏四月。齊遣使通和。〔漢張良傳〕沛公入秦宮殿。帷帳狗馬重寶。婦女以千數。欲留居之。〔晉王延壽魯靈光殿賦序〕靈光巋然獨存。〔趙世家〕武靈王召樓緩謀曰。吾欲胡服。〔莊子〕趙太子惲謂莊周曰。吾主所見劍士。皆縵胡之纒。〔漢王莽傳〕莽好厚履高冠。以蓋裝衣。〔尚書大傳〕微子朝周。過股故墟。見麥秀之蘩蘩兮。禾黍之蠅蠅也。曰。此故父母之國。乃爲麥秀之歌。〔詩〕彼黍離離。〔南史〕侯景東奔。王克開壘城門。引裴之橫入宮。是夜遺燼燒太極殿。及東西堂。延閣。祕署皆盡。羽儀輦輅。莫有子遺。〔書太甲〕先王昧爽。丕顯。坐以待日。〔淮南子〕日經於泉隅。是謂高春。〔書無逸〕文王自朝至于日中。仄不遑暇食。用成和萬民。〔漢鄒陽傳〕孝文皇帝據關入立。寒心銷志。不明求衣。秦始皇。晉武帝年號。永平。後漢明帝年號。〔南史〕敬帝太平元年。起靈龍神武門。二年。繕廟堂。供備祀典。〔漢王吉傳〕敵一世之民。樹之仁壽之城。〔老子〕上德不德。是以有德。〔詩〕敦彼行葦。牛羊勿踐履。〔蔡邕獨斷〕黃帝樂曰雲門。堯樂曰咸池。〔漢書〕猗頓用鹽。鹽起。與王者埒富。〔揚雄太玄〕紫霓喬雲。〔晉張華傳〕妙達緯象。〔左傳〕楚子使與師言。管仲對曰。賜我先君履。東至於海。西至於河。南至於穆陵。北至於無棣。〔又〕吳公子札來聘。爲之歌。齊曰。美哉泱泱乎。大風也哉。表東海者。其太平乎。〔又〕衆仲曰。胙之土而命之氏。〔又〕子犯曰。求諸

侯莫如勤王。(又)展喜對曰。昔周公太公。股肱周室。夾輔成王。(詩)王命召虎。式辟四方。(三皇本紀)女媧鍊五色石以補天。斷鼈足以立四極。聚蘆灰以止滔水。(淮南子)禹鑿龍門。平水土。民乃得而陸處。(後漢謝弼傳)爵賞之設。必酬庸勳。

(後漢章帝八王傳)仰恃明主。垂拱受成。(隋書)揚州淮南郡。(注)舊曰豫州。梁曰南豫州。廬江郡。(注)梁置南豫州。宣城郡。(注)舊置南豫州。淮南郡。安豐縣。(注)梁置陳留。安豐二郡。丹陽郡。江寧縣。(注)梁置丹陽郡及南丹陽郡。陳省南丹陽郡。

宣城郡。宣城縣。(注)舊曰宛陵。置宣城郡。丹陽郡。(注)自東晉已後置。宋曰揚州。吳郡。烏程縣。(注)舊置吳興郡。會稽郡。(注)梁置東揚州。陳初省。遂安郡。雒山縣。(注)舊置新安郡。信都郡。新興縣。(注)梁置新州。新寧郡。(宋書州郡志)晉安帝始分

淮北爲北徐。淮南猶爲徐州。後又以幽冀合徐。青并合兗。武帝永初二年。加徐州曰南徐。而淮北但曰徐。文帝元嘉八年。更以江北爲南兗州。江南爲南徐州。治京口。割揚州之晉陵。兗州之九郡。僑在江南者。屬焉。故南徐州備有徐。兗。幽。冀。青。并。揚。七州郡邑。(隋書)荊州

九江郡。(注)舊置江州。揚州。郡陽郡。郡陽縣。(注)舊置郡陽郡。臨川郡。臨川縣。(注)舊置臨川郡。(漢齊懷王傳)小子閔。受

茲青社。張晏曰。王者以五色土爲大社。封四方諸侯。各以其方色土與之。苴以白茅。歸以立社。(燕世家)成王時。召公爲三公。自陝

以西。召公奭主之。自陝以東。周公旦主之。(左傳)鄭武公。莊公爲平王。卿士。桓公曰。我周之東遷。管邠焉依。(南史)王瑒字子

瑛。梁元帝時。位太子中庶子。陳武帝入輔。以爲司徒左長史。(漢文帝紀)與郡守爲銅虎符。竹使符。應邵曰。銅虎符第一。至第五。國

家當發兵。遣使者至郡。合符。符合乃聽受之。竹使符者。以竹箭五枚。長五寸。鐫刻篆書。第一至第十。(管子)禮義廉恥。國之四維。

(周禮)天官冢宰。以八柄詔王。馭羣臣。(漢王莽傳)鸞路乘馬。戎路乘馬。(注)師古曰。鸞路。路車之施鸞者也。四馬曰乘。戎路

戎車也。(漢王莽傳)袞冕衣裳。句履。(注)孟康曰。今齋祀履。句頭飾也。出履二寸。(漢丙吉傳)吉曰。三公調和陰陽。(文

選潘岳魏公九錫文)(注)軒縣。諸侯樂也。(左傳)隱公始用六佾。(周禮)鞀。韞氏掌四夷之樂。(又)象胥氏。掌蠻夷閭

館。戎狄之國。(漢王莽傳)朱戶納陛。(注)師古曰。尊者不欲露而升陛。故納之於簷下也。(文選注)朱戶。天子禮也。(史記

蔡澤傳)不出廊廟。(書)光被四表。(文選注)虎賁。言其猛也。皆百夫長。(堯典)象恭滔天。(左傳)無或如臧孫紇。干

國之紀。〔漢王莽傳〕左建朱鉞右建金鉞。〔注〕師古曰鉞威皆斧屬。〔漢王莽傳〕彤弓矢盧弓矢。〔注〕師古曰彤赤色盧黑色。旅音盧。〔孝經〕夫孝天之經也地之義也。〔祭義〕春雨露既濡君子履之必有怵惕之心如將見之。詳封始興王詔。酒也。甫中尊也以圭爲勺末。〔書說命〕格于皇天。〔注〕師古曰。柜鬯香。

### 陳武帝下州郡璽書

〔詩〕天降喪亂。〔晉佛圖澄傳〕劉載已死載從弟曜篡僞位。〔後漢書〕獻帝興平二年三月李傕脅帝幸其營焚宮室郭汜攻李傕矢及御前明年正月改元建安。〔晉書〕懷帝永嘉五年劉聰使呼延晏等陷洛陽遷帝於平陽遇害。〔周本紀〕命南宮括史佚展九鼎寶玉。〔周禮〕冬日至祀天於圜丘。〔晉王濟傳〕設宿部分行有次第。〔陳武帝紀〕永定元年冬十月乙亥皇帝卽位於南郊柴燎告天先是氛霧雨雪晝夜晦冥至是日景氣清晏。〔管子〕盛魄重輪六合俱照非日月能乎。〔呂氏春秋〕水之美者有三危之露。〔漢書〕太初歷晦朔望皆最密日月如合璧。詳梁禪陳詔。〔左傳〕鄭國多盜取人以萑蒲之澤。〔書〕戎商必克。

### 梁禪陳璽書

〔書〕萬邦黎獻共惟帝臣。未詳按〔帝王世紀〕黃帝於東海流波山得奇獸狀如牛蒼身無角能走出入水則風雨目光如日月其音如雷黃帝殺之以其皮爲鼓開五百里。〔神異經〕窮奇鏗牙鈎爪遇忠信之人則噬而食之。〔魏略〕侍中陳羣尙書桓階奏曰尺土一民皆非漢有。〔佐助期〕漢以蒙孫亡說者以蒙孫漢二十四帝童蒙昏愚以弱亡。〔高士傳〕舜以天下讓支伯支伯遂不知所之。〔張衡東京賦〕高祖膺籙受圖。〔左傳〕僖公二十五年秦晉遷陸渾之戎於伊川。〔左傳〕晉伐驪戎。

〔注〕杜預曰。驪戎在京兆新豐縣。〔漢書〕中山王勝對曰。文王拘於羑里。〔張衡東京賦〕治致升平之德。〔漢王莽傳〕策羣司曰。赤煒頌平。考聲以律。〔詩〕零露瀼瀼。〔論衡〕甘露味如蜜。王者太平之應。〔左傳〕楚子革曰。昔穆王欲肆其心。周行天下。皆將必有車轍馬迹焉。〔史記顛項紀〕北至幽陵。南至交趾。西至流沙。東至蟠木。動靜之物。小大之神。莫不砥屬。〔後漢光武紀〕同舍生彌華。奉赤伏符至曰。劉秀發兵。捕不道。〔魏志〕太祖武皇帝。沛國譙人。諱操。字孟德。初桓帝時。有黃星見於楚宋之分。遼東殷雋。善天文。言後五十年。當有真人起於梁沛之間。至是而公始起。〔孝經援神契〕孔子海口含海。劉峻辨命論。河目龜文。公侯之相。〔屈原離騷〕攝提貞於孟陬。〔注〕攝提。星名。隨斗柄以指十二辰者也。正月爲陬。〔天官書〕項羽拔鉅鹿。在矢西流。天狼下有四星。曰弧合誠圖曰。弧主司兵。兵弩象也。〔淮南子本經訓〕夷羊在牧。〔注〕許慎曰。夷羊。土神。商之將亡。見於商郊。牧野之地。〔孝經援神契〕德至淵泉。則黃龍見。〔袁宏漢紀〕獻帝詔曰。炎精之數。既終。行運在乎曹氏。〔通考〕自魏以後。始有九品之制。以辨官位之高卑。北魏以九品分正從。梁分十八班。諸亭侯十班。詳九錫文。

## 徐孝穆集後跋

余讀史至魏晉而下。未嘗不廢書三歎也。南北朝凡九君。皆假唐虞之名。行篡竊之舉。沿習成風。遂成故事。故有生生世世不願生帝王家者。遂至禪詔出諸袖中。朝比肩而暮北面。其端肇於新莽。而成於晉魏。可鄙可痛。莫斯爲甚。善乎石勒之言曰。大丈夫當光明磊落。無效曹孟德欺人孤寡。以狐媚取天下也。顯令箋注徐庾兩家。獨不及禪代諸製。意在斯乎。吾門徐子大文。沉深嗜古。見徐庾箋注。心焉慕之。欲補其闕略。蓋以春秋之文。美惡同辭。陳詩之義。勸戒並設。且一書之中。而箋注家偏有未備。俾覽者終茫昧焉。有難恕置也。於是旁搜博采。以附卷末。名曰備考。而質之余。余謂顯令。維世之志也。足以立廉隅。大文。論世之志也。足以鏡得失。各自有當耳。昔梁簡文答湘東王書云。文章未墜。必有英絕領袖之者。今以徐子之趣向。而又能信好。將來縱橫藝苑。馳騁志林。豈曰孝穆才情。僅嫺宮體而已哉。刻既成。因書數言以報之。筭水陳銳穎長氏識。